



СЛУЖБА  
МІРСКИМЪ ЧИНОМЪ

РѸССКІЙ СЛУЖИТЕЛЬ  
Санктъ-Петербургъ

ПЕЧАТЬ ПОЗВОЛЯЕТСЯ,  
*Архієпископъ Софроній.*

Печатано съ Часовника, 1640 г., Шестоднева, 1651 г.,  
Воскресной службы, Новозыбковъ, 1997 г.

## ПРЕДИСЛОВІЕ

**Б**огослуженія, напечатанныя въ этомъ послѣдованіи, взяты всѣ изъ Древлеправославныхъ книгъ.

Въ изданіе включены: Воскресный кругъ богослуженія, Пасхальное богослуженіе въ Пасхальную ночь, примѣнительные къ домашней молитвѣ, воскресные каноны 8-и гласовъ на Павечерницѣ, Воскресной полунощницы и на Утрени.

Каждый христіанинъ обязанъ въ субботу вечеромъ и въ воскресенье утромъ участвовать въ церковныхъ богослуженіяхъ. Если же кто не имѣетъ возможности быть въ храмѣ, онъ можетъ помолиться, творя службу воскреснаго дня, помѣщаему въ сей книгѣ. Въ случаѣ болѣзни допускается читать молитвы сидя или лежа, но совѣмъ оставлять ихъ нельзя.

По уставу слѣдуетъ Вечерню и Павечерницу совершать съ вечера накануне воскреснаго дня. Полунощницу, Утрени, Часы и Обѣдницу совершаютъ утромъ въ воскресенье.

Начиная молитву и по совершеніи ее слѣдуетъ творить поклоны, какъ изложено въ началѣ Вечерни и Павечерницы. Въ началѣ молитвы эти поклоны называются приходными, а въ концѣ — исходными поклонами.

Вѣрующимъ сія книга полезна для усвоенія послѣдовательности богослуженія и ознакомленія съ тѣми или иными молитвами и пѣснопеніями богослужебнаго чина.

Тотъ кто разбирается въ богослужебныхъ книгахъ, стихѣры, сѣдальны, тропари, кондаки, прокимны воскреснаго богослуженія 6-го гласа замѣняетъ по гласу недѣли, указаннаго въ Православномъ календарѣ.

При возникновеніи тѣхъ или иныхъ вопросовъ, связанныхъ съ уставнымъ чинопослѣдованіемъ, необходимо обратиться за разъясненіемъ къ вѣрующимъ, знающимъ богослужебный уставъ.



## ВОСКРЕСНАЯ СЛУЖБА ВЕЧЕРНЯ

*Передъ началомъ Вечерни творятъ приходные поклоны:*

**Боже, милостивъ буди мнѣ грѣшному (поклонъ).**

Создавши мя, Господи, помилуй мя (поклонъ).

Безъ числа согрѣшихъ, Господи, помилуй и прости мя грѣшнаго (поклонъ).

Достойно есть яко воистину блажити Тя Богородице, Присноблаженную и Пренепорочную и Матерь Бога нашего. Честнѣйшую Херувимъ и славнѣйшую воистину Серафимъ, безъ истленія Бога Слова рождшую, сущую Богородицу Тя величаемъ (поклонъ до земли).

Слава Отцу и Сыну и Святому Духу (поклонъ), и нынѣ, и присно, и во вѣки вѣкомъ, аминь (поклонъ). Господи помилуй, Господи помилуй, Господи благовослови (поклонъ).

Господи Исусе Христе Сыне Божій, молитвъ ради Пречистыя Твоея Матере, силою честнаго и животворящаго Креста и святаго ангела моего хранителя и всѣхъ ради святыхъ, помилуй и спаси мя яко Благъ и Человѣколюбецъ. Аминь (поклонъ до земли безъ крестнаго знаменія).

**Боже, милостивъ буди мнѣ грѣшному (поклонъ).**

Создавши мя Господи, помилуй мя (поклонъ).

Безъ числа согрѣшихъ, Господи, помилуй и прости мя грѣшнаго (поклонъ).

## Вечерня

### *Начало Вечерни.*

За молитвъ святыхъ Отець нашихъ, Господи Иисусе Христе Сыне Божій, помилуй насъ. Аминь.

Царю Небесный, Утѣшителю, Душе истинный, иже вездѣ сый и вся исполняя, Сокровище благихъ и жизни Подателю, прииди и вселися въ ны и очисти ны отъ всякія скверны, и спаси Блаже душа наша.

Святый Боже, Святый Крѣпкій, Святый Безсмертныи, помилуй насъ *(3 раза съ поклонами)*.

Слава Отцу и Сыну и Святому Духу, и нынѣ и присно и во вѣки вѣкомъ, аминь.

Пресвятая Троице помилуй насъ, Господи очисти грѣхи наша, Владыко прости беззаконія наша, Святый посети и исцѣли немощи наша, имене Твоего ради.

Господи помилуй *(3 раза)*.

Слава Отцу и Сыну и Святому Духу, и нынѣ и присно и во вѣки вѣкомъ, аминь.

Отче нашъ, иже еси на небесехъ, да святится имя Твое, да приидетъ Царствіе Твое, да будетъ воля Твоя яко на небеси и на земли, хлѣбъ нашъ насущный даждь намъ днесь, и остави намъ долги наша, якоже и мы оставляемъ должникомъ нашимъ, и не введи насъ во искушеніе, но избави насъ отъ лукаваго.

Господи Иисусе Христе Сыне Божій, помилуй насъ, аминь.

Господи помилуй *(12 разъ)*.

**Слава, и нынѣ.**

Приидите поклонимся Цареву нашему Богу *(поклонъ)*.

Приидите поклонимся Христу Цареву и Богу на-

шему (*поклонъ*).

Приидите поклонимся и припадемъ къ Самому Господу Иисусу Христу Цареву и Богу нашему (*поклонъ*).

*Псаломъ 103.*

Благослови душе́ моя Господа. Господи Боже мой, возвели́чился еси зѣло. Во исповѣданіе и въ велелѣпотуся облече́. Одѣяися свѣтомъ яко ризою, пропина́яи небо яко кожу. Покрыва́яи водами превы́спреняя Своя, полага́яи облаки на восхождение́ Свое, ходя́и на крилу́ вѣтреню. Творяи ангелы Своя духи, и слуги́ Своя огонь паля́щъ. Основая́и зѣмлю на тверди Своей, не преклоні́тся въ вѣкъ вѣка. Бездна яко риза одѣяніе ея. На горахъ стануть воды. Отъ запрещенія Твоего побѣ́гнутъ, отъ гласа грома Твоего устрашатся. Восхо́дятъ горы и нисхо́дятъ поля, въ мѣсто еже основалъ еси имъ. Предѣль положи́ его же не пре́йдутъ, ниже́ обратятся покрыти землю. Посыла́я источники въ дебрѣхъ, посредѣ горъ про́йдутъ воды. Напая́ютъ вся звѣри сѣльныя, ждуть она́гри въ жажду свою. На ты птицы небесныя привита́ютъ, отъ среды́ ка́менія дадутъ гласъ. Напая́я горы отъ превы́спренихъ Своихъ, отъ плода́ дѣль Твоихъ насы́тится земля. Прозяба́я па́жити ското́мъ, и траву́ на службу чело́вкомъ, извѣсти́ хлѣ́бъ отъ земли. И вино веселитъ сердце чело́вѣку. Ума́стити лице́ еле́омъ. И хлѣ́бъ сердце чело́вѣку укрѣ́питъ. Насы́тятся древа́ польская́, кедри ливаньсти́и, ихъ же еси насадилъ. Ту птицы вогнѣ́здытся, еродіево жилище обладаетъ ими. Горы высокія еленемъ, камень прибѣ́жище зя́цемъ. Сотворилъ еси луну во времена́, солнце позна́ западъ

## Вечерня

свой. Положи тму и бысть ночь, въ ней же пройдутъ вси звѣріе дубравніи. Скімни рыкающе восхитити, и испросити отъ Бога пищу себѣ. Возсія солнце и собращася, и въ ложахъ своихъ лягутъ. Изыдетъ человекъ на дѣло свое, и на дѣланіе свое до вечера. Яко возвеличишася дѣла Твоя Господи, вся премудростію сотворилъ еси. Исполнися земля твари Твоея. Се море велико и пространно, ту гади имъ же нѣсть числа, животна малая съ великими. Ту кораблі преплávajíтъ, змій сей, его же созда ругатися ему. Вся къ Тебѣ чають, дати пищу имъ во благо время, давшу Тебѣ имъ соберутъ. Отвѣрзшу Тебѣ руку, всяческая исполнятся благи. Отвращьшу же Тебѣ лице возмьются, отъимеши духи ихъ и исчезнутъ, и въ персть свою возвратятся. Послещи духъ Свой и соизждутся, и обновиши лице земли. Буди слава Господня во вѣки, возвеселится Господь о дѣлѣхъ Своихъ. Призираяи на землю и творя ю трястися, прикасаея горамъ и воздымаются. Воспою Господеви въ животѣ моемъ, пою Богу моему дондеже есмь. Да насладится Ему бесѣда моя, азъ же возвеселюся о Господѣ. Скончаются грѣшницы отъ земли и беззаконницы яко не быти имъ, благослови душе моя Господа.

Яко возвеличишася дѣла Твоя Господи, вся премудростію сотворилъ еси.

**Слава, и нынѣ.**

Аллилуія, аллилуія, слава Тебѣ Боже *(3 раза съ поклонами)*.

Господи помилуй *(12 разъ)*.

**Слава, и нынѣ.**

*Каѳизма 1.*

*Псаломъ 1.* Блаженъ мужъ, иже неиде на совѣтъ нечестивыхъ, и на пути грѣшныхъ не ста, и на сѣдалищи губитель не сѣде. Но въ законѣ Господни воля его, и въ законѣ Его поучится день и ночь. И будетъ яко древо саждено при исходящихъ водъ, еже плодъ свой дастъ во время свое. И листь его не отпадѣтъ, и вся елика аще творитъ успѣетъ. Не тако нечестивіи не тако, но яко прахъ, его же возметаѣтъ вѣтръ отъ лица земли. Сего ради не воскреснутъ нечестивіи на судъ, ни грѣшницы въ совѣтъ праведныхъ. Яко свѣсть Господь путь праведныхъ, и путь нечестивыхъ погібнетъ.

*Псаломъ 2.* Вскую шаташася языцы, и людіе поучишася тщѣтнымъ. Предсташа царіе зѣмстїи. И князи собрашася вкупѣ, на Господа и на Христа его. Расторгнемъ узы ихъ, и отвержемъ отъ насъ иго ихъ. Живыи на небесѣхъ посмѣетъ имъ, и Господь поругаетъ имъ. Тогда возглаголетъ къ нимъ гнѣвомъ Своимъ, и яростію Своею смутитъ я. Азъ же поставленъ есмь царь отъ Него надъ Сїономъ горою святою Его, возвещая повелѣніе Господне. Господь рече ко мнѣ, сынъ Мой еси ты, Азъ днесъ родихъ тя. Проси отъ Мене, и дамъ ти языки достояніе твое, и одержаніе твое концы земли. Упасеши я палицею желѣзною, яко сосуды скудѣлнича сокрушиши я. И нынѣ царіе разумѣйте, накажітеся вси судящіе земли. Работайте Господеви со страхомъ и радуйтеся Ему съ трепетомъ. Примите наказаніе, да некогда прогнѣвается Господь, и погібнете отъ пути праведнаго, егда возгорится вскорѣ ярость Его. Блажени вси надѣющіися нань.

*Псаломъ 3.* Господи, чтося умножиша стужающіи



ми, мнози востають на мя. Мнози глаголють души моея, нѣсть спасенія ему въ Бозѣ его. Ты же Господи заступникъ мой еси, слава моя, и вознося главу мою. Гласомъ моимъ ко Господу возвахъ, и услыша мя отъ горы святыя Своея. Азъ уснухъ и спяхъ востахъ, яко Господь заступитъ мя. Не убоюся отъ темъ людей, окрестъ нападающихъ на мя. Воскресни Господи, спаси мя Боже мой. Яко Ты порази вся враждующія ми всуе, зубы грѣшникомъ сокрушилъ еси. Господне есть спасеніе, и на людехъ Твоихъ благословеніе Твое.

**Слава, и нынѣ.**

Аллилуія, аллилуія, слава Тебѣ Боже *(3 раза съ поклонами)*.

Господи помилуй *(3 раза)*.

**Слава, и нынѣ.**

*Псаломъ 4.* Внегда возвахъ, услыша мя Боже правды моея, въ скорби распространилъ мя еси. Ущедри мя, и услыши молитву мою. Сынове чловѣчестіи, доколѣ тяжкосердіи, вскую любите суетная и ищите лжи. И увѣдите яко удиві Господь преподобнаго Своего, Господь услышитъ мя внегда взову къ Немю. Гнѣвайтесь, и не согрѣшайте, яже глаголете въ сердцыхъ вашихъ, на ложахъ вашихъ умилітесе. Пожрите жертву правдѣ и уповайте на Господа, мнози глаголють, кто явитъ намъ благая. Знаменася на насъ свѣтъ лица Твоего Господи, далъ еси веселіе въ сердцы моемъ. Отъ плода пшеницы, вина, и елея своего умножишася. Въ мирѣ вкупѣ усну и почию. Яко Ты Господи единого на упованіе вселілъ мя еси.

*Псаломъ 5.* Глаголы моя внуши Господи, разу-

мѣи званіе мое. Вонми́ гласъ молитвы моея, царю мой и Боже мой. Яко къ Тебѣ помолюся Господи, заўтра услыши гласъ мой. Заўтра предстану Ти и ўзриши мя, яко Богъ не хотѣи беззаконіе, Ты еси. Не прійдетъ къ Тебѣ лукавнуйи, ни пребудутъ же законопреступницы предъ очима Твоима. Возненавидѣлъ еси вся творящыя беззаконіе, погубиши вся глаголющыя лжу. Мужа крѣви и льстива гнуша́ется Господь. Азъ же мно́жествомъ мѣлости Твоея, вни́ду въ домъ Твой, поклоню́ся къ церкви святей Твоей въ стра́сѣ Твоемъ. Господи, настави мя правдою Твоею, врагъ моихъ ради, исправи предъ Собою путь мой. Яко нѣсть во устѣхъ ихъ истины, сердце ихъ суетно. Гробъ отверстъ гортань ихъ, языки Своими льщаху, суди имъ Боже. Да отпадутъ отъ мыслей Своихъ, по множеству нечестія ихъ изрини я, яко прогнѣваша Тя Господи. И возвеселя́тся вси уповающїи на Тя, во вѣки возра́дуются, и всели́шися въ нихъ. И похва́лятся о Тебѣ любящїи имя Твое, яко Ты благословиши праведника. Господи, яко оружіемъ благоволенія венчалъ еси насъ.

*Псаломъ 6.* Господи, да не я́ростію Твоею обличиши мене, ниже гнѣвомъ Твоимъ пока́жеши мене. Помилуй мя Господи, яко немощенъ есмь, исцѣли мя Господи, яко смути́шася кости моя. И душа моя смути́ся зѣло́, и Ты Господи доколѣ. Обрати Господи, изми душу мою, спаси мя ради милости Твоея. Яко нѣсть въ смерти помина́яи Тебѣ, во адѣ же кто исповѣ́сться. Утрудихъсѧ въздыханіемъ моимъ, измы́ю на всяку но́щь ложе мое, слезами моими постѣлю мою омочу́. Смути́ся отъ ярости око мое, обетша́хъ во всѣхъ вразѣхъ моихъ. Отступите

отъ мене вси творящїи беззаконїе, яко услыша Господь гласъ плача моего. Услыша Господь моленїе мое, Господь молитву мою прїятъ. Да постыдѣтся и смятутся вси врази мои, возвратятся и устыдятся зѣло вскорѣ.

**Слава, и нынѣ.**

Аллилуїя, аллилуїя, слава Тебѣ Боже *(3 раза съ поклонами)*.

Господи помилуй *(3 раза)*.

**Слава, и нынѣ.**

*Псаломъ 7.* Господи Боже мой на Тя уповахъ, спаси мя отъ всѣхъ гонящихъ мя, и избави мя. Да некогда похититъ яко левъ дѹшу мою, не сущу избавляющу, ниже спасающу. Господи Боже мой, аще сотворихъ се, аще есть неправда въ руку моею. Аще воздахъ воздающимъ ми зла, да отпадутъ убо отъ врагъ моихъ тощъ. Да поженетъ убо врагъ душу мою, и постигнетъ, и поперетъ въ земли животъ мой, и славу мою въ персть вселитъ. Воскресни Господи гнѣвомъ Твоимъ, вознеси въ концыхъ врагъ Твоихъ. И востани Господи Боже мой повеленїемъ, имъ же заповѣда, и сонмъ людей обыдетъ Тя. И о томъ на высоту обрати. Господь судитъ людемъ. Суди ми Господи по правдѣ моей, и по незлобѣ моей на мя. Да скончается злоба грѣшныхъ, и исправиши праведнаго, испытаи сердца и утробы Боже. Праведна помощь моя отъ Бога, спасающаго правыя сердцемъ. Богъ судитель праведенъ, и крѣпокъ и долготѣрпеливъ, и не гнѣвъ наводя на всякъ день. Аще не обратитесь, оружіе Свое очиститъ, лукъ Свой напряжѣ, и уготова и. И въ немъ уготова сосуды смѣртныя, стрѣлы Своя съ горящими содѣла. Се

болѣ неправду, зачатъ болѣзнь и роди беззаконіе. Ровъ изры́, и ископа́ и, впаде́тся въ яму юже содѣла. Обрати́тся болѣзнь его на главú его, и на верхъ его неправда его снидетъ. Испове́мся Господеви по правдѣ Его, и пою имени Господню вы́шнему.

*Псаломъ 8.* Господи Господь нашъ, яко чудно имя Твое по всей землі. Яко взятыя велелѣ́пота Твоя превыше небесъ. Изо устъ младенецъ и ссущихъ свершилъ еси хвалу, врагъ Твоихъ ради, разрушиши врага и мѣстника. Яко узрю́ небеса́ дѣла перстъ Твоихъ, луну и звѣзды, яже Ты основа́. Что есть челове́къъ яко по́мниши ѿ, или сынъ челове́чьъ яко посеща́еши ѿ. Ума́лилъ еси его малымъ чимъ отъ ангель, славою и честію вѣнчалъ еси его, и поставилъ еси его надъ дѣ́лы ру́ку Твоею. Вся покорилъ еси подъ но́зѣ его, овца́ и во́лы вся, еще же и ско́ты польскія. Птицы небесныя, рыбы морскія, переходя́щія стезя́ морскія. Господи Господь нашъ, яко чудно имя Твое по всей земли.

**Слава, и нынѣ.**

Аллилуія, аллилуія, слава Тебѣ Боже *(3 раза съ поклонами)*.

Господи помилуй *(3 раза)*.

**Слава, и нынѣ.**

*Псалмы возващныя.*

*Псаломъ 140.* Господи возва́хъ къ Тебѣ, услыши мя, вонми гласъ молитвы моея, егда воззову къ Тебѣ. Да́ся исправитъ молитва моя, яко кади́ло предъ Тобою, воздѣ́яніе ру́ку моею жертва вечерняя. Положи Господи храненіе устомъ моимъ, и дверь ограждѣ́нія о устна́хъ моихъ. Не уклони́ сердце мое въ словеса́ лукавствія, нещевати вины о грѣсехъ.

Съ челоувѣки творящими беззаконіе, и не считаюся со избранными ихъ. Покажетъ мя праведникъ милостію, и обличитъ мя, елей же грѣшнаго, да не намаститъ главы моея. Яко еще и молитва моя во благоволѣніихъ ихъ, пожерты быша при камени судій ихъ. Услышатся глаголи мои яко возмогѡша, яко толща земли просѣдеса на земли, разсыпашася кости ихъ при адѣ. Яко къ Тебѣ Господи Господи очи мои, на Тя уповахъ, не отъими душу мою. Сохрани мя отъ сѣти юже составиша ми, и отъ соблазнѣ дѣлающихъ беззаконіе. Впадутся во мрежу свою грѣшницы, единъ есмь азъ, дондеже прейду.

*Псаломъ 141.* Гласомъ моимъ ко Господу возвахъ, гласомъ моимъ ко Господу помолюся. Пролію предъ Нимъ молитву мою, и печаль мою предъ Нимъ возвещу. Внегда исчезаетъ духъ мой, и Ты позна стези мои. На пути семъ, по нему же хождяхъ, скрѣша сѣть мнѣ. Смотряхъ одесную и возгядахъ, и не бѣ знаяи мене, погѣбе бѣгство отъ менѣ, и нѣсть взыскаѣи душу мою. Возвахъ къ Тебѣ Господи, рѣхъ, Ты еси упованіе мое, часть моя еси на земли живыхъ. Вонми молитву мою, яко смирихся зѣло. Избави мя отъ гонящихъ мя, яко укрѣпишася паче менѣ.

*Стихъры, гласъ 6.*

*Стихъ на 10.* Изведи изъ темницы душу мою, исповѣдатися имени Твоему.

Побѣду имѣя Христе юже на ада, и на крестъ взыде, да сѣдящія во тмѣ и сѣни смѣртнѣй, воскресиши съ Собою, свободъ сыи въ мѣртвыхъ, источаяи животъ отъ Своего свѣта, всесилне Спасе помилуй насъ.

*Стихъ.* Менѣ ждуть праведницы, дондеже въздѣ-

СИ МНѢ.

Днесь Христось смерть поправъ, яко же рече и воскресе, и радование всему міру дарова, да вси взывающе пѣснми тако рцемъ, источниче жизни, неприкосновенный свѣте, всесилне Спасе помилуй насъ.

*Псаломъ 129. Стихъ на 8. Изъ глубины възвахъ къ Тебѣ Господи, Господи услыши гласъ мой.*

Тебѣ Господи сущаго по всей твари, грѣшнии камо бѣжимъ, на небеси Самъ живѣши, во адѣ же поправъ смерть, во глубинѣ морстѣй, ту рука Твоя Владыко, къ Тебѣ прибѣгаемъ, и Тебѣ припадающе молимся, воскресъ изъ мѣртвыхъ помилуй насъ.

*Стихъ. Бѹдете уши Твои, внѣмлюще гласъ молитвы моея.*

Крестомъ Твоимъ Христе хвалимся, и воскресеніе Твое поемъ и славимъ, Ты бо еси Богъ нашъ, развѣ Тебѣ иного не знаемъ.

*Стихъ на 6. Аще беззаконія назириши Господи, Господи кто постоитъ, яко отъ Тебѣ очищеніе есть.*

Слава силѣ Твоей Господи, яко разруши державу имущаго смерти, обновилъ же еси насъ Крестомъ Своимъ, дарова намъ животъ и нетлѣніе.

*Стихъ. Имене ради Твоего потерпѣхъ Тя Господи, потерпѣ душа моя въ слово Твое, упова душа моя на Господа.*

Всегда благословяще Господа, поемъ воскресеніе Его, распятіе бо претерпѣвъ, смертію смерть разруши.

*Стихъ на 4. Отъ стражи ѹтренія до нощи, отъ стражи ѹтренія, да уповаетъ Израиль на Господа.*

Погребеніе Твое Владыко, ѹзы адовы сокрушивъ

растерза́, и е́же изъ мертвыхъ Твое воскресеніе, весь міръ просвѣти, Человѣколю́бче слава Тебѣ.

*Стихъры Богородицъ, гласъ 3.*

*Стихъ. Яко отъ Господа милость и много отъ Него избавленіе и Той избавитъ Израиля, отъ всѣхъ беззаконіи его.*

Видящи нѣмощь мою тѣлесную, и душевное страданіе, и сердечное озлобленіе, посѣщенія сподоби мя божественнаго, Всенепорочная Дѣво, и спаси мя молюся, тѣплыми Твоими молитвами.

*Псаломъ 116. Стихъ. Хвалите Господа вси языцы, похвалите Его вси людіе.*

Всѣхъ преидохъ Владычице согрѣшенъми, но мно́жества сихъ Дѣвице очищши, милостей получи́ти ми Чистая сподоби, въ будущемъ судѣ Сына и Бога Твоего.

*Стихъ. Яко утвердися милость Его на насъ, и истина Господня пребываетъ во вѣки.*

Мно́жества согрѣшеніи мойхъ, зову́щаго очисти Чистая, и чу́вствіи мойхъ неуставная движенія, моли́твеннымъ мечемъ ссѣцы, яко да вѣрою и любовію пою, Твое́ безсѣменное рождество.

*Слава, и нынѣ. Богородиченъ, гласъ 6.*

Кто Тебѣ не блажитъ Пресвятая Дѣвице, или кто не воспѣваетъ Твоего пречистаго рожества, безлѣтний бо отъ Отца восіавый Сынъ единоро́дный. Той же отъ Тебѣ Чистыя пройдѣ несказанно воплощся, естествомъ Богъ сый, и естествомъ бывъ человекъ насъ ради, не во двою́ лицу раздѣляемъ, но во двою́ естеству несмѣсно познаваемъ. Того моли Чистая и Всеблаженная помилватися душамъ нашимъ.

*Молитва*

Свѣте тихій святѣя славы безсмертнаго Отца Небеснаго Святаго блаженнаго Исуса Христа Сына Божія, пришѣдшаго на западъ солнцу, видевше свѣтъ вечерній, поемъ Отца и Сына и Святаго Духа Бога. Достóинъ еси во вся времена пѣтъ быти гла́сы преподóбными, Сыне Божій, животъ даѣи всему міру, его же ради весь міръ славить Тя.

Прокимень, Псаломъ Давыдовъ, гласъ 6-й.

Господь воцаріся, въ лѣпотуся облече́.

*Стихъ 1.* Облечеса́ Господь въ силу и препоя́сася.

*Стихъ 2.* Ибо утверди́ вселенную яже не подви́жится.

*Стихъ 3.* Дому Твоему подобае́тъ святѣя́я Господи въ долготу́ дній.

*Стихъ 4.* Господь воцаріся, въ лѣпотуся облече.

*(Посля́ каждого́ стиха́ поется́ Господь воцаріся, въ лѣпотуся облече).*

Господи помилуй *(40 разъ, въ началъ пѣнія 3 поклона).*

**Слава, и нынѣ.**

Сподóби Господи въ вечеръ сей, безъ грѣха сохрани́тися намъ *(поклонъ)*, благословѣнъ еси Господи Боже Отецъ нашихъ *(поклонъ)*, и хва́льно и просла́влено имя Твоѣ во́ вѣки, аминь *(поклонъ)*. Буди Господи милость Твоя на насъ, якоже упова́хомъ на Тя, благословѣнъ еси Господи, научи́ насъ оправда́ніемъ Твоимъ, благословѣнъ еси Владыко, вразуми́ насъ оправда́ніемъ Твоимъ, благословѣнъ еси Святѣи, просвѣти́ насъ оправда́ніемъ Твоимъ.

Господи мило́сть Твоя во́ вѣки, и дѣла́ ру́ку Твоѣю не прѣзри, Тебѣ подобае́тъ хвала́, Тебѣ подобае́тъ пѣніе. Тебѣ слава подобае́тъ, Отцу и Сыну и Святому Духу, нынѣ и присно и во́ вѣки вѣкомъ, аминь.



Господи помилуй (12 разъ).

Слава, и нынѣ.

*На стиховниѣ стихъры, гласъ 6.*

Воскресѣніе Твое Христе Спасе, ангели поютъ на небесѣхъ. И насъ на земли сподоби, чистыми сердцы, Тебѣ славити.

*Стихъ. Господь воцарися, въ лѣпотуся облече.*

Врата сокрушилъ еси мѣдная, и верей адовы стерлъ еси яко Богъ. Родъ же человѣческій падшій воскресилъ еси всесилень. Сего ради и мы поюще вопіемъ, воскресъ изъ мѣртвыхъ, Господи слава Тебѣ.

*Стихъ. Ибо утверди вселѣнную, яже не подвижится.*

Тлѣнія насъ древняго Христось исправити хотя, на крестѣ пригвождается, и во гробѣ полагается. Его же муриносыцы жены со слезами искаху, плачущесе глаголаху, увы намъ Спасе всѣхъ, како восхотѣ во гробѣ вселитися, вселивжесе волею, како украденъ бысть, како преложися, коѣже мѣсто скры Твое живоносное тѣло. Но о Владыко, якоже обѣщася намъ, явися, и утоли наше рыданіе слѣзное. Плачущимжесе имъ, ангелъ къ нимъ возопи, отъ плача преставше, апостоломъ рците, яко воскресе Господь, мірови даруя очищеніе и велію милость.

*Стихъ. Дому Твоему подобаетъ, святыни Господи въ долготу дній.*

Распятся якоже восхотѣ Христѣ, и смерть погребеніемъ си плѣнилъ еси. Триднѣвно воскресе яко Богъ со славою, мірови даруя безконечный животъ и велію милость.

Слава, и нынѣ.

## Вечерня

Творецъ и Избавитель мой Пречистая Христосъ Господь, изъ Твоихъ ложеснъ прошедъ, въ мя обокся, первые клятвы Адамли свободи, Тъмже Ти Пречистая, яко Божии Матери, Невѣстѣ и Дѣвѣ, воистину вопіемъ немолчно, радуйся ангельски, радуйся Владычице, предстательнице и покрове, и спасеніе душамъ нашимъ.

Нынѣ отпускаеши раба Своего Владыко, по глаголу Твоему съ миромъ. Яко видеста очи мои спасеніе Твое, еже еси уготовалъ предъ лицемъ всѣхъ людей. Свѣтъ во откровеніе языкомъ, и славу людей Твоихъ Израиля.

*Трисвятое, по Отче нашъ.*

*Тропарь, гласъ 6.*

Ангельскія силы на гробѣ Твоемъ, стрегущія омертвиша, и стояше Марія у гроба, ищущи пречистаго тѣла Твоего, испроверже ада, не искушся отъ него, сръте Дѣву даруяи животъ, воскресъ изъ мертвыхъ, Господи слава Тебѣ.

*Слава, и нынѣ. Богородиченъ, гласъ 6.*

Иже благословенную нареки Матерь Себѣ, прииде на страсть волею Своєю, восіавъ на Крестѣ, взыскати хотя Адама, глагола ангеломъ, срадуйтемя яко обрѣтесе изгнбшая драхма, иже вся мѹдрѣ устроивыи Господи слава Тебѣ.

Честнѣйшую Херувимъ и славнѣйшую воистину Серафимъ, безъ ислѣнїя Бога Слова рождышую, сущую Богородицу Тя величаемъ *(поклонъ)*.

Слава Отцу и Сыну и Святому Духу *(поклонъ)*, и нынѣ и присно и во вѣки вѣкомъ, аминь *(поклонъ)*.

Господи помилуй, Господи помилуй. Господи благослови *(поклонъ)*.

## Павечерница

*Отпустъ.* Воскресѣи изъ мертвыхъ Господи Исусе Христе, Сыне Божій, молитвъ ради Пречистыя Твоея Матере, святыхъ славныхъ и всѣхвальныхъ апостолъ, и святаго, *имярекъ*, его же есть день и всѣхъ ради святыхъ, помилуй и спаси насъ яко Благъ и Человѣколюбець.

Аминь. Господи помилуй (*3 раза*).

## ПАВЕЧЕРНИЦА

*(Сія Малая Павечерница творится симъ же чиномъ въ субботу и во вся дни)*

**Боже**, милостивъ буди мнѣ грѣшному (*поклонъ*).

Создавыи мя Господи, помилуй мя (*поклонъ*).

Безъ числа согрѣшихъ, Господи, помилуй и прости мя грѣшнаго (*поклонъ*).

За молитвъ Святыхъ Отець нашихъ, Господи Исусе Христе Сыне Божій, помилуй насъ. Аминь.

Царю Небесный, *Трисвятое*, по Отче нашъ.

Господи Исусе Христе Сыне Божій, помилуй насъ, аминь.

Господи помилуй (*12 разъ*).

**Слава, и нынѣ.**

Приидите поклонимся Цареву нашему Богу (*поклонъ*). Приидите поклонимся Христу Цареву и Богу нашему (*поклонъ*). Приидите поклонимся и припадемъ къ Самому Господу Исусу Христу Цареву и Богу нашему (*поклонъ*).

*Псаломъ 50.* Помилуй мя Боже, по величїи милости Твоей. И по множеству щедротъ Твоихъ, очисти беззаконїе мое. Наипаче омый мя отъ беззаконїя моего, и отъ грѣха моего очисти мя. Яко

беззаконіе мое азъ знаю, и грѣхъ мой предо мною есть выну. Тебѣ Единому согрѣшихъ, и лукавое предъ Тобою сотворихъ. Яко да оправдиши въ словесѣхъ Своихъ, и побѣдиши внегда судити. Се бо въ беззаконіихъ зачатъ есмь, и во грѣсѣхъ роди мя мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мя иссопомъ и очищуся, омыеши мя, и паче снѣга убѣлюся. Слуху моему да си радость и веселіе, возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отими отъ мене. Воздаждь ми радость спасенія Твоего, и духомъ владычнымъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровій Боже, Боже спасенія моего, возрадуется языкъ мой правдѣ Твоей. Господи, устнѣ мои отвѣрзеши, и уста моя возвестятъ хвалу Твою. Яко аще бы восхотѣлъ жѣртвѣ, далъ быхъ убо, всесожженія не благоволиши. Жертва Богу духъ сокрушенъ, сердце сокрушено и смирено, Богъ не унижитъ. Ублажи Господи благоволеніемъ Твоимъ Сіона, и да созиждутся стѣны іеросалимскія. Тогда благоволиши жертву правдѣ, возношеніе и всесожегаемая. Тогда возложатъ на олтарь Твой тельца.

*Псаломъ 69.* Боже въ помощь мою вонми, Господи, помощи ми потщися. Да постыдятся и посрамятся ищущи душу мою. Да возвратятся вспять и постыдятся, мыслящи ми злая. Да возвратятся абіе

стыдящесея, глаголющии ми благо же благо же. Да возрадуются и, возвеселятся о Тебѣ, вси ищущии Тебѣ Боже. И глаголють въину, да возвеличится Господь любящии спасение Твое. Азъ же нищъ есмь и убогъ, Боже помози ми. Помощникъ мой и Избавитель мой еси Ты, Господи не закосни.

*Псаломъ 142.* Господи, услыши молитву мою, внуши моление мое во истинѣ Твоей, услыши мя въ правдѣ Твоей. И не вниди въ судъ съ рабомъ Твоимъ, яко не оправдѣтся предъ Тобою всякъ живыи. Яко погна врагъ душу мою, смирилъ есть въ земли животъ мой. Посадилъ мя есть въ темныхъ яко мертвыя въбѣку, и уны во мнѣ духъ мой, во мнѣ смутѣся сердце мое. Помянухъ дни древнія, поучихся во всѣхъ дѣлехъ Твоихъ, и въ дѣлехъ руку Твоею поучахся. Воздѣхъ къ Тебѣ рѣцѣ мои, душа моя яко земля безводная Тебѣ. Скоро услыши мя Господи, исчезе духъ мой. Не отврати лица Твоего отъ мене, и уподоблюся низходящимъ въ ровъ. Слышану сотвори мнѣ за утра милость Твою, яко на Тя уповахъ. Скажи мнѣ Господи путь, вонъ же пойду, яко къ Тебѣ взяхъ душу мою. Изми мя отъ врагъ моихъ. Господи къ Тебѣ прибѣгохъ. Научи мя творити волю Твою, яко Ты еси Богъ мой. Духъ Твой благии наставитъ мя на землю праву. Имене Твоего ради Господи живиши мя, правдою Твоею изведѣши отъ печали душу мою. И милостию Твоею потребиши враги моя, и погубиши вся стужающія души моей, яко азъ рабъ Твой есмь.

Слава въ вышнихъ Богу, и на земли миръ, въ челоуѣцехъ благоволение. Хвалимъ Тя, благословимъ Тя (*поклонъ*), кланяемтся, славословимъ Тя

*(поклонъ)*, благодаримъ Тя великія ради славы Твоея *(поклонъ)*. Господи Царю Небесный, Боже Отче Вседержителю, и Господи Сыне Единородный Иисусе Христе и Святыи Душе. Господи Боже Агньче Божий и Сыне Отець, вземляи грѣхи міра помилуй насъ, вземляи грѣхи міра пріими молитвы наша, седяи одесную Отца помилуй насъ. Яко Ты Единъ Святъ, Ты Единъ Господь Иисусъ Христосъ, въ славу Богу Отцу, аминь.

На всяку ночь благословимъ Тя, и восхвалимъ имя Твое во вѣки, и въ вѣкъ вѣка.

Господи прибѣжище бысть намъ въ родъ и родъ. Азь рехъ Господи помилуй мя и исцѣли душу мою, яко согрѣшихъ Тебѣ. Господи къ Тебѣ прибѣгохъ, научи мя творити волю Твою. Яко Ты еси Богъ мой, яко отъ Тебе есть источникъ живота, во свѣтъ Твоемъ узримъ свѣтъ, пробави милость Твою вѣдущимъ Тя.

Сподоби Господи въ ночь сію безъ грѣха сохранитися намъ. Благословенъ еси Господи Боже Отець нашихъ, и хвально и прославлено имя Твое во вѣки, аминь.

Буди Господи милость Твоя на насъ, якоже уповахомъ на Тя. Благословенъ еси Господи, научи насъ оправданіемъ Твоимъ. Благословенъ еси Владыко, вразуми насъ оправданіемъ Твоимъ. Благословенъ еси Святыи, просвѣти насъ оправданіемъ Твоимъ.

Господи милость Твоя во вѣки, и дѣла руку Твоею не презри. Тебѣ подобаеть хвала, Тебѣ подобаеть пѣніе, Тебѣ слава подобаеть, Отцу и Сыну и Святому Духу, нынѣ и присно и во вѣки вѣкомъ, аминь.

*Символъ Вѣры*

## Павечерница

Вѣрую во Единаго Бога Отца Вседержителя, Творца небу и земли, видимымъ же всѣмъ и невидимымъ. И во единаго Господа Исуса Христа Сына Божія, единороднаго, иже отъ Отца рожденнаго прежде всѣхъ вѣкъ. Свѣта отъ Свѣта, Бога истинна отъ Бога истинна, рожденна а не сотворена, единосущна Отцу, Имъ же вся быша. Насъ ради человекъ, и нашего ради спасенія сшедшаго съ небесъ, и воплотившагося отъ Духа Свята, и Маріи Дѣвы вочеловѣчшася. Распятаго за ны при Понтийстемъ Пилатѣ, страдавша и погребена. И воскресшаго въ третій день по писаніихъ. И возшедшаго на небеса, и сидяща одесную Отца. И паки грядущаго со славою, судити живымъ и мертвымъ, Его же Царствію нѣсть конца. И въ Духа Святаго Господа истиннаго и животворящаго, иже отъ Отца исходящаго, иже со Отцемъ и съ Сыномъ споклоняема и славима, глаголавшаго пророки. И во едину святую Соборную и Апостольскую Церковь. Исповѣдую едино крещеніе, во оставленіе грѣховъ. Чаю воскресенія мертвымъ, и жизни будущаго вѣка, аминь.

*Таже:*

### *Канонъ Пресвятѣй Богородицѣ.*

*(Въ будни на Павечерницѣ читается Богородиченъ канонъ дня, или святому дня).*

*По канонѣ:*

Достойно есть яко воистину блажити Тя Богородице, Присноблаженную и Пренепорочную и Матерь Бога нашего. Честнѣйшую Херувимъ и славнѣйшую воистину Серафимъ, безъ истлѣнія Бога Слова рождъшую сущую Богородицу Тя величаемъ  
*(поклонъ до земли).*

*Трисвятое, по* Отче нашъ.

Господи Исусе Христе Сыне Божій, помилуй насъ,  
аминь.

*Посемъ, во вся дни.*

*Тропарь Ангелу Хранителю, гласъ 8.*

Ангеле Божіи, хранителю мой святыи, животъ мой соблюди  
вѣ страсть Христа Бога. Умъ мой утверди во истиннѣмъ пути.  
И къ любви горнѣи уязви душу мою. Да тобою направляемъ,  
получу отъ Христа Бога велию милость.

*Тропарь дню, храму.*

*Таже тропарь, гл. 4.* Боже отецъ нашихъ, твори присно  
съ нами по Твоему смотренію, не остави милости Твоея  
отъ насъ, но тѣхъ молитвами, во смиреніи устрой живѣтъ  
нашъ.

*Инь тропарь, гл. тойже.* Иже во всемъ мѣрѣ мученикъ  
Твоихъ Господи, яко багрянницею и вѣссомъ кровью ихъ,  
церкви Твоея украсившися. Тѣми вопіемъ Ти Христе Боже,  
людемъ Твоимъ щедрѣты Твоя низпосли, миръ граду Твоему  
даруй. И душамъ нашимъ велию милость.

*Слава. Гл. 8.* Со святыми покой Христе душá рабъ Своихъ,  
идѣже нѣсть болѣзни ни печали ни въздыханія, но жизнь  
вѣчная.

*Инынѣ.* Молитвами Господи всѣхъ святыхъ и Богородицы,  
Твой миръ даждь намъ, и помилуй насъ, яко единъ щедръ.

*(аще воскресеніе, праздникъ, глаголется токмо кондакъ  
воскресный или праздника)*

*Кондакъ воскресный, гласъ 6.*

Живоначальною дланію, умершихъ отъ мрачныхъ удѣлій,  
Жизнодавецъ воскресивъ всѣхъ Христосъ Богъ. Восресеніе  
даровавъ челоуѣческому роду, есть бо всѣхъ Спаситель и  
восресеніе и животъ, и Богъ всяческихъ.

*Аще Предпразднство или Попразднство:*



## Павечерница

*Тропарь.* Ангеле Божіи.

*Слава и нынѣ. Кондакъ празднику.*

*Еже въ Предпразднство или Попразднство  
святой съ поліелебсомъ:*

*Тропарь.* Ангеле Божіи.

*Слава. Кондакъ святаго.*

**И нынѣ.** Святая Владичице, Христа Бога нашего Мати, яко всѣхъ творца недоумѣнно рождышая, моли благодсть Его всегда съ хранітелемъ моимъ Ангеломъ спасти душу мою, страстьми одержимую. И оставленіе грѣховъ даровати ми.

Господи помилуй *(40 разъ).*

*Молитва Василия Великаго.*

Иже на всяко время и на всякъ часъ на небеси и на землі, поклоняемыи и славимыи. Боже благи, долготерпѣливе и многомилостиве, иже праведники любя, и грѣшныхъ милуя, иже всѣхъ зовыи ко спасенію, обещанія ради будущихъ благъ. Самъ Господи, приими молитвы наша въ часъ сей, и въ благодсти исправи животъ нашъ къ заповѣдемъ Твоимъ, душа́ наша освяти и тѣлесá очисти, помышленія исправи и мысли очисти, разумъ уцѣломудри и истрезви, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюдаеми и наставляеми, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй *(3 раза).*

**Слава, и нынѣ.**

Честнѣйшую Херувимъ и слáвнѣйшую воистину Серафимъ, безъ ислѣнія Бога Слова рождышую, сущую Богородицу, Тя величаемъ *(поклонъ).*

Господи помилуй, Господи помилуй, Господи благослови.

За молитвъ святыхъ Отець нашихъ, Господи Исусе Христе Сыне Божій, помилуй насъ. Аминь.

*Молитва Пресвятѣй Богородицѣ Василія Великаго.*

Несквѣрная неблазная нетлѣнная, Пречистая Богоневѣсто Владычице, яже Бога Слова чело-вѣкомъ, преслѣвнымъ си рождествомъ соединивши, и падшее естество рода нашего небеснымъ совокупльши, яже ненадежнымъ едина Надежда и побѣждаемымъ Помощница, готовое заступленіе къ Тебѣ прибѣгающимъ, и всѣмъ христіаномъ прибѣжище, не гнушайся мене грѣшнаго и сквѣрнаго, иже сквѣрными помыслы и словесы и дѣлы и дѣяньми всего себе непотребна сотворша, и сладѣмъ уныніа и лѣности нравомъ раба бывша. Но яко чело-вѣколюбиваго Бога Мати, чело-вѣколюбне умилосердися о мнѣ грѣшнѣмъ и блуднѣмъ, и приими мое еже отъ сквѣрныхъ устенъ приносимое Тебѣ моленіе. И Своего Сына и нашего Владыку и Господа, матернимъ Си дерзновеніемъ обіемши умоли, яко да отвѣрзе и мнѣ чело-вѣколюбное милосердіе Своея благодости, и презрѣвъ моя безчисленна прегрѣшенія, обратитъ мя на покаяніе, и Своимъ заповѣдемъ дѣлателя искусна явитъ мя. Предстани ми Присномилостивая и Милосердая и Чело-вѣколюбивая, въ настоящей сей жизни, теплая Предстательнице и Помощнице, сопротивныхъ полки отгоняющи и ко спасенію наставляющи мя, и во время исхода моего окаянную ми душу соблюдающи, и темныя образы лукавыхъ бѣсовъ далече отъ нея отрѣвающи. Въ страшный же день праведнаго

## Павечерница

суда вѣчныя мя избавляющи муки, и неизречѣнной славы Твоего Сына и Бога нашего наслѣдника мя показующи. Ея же да улучу, Владычице моя Пресвятая Богородице, Твоего ради ходатайства и заступленія, благодатию и человеколюбіемъ Единороднаго Сына Твоего, Господа Бога и Спаса нашего Иисуса Христа, Ему же подобаетъ всяка слава, честь и поклоняніе, со Безначальнымъ Его Отцемъ, и съ Пресвятымъ и Благимъ и Животворящимъ Духомъ, нынѣ и присно и во вѣки вѣкомъ, аминь.

### *Молитва преп. Антіоха.*

Даждь намъ, Владыко, на сонъ грядущимъ покой души и тѣлу, и сохрани насъ отъ мрачнаго сна грѣховнаго, и всякаго тѣмнаго и ношнаго сладострастія, утиши стремленія страстемъ, и угаси тѣлесное разжженіе, и стрѣлы лукаваго, яже на ны лукавно движимыя, и востанія плоти нашея утоли, и всяко земное и вѣчное мудрованіе успи. И даруй намъ, Боже, бодръ умъ и цѣломудръ помысль, сердце трезвящесе, сонъ легокъ и всякаго сатанина мечтанія неискусенъ. Востави же насъ во время молитвы утвержены въ заповѣдехъ Твоихъ, и память судьбъ Твоихъ въ себѣ выну имуща. И всенощное славословіе намъ даруй, пѣти и благословити и славити пречестное и великолѣпное имя Твое, Отца и Сына и Святаго Духа, нынѣ и присно и во вѣки вѣкомъ, аминь.

Преславная и присно Дѣво Богородице Маріе, Мати Христа Бога нашего, прими молитвы наша и принеси я Сыну Своему и Богу нашему, да спасетъ и просвѣтитъ Тебѣ ради душа наша.

Упованіе намъ Богъ, и прибѣжище наше Хри-

стось, и покровитель намъ есть Духъ Святыи.

**Слава, и нынѣ.**

Господи помилуй, Господи помилуй, Господи благослови.

*Отпустъ.* Господи Исусе Христе, Сыне Божій, молитвъ ради Пречистыя Твоя Матере, и преподобныхъ и богоносныхъ Отецъ нашихъ, и всѣхъ ради святыхъ, помилуй и спаси насъ, яко Благъ и Человѣколюбецъ. Аминь.

*Наклонившись до земли, чтемъ молитву.*

Ослаби, остави, отпусти Боже согрѣшенія наша, вольная и невольная, яже въ словѣ и въ дѣлѣ, и яже въ вѣденіи и не въ вѣденіи, и яже во умѣ и въ помышленіи, яже во дни и въ ноці, вся ми прости, яко Благъ и Человѣколюбецъ.

*Воставъ отъ земли, глаголемъ молитву.*

Ненавидящихъ и обидящихъ насъ прости Господи Человѣколюбче, благотворящимъ благо сотвори, братіямъ и всѣмъ сродникомъ нашимъ, иже и уединившимся, даруй имъ вся яже ко спасенію прошенія и животъ вѣчный (*поклонъ*). Въ болѣзньхъ сущія посети и исцѣли, въ темницахъ сущихъ свободи, по водамъ плавающимъ правитель буди, и иже въ путѣхъ шествующимъ исправи и поспѣши (*поклонъ*). Помяни Господи плѣнѣнныя братію нашу, единовѣрныхъ православныя вѣры, и избави ихъ отъ всякаго злаго обстоянія (*поклонъ*). Помилуй Господи давшихъ намъ милостыню и заповѣдавшихъ намъ недостойнымъ молітися о нихъ, прости ихъ и помилуй (*поклонъ*). Помилуй Господи труждающихся и служащихъ намъ, милующихъ и питающихъ насъ, и даруй имъ вся яже ко спасенію прошенія и жи-

## Полунощница

вотъ вѣчный (*поклонъ*). Помяни Господи прѣждѣ отшѣдшыя отцы и братію нашу и всели ихъ идеже присещаетъ свѣтъ лица Твоего (*поклонъ*). Помяни Господи нашу хѹдость и убѣжество, и просвѣти нашъ умъ свѣтомъ разума святаго Евангелія Твоего, и настави насъ на путь заповѣдей Твоихъ, молитвами Пречистыя Твоея Матери, и всѣхъ святыхъ Твоихъ, аминь (*поклонъ*).

Господи помилуй (*3 раза*).

*Исходные поклоны.*

## ПОЛУНОЩНИЦА

*Приходные поклоны.*

**Б**оже, милостивъ буди мнѣ грѣшному (*поклонъ*).

Сздавыи мя Господи, помилуй мя (*поклонъ*).

Безъ числа согрѣшихъ, Господи, помилуй и прости мя грѣшнаго (*поклонъ*).

Достойно есть (*поклонъ до земли*).

Слава (*поклонъ*). И нынѣ (*поклонъ*). Господи помилуй, Господи помилуй, Господи благослови (*поклонъ*).

Господи Исусе Христе Сыне Божій, молитвъ ради Пречистыя Твоея Матере, силою честнаго и животворящаго Креста и святаго ангела моего хранителя и всѣхъ ради святыхъ помилуй и спаси мя яко Благъ и Человѣколюбець. Аминь (*поклонъ до земли безъ крестнаго знаменія*).

Боже, милостивъ буди мнѣ грѣшному (*поклонъ*).

Сздавыи мя Господи и помилуй мя (*поклонъ*).

Безъ числа согрѣшихъ Господи помилуй и прости мя грѣшнаго (*поклонъ*).

За молитвъ святыхъ Отецъ нашихъ, Господи Исусе Христе Сыне Божій, помилуй насъ. Аминь.

## Полунощница

Слава Тебѣ, Боже нашѣ, слава Тебѣ всяческихъ ради *(3 раза)*.

Боже, очисти мя грѣшнаго, яко николиже благо сотворихъ предъ Тобою *(поклонъ)*, но избави мя отъ лукаваго, и да будетъ во мнѣ воля Твоя *(поклонъ)*, да неосужденно отвѣрзу уста моя недостойная и восхваляю имя Твое святое, Отца и Сына и Святаго Духа, нынѣ и присно и во вѣки вѣкомъ, аминь *(поклонъ)*.

Царю Небесный. *Трисвятое, по* Отче нашѣ.

Господи Исусе Христе Сыне Божій, помилуй насъ. Аминь.

Господи помилуй *(12 разъ)*.

Отъ сна воставъ, благодарю Тя, всевятая Троице, яко многія ради благодати и долготерпѣнія не прогнѣвася на мя грѣшнаго и лѣниваго раба Твоего, и не погубилъ еси мене со беззаконіи моими, но челолюбствова, и внѣ чаяніи лежаща воздвиже мя утревати и славословити державу Твою непобѣдимую. И нынѣ, Владыко Боже Пресвятый, просвѣти очи сердца моего, и отверзи ми устнѣ поучатися словесемъ Твоимъ, и разумѣти заповѣди Твоя и творити волю Твою, и пѣти Тя во исповѣданіи сердечнѣмъ, воспѣвати же и славити пречестное и великолѣпное имя Твое, Отца и Сына и Святаго Духа, нынѣ и присно и во вѣки вѣкомъ, аминь.

Приидите поклонимся Цареві нашему Богу *(поклонъ)*. Приидите поклонимся Христу, Цареві и Богу нашему *(поклонъ)*. Приидите поклонимся и припадѣмъ къ Самому Господу Исусу Христу, Цареві и Богу нашему *(поклонъ)*.

*Псаломъ 50.* Помилуй мя Боже, по величїи мило-

сти Твоей. И по множеству щедротъ Твоихъ, очисти беззаконіе мое. Наипаче омый мя отъ беззаконія моего, и отъ грѣха моего очисти мя. Яко беззаконіе мое азъ знаю, и грѣхъ мой предо мною есть выну. Тебѣ Единому согрѣшихъ, и лукавое предъ Тобою сотворихъ. Яко да оправдишия въ словесѣхъ Своихъ, и побѣдиши внигда судити. Се бо въ беззаконіихъ зачатъ есмь, и во грѣсѣхъ роди мя мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мя иссопомъ и очищуся, омыеши мя, и паче снѣга убѣлюся. Слуху моему даши радость и веселіе, возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отими отъ мене. Воздаждь ми радость спасенія Твоего, и духомъ владычнымъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровій Боже, Боже спасенія моего, возрадуется языкъ мой правдѣ Твоей. Господи, устнѣ мои отвѣрзеши, и уста моя возвестятъ хвалу Твою. Яко аще бы восхотѣлъ жертвѣ, далъ быхъ убо, всесоженія не благоволиши. Жертва Богу духъ сокрушенъ, сердце сокрушено и смирено, Богъ не уничижитъ. Ублажи Господи благоволеніемъ Твоимъ Сіона, и да созиждутся стѣны іерусалимскія. Тогда благоволиши жертву правдѣ, возношеніе и всесожегаемая. Тогда возложатъ на олтарь Твой тельца.

Аминь.

*И чтемъ по гласу недѣли:*

*Канонъ Святѣй Живоначальнѣй Троицѣ.*

*Посемъ, припѣвы Григорія Синаита.*

Достойно есть боголѣпно, еже славити Тя, Троице Святая, необымѣннаго и пресущнаго, и всеблагаго Бога нашего. Юже поютъ вси земнородни и славословятъ силы небесныя, еже отъ всѣхъ вѣрно покланяемую Единицу по существу триипостасную.

Господоначальную Херувимъ, и богоначальную безъ разсужденія Серафимъ, Юже нераздѣльну Троицу во Единице, сущее Богоначалье, Тя величаемъ.

Отцу безначальну и Богу, собезначальну Словоу со Духомъ, поклоняюся, неразлучну едину соединяему по существу, тричисленную Единицу вѣрою славимъ.

Воспоемъ вси боголѣпно пѣсньми божественными, Отца же и Сына, и Духа божественнаго, трисоставное Естество, едино царство же и господство.

Лучезарныя Твоя молнии восіяй ми, Боже мой, трисоставне Вседержителю, и домъ мя покажи Твоея неприступныя славы, свѣтелъ и свѣтоносенъ и неизмѣненъ.

Достойно есть яко воистину славити Тя Бога Слова, Его же трепещутъ и трясутся Херувими и славословятъ силы небесныя, иже отъ Дѣвы неизреченно воплощшагося Христа Жизнодавца, со страхомъ прославимъ.

**Слава.** Отче вседержителю, Слове Божій, всесвятѣи Душе, едина сила и образъ, едино царство и Божество и власть, помилуй и спаси поклоняющихся Ти.



**И нынѣ.** Изъ мѣртвыхъ видевши Твоего Сына, Пречистая Дѣво, воскресша боголѣпно, радости неизречѣнныя тварь исполняшесе, Того славяще, Тебе величаемъ.

*Трисвятое, по Отче нашъ. Исусова молитва. Аминь.*

*Кондакъ, гласъ 6.*

Живоначальною дланію, умѣршихъ отъ мрачныхъ удѣлій, Жизнодавецъ воскресивъ всѣхъ Христосъ Богъ, воскресеніе даровавъ челоуѣческому роду, есть бо всѣхъ Спаситель и воскресеніе и животъ и Богъ всяческимъ.

Господи помилуй *(40 разъ).*

**Слава, и нынѣ.**

Честнѣйшую Херувимъ и славнѣйшую воистину Серафимъ, безъ ислѣбія Бога Слова рождшую, сущую Богородицу Тя величаемъ *(поклонъ).*

Господи помилуй *(дважды),* Господи благослови.

За молитвъ святыхъ Отецъ нашихъ, Господи Исусе Христе Сыне Божій, помилуй насъ. Аминь.

*Молитва Святѣй Живоначальнѣй Троицѣ,  
твореніе Марка инока.*

Всемогущая и животворящая Святая Троице, и свѣтоначальная, яже мирную всякую и премірную тварь, за едїну благасть отъ несущихъ приведѣи, и промысляя и содержащи. Иже по прочихъ Твоихъ неизречѣнныхъ о земномъ родѣ благодѣяніихъ, и покаяніе намъ ради плотскаго неможенія до смерти даровавы: не остави насъ окаянныхъ въ лукавыхъ нашихъ дѣяніихъ умрети, ниже злоначальнику и завѣстцу, и губителю посмѣшество быти. Зриши бо, Благосерде, еликъ убо онаго на насъ навѣтъ и вражда, елико же и наше страствованіе и слабость и

небреженіе. Но неоскудныя Ти бла́гости содѣлай на насъ, молимъ на всякій день и часть прогнѣвающїи Тя, честныхъ и животворныхъ заповѣдей преступленіемъ. И вся убо всего прешедшаго живота нашего и до нынѣшняго часа согрѣшенная нами, въ дѣяніихъ, или глаголаніихъ, или въ помышленіихъ, остави и прости. Сподоби же насъ, и прочее скончати житіе въ покаяніи и умиленіи, и соблюденіи святыхъ Твоихъ повелѣніи. Аще убо сладостію прельстившеся, многообразіе согрѣшихомъ, или мірскими похотѣми неполѣзными и вредными обольстившеся препроводихомъ. Аще гнѣвомъ и яростію подвїгшеся безсловесною, кого брата нашего оскорбихомъ. Аще языкомъ неизбѣжныхъ и стропотныхъ и крѣпкихъ сѣтѣй объяхомся. Аще коимъ чувствъ нашихъ, или всеми, волею, или неволею, вѣдуще или невѣдуще, отъ восхищенія или поученія безумно попользохомся. Аще же лукавыми помыслы и суетными совѣсть осквернихомъ. Аще ли коимъ другимъ образомъ прегрѣшихомъ, отъ предпрїятія и обычая томими злаго, прости намъ и остави вся, Всещедре, Преблаже и Многомилостиве. И даруй намъ прочее бодрость и силу, во еже творити волю Твою благу, и благоугодну и совершенну, да ношнаго и мрачнаго зла, свѣтовиднымъ покаяніемъ премѣньшеся, и яко во днѣ благообразно ходяще, и очищеніи объявимся челоуѣколюбію Твоему недостойніи, воспѣвающе Тя и величающе во вѣки, аминь.

**Слава, и нынѣ.**

Господи помилуй *(дважды)*, Господи благослови.

*Отпустъ.* Воскресѣи изъ мѣртвыхъ, Господи Иису-

се Христе, Сыне Божій, молитвъ ради Пречистыя Твоея Матере, и преподобныхъ и богоносныхъ Отцевъ нашихъ, и всѣхъ ради святыхъ, помилуй и спаси насъ, яко Благъ и Человѣколюбецъ. Аминь.

*Наклонившись до земли, чтеть молитву.*

Ослаби, остави, отпусти Боже согрѣшенія наша, вольная и невольная, яже въ словѣ и въ дѣлѣ, и яже въ вѣденіи и не въ вѣденіи, и яже во умѣ и въ помышленіи, яже во дни и въ ноші, вся ми прости, яко Благъ и Человѣколюбецъ.

*Воставъ отъ земли, глаголетъ молитву.*

Ненавидящихъ и обидящихъ насъ прости Господи Человѣколюбче, благотворящимъ благо сотвори, братіямъ и всѣмъ срѣдникомъ нашимъ, иже и уединившимся, даруй имъ вся яже ко спасенію прошенія и животъ вѣчный (*поклонъ*). Въ болѣзньхъ сущія посѣти и исцѣли, въ темницахъ сущихъ свободи, по водамъ плавающимъ правитель буди, и иже въ путѣхъ шествующимъ исправи и поспѣши (*поклонъ*). Помяни Господи плѣнѣнныя братію нашу, единовѣрныхъ православныя вѣры, и избави ихъ отъ всякаго злаго обстоянія (*поклонъ*). Помилуй Господи давшихъ намъ милостыню и заповѣдавшихъ намъ недостойнымъ молѣтися о нихъ, прости ихъ и помилуй (*поклонъ*). Помилуй Господи труждающихся и служащихъ намъ, милующихъ и питающихъ насъ, и даруй имъ вся яже ко спасенію прошенія и животъ вѣчный (*поклонъ*). Помяни Господи прѣждѣ отшедшыя отцы и братію нашу и всели ихъ идеже присещаетъ свѣтъ лица Твоего (*поклонъ*). Помяни Господи нашу худость и убѣжество, и просвѣти нашъ умъ свѣтомъ разума святаго Евангелія Твоего, и на-

## Утренняя

стави насъ на путь заповѣдей Твоихъ, молитвами Пречистыя Твоея Матери, и всѣхъ святыхъ Твоихъ, аминь (*поклонъ*).

Господи помилуй (*3 раза*).

*Исходные поклоны.*

## УТРЕНЯ

За молитвъ святыхъ Отецъ нашихъ, Господи Иисусе Христе Сыне Божій, помилуй насъ. Аминь.

*Трисвятое, по* Отче нашъ.

Господи Иисусе Христе Сыне Божій, помилуй насъ, аминь.

Господи помилуй (*12 разъ*).

*Слава, и нынѣ.*

Приидите поклонимся Цареву нашему Богу (*поклонъ*). Приидите поклонимся Христу Цареву и Богу нашему (*поклонъ*). Приидите поклонимся и припадемъ къ Самому Господу Иисусу Христу Цареву и Богу нашему (*поклонъ*).

*Псаломъ 19.* Услышитъ тя Господь въ день печали, защититъ тя имя Бога Іаковля. Послетъ ти помощь отъ святаго, и отъ Сіона заступитъ тя. Помянетъ всяку жертву твою, и вся сожженія твоя тучна буди. Дастъ ти Господь по сердцу твоему, и весь софѣтъ твой исполнитъ. Возрадуемся о спасеніи твоемъ, и во имя Господа Бога нашего возвеличимся. Исполнитъ Господь вся прошенія твоя. Нынѣ познахъ, яко спаслъ есть Господь Христа Своего. Услышитъ Его съ небесъ святаго Своего, въ силахъ спасеніе десница Его. Сіи на колесницахъ, и сіи на конехъ, мы же во имя Господа Бога нашего призо-

вемъ. Тѣи спя́ти бы́ша и падо́ша, мы же воста́хомъ и испра́вихомся. Господи, спаси царя, и услы́ши ны, вонъ же день аще призове́мъ Тя.

*Псаломъ 20.* Господи, силою Твоею возвеселится царь, и о спасеніи Твоемъ возра́дуется зѣло. Желаніе сердца его далъ еси ему, и хотѣ́нія устнѹ́ его нѣси лиши́лъ его. Яко предвари́лъ еси его благослове́ніемъ благосты́ннымъ, положи́лъ еси на главѣ́ его вѣнецъ отъ ка́мене чѣстна. Живота проси́лъ есть у Тебѣ́, и далъ еси ему долготу́ днѣй въ вѣкъ вѣка. Вѣлія слава его спасеніемъ Твоимъ, славу и велелѣ́піе возложи́ши на нь. Яко да́си ему благослове́ніе въ вѣкъ вѣка, возвесели́ши его ра́достію съ лицемъ Твоимъ. Яко царь уповае́тъ на Господа, и милостію Вышняго не подви́жится. Обря́щется рука́ Твоя́ всѣмъ врагомъ Твоимъ, десни́ца Твоя́ обря́щеть вся ненави́дящія Тебѣ́. Яко положи́ши ихъ яко пещь о́гненую, во время лица Твоего. Господь гнѣвомъ Своимъ смути́тъ я́, и снѣсть ихъ огнь. Пло́дъ ихъ отъ земли погуби́ши, и сѣ́мя ихъ отъ сыно́въ челове́ческихъ. Яко уклони́ша на Тя злая, помы́слиша совѣ́ты, ихъ же не возмого́ша соста́вити. Яко положи́ши я́ хребѣ́тъ во избы́тцѣхъ своихъ, угото́ваеши лице́ ихъ. Вознеси́ся Господи силою Твоею, воспое́мъ и поемъ силы Твоя.

**Слава, и нынѣ́.**

*Трисвятое, по* Отче нашъ.

Спаси Господи люди Своя, и благослови достоя́ніе Свое, побѣ́ды благовѣ́рному царю нашему на сопро́тивныя да́руй, и Своя сохра́няя Крестомъ люди.

**Слава.** Вознеси́йся на Крестъ волею, тезоименито́му нынѣ́ граду Твоему, щедроты Твоя да́руй

## Утренняя

Христе Боже, возвесели́ силою Своею благовѣрнаго царя нашего, побѣды дая ему на сопостаты, пособіе имуще Твое оружіе, міру непобѣдимую побѣду.

**И нынѣ.** Предстательнице страшная и непосты́дная, не презри Благая молитвѣ нашихъ, всепѣтая Богородице, утверди православныхъ житіе и спаси благовѣрнаго царя нашего, ему же повелѣ царствовать. Подаи же ему небесную побѣду Богомъ, Его же родила еси, Едина Благословенная.

Господи помилуй *(12 разъ)*.

**Слава, и нынѣ.**

### *Екса псалмы*

*(Шестопсалміе, читаются съ особымъ благоговѣніемъ).*

Слава въ вышнихъ Богу, и на земли миръ, въ челоуѣцѣхъ благоволеніе *(3 раза)*.

Господи, устнѣ мои́ отворѣши, и уста моя возвестятъ хвалу Твою *(2 раза)*.

**Псаломъ 3.** Господи, что́ся умно́жиша стужа́ющіи ми, мно́зи воста́ютъ на мя. Мно́зи глаголютъ души́ моея, нѣсть спасенія ему о Бозѣ его. Ты же Господи заступникъ мой еси, слава моя, и возно́ся главу́ мою. Гла́сомъ моимъ ко Господу возва́хъ, и услы́ша мя отъ горы́ святыя Своея. Азъ усну́хъ и спяхъ, воста́хъ яко Господь заступитъ мя. Не убою́ся отъ темъ люде́й, о́крестъ напа́дающихъ на мя. Воскресни́ Госпо́ди спаси́ мя Боже мой. Яко Ты порази́ вся вражду́ющыя ми всѹе, зу́бы грѣшникомъ сокрушилъ еси. Господне есть спасеніе, и на́ людехъ Твоихъ благословеніе Твое.

Азъ усну́хъ и спяхъ воста́хъ, яко Господь заступитъ мя.

**Псаломъ 37.** Господи, не я́ростію Твоею обличи́ ме-

не́, ни гнѣвомъ Твоимъ покажи менé. Яко стрѣлы Твоя унзоша ми, и утвердилъ еси на мнѣ ру́ку Твою. Нѣсть исцѣленія въ плоти мое́й, отъ лица гнѣва Твоего, нѣсть мира въ костéхъ моихъ, отъ лица грѣхъ моихъ. Яко беззаконія моя превзыдоша главу́ мою, яко брѣмя тяжко отяготѣша на мнѣ. Возсмердѣша и согнишася раны́ моя, отъ лица́ безумія моего. Пострада́хъ и смири́хся до конца, весь день сѣтуя хожда́хъ. Яко лядвѣя моя напóлнишася поруганіи, и нѣсть исцѣленія въ плоти мое́й. Озлобленъ быхъ и смири́хся до зѣла, рыка́хъ отъ воздыханія сердца моего. Господи, предъ Тобою все желаніе мое, и воздыханіе мое отъ Тебѣ не утайся. Сердце мое смутіся, остави мя сила моя, и свѣтъ о́чию моею, и той нѣсть со мною. Дру́зи мои и іскреніи мои, прямо мнѣ приближишася, и ста́ша. И ближніи мои отъ далéче менé ста́ша, и нужда́хуся ищущи дýшу мою, и ищущи злая мнѣ глаголаху сýетная, и льстивная весь день поуча́хуся. Азъ же яко глухъ не слы́шахъ, и яко нѣмъ, не отверзая устѣ своихъ. И быхъ яко человекъ не слы́ша, и не имѣи во устѣхъ Своихъ обличенія. Яко на Тя Господи уповахъ, Ты услы́шиши, Господи Боже мой. Яко рѣхъ да некогда́ пора́дуютмися врази́ мои. И внигда́ подвижатися ногамъ моимъ, на мя велерѣчеваша. Яко азъ на раны́ готовъ, и болѣзнь моя предо мною есть вы́ну. Яко беззаконіе мое азъ возвѣщú, и попекúся о грѣсѣ́ моемъ. Врази́ же мои живúтъ, и укрѣпишася паче менé, и умно́жишася ненави́дящии мя безъ правды. Воздаю́щии ми зла возблага́я, оболга́ху мя, занé гоня́хъ благосты́ню. Не остави менé Господи Боже мой, не отступи́ отъ мене. Вонми́ въ помощь мою,

Господи спасенія моего.

Не оста́ви мене, Господи Боже мой, не отступи́ отъ мене. Воньми́ въ помощь мою, Господи спасенія моего.

*Псаломъ 62.* Боже Боже мой, къ Тебѣ у́тренюю. Возжада́ Тебѣ душа моя, коль мно́жицею Тебѣ плоть моя. Въ земли́ пúстнѣ и непроходнѣ и безводнѣ. Тако во святѣмъ явѣхся Тебѣ, видѣти силу Твою и славу Твою. Яко лúчши мѣлость Твоя пáче животѣ, устнѣ мои похвалите Тя. Тако благословлю Тя въ животѣ моемъ, о имени Твоемъ воздежý рúцѣ мои. Яко отъ тýка и масти исполнися душа́ моя, и устнѣ радости восхва́лятъ Тя уста́ моя. Аще поминахъ Тя на постѣли моей, на у́тренихъ поучахъ въ Тя. Яко бысть помóщникъ мой, и въ кровѣ крилú Твоею возра́дуюся. Прильпé душа́ моя по Тебѣ, мене же прѣятъ десни́ца Твоя. Тѣи же всуе иска́ша дúшу мою, вни́дутъ въ преиспóдняя земли́, преда́ются въ рúки ору́жю, части ли́совомъ будутъ. Царь же возвеселится о Бозѣ, похва́лится всякъ кленýйся имъ. Яко заградѣшася уста́ глаголющихъ неправду.

На у́тренихъ поучахъ въ Тя, яко бысть помóщникъ мой, и въ кровѣ крилú Твоею возра́дуюся. Прильпé душа́ моя по Тебѣ, мене́ же прѣятъ десни́ца Твоя.

**Слава, и нынѣ.**

Аллилу́я, аллилу́я, слава Тебѣ Боже *(3 раза, безъ поклоновъ)*.

Господи помилуй *(3 раза)*.

**Слава, и нынѣ.**

*Псаломъ 87.* Господи Боже спасенія моего, во днѣ



возвахъ и въ нощи предъ Тобою. Да внидетъ предъ Тя молитва моя, приклоні ухо Твое къ моленію моему. Яко исполнися золь душа моя, и животъ мой аду приближися. Привмѣненъ быхъ съ низходящими въ ровъ, быхъ яко человекъ безъ по́мощи въ мѣртвыхъ свободѣ. Яко я́звеніи спящии во гробѣхъ, ихъ же не помянулъ еси къ тому, и ти отъ руки Твоея отриновѣни быша. Положиша мя въ ровѣ преисподнѣмъ, въ тѣмныхъ и сѣни смѣртней. На мнѣ утвердися ярость Твоя, и вся волны Твоя наведе на мя. Удалилъ еси знаемыхъ моихъ отъ мене, положиша мя мѣрзость себѣ, преданъ быхъ и не исхождахъ. Очи мои изнемогостъ отъ нищеты. Возвахъ къ Тебѣ Господи весь день, воздѣхъ къ Тебѣ рѹцѣ мои. Еда мѣртвыми твориши чюдеса, ли врачеве воскресятъ, и исповѣдятся Тебѣ. Еда повѣсть кто во гробѣхъ мѣлость Твою, и истину Твою въ погѣбели. Еда познана будутъ во тмѣ чюдеса Твоя, и правда Твоя въ земли забвенней. Азъ къ Тебѣ Господи возвахъ, и утро молитва моя предваритъ Тя. Вскюю Господи отрееши ду́шу мою, отвращаеши лице Свое отъ менѣ. Нищъ есмь азъ, и въ трудѣхъ отъ юности моея, вознесъ же смирихся и изнемогохъ. На мнѣ преидоша гнѣви Твои, устрашенія Твоя возмутіша мя. Обыдоша мя яко вода, весь день одержаша мя вкупѣ. Удалилъ еси отъ мене друга и искренняго, и знаемыхъ моихъ отъ страстей.

Господи Боже спасенія моего, во дни возвахъ и въ нощи предъ Тобою. Да внидетъ предъ Тя молитва моя, приклоні ухо Твое къ моленію моему.

*Псаломъ 102.* Благослови душе́ моя Господа, и вся внѹтрення моя имя святое Его. Благослови душе́

моя Господа, и не забывай всѣхъ воздаяніи Его. Очищающаго вся беззаконія твоя, исцѣляющаго вся недуги твоя. Избавляющаго отъ ислѣбніа животъ твой, вѣнчающаго тя милостію и щедротами. Исполняющаго во благихъ желаніе твое, обновится яко орлу юность твоя. Творяи милостыню Господь, и судьбу всѣмъ обидимымъ. Сказа пути Своя Моисеови, сыновомъ Израилевомъ хотѣнія Своя. Щедръ и милостивъ Господь, долготерпѣливъ и многомилостивъ. Не до конца прогнѣвается, ни въ вѣкъ враждуетъ. Не по беззаконіемъ нашимъ сотворилъ есть намъ, ни по грѣхомъ нашимъ воздалъ есть намъ. Яко по высотѣ небеснѣй отъ земли, утвердилъ есть Господь милость Свою на боящихся Его. Елико отстоятъ востоцы отъ западъ, удалилъ есть отъ насъ беззаконія наша. Яко же щедритъ Отецъ сыны, ущедритъ Господь боящихся Его. Яко Той позна созданіе наше, помяну яко персть есмь. Человѣкъ яко трава, дніе его яко цвѣтъ сѣльных, тако оцвѣтѣтъ. Яко духъ пройдетъ въ немъ и не будетъ, и не познаетъ къ Тому мѣста своего. Милость же Господня отъ вѣка и до вѣка на боящихся Его. И правда Его на сынѣхъ сыновъ, хранящихъ заветъ Его, и помнящихъ заповѣди Его, творити я. Господь на небеси уготова престолъ Свой, и царство Его всеми обладаетъ. Благословіте Господа вси ангели Его, сильніи крѣпостію творящіи слово Его, услышати гласъ словесъ Его. Благословіте Господа вся силы Его, слуги Его, творящіи волю Его. Благословіте Господа вся дѣла Его, на всякомъ мѣстѣ владычества Его, благослови душе моя Господа.

На всякомъ мѣстѣ влады́чества Его, благослови душе моя Господа.

*Псаломъ 142.* Господи, услыши молитву мою, внуши моленіе мое во истинѣ Твоей, услыши мя въ правдѣ Твоей. И не вни́ди въ судъ съ рабомъ Твоимъ, яко не оправди́тся предъ Тобою всякъ живыи. Яко погна́ врагъ душу мою, смирилъ есть въ земли́ животъ мой. Посади́лъ мя есть въ тѣмныхъ яко мѣртвыя вѣку, и уны́ во мнѣ духъ мой, во мнѣ смуті́ся сердце мое. Помяну́хъ дни древнія, поучи́хся во всѣхъ дѣлѣхъ Твои́хъ, и въ дѣлѣхъ ру́ку Твоею поуча́хся. Воздѣ́хъ къ Тебѣ ру́цѣ мои, душа моя яко земля безводная Тебѣ. Скоро услы́ши мя Господи, исчезе́ духъ мой. Не отврати́ лица́ Твоего отъ мене, и уподо́блюся низходя́щимъ въ ровъ. Слы́шану сотвори́ мнѣ за у́тра милость Твою, яко на Тя упова́хъ. Скажи мнѣ Господи путь, вонь же пойду, яко къ Тебѣ взяхъ душу мою. Изми́ мя отъ врагъ моихъ. Господи къ Тебѣ прибѣ́гохъ. Научи мя твори́ти волю Твою, яко Ты еси Богъ мой. Духъ Твой благи́ наста́витъ мя на землю пра́ву. Имене Твоего ради Господи живи́ши мя, пра́вдою Твоею изведе́ши отъ печали душу мою. И милостию Твоею потреби́ши враги моя, и погуби́ши вся стужа́ющія души́ моея, яко азъ рабъ Твой есмь.

Услы́ши мя въ правдѣ Твоей Господи услы́ши, и не вни́ди въ судъ съ рабомъ Твоимъ. Духъ Твой благи́ наста́витъ мя на землю пра́ву.

**Слава, и нынѣ.**

Аллилу́я, аллилу́я, слава Тебѣ Боже *(3 раза, безъ поклоновъ)*.

Господи помилуй *(12 разъ)*.

**Слава, и нынѣ.**

Богъ Господь и явися намъ, благословенъ грядыйи во имя Господне.

*Стихъ 1.* Исповѣдайтеся Господеви, яко благъ, яко въ вѣкъ милость Его.

*Стихъ 2.* Обышѣдше обыдоша мя, и именемъ Господнимъ противляхся имъ.

*Стихъ 3.* Не умру, но живъ буду, и повѣмъ дѣла Господня.

*Стихъ 4.* Камень, его же небрегоша зиждущи, сей бысть во главу углу. Отъ Господа бысть сей, и есть дивна во очію нашу.

*(По каждомъ стихъ поемъ Богъ Господь, на прилучившійся гласъ недѣли).*

*Тропарь воскресный, гласъ 6.*

Ангельскія силы на гробѣ Твоемъ, и стрегущей отъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не искушьяся отъ него. Срѣте Дѣву даруяи животь, воскресъ изъ мертвыхъ, Господи слава Тебѣ *(2 раза).*

*Слава, и нынѣ. Богородиченъ.*

Иже благословенную нарекии Матерь Себѣ, прииде на страсть волею Своею, восіявъ на Крестѣ, взыскати хотя Адама, глаголя ангеломъ срадуйтемяся, яко обрѣтесе изгѣбшая драхма, иже вся премудрѣ устроивыи Господи слава Тебѣ.

Господи помилуй *(3 раза).*

**Слава, и нынѣ.**

*Посемъ чтемъ 3 каѳизмы .*

*(Допустимо читать дома каѳизмы подрядъ, прочитывая по кругу весь Псалтырь).*

## Каѳизма 2.

*Псаломъ 9.* Исповѣмся Тебѣ Господи всѣмъ сердцемъ моимъ, повѣмъ вся чудеса Твоя. Возрадуяся и возвеселюся о Тебѣ, пою имени Твоему Вышній. Внегда возвратится врагу моему вспять, изнемогутъ и погибнуть отъ лица Твоего. Яко сотворилъ еси судъ мой и прю мою. Сѣлъ еси на престолъ судяи правду. Запретилъ еси языкомъ, и погибе нечестивый, имя его потребилъ еси въ вѣкъ и въ вѣкъ вѣка. Врагу оскудѣша оружія въ конецъ, и грады разрушилъ еси. Погибе память его съ шумомъ, и Господь пребываетъ во вѣки. Уготова на судъ престолъ Свой, и Той судитъ вселенней въ правду, судитъ людемъ въ правду. И бысть Господь прибѣжище убогому, помощникъ во благо время въ печалѣхъ. И да уповаютъ на Тя знающіи имя Твое, яко не оставилъ еси взыскающихъ Тя Господи. Пойте Господеви живущему въ Сионѣ, возвестите во языцѣхъ начинанія Его. Яко взыскаея крови ихъ помяну, не забы званія убогихъ. Помилуй мя Господи, виждь смиреніе мое отъ врагъ моихъ. Возносяи мя отъ вратъ смѣртныхъ, яко да возвѣщу вся хвалы Твоя, во вратѣхъ дщери Сионя. Возрадуемся о спасеніи Твоемъ, углѣбоша языцы въ пагубѣ, юже сотвориша. Въ сѣти сей юже скрыта, увязе нога ихъ. Знаемъ есть Господь судьбы творя, въ дѣлѣхъ руку своею увязе грѣшникъ. Да возвратятся грѣшницы во адъ, вси языцы забывающіи Бога. Яко не до конца забвенъ будетъ нищій, терпѣніе убогихъ не погибнетъ до конца. Воскресни Господи, да не крѣпится человѣкъ, да судятся языцы предъ Тобою. Постави Господи законодѣвца надъ ними, да разумѣютъ языцы, яко человѣцы суть. Вскую Господи отстоя далече, прѣзриши во благо время въ печалѣхъ. Въ гордости нечестиваго возгарается нищій, увязаютъ въ совѣтѣхъ, аже помышляютъ. Яко хвалимъ есть грѣшный въ похотѣхъ души своея, и обидѣи благословимъ.

Раздражи Господа грѣшный, по множеству гнѣва своего не възыщеть. Нѣсть Бога предъ нимъ, оскверняются путіе его на всяко время. Отъѣмлются судьбы Твоя отъ лица его, всѣмъ врагомъ своимъ одолѣеть. Рече бо въ сѣрдцы своемъ, не подвижуся отъ рода въ родъ безъ зла. Ему же клятвы уста его полна суть, и горести и лести, подъ языкомъ его трудъ и болѣзнь. Присѣдитъ въ лаятелехъ съ богатыми, въ тайныхъ убійти неповиннаго. Очи его на нищія призираете, ловитъ въ тайныхъ, яко левъ во оградѣ своей. Ловитъ восхитити убогаго, восхитити нищаго, внигда привлещи и. Въ сѣти своей смиритъ и, преклонится и падетъ, егда удалѣтъ убогимъ. Рече бо въ сѣрдцы своемъ, забы Богъ, отврати лице свое, да не видитъ до конца. Воскресни Господи Боже мой, да вознесетъ рука Твоя, не забуди нищихъ Своихъ до конца. Чесо ради прогнѣва нечестивый Бога, рече бо въ сѣрдцы своемъ, не възыщеть. Видиши, яко Ты болѣзнь и ярость смотриаеши, да преданъ будетъ въ рѣцѣ Твои. Тебѣ оставленъ есть нищія, сиру Ты буди помощникъ. Сокруши мѣшцу грѣшному и лукавому, възыщется грѣхъ его, и не обрящется. Господь царь во вѣки, и во вѣкъ вѣка, погибнете языцы Отъ земли Его. Желаніе убогихъ услышалъ еси Господи, уготованіе сѣрдца ихъ внятъ ухо Твое. Суди сиру и смирену, да не приложитъ потомъ величатися человекъ на земли.

*Псаломъ 10.* На Господа уповахъ, како речеть души моей, превитай по горамъ яко птица. Яко се грѣшницы налякоша лукъ, уготоваша стрѣлы въ тулъ, сострѣляти во мрацѣ правыя сердцемъ. Зане яже Ты соверши, они разрушиша, праведникъ же что сотвори? Господь въ церкви святѣй Своей. Господь, на небеси престоль Его. Очи Его на нищаго призираете, вѣжди Его испытаете сыны человекскія. Господь испытаетъ праведнаго и нечестиваго, любяи же неправду, ненавидитъ свою дѣшу. Одождитъ на грѣшники сѣти, огонь и жупель

## Утреня

и духъ буре́нь, часть чаша ихъ. Яко праведенъ Господь и правду возлюбѣ, правая видѣ лице́ Его.

**Слава, и нынѣ.**

Аллилуїя, аллилуїя, слава Тебѣ Боже *(3 раза, съ поклонами)*.

Господи помилуй *(3 раза)*.

**Слава, и нынѣ.**

*Псаломъ 11.* Спаси́ мя, Господи, яко оскудѣ преподобный, яко умалишася истины отъ сынѡвъ чело́вѣческихъ. Су́етная глаго́ла ко́ждо ко́ искреннему своему, устны́ льстивыя въ се́рдцы, и въ се́рдцы глаго́лаша злая. Потребитъ Господь вся устны́ льстивыя, язы́къ велерѣчивъ. Рѣкши́я, язы́къ нашъ возвели́чимъ, устны́ наша при насъ суть, кто намъ Господь есть. Стра́сти ради нищихъ, и воздыха́нія убогихъ, нынѣ воскресну́ глаголетъ Господь. Положу́ся во спасе́ние, и не обину́ся о немъ. Слова́ Господня, слова́ чи́сты, сребро́ раждже́но, искуше́но земли, очище́но седмери́цею. Ты Господи сохрани́ши ны, и соблюде́ши ны, отъ рода сего и во́ вѣки. О́крестъ нечестивіи ходо́ятъ, по высоте́ Твоей умно́жилъ еси сы́ны чело́вѣческія.

*Псаломъ 12.* Доко́лѣ Господи забудеши мя до конца, доко́лѣ отвраща́еши лице́ Свое отъ мене. Доко́лѣ положу́ совѣты въ души́ моей, болѣзни въ се́рдцы моемъ день и но́щь. Доко́лѣ вознесе́тся врагъ мой на мя, при́зри и услы́ши мя Господи Боже мой. Просвѣти́ очи мои, да некогда́ усну́ въ смерть, да некогда́ рече́тъ врагъ мой, укрѣпихся нань. Стужа́ющіи ми возра́дуются, а́ще ся подви́жу, азъ же на милость Твою упова́хъ. Возра́дуется сердце мое, о спасе́нии Твоемъ. Воспою́ Господеви благодѣ́явшему мнѣ, и пою́ имени Господню вы́шнему.

*Псаломъ 13.* Рече́ безу́менъ въ се́рдцы сво́емъ, нѣсть Бога. Раствлѣ́ша и омрази́шася въ начинаніихъ, нѣсть

## Утренняя

творяи благостыни. Господь съ небесе́ приниче на сыны человекскія, видѣти аще есть разумѣваяи, или взыскаяи Бога. Всеи уклонішася, вкупѣ неключими быша, нѣсть творяи благостыню, нѣсть до единого. Ни ли разумѣютъ всеи дѣлающіи беззаконіе, снѣдающіи люди моя хлѣба мѣсто. Господа не призваша, тамо убояшася страха, идеже не бѣ страха. Яко Господь въ рѣдѣ праведныхъ, совѣтъ ницаго посрамите, Господь же упованіе его есть. Кто дастъ отъ Сіона спасеніе Израилево. Внегда возвратитъ Господь плѣненіе людей Своихъ, возрадуется Іаковъ, и возвеселится Израиль.

**Слава, и нынѣ.**

Аллилуія, аллилуія, слава Тебѣ Боже *(3 раза, съ поклонами)*.

Господи помилуй *(3 раза)*.

**Слава, и нынѣ.**

*Псаломъ 14.* Господи, кто обитаетъ въ жилищи Твоемъ, ли кто вселится во святую гору Твою. Ходяи безъ порока, и дѣлаяи правду, глаголяи истину въ сѣрдцы своемъ, иже не ульстіи языкомъ Своимъ. И не сотвори искреннему своему зла, и поношенія не пріятъ на ближніи своя. Уничженъ есть предъ нимъ лукавый, боящыяся Господа славить. Кленьися искреннему своему, и не отметаися, сребра своего не дастъ въ лихву, и мзды на неповинныхъ не пріятъ. Творяи сія, не подвижится во вѣки.

*Псаломъ 15.* Сохрани мя Господи, яко на Тя уповахъ. Рѣхъ Господеви, Господь мой еси Ты, яко благихъ моихъ не требуеши. Святимъ иже суть на земли Его, удивіи Господь вся хотѣніи Своя въ нихъ. Умножишася немоци ихъ, по сихъ ускориша. Не соберу соборы ихъ отъ кровій, ниже помяну именъ ихъ устнама мойма. Господь часть достоянія моего, и чаши моея, Ты еси устрой достояніе мое мнѣ. Южа допадоша ми въ державныхъ мнѣ, ибо достояніе мое державно есть



## Утренняя

мнѣ. Благословлю́ Господа вразумившаго мя, еще́ же и до нощи показá мя утроба́ моя. Предзрѣхъ́ Господа предо мною вы́ну, яко одесну́ю мене́ есть, дася́ не подви́жу. Сего ради возвесели́ся сердце мое, и возра́довася языкъ мой, еще же и плоть моя вселит́ся на упова́ние. Яко не оста́виши ду́шу мою во адѣ́, ни да́си же преподобному Своему видети истлѣ́нїя. Сказалъ ми еси пути живота, испо́лниши мя веселі́я съ лицѣ́мъ Твоимъ, красота́ въ десни́цѣ Твоей въ конецъ.

*Псаломъ 16.* Услы́ши Господи правду мою, вонми́ моленіе мое. Внуши молитву мою, не во устна́хъ льстивыхъ. Отъ лица Твоего судьба́ моя изы́детъ, очи мои да видятъ правоты. Искусилъ еси сердце мое, посетилъ еси но́щїю. Искусилъ мя еси, и не обрѣ́тесе во мнѣ неправда. Яко да не возглаго́луютъ уста́ моя дѣ́лъ чело́вѣческихъ, за словеса́ устенъ Твоихъ, азъ сохрани́хъ пути́ же́стоки. Соверши стопы́ моя въ стезя́хъ Твоихъ, да не подви́жутся стопы́ моя. Азъ возвахъ́ яко услы́ша мя Боже, приклони́ ухо Твое мнѣ, и услы́ши глаго́лы моя. Удиви́ милости Твоя, спаса́яи упова́ющихъ на Тя. Отъ противящихся десни́цѣ Твоей, сохрани мя Господи яко зе́ницу о́ка. Въ кро́вь крилу́ Твоею покры́еши мя, отъ лица нечестивыхъ остра́стьшихъ мя. Врази́ мои ду́шу мою удержи́ша, тукъ свой затвори́ша, уста ихъ глаго́лаша горды́ню. Изгоня́щїи мя нынѣ́ обыдо́ша мя, очи свои возложи́ша уклони́ти на землю. Объя́ша мя яко левъ гото́въ на ловъ, и яко скі́мень обита́я въ сокро́вищихъ. Воскресни́ Господи предвари́ я, и запни́ имъ. Изми́ ду́шу мою отъ нечестивыхъ, ору́жія Твоя отъ рукъ врагъ Твоихъ. Господи отмáль отъ земли, раздѣ́ли я́ въ животѣ́ ихъ, и сокро́венныхъ Твоихъ испо́лнися утроба ихъ. Насы́тишася сыно́въ, и оста́виша оста́нки младенце́мъ Своимъ. Азъ же правдою явлю́ся лицу Твоему. Насы́щуся внегда́ явит́мися слава Твоя́.

*Слава, и нынѣ́.*

## Утреня

Аллилуія, аллилуія, слава Тебѣ Боже *(3 раза, съ поклонами).*

Господи помилуй *(3 раза).*

Слава, и нынѣ.

*Съдаленъ, гласъ б.*

Грѣбу отвѣрсту сущу, аду плачущуся, Марія вопіяше къ скрѣвшимся апостоломъ, изыдите винограда дѣлателие, проповѣдите воскресѣнія слово, воскресе Господь, подаѣ мірови велію милость.

*Стихъ.* Воскресні Господи Боже мой да вознесѣтся рука Твоя, не забуди нищихъ Своихъ до конца.

*Повторяемъ:* Грѣбу отверсту сущу.

Слава, и нынѣ. *Богородиченъ.*

Богородице Дѣво, моли Сына Своего, волею пригвождышагося на Крестѣ, и воскресшаго изъ мертвыхъ Христа Бога нашего, спастіся душамъ нашимъ.

Господи помилуй *(3 раза).*

Слава, и нынѣ.

*Каѳизма 3.*

*Псаломъ 17.* Возлюблю Тя Господи крѣпости моя. Господь утверженіе мое, и прибѣжище мое, и избавитель мой. Богъ мой помощникъ мой, и уповаю на Нань. Защититель мой, и рогъ спасенія моего, и заступникъ мой. Хваля призову Господа, и отъ врагъ моихъ спасуся. Одержаша мя болѣзни смѣртныя, и потоцы беззаконія смутиша мя. Болѣзни адовы обыдоша мя, предвариша мя сѣти смѣртныя. И внигда скорбѣти ми, призвахъ Господа, и къ Богу моему возвахъ. Услыша отъ цѣркве святія Своея гласъ мой, и вопль мой предъ Нимъ внидетъ предъ очима Его. И подвижася, и трѣпетна бысть земля, и основанія горъ смутишася, и подвижася яко прогнѣвася на ня Богъ. Взыде дымъ гнѣвомъ Его, и огонь отъ лица Его воспланется, углія возгорѣшася отъ Него. И преклоні небеса и сніде, и примракъ подъ ногама Его. И

## Утреня

взыде на херувимъ и летѣ, возлетѣ на крилу вѣтреню, и положи тму за кровь Свой, о́крестъ Его селѣніе Его, темна́ вода во о́блацѣхъ воздушныхъ. Отъ облистанія предъ Нимъ о́блацы проидо́ша, градъ и у́гліе о́гнено. И возгремѣ съ небесѣ Господь, и Вы́шній даде́ гласъ Свой. Пусти́ стрѣлы и разгна́ я, и мо́лнія умно́жи, и смути́ ихъ. И яви́шася исто́чницы водни, и открь́шася основанія вселѣнныя. Отъ запрещенія Твоего Господи, отъ дохновѣнія духа гнѣва Твоего. Посла́ свыше и пріятъ мя, воспріятъ мя отъ водъ много́. Избавитъ мя отъ врагъ моихъ сильныхъ и отъ ненавидящихъ мя, яко укрѣпи́шася па́че мене́. Предвари́ша мя въ день озлобленія моего, и бысть Господь утверженіе мое. И изведе́ мя на широту́, избавитъ мя яко восхотѣ́ мя. И возда́тъ ми Господь по правдѣ моей, и по чистотѣ́ руку мою́ воздастъ ми. Яко сохрани́хъ пути Господни, и не нечѣствовахъ отъ Бога моего. Яко вся судьбы́ Его предо мною, и оправданія Его не отступі́ша отъ мене́. И буду непороченъ съ нимъ, и сохраню́ся отъ беззаконія моего. И возда́тъ ми Господь по правдѣ моей, и по чистотѣ́ руку мою́, предъ очима́ Его. Съ преподобнымъ преподобенъ будѣши, и съ мѹжемъ неповиннымъ неповиненъ будѣши. И со избраннымъ избранъ будѣши, и со строптивымъ разврати́шися. Яко Ты люди смиренныя спасѣ́ши, и очи гордыхъ смири́ши. Яко Ты просвѣща́еши свѣтильникъ мой Господи, Боже мой, просвѣща́еши тму мою́. Яко Тобою избавлю́ся отъ искушенія, и о Бозѣ́ моемъ прелѣзу стѣ́ну. Богъ мой, непороченъ путь Его, словеса́ Господня ражде́жена, Защи́титель естъ всѣмъ уповающимъ нань. Яко кто Богъ, развѣ́ Господа, или кто Богъ, развѣ́ Бога нашего. Богъ препоя́са мя силою, и положи́ непороченъ путь мой. Сверша́я нозѣ́ мои яко елѣ́ни, и на высо́кихъ поставля́я мя. Науча́я рѹцѣ́ мой на брань, и положи́ лукъ мѣ́дьянъ мѹшцамъ моимъ. И далъ ми еси защи́ченіе спасѣ́нія, и десница́ Твоя пріятъ

## Утренья

мя. И наказаніе Твое исправитъ мя въ конецъ, и наказаніе Твое то мя научитъ. Уширилъ еси стопы моя подо мною, и не изнеможете плеснѣ мои. Пожену враги моя, и постигну я, и не возвращуся дондеже скончуются. Оскорблю ихъ, и не возмогутъ стати, падутъ подъ ногама мойма. И препоясалъ мя еси силою на брань, спялъ еси вся востающыя на мя подъ мя. И врагъ моихъ далъ ми еси хребѣтъ, и ненавидящыя мя потребилъ еси. Возвѣша, и не бѣ спасаеи, ко Господу, и не услышаше ихъ. И истну ихъ яко прахъ предъ лицемъ вѣтра, яко брѣніе пути поглажду ихъ. И избави мя отъ пререканія людѣй, поставиши мя во главу языкомъ. Людѣе ихъ же не вѣдѣхъ порабѣташа ми, въ слухъ уха услышаша мя. Сынове чуждіи солгаша ми, сынове чуждіи обѣташа, и охромѣша отъ стезь своихъ. Живъ Господь, и благословенъ Богъ, и вознесѣтся Богъ спасенія моего. Богъ даеи отмщеніе мне, и повинуйи люди подъ мя, избавитель мой отъ врагъ моихъ гнѣвливыхъ. Отъ востающихъ на мя вознесѣши мя, отъ мужа неправедна избавиши мя. Сего ради исповѣмся Тебѣ въ языцѣхъ Господи, и имени Твоему пою. Величая спасенія царѣва, и творяи милость Христу Своему Давыду, и сѣмени его до вѣка.

**Слава, и нынѣ.**

Аллилуія, аллилуія, слава Тебѣ Боже *(3 раза, съ поклонами)*.

Господи помилуй *(3 раза)*.

**Слава, и нынѣ.**

**Псаломъ 18.** Небеса повѣдаютъ славу Божию, твореніе же рѣку Его возвѣщаетъ твердь. День дни отрыгаетъ глаголъ, и ночь нощи возвѣщаетъ разумъ. Не суть рѣчи ни словеса, ихъ же не слышатся гласи ихъ. Во всю землю изыде вѣщаніе ихъ, и въ концы вселенныя глаголы ихъ. Въ солнцы положи селеніе Свое, и Той яко женихъ исходяи отъ чертога Своего.

## Утренняя

Возрадуется яко исполинъ теши путь, отъ конца небесъ исходъ Его. И срѣтеніе Его до конца небесъ, и нѣсть иже укрыется теплоты́ Его. Законъ Господень непорочень, обращаи душа́, свидѣтельство Господне вѣрно, умудряя младѣнца. Оправданія Господня права, веселящая сердце, заповѣдь Господня свѣтла́, просвѣщающи очи. Страхъ Господень чистъ, пребывая въ вѣкъ вѣка, судьбы́ Господни истинны, оправданы вкупѣ. И вожделѣнны паче злата, и камене чѣстна мно́га, и слаждьша паче меда и со́та. Ибо рабъ Твой хранитъ ихъ, внигда сохранити ихъ, воздаяніе много. Грѣхопаденія кто разумѣетъ, отъ тайныхъ моихъ очисти мя, и отъ чуждихъ пощади раба Твоего. Аще не удалѣютъ ми, тогда непорочень буду, и очищуся отъ грѣха велика. И будутъ во благоволеніе словеса́ устъ моихъ, и поученіе сердца моего предъ Тобою выну. Господи помощниче мой, и избавителю мой.

*Псаломъ 19.* Услышитъ тя Господь въ день печали, защититъ тя имя Бога Іаковля. Послетъ ти помощь отъ святаго, и отъ Сіона заступитъ тя. Помянетъ всяку жертву твою, и вся сожженія твоя тучна буди. Дастъ ти Господь по сердцу твоему, и весь совѣтъ твой исполнитъ. Возрадуемся о спасеніи Твоемъ, и во имя Господа Бога нашего возвеличимся. Исполнитъ Господь вся прошенія твоя. Нынѣ познахъ яко спаслъ есть Господь Христа Своего. Услышитъ Его съ небесѣ святаго Своего, въ силахъ спасеніе десница Его. Сіи на колесницахъ, и сіи на конихъ, мы же во имя Господа Бога нашего призовемъ. Тии спяти быша и падоша, мы же востахомъ и исправихомся. Господи спаси царя, и услыши ны, вонъ же день аще призовемъ Тя.

*Псаломъ 20.* Господи, силою Твоею возвеселится царь, и о спасеніи Твоемъ возрадуется зѣло. Желаніе сердца его далъ еси ему, и хотенія устнѣ его неси лишилъ его. Яко предварилъ еси его благословеніемъ благостыннымъ, положилъ еси на

## Утренья

главѣ его вѣнецъ отъ камене чѣстна. Живота просилъ есть у Тебѣ, и далъ еси ему долготу днй въ вѣкъ вѣка. Вѣлія слава его спасеніемъ Твоимъ, славу и велелѣпіе возложиши нань. Яко да си ему благословеніе въ вѣкъ вѣка, возвеселиши его радостію съ лицемъ Твоимъ. Яко царь уповаеть на Господа, и милостію Вышняго не подвижится. Обрящется рука Твоя всѣмъ врагомъ Твоимъ, десница Твоя обрящеть вся ненавидящія Тебѣ. Яко положиши ихъ яко пещь огненую, во время лица Твоего. Господь гнѣвомъ Своимъ смятеть я, и снѣсть ихъ огонь. Плодъ ихъ отъ земли погубиши, и сѣмя ихъ отъ сыновъ человеческихъ. Яко уклониша на Тя злая, помыслиша совѣты, ихъ же не возмогоша составити. Яко положиши ихъ хребетъ во избѣйцахъ своихъ, уготоваеши лице ихъ. Вознесія Господи сілою Твоею, воспоёмъ и поёмъ сілы Твоя.

**Слава, и нынѣ.**

Аллилуія, аллилуія, слава Тебѣ Боже *(3 раза, съ поклонами)*.

Господи помилуй *(3 раза)*.

**Слава, и нынѣ.**

*Псаломъ 21.* Боже Боже мой, вонми ми, вскую остави мя, далече отъ спасенія моего, словеса грѣхопадѣніи моихъ. Боже мой воззову во днехъ и не услышиши, и въ ноці и не въ безуміе мнѣ. Ты же во Святѣмъ живѣши хвала Израилева. На Тя уповаша отцы наши, уповаша, и избавилъ еси ихъ. Къ Тебѣ возваша и спасошася, на Тя уповаша и не постыдѣшася. Азъ же есмь червь, а не человекъ, поношеніе человекомъ и униженіе людемъ. Все видящїи мя поругашамися, глаголаша устнами, покиваша главу. Упова на Господа, да избавитъ и, да спасетъ Его, яко хощетъ Его. Яко Ты еси исторгни мя изъ чрева, упованіе мое отъ сосцѣ матере моея. Къ Тебѣ приверженъ есмь отъ ложеснѣ, отъ чрева матере моея.

## Утреня

Богъ мой еси Ты, не отступи́ отъ мене. Яко скорбь близъ, яко нѣсть помогающаго ми. Обыдоша мя тельцы́ мнози, юнцы тучнии одержаша мя. Отверзоша на мя уста́ своя, яко левъ восхищайи и рыкаѣи. Яко вода изліяся, и разсыпашася вся кости моя. Бысть сердце мое, яко воскъ тая посредѣ чрева моего. Изшѣ яко скудѣль крѣпость моя, и языкъ мой прильпѣ гортани моему, и въ персть смерти свелъ мя еси. Яко обыдоша мя пси мнози, сонмъ лукавыхъ одержаша мя. Ископаша рѣцѣ мои и нозѣ мои, исчетоша вся кости моя. Ти же смотриша, и презрѣша мя, раздѣлиша ризы моя себѣ, и о одежди моей меташа жребіа. Ты же Господи не удали́ помощь Твою отъ менѣ, на заступленіе мое вонми. Изми отъ оружіа дѹшу мою, и изъ руки пѣсія единорѹдную мою. Спаси мя отъ устѣ львовъ, и отъ рогъ единорѹжь смиреніе мое. Повѣмъ имя Твое братіи моей, посредѣ церкви воспою́ Тя. Боящися Господа восхвалите ѿ, все сѣмя Іаковле, просла́вите Его. Да убойтжеся отъ Него все сѣмя Израилево, яко не уничижи́ ни негодова́ молитвы нищаго. Ни отврати́ же лица Своего отъ мене, и егда́ возвахъ къ Нему, услыша мя. Отъ Тебе похвала́ моя, въ церкви велицѣ исповѣмся Тебѣ, молитвы моя воздамъ предъ боящимися Его. Ядятъ нищии и насытятся, и восхвалятъ Господа взыскающии Его, жива́ будутъ сердца́ ихъ въ вѣкъ вѣка. Помянутся и обратятся ко Господу вси концы́ земли, и поклонятся предъ Нимъ вся отечествія языкъ. Яко Господне есть царствіе, и Той облада́етъ языки. Ядоша и поклонішася вси тучнии земли, предъ Нимъ припадѹтъ вси низходящии въ зѣмлю. И душа́ моя Тому живѣтъ, и сѣмя мое поработа́етъ Ему. Возвеститъ Господеви родъ грядѹщій, и возвестятъ правду Его людемъ рѹдъшимся, ихъ же сотвори́ Господь.

*Псаломъ 22.* Господь пасѣтъ мя, и ничто́ же мя лишитъ. На мѣстѣ злачнѣ тамо всели́ мя, на водѣ покойнѣ воспита́ мя, дѹшу мою обрати́. Настави мя на стези́ правы, имене ради Его.

## Утреня

Аще бо и пойду́ посре́дѣ сѣ́ней смѣ́ртныхъ, не убою́ся зла, яко Ты со мною еси. Жезлъ Твой и па́лица Твоя та мя утѣ́шиста. Угото́валъ еси предо мно́ю трапѣзу, предѣ стужа́ющихъ мнѣ́. Ума́стилъ еси еле́омъ главу́ мою, и чаша Твоя упоява́ющи мя яко держа́вна. И милость Твоя поженѣ́тъ мя во вся дни живота моего, и вселитимися въ домъ Господень въ долготу́ днѣй.

*Псаломъ 23.* Господня есть земля, и исполнѣніе ея, вселѣнная, и вси живущіи на ней. Той на морѣхъ основалъ ю естъ, и на рѣкѣхъ уготавалъ ю естъ. Кто възидетъ на гору Господню, или кто стѣнетъ на мѣстѣ святѣмъ Его. Неповиненъ рукама и чистъ сѣрдцемъ, иже не пріятъ на сѣу дѣшу свою, и не кля́тся лѣстію іскреннему своему. Сей пріиметъ благословѣніе отъ Господа, и милостыню отъ Бога Спаса Своего. Сей родъ іщущихъ Господа, іщущихъ лице Бога Іаковля. Возмѣте врата князи ва́ша, и возмѣ́теся врата вѣ́чная, и внидетъ Царь Славы. Кто естъ сей Царь Славы? Господь крѣпокъ и силенъ, Господь силенъ во брани. Возмѣ́те врата князи ва́ша, и возмѣ́теся врата вѣ́чная, и внидетъ Царь Славы. Кто естъ сей Царь Славы? Господь сіламъ, Той естъ Царь Славы.

*Слава, и нынѣ.*

Аллилуія, аллилуія, слава Тебѣ́ Боже *(3 раза, съ поклонами).*

Господи помилуй *(3 раза).*

*Слава, и нынѣ.*

*Съдаленъ, гласъ 6.*

Господи, предстояще гробу Твоему Марія́ Магда́льня и пла́чущи вопіяше, вертогра́даря Тя мнѣ́щи глаго́лаше, гдѣ́ положи́лъ еси вѣ́чный животъ, гдѣ́ скры́лъ еси иже на престолѣ́ херувімстѣ́мъ сѣ́дяща, стрегу́щи бо Его, отъ страха омертвѣ́ша, или Господа моего дадите ми, или со мною возопійте иже въ мѣ́ртвыхъ бывъ и мѣ́ртвыя воскресивъ



Господи слава Тебѣ.

*Стихъ.* Исповѣмся Тебѣ Господи всемъ сердцемъ моимъ, повѣмъ вся чудеса Твоя.

*Повторяемъ:* Господи, предстояще гробу.

*Слава, и нынѣ. Богородиченъ.*

Преднаписуетъ Гедеонъ зачатіе, и сказуетъ Давидъ рождество Твое, препѣтая Богородице Дѣво, сошедъ бо яко дождь на руно, Слово во утробу Твою. Израстила еси безъ сѣмене, Землѣ Святая, міру спасеніе, Христа Бога нашего, Обрадованная.

*Каѳизма 17.*

*По каѳизмахъ тропари (воскресны непорочны), гласъ 5.*

*Благословенъ еси Господи, научи насъ оправданіемъ Твоимъ.*

Ангельскій соборъ удивися, зря Тебѣ въ мѣртвыхъ вменшася. Смертную же Спасе крѣпость разорша, и съ Собою Адама воздвигша, и отъ ада вся свободыша.

*Благословенъ еси Господи, научи насъ оправданіемъ Твоимъ.*

Почто мѣро съ милостивыми слезами, о ученицы изливаете, блистая на гробъ ангелъ муриносицамъ вѣщае, видите вы гробъ тощ и разумѣйте, Спасъ бо воскресе отъ гроба.

*Благословенъ еси Господи, научи насъ оправданіемъ Твоимъ.*

Зѣло рано муриносицы течаху на гробъ рыдающе, но предста къ нимъ ангелъ и рече, рыданію время преста, не плачитесь, воскресеніе же апостоломъ рците.

*Благословенъ еси Господи, научи насъ оправданіемъ Твоимъ.*

Муроносицы жены, съ мвромъ пришѣдше, ко гробу Твоему Спасе рыдающе. Ангелу же къ нимъ вѣщающе, что съ мѣртвыми живаго помышляете, ибо яко Богъ, воскресе отъ гроба.

**Слава Отцу и Сыну и Святому Духу.**

Поклонимся Отцу, и Того Сынови, и Святому Духу, Святѣй Троицѣ во единомъ Существоѣ, съ серафимы зовуще, Святъ, Святъ, Святъ Еси, Господи.

**И нынѣ и присно и во вѣки вѣкомъ, аминь.**

Жизнодавца рождыши, отъ грѣха Дѣвице Адама избавила еси. Радость же Еввѣ въ печали мѣсто дарова, отъ падшія жизни, тѣмъ паки къ Той возводитъ, изъ Тебѣ воплотивыися Богъ и чело-вѣкъ.

Аллилуія, аллилуія, слава Тебѣ Боже *(3 раза, съ поклонами).*

Господи помилуй *(3 раза).*

**Слава, и нынѣ. Инакоу, гласъ 6.**

Вольною и животворною Ти смертию Христе Боже, врата адова сокрушивъ яко Богъ, отверзль еси намъ древній рай, воскресъ изъ мѣртвыхъ, избави изъ нетлѣнія животъ нашъ.

**Антифоны, гласъ 6.**

**Антифонъ 1-й.** На небо очи мои возвожѣ къ Тебѣ Слове, ущѣдри мя, да живу Ти.

Помилуй насъ униженыхъ, устрояя благопотребныя Ти сосуды Слове.

**Слава, и нынѣ.**

Святымъ Духомъ всяка спасеная вина. Аще коемуся по достоянію дхнетъ, скоро взѣмлетъ отъ земныхъ, возвышаетъ, возвращаетъ и устрояетъ горѣ.

*Антифонъ 2-й.* Аще не Господь былъ бы въ насъ, ни единъ же отъ насъ противу возмогль бы, вражіимъ бранемъ одолѣти, побѣждаючи бо отъ здѣ возно́сятся.

Зубы ихъ да не ята будетъ душа́ моя, яко птенѣць  
Слове: увы мнѣ, како хошю́ отъ врага избѣйти, грѣ-  
хлюбивъ сѣи.

**Слава, и нынѣ.**

Святѣмъ Духомъ, обоженіе всѣмъ, благоволеніе  
и разумъ, миръ и благословеніе, равномо́щень бо  
есть Отцу и Слову.

*Антифонъ 3-й.* Надѣющіися на Господа, врагомъ  
стра́шни и всѣмъ дивни, горѣ бо зрятъ.

Въ беззаконіи рукъ Своихъ, праведныхъ жребіи,  
помощника Тя имѣя Спасе, не прѣструтъ.

**Слава, и нынѣ.**

Святаго Духа держава на всѣхъ, Ему же вы́шняя  
вои́нства поклоняются, со всякимъ дыха́ніемъ  
до́лнимъ.

*Передъ Евангеліемъ.*

Прокименъ, псаломъ Давыдовъ, гласъ 6-й. Господи,  
воздвѣгни силу Твою, и прійди да спасеши ны.

*Пѣвцы.* Господи, воздвигни силу Твою, и прійди да спасеши  
ны.

*Стихъ.* Пасыи Израиля, воньми́ наставляяи яко  
овча Іосифа.

*Пѣвцы.* Господи, воздвигни силу Твою, и прійди да спасеши  
ны.

Господи, воздвѣгни силу Твою.

*Пѣвцы.* И прійди да спасеши ны.

Господи Иисусе Христе Сыне Божій, помилуй  
насъ.

*Пѣвцы.* Аминь.

Всяко дыханіе да хвалитъ Господа.

*Пѣвцы.* Всяко дыханіе да хвалитъ Господа.

Хвалите Бога во святыхъ Его, хвалите Его во утверженіи силъ его.

*Пѣвцы.* Всяко дыханіе да хвалитъ Господа.

Всяко дыханіе.

*Пѣвцы.* Да хвалитъ Господа.

Господи помилуй (3 раза).

*Воскресныхъ утреннихъ Евангелій одинадцать, читаются чередуясь мужду собою, одно за другимъ. Въ другіе праздники читаются Евангелія примънительно къ празднуемому событію. На Утренѣ всегда читается одно Евангельское зачало. Съ Недѣль Всѣхъ Святыхъ, 1-я по Пятидесятницѣ, читается Евангеліе: (1) Мѡ. 28, 16–20; (2) Мк. 16, 1–8; (3) Мк. 16, 9–20; (4) Лк. 24, 1–12; (5) Лк. 24, 12–35; (6) Лк. 24, 36–53; (7) Іоан. 20, 1–10; (8) Іоан. 20, 11–18; (9) Іоан. 20, 19–31; (10) Іоан. 21, 1–14; (11) Іоан. 21, 15–25.*

Отъ Луки святаго Евангелія чтеніе.

*Пѣвцы.* Слава Тебѣ, Господи.

*Евангеліе 6-е.* Во время оно, воскресъ Иисусъ отъ мѣртвыхъ, и ста посредѣ ученикъ Своихъ, и глагола имъ: миръ вамъ. Убоявшее же ся и пристрашни бывше, мнѣху духъ видяще. И рече имъ: что смущени есте, и почто помышленія входятъ въ сердца ваша, видите рѣцѣ мои и нозѣ мои, яко Самъ Азъ есмь. Осяжите Мя и видите, яко духъ плоти и кости не имать, якоже Мя видите имуща. И се рекъ, показавъ имъ рѣцѣ и нозѣ Свои. Еще же невѣрующемъ имъ отъ радости и чюдящемся, рече имъ: имате ли что снѣдно здѣ. Они же даша Ему рыбы печеныи часть, и отъ пчель сотъ. И вземъ предъ ними яде. Рече же имъ: си суть словеса яже глаголахъ

къ вамъ, еще съи съ вами, яко подобаетъ скончатися всѣмъ написанымъ, въ законѣ Моисеовѣ и пророцѣхъ и псалмѣхъ о Мнѣ. Тогда отвѣрзе имъ умъ, разумѣти писанія. И рече имъ, яко тако писано есть, и тако подобаше пострадати Христу, и воскреснути отъ мѣртвыхъ въ третій день. И проповѣдаться во имя Его, покаянію и отпущенію грѣховъ, во всѣхъ языцѣхъ, наченше отъ Иеросалима. Вы же есте свидѣтели симъ. И се Азъ послю обѣтованіе Отца Моего на вы. Вы же съдите во градѣ Иеросалимстѣ дондеже облечетесь сілою свѣше. Извѣдъ же ихъ вонъ до Виѣаніи, и воздвигъ рѣцѣ Свои, и благослови ихъ. И бысть егда благословяше ихъ, отступи отъ нихъ, и возношашеся на небо. И ти поклонишася Ему, и возвратишася во Иеросалимъ съ радостію великою. И бяху выну въ церкви, хваляще и благословяще Бога, аминь.

*Пѣвцы.* Слава Тебѣ, Господи.

Воскресеніе Христово видевше, поклонимся Святому Господу Иисусу единому безгрѣшному (*поклонъ*). Кресту Твоему поклоняемся Христе, и святое воскресеніе Твое поемъ и славимъ (*поклонъ*), Ты бо еси Богъ нашъ, развѣ бо Тебѣ иногѣ не знаемъ, имя Твое нарицаемъ. Приидите вси вѣрніи поклонимся святому Христову воскресенію, се бо прииде Крестъ ради радость всему міру (*поклонъ*). Всегда благословимъ Господа, и поемъ воскресеніе Его, распятіе бо претерпѣ, и смѣртію смерть разруши.

*Псаломъ 50.* Помилуй мя Боже, по величѣй милости Твоей. И по множеству щедрѣтъ Твоихъ, очисти беззаконіе мое. Наипаче омый мя отъ беззаконія моего, и отъ грѣха моего очисти мя. Яко беззаконіе мое азъ знаю, и грѣхъ мой предо мною есть выну. Тебѣ Единому согрѣшихъ, и лукавое предъ Тобою сотворихъ. Яко да оправдишия въ словесѣхъ Своихъ, и побѣдиши внигда судити. Се бо въ беззаконіихъ зачатъ

## Утренняя

есмы, и во грѣсѣхъ роди мя мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мя иссопомъ и очищуся, омыеши мя, и паче снѣга убѣлюся. Слуху моему да си радость и веселіе, возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отими отъ мене. Воздаждь ми радость спасенія Твоего, и духомъ владычнымъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровей Боже, Боже спасенія моего, возрадуется языкъ мой правдѣ Твоей. Господи, устнѣ мои отвѣрзеши, и уста моя возвестятъ хвалу Твою. Яко аще бы восхотѣлъ жертвы, далъ быхъ убо, всесоженія не благоволиши. Жертва Богу духъ сокрушенъ, сердце сокрушено и смирено, Богъ не уничижитъ. Ублажи Господи благоволеніемъ Твоимъ Сіона, и да созиждутся стѣны іерусалимскія. Тогда благоволиши жертву правдѣ, возношеніе и всесожегаемая. Тогда возложатъ на олтарь Твой тельца.

**Слава Отцу и Сыну и Святому Духу.**

Молитвъ ради апостолъ, Милостиве очисти множество согрѣшенія нашихъ.

**И нынѣ и присно и во вѣки вѣкомъ, аминь.**

Молитвъ ради Богородицы, Милостиве очисти множество согрѣшенія нашихъ.

Помилуй мя Боже, по величїи милости Твоей, по многимъ щедротамъ Твоимъ очисти беззаконія моя, Боже Спасе мой.

Воскресъ Исусъ отъ гроба, якоже прорече, и дарова намъ животъ вѣчный, миръ и велию милость.

Господи помилуй *(12 разъ, и 3 поклона въ началѣ пѣнія).*

Утреня

Господи Иисусе Христе Сыне Божій, помилуй насъ.  
*Пѣвцы.* АМИНЬ.

*Посемъ:*

*Каноны Воскресные.*

*Читаются три канона по гласу недѣли: воскресный, крестовоскресный и Пресвятѣй Богородицѣ. Если кто не знаетъ гласъ недѣли, читаетъ канонъ 6-го гласа.*

*Посль 8-й пѣсни канона:* Хва́лимъ, благословимъ, клáняемъ Господеви, поёмъ и превозно́симъ Его во вѣки.

*Катавасія.* О́троки благочесті́выя въ пе́щи рождество́ Богоро́дичо спасло́ есть, тогда убо образу́емо, нынѣ же дѣ́йствуемо, вселѣ́нную всю воздвѣ́же пѣ́ти, Господа воспѣ́вайте дѣ́ла и превозно́сите Его во вѣки (*поклонъ*).

*Посемъ, Пѣснь Богородицы.*

Вели́читъ душа́ моя Господа, и возра́довася духъ мой о Бозѣ Спа́се моемъ.

*Посль этого и каждаго слѣдующаго стиха поется:*

Честнѣ́йшую Херувимъ и сла́внѣйшую воистину Серафимъ, безъ ислѣ́нія Бога Сло́ва ро́ждшую, су́щую Богородицу Тя величаемъ (*поклонъ*).

Яко призрѣ́ на смире́ніе рабы Своея́, се бо отъ нынѣ́ блажа́тъ мя вси ро́ди.

Яко сотвори́ Мнѣ́ вели́чіе Сильный, и свято имя Его, и милость Его въ родъ и родъ на боящихся Его.

Сотвори́ держа́ву мы́шцею Свое́ю, расточи́ го́рдыя мы́сли сердца ихъ.

Низложи́ си́льныя со престо́лъ, и вознесе́ смире́нныя. Алчущыя испо́лни благъ, и богаты́я испусти́ тща.

Восприя́тъ Израі́ля о́трока Своего, помяну́ти милости, якоже глаго́ла ко отцемъ нашимъ, Аврааму

и сѣмени его до вѣка.

*Посемъ, 9-я пѣсня канона.*

*Задостойникъ*

Достойно есть яко воистину блажити Тя Богородице, Присноблаженную и Пренепорочную и Матерь Бога нашего. Честнѣйшую Херувимъ и славнѣйшую воистину Серафимъ, безъ ислѣнїя Бога Слова рождшую, сущую Богородицу Тя величаемъ *(поклонъ до земли).*

Господи помилуй *(3 раза).*

*Слава, и нынѣ.*

Святъ Господь Богъ нашъ.

*Пѣвцы.* Святъ Господь Богъ нашъ *(на гласъ недѣли).*

Яко святъ Господь Богъ нашъ.

*Пѣвцы.* Святъ Господь Богъ нашъ.

Надо всѣми людми Богъ нашъ.

*Пѣвцы.* Святъ Господь Богъ нашъ.

*Свѣтиленъ*

Показася Спасе еси яко человекъ по существу, посредѣ ставъ, воскресе отъ гроба, и пищу совкусивъ, учаще крещенію покаянїя, абїе же къ Небесному вознесеса Отцу, и ученикомъ послати Утѣшителя обѣщася, Пребожествене Человѣколюбче, слава Твоему востанію.

*Слава, и нынѣ. Богородиченъ.*

Отѣческихъ не оставль недръ, аще и воплотися отъ Дѣвы Господь. Ибо да спасеси мене падшаго, преклонъ небеса и сниде, исхитити мя хотя отъ устъ звѣря мысленаго, того мя плѣнницами одержима, тѣмъ избавлься прославляю Слове Твою силу.

*Псаломъ 148.* Хвалите Господа съ небесъ, хвалите Его въ вышнихъ. Хвалите Его вси ангели Его,



хвалите Его вся силы Его. Хвалите Его солнце и луна, хвалите Его вся звѣзды и свѣтъ. Хвалите Его небеса небесъ, и вода яже превыше небесъ, да восхвалятъ имя Господне. Яко Той рече, и быша, Той повеле и создашася. Постаѡи я въ вѣкъ и въ вѣкъ вѣка, повелѣние положи и не мимо идетъ. Хвалите Господа отъ земли, змѣе и вся бѣзднои. Огнь, градъ, снѣгъ, голоть, духъ бурень, творящая слово Его. Горы и вси холми, древа плодоносна, и вси кѣдри. Звѣрие, и вси скоти, гади и птицы пернаты. Царие зѣмстии, и вси людие, князи и вси судии зѣмстии. Юноши и дѣвы, старцы со юнотами, да восхвалятъ имя Господне. Яко вознесѣся имя Того Единаго. Исповѣданіе Его на земли и на небеси, и вознесѣтъ рогъ людей Своихъ. Пѣснь всѣмъ преподобнымъ Его, сыновомъ израиелевомъ, людемъ приближающимся Ему.

*Псаломъ 149.* Воспойте Господеви пѣснь нову, хваление Его въ церкви преподобныхъ. Да возвеселится Израиль о сотворшемъ его, и сынове Сиони, возрадуются о царіи своемъ. Да восхвалятъ имя Его въ лицѣ, въ тимпанѣ и псалтыри да поютъ Ему. Яко благоволитъ Господь въ людѣхъ своихъ, и вознесѣтъ краткія во спасение. Восхвалятся преподобнии во славѣ, и возрадуются на ложихъ своихъ. Возношенія Божія въ гортани ихъ, и мечи обоюду остры въ рукахъ ихъ. Сотворити отмщение во языцѣхъ, обличение въ людѣхъ. Связати царя ихъ пѣты, и славныя ихъ ручными оковы желѣзными.

*Стихъ на б.* Сотворити въ нихъ судъ написанъ, слава си есть всѣмъ преподобнымъ Его.

*Стихъры, гласъ б.*

Крестъ твой Господи, жизнь и воскресеніе людемъ Твоимъ есть, и нань надѣющася, Тебѣ воскресшаго Бога нашего поемъ, помилуй насъ.

*Псаломъ 150. Хвалите Бога во святыхъ Его, хвалите Его во утверженіи силъ его.*

Погребеніе Твое, Владыко, рай отвѣрзе роду человѣческому и отъ тли избавльшеся, Тебѣ воскресшаго Бога нашего поемъ, помилуй насъ.

*Стихъ на 4. Хвалите Его на силахъ Его, хвалите Его по премно́гому вели́честву Его.*

Со Отцемъ и Духомъ Христа воспоемъ, воскресшаго изъ мѣртвыхъ и къ Нему возопіемъ, Ты еси жизнь наша и воскресеніе, помилуй насъ.

*Хвалите Его во гласѣ трубнемъ, хвалите Его во псалтыри и гуслѣхъ.*

Тридневно воскреслъ еси Христе изъ гроба, яко же есть писано, и совоскресивъ прадѣда нашего, сего ради Тя славитъ родъ человѣческой, и поемъ Твое воскресеніе.

*Хвалите Его въ тимпанѣ и лицѣ, хвалите Его въ струнахъ и органѣхъ.*

Господи, велико и страшно есть Твоего воскресенія тайнство, тако бо пройде изъ гроба, яко женихъ отъ чертога, смертію смерть разруши, да Адама свободиши, Тѣмже на небесѣхъ ангели ликуютъ, и на землі человѣцы славятъ, еже на насъ бывшее милосердіе Твое Человѣколюбче.

*Хвалите Его въ кимвалѣхъ dobroгласныхъ, хвалите Его въ кимвалѣхъ восклицанія. Всяко дыханіе да хвалитъ Господа.*

О, беззаконіи іудее, гдѣ суть печати и сребреницы, ихъ же дасте воиномъ, не украдено бысть

Сокрѡвище, но воскресѣ яко силенъ, сами же посрамистеся, отвѣргшесе Христа Господа славы, пострадавшаго и погребѣна, и воскресша изъ мертвыхъ, Тому поклонимся.

*Стихъ воскресный.* Воскресни Господи Боже мой да вознесѣтся рука Твоя, не забуди нищихъ своихъ до конца.

Запечатлѣнну грѡбу, како окрадени бысте иудѣе, стражи приставльше, и знаменія положившее, двѣремъ затворѣномъ, пройде Царь, или яко мѣртва представите, или яко Богу поклонитесь, съ нами поюще, слава Господи Кресту Твоему и воскресенію.

*Исповѣмся Тебѣ Господи всемъ сердцемъ моимъ, повѣмъ вся чудеса Твоя.*

Живопріятнаго грѡба, муриносицы жены рыдающе достигоша Господи, и муро носяще, тѣло Твое пречистое помазати искаху, обрѣтше же свѣтонѡсна ангела, на камени сѣдяща, и къ нимъ вѣщающа и глаголюща, что слезитѣ иже изъ ребръ источившаго мірови жизнь, что ищите яко мѣртва во грѡбѣ Безсмертнаго, шѣдше же паче, возвестите Того ученикомъ, славное Его воскресеніе, всемірное радованіе, имъ же и насъ Спасе просвѣтивъ, даруй очищеніе и велію милость.

*Слава. Стихѣра Евангельская, гласъ той же.*

Воистину миръ Ты еси Христе, къ челѡвѣкомъ Божій миръ Свой подавая, по воскресеніи ученикомъ, пристрашны показалъ еси ихъ, мнящимъ духъ видѣти, но растилашесе мятѣжъ ихъ, показавъ рѡцѣ и нѡзѣ Свои. Обаче невѣрующимъ имъ еще, и брашна причащеніемъ, и ученіи воспоминаніемъ,

отвѣрзлъ еси имъ умъ, разумѣти писанія, имъ же и отѣческое обѣтованіе обѣщавъ, и благословивъ ихъ взыде на небо, Тѣмже съ ними поклоняемтися, Господи слава Тебѣ.

*И нынѣ. Гласъ 2.*

Преблагословѣна еси Богородице Дѣво, воплощшимбоя изъ Тебѣ, адъ плѣнися, Адамъ призвася, клятва потребися, и Евва свободися, смерть умертвися, и мы ожихомъ, тѣмъ поюще возопіемъ, благословенъ Богъ нашъ, изволивый тако.

Слава показавшему намъ свѣтъ.

*Славословіе Великое*

Слава въ вышнихъ Богу, и на земли миръ, въ челоуѣцехъ благоволеніе. Хвалимъ Тя, благословимъ Тя (*поклонъ*), кланяемтися, славословимъ Тя (*поклонъ*), благодаримъ Тя великія ради славы Твоея (*поклонъ*). Господи Царю Небесный, Боже Отче Вседержителю, и Господи Сыне Единородный Иисусе Христе, и Святыи Душе. Господи Боже агньче Божій Сыне Отечъ, вземляи грѣхи міра, помилуй насъ. Вземляи грѣхи міра, приими молитвы наша. Сяди одесную Отца, помилуй насъ. Яко Ты единъ Святъ, Ты единъ Господь Иисусъ Христосъ, въ славу Богу Отцу, аминь.

На всякъ день благословимъ Тя, и восхвалимъ имя Твое во вѣки, и въ вѣкъ вѣка.

Сподоби Господи въ день сей безъ грѣха сохранитися намъ. Благословенъ еси Господи Боже отецъ нашихъ. И хвално и прославлено имя Твое во вѣки, аминь.

Буди Господи милость Твоя на насъ, якоже уповахомъ на Тя, благословенъ еси Господи, научи насъ

оправданіемъ Твоимъ. Благословенъ еси Владыко, вразуми насъ оправданіемъ Твоимъ. Благословенъ еси Святой, просвѣти насъ оправданіемъ Твоимъ.

Господи прибѣжище бысть намъ въ родъ и родъ. Азъ рѣхъ, Господи помилуй мя, и исцѣли душу мою, яко согрѣшихъ Тебѣ. Господи къ Тебѣ прибѣгохъ, научи мя творити волю Твою, яко Ты еси Богъ мой. Яко отъ тебѣ есть источникъ живота. Во свѣте Твоемъ узримъ свѣтъ. Пробави милость Твою вѣдущимъ Тя.

Святой Боже, святой Крѣпкій, святой Безсмертныи, помилуй насъ *(3 раза безъ поклоновъ)*.

**Слава, и нынѣ.** Святой Безсмертныи, помилуй насъ.

Святой Боже, святой Крѣпкій, святой Безсмертныи, помилуй насъ.

Господи Исусе Христе Сыне Божій, помилуй насъ.

*Пѣвцы.* Аминь.

*Тропарь воскресный*

Воскрѣсь изъ гроба, úзы растерзавъ, разрушилъ еси Господи смерти осужденіе, и вся отъ смѣрти непріязненныя избавль, яви Себе апостоломъ Своимъ, и пославъ ихъ на проповѣдь, и тѣми миръ Свой подалъ еси вселенней, Едине Многомилостиве.

Господи помилуй *(40 разъ, вначаль пѣнія 3 поклона)*.

**Слава, и нынѣ.**

Господи помилуй *(12 разъ)*.

**Слава, и нынѣ.**

Господи Исусе Христе Сыне Божій, помилуй насъ.

*Пѣвцы.* Аминь.

## Утренняя

Утверди́ Боже вѣру христія́нскую, соблюди́ Господи и помилуй благовѣрнаго Царя великаго князя (*имярекъ*), и благовѣрную царицу великую княгиню (*имярекъ*), спаси Господи, Архіепископа нашего (*имярекъ*). И отцевъ нашихъ духовныхъ. И вся православыне христіяны, Господи спаси.

Честнѣйшую Херувимъ (*поклонъ*).

Слава (*поклонъ*), И нынѣ (*поклонъ*).

Господи помилуй, Господи помилуй. Господи благослови (*поклонъ*).

### *Отпустъ Утрени.*

Воскресѣи изъ мѣртвыхъ, Господи Иисусе Христе, Сыне Божій, молитвъ ради Пречистыя Твоея Матере, силою честнаго и животворящаго Креста, святыхъ славныхъ и всехвальныхъ апостолъ, и святаго (*его же есть день*), и всѣхъ ради святыхъ, помилуй и спаси насъ, яко Благъ и Человѣколюбецъ. Аминь.

## ЧАСТЬ ПЕРВАЯ

Приидите поклонимся Царевѣ нашему Богу (*поклонъ*).  
Приидите поклонимся Христу Царевѣ и Богу нашему (*поклонъ*).  
Приидите поклонимся и припадемъ къ Самому Господу Иисусу Христу, Царевѣ и Богу нашему (*поклонъ*).

*Псаломъ 5.* Глаголы моя внуши Господи, разумѣй званіе мое. Вонми гласъ молитвы моея, царю мой и Боже мой. Яко къ Тебѣ помолюся Господи, заутра услыши гласъ мой. Заутра предстану Ти и узриши мя, яко Богъ не хотяи беззаконіе, Ты еси. Не приидетъ къ Тебѣ лукавнуяи, ни пребудутъ же законопреступницы предъ очима Твоима. Возненавидѣлъ еси вся творящыя беззаконіе, погубиши вся глаголющыя лжу. Мужа крѣви и льстива гнушается

Господь. Азъ же мно́жествомъ мѣлости Твоея, вни́ду въ домъ Твой, поклоню́ся къ церкви святѣй Твоей въ стра́сѣ Твоемъ. Господи, настави мя правдою Твоею, врагъ моихъ ради, исправи предъ Собою путь мой. Яко нѣсть во устѣхъ ихъ истины, сердце ихъ суетно. Гробъ отверстъ гортань ихъ, языки Своими льщаху, суди имъ Боже. Да отпадуть отъ мыслей Своихъ, по множеству нечестія ихъ изрини я, яко прогнѣваша Тя Господи. И возвеселя́тся вси уповаю́щии на Тя, во́вѣки возра́дуются, и всели́шися въ нихъ. И похва́лятся о Тебѣ любя́щии имя Твое, яко Ты благослови́ши праведника. Господи, яко оружіемъ благоволенія вѣнчалъ еси насъ.

*Псаломъ 89.* Господи прибѣжище бысть намъ въ родъ и родъ. Прѣжде да́же горамъ не быти, и создатися земли и вселенней, отъ вѣка и до вѣка Ты еси. Не возврати́ человѣка во смиреніе. И реклъ еси, обратитесь сынове человѣчестіи. Яко ты́сяща лѣтъ предъ очима Твоима Господи, яко день вчерашній, иже мимо іде, и стра́жа ноцная. Уничуженія ихъ еще будутъ. Утро яко трава мимо ідетъ, утро процвѣтетъ и прейдетъ, на вечеръ отпадѣтъ, ожестѣетъ и ізсхнетъ. Яко исчезо́хомъ гнѣвомъ Твоимъ, и я́ростію Твоею смуті́хомся. Положилъ еси беззаконія наша предъ собою, вѣкъ нашъ въ просвѣщеніе лица Твоего. Яко вси дніе наши оскудѣша, и гнѣвомъ Твоимъ исчезо́хомъ. Лѣта наша яко паучіна пауча́хуся, дніе лѣтъ нашихъ, въ нихъ же се́дмьдесятъ лѣтъ. Аще ли же въ силахъ о́с്മьдесятъ лѣтъ, и мно́жае ихъ трудъ и болѣзнь. Яко прійде кро́тость на ны, и нака́жемся. Кто свѣсть державу гнѣва Твоего, и отъ страха

Твоего я́рость Твою́ исчесті́. Десни́цу Твою́ тако скажи ми, и оковáнныя сердцемъ въ мѹдрости. Обраті́ Господи доколѣ́, и умоленъ́ буди на рабы Своя. Испóлнихомся заўтра милости Твоея́ Господи, и возра́довахомся и возвесели́хомся. Во вся дни наша возвесели́хомся, за дни въ ня же смирилъ́ ны еси, и въ лѣ́та въ ня же видѣ́хомъ злая. И при́зри на рабы́ Своя́, и на дѣ́ла Твоя, и наста́ви сыны ихъ. И буди свѣ́тлость Господа́ Бога нашего на насъ, и дѣ́ла рукъ нашихъ испра́ви на насъ, и дѣ́ла рукъ нашихъ испра́ви.

*Псаломъ 100.* Милость и судъ воспою́ Тебѣ́ Господи. Пою́ и разумѣ́ю въ пути непорóчнѣ, когда прі́идеши ко мнѣ́. Прехождáхъ въ незлóбїи сѣрдца моего́ посредѣ́ до́му моего́. Не предлага́хъ предъ очима́ мойма, вещь законопресту́пну. Творящія́ преступлѣ́ніе возненавидѣ́хъ. Не прильпé мнѣ́ сердце лука́во, уклоня́ющагося отъ менé лука́ваго не познахъ. Оклеветáющаго та́й и́скреняго своего́, сего́ изгоня́хъ. Горды́мъ о́комъ и несы́тымъ сердцемъ, съ симъ не ядяхъ. Очи мои на вѣ́рныя земли́, посажда́ти ихъ съ собо́ю. Ходя́и по путі́ непорóчну сей ми служáше, не живя́ше посредѣ́ до́му моего́, творя́и горды́ню. Глаго́ляи неправедная, не исправля́ше предъ очима́ мойма. Во у́трїа избивáхъ вся грѣ́шныя земли, потребі́ти отъ града́ Господня, вся дѣ́лающія́ беззакóніе.

*Слава, и нынѣ́.*

Аллилу́я, аллилу́я, слава Тебѣ́ Боже *(3 раза съ поклонами).*

Господи помилуй *(3 раза).*

*Слава Отцу́ и Сыну́ и Святому́ Духу.*



## Часть Первый

### *Тропарь воскресный, гласъ 6.*

Ангельскія силы на гробъ Твоемъ, и стрегущей отъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не искушья отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

### *И нынѣ и присно и во вѣки вѣкомъ, аминь.*

Что Тя наречемъ, о Обрадованная, небо, яко возсіяла еси солнце правдѣ. Рай, яко возрастила еси цвѣтъ нетлѣнія. Дѣву, яко пребыла еси нетлѣнна Чистая. Матерь, яко имѣла еси на руку Сына, всѣхъ Бога. Того моли спастися душамъ нашимъ.

Стопы моя направи по словеси Твоему, и да не одолѣетъ ми всяко беззаконіе, избави мя отъ клеветы челоуѣческія, и сохрани заповѣди Твоя. Лице Твое просвѣти на раба Твоего, и научи мя оправданіемъ Твоимъ.

Да исполнятся уста моя похвалы, яко да воспую славу Твою, весь день велелѣпоту Твою.

### *Трисвятое, по Отче нашъ.*

Господи Исусе Христе Сыне Божій, помилуй насъ. Аминь.

### *Кондакъ воскресный, гласъ 6.*

Живоначною дланію, умершихъ отъ мрачныхъ удолій, жизнодавецъ воскресивъ всѣхъ Христосъ Богъ, воскресеніе даровавъ челоуѣческому роду. Есть бо всѣхъ Спаситель и воскресеніе и животъ, и Богъ всяческимъ.

### Господи помилуй *(40 разъ).*

Иже на всяко время и на всякъ часъ на небеси и на землі, покланяемыйи и славимыйи. Боже благи, долготерпѣливе и многомилостиве, иже праведни-

## Часть Первый

ки любя, и грѣшныхъ мѣлуя, иже всѣхъ зовѣи ко спасенію, обѣщанія ради будущихъ благъ. Самъ Господи, прїими молитвы наша въ часъ сей, и въ благи исправи животъ нашъ къ заповѣдемъ Твоимъ, душа наша освяти и тѣлесá очисти, помышленія исправи и мысли очисти, разумъ уцѣломудри и истрезви, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюдаеми и наставляеми, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй *(3 раза)*.

*Слава, и нынѣ.*

Честнѣйшую Херувимъ. *(поклонъ)*.

Господи помилуй *(дважды)*, Господи благослови.

За молитвъ святыхъ Отецъ нашихъ, Господи Иисусе Христе Сыне Божій, помилуй насъ. Аминь.

### *Молитва*

Христе свѣте истинный, иже просвѣщая и освещая всякаго челоуѣка грядущаго въ мѣръ. Да знаменается на насъ свѣтъ лица Твоего Господи, яко да въ немъ ходяще узримъ Свѣтъ неприкосновенныя Ти славы. Исправи стопы наша къ дѣланію заповѣдей Твоихъ, молитвами Пречистыя Ти Матере, и всѣхъ святыхъ Твоихъ, яко благословенъ еси во вѣки, аминь.

## ЧАСЪ ТРЕТІЙ

За молитвъ святыхъ Отецъ нашихъ Господи Иисусе Христе Сыне Божій, помилуй насъ. Аминь.

Царю Небесный, *Трисвятое, по* Отче нашъ.

Господи Исусе Христе Сыне Божій, помилуй насъ.  
Аминь.

Господи помилуй *(12 разъ)*.

Слава, и нынѣ.

Приидите поклонимся *(трижды съ поклонами)*.

*Псаломъ 16.* Услы́ши, Господи, правду мою, воньмѣи моленіе мое. Внуши молитву мою, не во устна́хъ льстивыхъ. Отъ лица Твоего судьба́ моя изыдетъ, очи мои да видите правоты. Искусилъ еси сердце мое, посѣтилъ еси но́щію, искусилъ мя еси, и не обрѣтесе во мнѣ неправда. Яко да не возглаго́лютъ уста́ моя дѣлъ чело́вѣческихъ, за словеса́ устенъ Твоихъ, азъ сохранихъ пути же́стоки. Соверши́ стопы́ моя во стезя́хъ Твоихъ, да не подви́жутся стопы́ моя. Азъ возвахъ яко услы́ша мя, Боже, приклони́ ухо Твое ко мнѣ, и услы́ши глаголы моя. Удиви́ милости Твоя, спаса́яи упова́ющихъ на Тя. Отъ протѣвляющихся десни́цъ Твоей, сохрани́ мя, Господи, яко зѣницу ока. Въ кро́вь крилу́ Твоею́ покрыеши мя, отъ лица нечестивыхъ остра́стьшихъ мя. Врази́ мои ду́шу мою удержи́ша, тукъ свой затвори́ша, уста́ ихъ глаголаша гордыню. Изгоня́щій мя нынѣ обыдо́ша мя, очи свои возложи́ша уклонити на землю. Объя́ша мя яко левъ готовъ на ловъ, и яко ски́мень обита́я въ сокрови́щихъ. Воскресни́, Господи, предвари́ я, и запни́ имъ, изми́ ду́шу мою отъ нечестивыхъ, ору́жія Твоя отъ рукъ врагъ Твоихъ. Господи, отмаль отъ земли, раздѣли́ я въ животѣ́ ихъ, и сокровѣ́нныхъ Твоихъ исполнися утроба́ ихъ. Насы́тишася сыно́въ, и оста́виша оста́нки младе́нцемъ Свои́мъ. Азъ же правдою явлю́ся лицу́ Твоему, насыщу́ся внигда́ явитмися слава Твоя.

*Псаломъ 24.* Къ Тебѣ, Господи, воздвигохъ душу мою, Боже мой, на Тя уповахъ, да не постыжуся во вѣки. Ни посмѣютъмися врази мои ибо вси терпящии Тя не постыдятся. Да постыдятся беззаконнующии всѹе. Пути Твоя, Господи, скажи ми, и стезямъ Твоимъ научи мя. Настави мя на истину Твою, и научи мя, яко Ты еси Богъ Спасъ мой, и Тебѣ терпѣхъ весь день. Помяни щедроты Твоя, Господи, и милости Твоя, яко отъ вѣка суть. Грѣхъ юности моея и невѣжествія моего не помяни, по милости Твоей помяни мя Ты, ради благодсти Твоея, Господи. Благъ и правъ Господь, сего ради законъ положитъ согрѣшающимъ на пути. Наставитъ кроткія на судъ, и научитъ кроткія путемъ Своимъ. Все путіе Господни милость и истина, взыскающимъ завѣта Его и свидѣнія Его. Ради имене Твоего, Господи, очисти грѣхъ мой, многъ бо есть. Кто есть человекъ бояйся Господа, законъ положитъ Ему на пути, иже изволи. Душа его во благихъ водворится, и сѣмя его наслѣдитъ землю. Держава Господь боящимся Его, и завѣтъ Его явитъ имъ. Очи мои выну ко Господу, яко Той исторгнетъ отъ сѣти нозѣ мои. Призри на мя и помилуй мя, яко единородъ и нищъ есмь азъ. Скорби сердца моего умножишася, и отъ бѣдъ моихъ изведи мя. Видь смиреніе мое и трудъ мой, и отпусти вся грѣхи моя. Видь враги моя, яко умножишася, и ненавидѣніемъ неправеднымъ возненавидѣша мя. Сохрани душу мою, и избави мя, да не постыжуся яко уповахъ на Тя. Незлобиви и правии прилѣпляхуся мнѣ, яко потерпѣхъ Тя, Господи. Избави, Боже, Израиля отъ всѣхъ скорбій его.

*Псаломъ 50.* Помилуй мя Боже, по велицѣй ми-

лости Твоей. И по множеству щедротъ Твоихъ, очисти беззаконіе мое. Наипаче омый мя отъ беззаконія моего, и отъ грѣха моего очисти мя. Яко беззаконіе мое азъ знаю, и грѣхъ мой предо мною есть выну. Тебѣ Единому согрѣшихъ, и лукавое предъ Тобою сотворихъ. Яко да оправдишия въ словесѣхъ Своихъ, и побѣдиши внигда судити. Се бо въ беззаконіихъ зачатъ есмь, и во грѣсѣхъ роди мя мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мя иссопомъ и очищуся, омыеши мя, и паче снѣга убѣлюся. Слуху моему даши радость и веселіе, возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отими отъ мене. Воздаждь ми радость спасенія Твоего, и духомъ владычнымъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровій Боже, Боже спасенія моего, возрадуется языкъ мой правдѣ Твоей. Господи, устнѣ мои отвѣрзеши, и уста моя возвестятъ хвалу Твою. Яко аще бы восхотѣлъ жертвѣ, далъ быхъ убо, всесоженія не благоволиши. Жертва Богу духъ сокрушенъ, сердце сокрушено и смирено, Богъ не уничижитъ. Ублажи Господи благоволеніемъ Твоимъ Сіона, и да созиждутся стѣны іерусалимскія. Тогда благоволиши жертву правдѣ, возношеніе и всесожегаемая. Тогда возложатъ на олтарь Твой тельца.

Слава, и нынѣ.

## Часть Третій

Аллилуія, аллилуія, слава Тебѣ, Боже *(3 раза съ поклонами)*.

Господи помилуй *(3 раза)*.

Слава Отцу и Сыну и Святому Духу.

*Тропарь воскресный, гласъ 6.*

Ангельскія силы на гробѣ Твоемъ, и стрегущей отъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не искушься отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

*И нынѣ, и присно, и во вѣки вѣкомъ, аминь.*

Богородице, Ты еси лоза истинная, возрастившая намъ плодъ животный, Тебѣ молимся, молися, Владычице, со святыми апостолы, помилуватися душамъ нашимъ.

Господь Богъ благословенъ, благословенъ Господь день дне, поспѣшитъ намъ Богъ спасеніи нашихъ, Богъ нашъ, Богъ спасаѣти.

*Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

*Кондакъ воскресный, гласъ 6.*

Живонаначально дланію, умершихъ отъ мрачныхъ удолій, жизнедавецъ воскресивъ всѣхъ Христось Богъ, воскресеніе даровавъ челоуѣческому роду. Есть бо всѣхъ Спаситель и воскресеніе и животъ, и Богъ всяческимъ.

Господи помилуй *(40 разъ)*.

Иже на всяко время и на всякъ часъ на небеси и на землі, поклоняемыи и славимыи. Боже благи, долготерпѣливе и многомилостиве, иже праведники любя, и грѣшныхъ милуя, иже всѣхъ зовѣи ко

## Часть Шестый

спасенію, обѣщанія ради будущихъ благъ. Самъ Господи, пріимі молитвы наша въ часть сей, и въ благиости исправи животъ нашъ къ заповѣдемъ Твоимъ, душа́ наша освяті́ и тѣлесá очисти, помышленія исправи́ и мысли очисти, разумъ уцѣломудри́ и истрезви́, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюда́еми и наставля́еми, достигнемъ во единство вѣры, и въ разумъ неприкосновенныя Ти славы, яко благословенъ еси во́ вѣки, аминь.

Господи помилуй *(3 раза)*.

*Слава, и нынѣ.*

Честнѣйшую Херувимъ. *(поклонъ)*.

Господи помилуй *(дважды)*, Господи благослови.

За молитвъ святыхъ Отець нашихъ, Господи Иисусе Христе Сыне Божій, помилуй насъ. Аминь.

### *Молитва*

Владыко Боже Отче Вседержителю, и Господи Сыне единородный Иисусе Христе, и Святыи Душе, еди́но Божество и еди́на сила, помилуй мя грѣшнаго, и ими же вѣси судьба́ми, спаси мя недостойнаго раба Твоего, яко благословенъ еси во́ вѣки, аминь.

## ЧАСТЬ ШЕСТЫЙ

Приидите поклонимся *(трижды съ поклонами)*.

*Псаломъ 53.* Боже, во имя Твое спаси́ мя, и въ силѣ Твоей суди ми. Боже, услыши молитву мою, внуши глаголы усть моихъ. Яко чуждїи воста́ша на мя, и крѣпци взыска́ша ду́шу мою, и не предложи́ша Бога предъ собою. Се бо Богъ помога́етъ ми, и Господь заступникъ души́ моей. Отврати́тъ злая враго́мъ

моимъ, истиною Твоею потреби ихъ. Волею пожру Тебѣ, исповѣмся имени Твоему, Господи, яко благаго. Яко отъ всякія печали избави мя, и на враги моя воззрѣ око мое.

*Псаломъ 54.* Внуши, Боже, молитву мою, и не презри молѣнія моего, вонми ми и услыши мя. Возскорбѣхъ печалію моею, и смутихся, отъ гласа вражія и отъ стуженія грѣшника. Яко уклониша на мя беззаконіе, и во гнѣве враждоваху ми. Сердце мое смутися во мнѣ, и страхъ смѣрти нападе на мя. Боязнь и трѣпетъ прииде на мя, и покры мя тьма. И рѣхъ, кто дастъ ми крилѣ яко голуби, и полещу, и почию. Се удалихся бѣгая, и водворихся въ пустыни. Чаяхъ Бога спасающаго мя, отъ малодушія и бури. Потопи, Господи, и раздѣли языки ихъ, яко видѣхъ беззаконіе и пререканіе во градѣ. День и ночь обыдетъ и по стѣнамъ его, беззаконіе и трудъ посреде его, и неправда. И не оскудѣ отъ пути его лихва и лѣсть. Яко аще бы врагъ поносилъ ми, претерпѣлъ быхъ убо. И аще бы ненавидяи мя на мя велерѣчеваль, укрыл быхся отъ него. Ты же, человекъ равнодушне, Владыко мой и знаемый мой, иже купно насладилъ мя еси брашна, во храмѣ Божіи ходиховѣ единомышленіемъ. Да приидетъ же смерть на ня, и снѣдутъ во адъ живи, яко лукавство въ жилищихъ ихъ, посреде ихъ. Азъ къ Богу возвахъ, и Господь услыша мя. Вечеръ и заутра и полудне повѣмъ и возвѣщу, и услышитъ гласъ мой. Избавитъ миромъ душу мою отъ приближающихся мнѣ, яко во мнозѣ бяху со мною. Услышитъ Богъ, и смиритъ ихъ, сѣи прежде вѣкъ. Нѣсть бо имъ измѣненія, яко не убояшася Бога. Простретъ ру-



ку свою на воздаяніе, оскверниша завѣтъ Его. Раздѣлишася отъ гнѣва лица Его, и приближишася сердца ихъ, умякнуша словеса ихъ паче елѣя, и та суть стрѣлы. Возвѣрзи на Господа печаль твою, и Той тя препитаѣтъ, не дастъ въ вѣкъ молвы праведнику. Ты же, Боже, низведѣши ихъ въ студенецъ истлѣнія. Мужіе крѣви и лъсти, не преполовятъ дней своихъ, азъ же, Господи, уповаю на Тя.

*Псаломъ 90.* Живыи въ помощи Вышняго, въ кровѣ Бога небеснаго водворитя. Речѣтъ Господеви, заступникъ мой еси, и приближище мое, Богъ мой, и уповаю на Нань. Яко Той избавитъ тя отъ сѣти ловчи, и отъ словесѣ мятежна. Плещма Своима осѣнитъ тя, и подъ крилъ Его надѣбѣшися. Оружіе обыдетъ тя истина Его, не убойшися отъ страха ношнаго, отъ стрѣлы летящія во днѣ. Отъ вещи во тьмѣ переходящія, отъ сряща и бѣса полуденнаго. Падѣтъ отъ страны твоея тысяща, и тьма одесную тебѣ, къ тебѣ же не приблизится. Обаче очима Своима смѣтриши, и воздаяніе грѣшникомъ узриши. Яко Ты Господи, упованіе мое, Вышняго положилъ еси приближище твое. Не приидетъ къ тебѣ зло, и рана не приблизится тѣлеси твоему. Яко ангеломъ Своимъ заповѣсть о тебѣ, сохранити тя во всѣхъ путѣхъ твоихъ. На рукахъ возмутъ тя, да некогда прѣткнеши о камень ноги твоея. На аспида и василиска наступиши, и поперѣши льва и змія. Яко на Мя упова, и избавлю ѱ, покрѣю ѱ, яко позна имя Мое. Воззоветъ ко Мне, и услышу ѱ, съ нимъ есмь въ скорби, измѣю ѱ, и прославлю его. Долготу дней исполню ѱ, и явлю ему спасеніе Мое.

*Слава, и нынѣ.*

Часть Шестый

Аллилуія, аллилуія, слава Тебѣ, Боже (*3 раза съ поклонами*).

Господи помилуй (*3 раза*).

Слава Отцу и Сыну и Святому Духу.

*Тропарь воскресный, гласъ 6.*

Ангельскія силы на гробѣ Твоемъ, и стрегущей отъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не искушься отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

*И нынѣ, и присно, и во вѣки вѣкомъ, аминь.*

Яко не имамы дерзновѣнія, за премногія грѣхи наша, но Ты иже отъ тебѣ рождашагося моли, Богородице Дѣво, много бо можетъ молитва матерня на умоленіе Владыки, не презри грѣшныхъ мольбы, Всечыстая, яко милостивъ есть и спасти могій. Иже страдати насъ ради изволивый.

Скоро да предварятъ ны щедроты Твоя, Господи, яко обнищавомъ злѣо, помози намъ, Боже Спасителю нашъ, славы ради имени Твоего Господи, избави насъ, и очисти грѣхи наша имене Твоего ради.

*Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

*Кондакъ воскресный, гласъ 6.*

Живоначною дланію, умершихъ отъ мрачныхъ удолій, жизнедавецъ воскресивъ всѣхъ Христосъ Богъ, воскресеніе даровавъ человѣческому роду. Есть бо всѣхъ Спаситель и воскресеніе и животъ, и Богъ всяческимъ.

Господи помилуй (*40 разъ*).

## Часть Шестый

Иже на всяко время и на всякъ часъ на небеси и на земли, покланяемыи и славимыи. Боже благи, долготерпѣливе и многомилостиве, иже праведники любя, и грѣшныхъ милуя, иже всѣхъ зовыи ко спасенію, обѣщанія ради будущихъ благъ. Самъ Господи, пріими молитвы наша въ часъ сей, и въ благи исправи животъ нашъ къ заповѣдемъ Твоимъ, душа наша освяти и тѣлесá очисти, помышленія исправи и мысли очисти, разумъ уцѣломудри и истрезви, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюдаемыи и наставляемыи, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй *(3 раза)*.

*Слава, и нынѣ.*

Честнѣйшую Херувимъ. *(поклонъ)*.

Господи помилуй *(дважды)*, Господи благослови.

За молитвъ святыхъ Отець нашихъ, Господи Иисусе Христе Сыне Божій, помилуй насъ. Аминь.

### *Молитва*

Боже и Господи силамъ, и всея твари Содѣтелю, иже за милосердіе неизреченныя милости Твоея, единороднаго Сына Твоего Господа нашего Иисуса Христа, низпославъ на спасеніе роду нашему, и честнымъ Его Крестомъ, рукописаніе грѣхъ нашихъ растерзавъ, и обличивъ тѣмъ начала и власти тьмѣ. Самъ, Владыко Человѣколюбче, пріими отъ насъ грѣшныхъ, благодарныя сія молитвы, и избави насъ отъ всякаго всегубительнаго и мрачнаго грѣхопаденія, и всѣхъ иже озлобити насъ ищущихъ

## Часть Девятый

видимыхъ и невидимыхъ врагъ. Пригвозди́ страсть Твоемъ плоти́ наша, и не уклони́ сердець нашихъ въ слова и помышлѣнiя лукавствiя, но любовью Твоею уязви́ душа́ наша. Да къ Тебѣ всегда взирающе, и еже отъ Тебѣ свѣтомъ наставляеми, Тебѣ неприкосновеннаго и присносущнаго зряще свѣта, непрестанное Тебѣ исповѣданiе и благодарѣнiе возсылаемъ, безначальному Отцу, со Единороднымъ Ти Сыномъ, и съ Пресвятымъ и благимъ и животворящимъ Ти Духомъ, нынѣ и присно, и во вѣки вѣкомъ, аминь.

## ЧАСТЬ ДЕВЯТЫЙ

**Придите поклонимся** (*трижды, съ поклонами*).

*Псаломъ 83.* Коль возлюблена сѣла Твоя, Господи силъ, желаетъ и скончевается душа́ моя во дворы́ Господня. Сердце мое и плоть моя возрадоуастася о Бозѣ живѣ. Ибо птица обрѣте себѣ храмину, и гóрлица гнѣздо себѣ, идеже положи́ птенцы́ своя, олтари́ Твоя, Господи Боже силъ, Царю мой и Боже мой. Блажени живу́щи въ дому́ Твоемъ, въ вѣкъ вѣка восхвалятъ тя. Блаженъ мужъ, ему же есть заступлѣнiе его отъ Тебѣ. Восхожденiя въ сѣрдцы своемъ положи́, во юдоли плачевне, въ мѣстѣ идеже положи́, ибо благословѣнiе дастъ законъ даи. Пойдутъ отъ силы въ силу, явится Богъ богомъ въ Сионѣ. Господи Боже силъ, услыши молитву мою, внуши Боже Иаковль. Защитниче нашъ виждь Боже, и призри на лицѣ Христа Твоего. Яко лучше день единъ во двóрѣхъ Твоихъ паче ты́сящъ. Изволихъ примѣтатися въ дому́ Бога моего паче, неже жити ми въ сѣлѣхъ грѣшничихъ. Яко милость и истину

любитъ Господь, Богъ благодать и славу дастъ. Господь не лишитъ блага ходящихъ незлобіемъ. Господи Боже силъ, блаженъ человекъ, уповаѣи на Тя.

*Псаломъ 84.* Благоволилъ еси, Господи, зѣмлю Твою, возвратилъ еси плѣнъ Иаковль. Оставилъ еси беззаконія людемъ Твоимъ, покрылъ еси вся грѣхи ихъ. Укротилъ еси весь гнѣвъ Твой, возвратилъ еси отъ гнѣва ярости Твоея. Возврати насъ, Боже спасеніи нашихъ, и возврати ярость Твою отъ насъ. Еда во вѣки прогнѣваешия на ны, или прѣстрѣши гнѣвъ свой отъ рода въ родъ. Боже, Ты обращъ живиши ны, и людіе Твои возвеселятъся о Тебѣ. Яви намъ, Господи, милость Твою, и спасеніе Твое даждь намъ. Услышу что речеть о мнѣ Господь Богъ, яко речеть миръ на люди Своя, и на преподобныя Своя, и на обращающая сердца къ Нему. Обаче близъ боящихся Его, спасеніе Его, вселити славу въ зѣмлю нашу. Милость и истина срѣтостеса, правда и миръ облобызастеса. Истина отъ земли восія, и правда съ небесѣ приниче. Ибо Господь дастъ благодать, и земля наша дастъ плодъ свой. Правда предъ Нимъ предъидеть, и положитъ въ путь стопы своя.

*Псаломъ 85.* Приклони, Господи, ухо Твое, и услыши мя, яко нищъ и убогъ есмь азъ. Сохрани душу мою, яко преподобенъ есмь, спаси раба Твоего, Боже мой, уповающаго на Тя. Помилуй мя, Господи, яко къ Тебѣ воззову весь день. Возвесели душу раба Твоего, яко къ Тебѣ взяхъ душу мою. Яко Ты, Господи, благъ и долготерпѣливъ, и многомилостивъ всѣмъ призывающимъ Тя. Внуши Господи, молитву мою; и вонми гласу моленія моего. Въ день печали моея

возвахъ къ Тебѣ, яко услыша мя. Нѣсть подобенъ Тебѣ въ бѣзѣхъ, Господи, и нѣсть по дѣломъ Твоимъ. Все языцы елико сотвори, приидутъ и поклонятся предъ Тобою, Господи, и прославятъ имя Твое. Яко велии еси Ты, и творяи чудеса, Ты еси Богъ единъ. Настави мя, Господи, на путь Твой, и пойду во истину Твоею, да возвеселится сердце мое, бояться имене Твоего. Исповѣмся Тебѣ, Господи Боже мой, всѣмъ сердцемъ моимъ, и прославлю имя Твое въ вѣкъ. Яко милость Твоя велиа на мнѣ, и избави душу мою отъ ада преисподняго. Боже, законопреступницы восташа на мя, и сонмъ державныхъ взыскаша душу мою, и не предложиша Тебѣ предъ собою. И Ты, Господи Боже мой, щедръ и милостивъ, долготерпѣливъ и многомилостивъ и истиненъ. Призри на мя и помилуй мя, даждь державу Твою отроку Твоему, и спаси сына рабы Твоея. Сотвори со мною знаменіе во благо, и да видятъ ненавидящии мя и постыдятся. Яко Ты, Господи, поможетъ ми, и утѣшилъ мя еси.

*Слава, и нынѣ.*

Аллилуія, аллилуія, слава Тебѣ, Боже *(3 раза съ поклонами).*

Господи помилуй *(3 раза).*

*Слава Отцу и Сыну и Святому Духу.*

*Тропарь воскресный, гласъ 6.*

Ангельскія силы на гробъ Твоемъ, и стрегущей отъ страха омертвѣша. И стояше Марія у гроба, ищущи пречистаго тѣла Твоего. Испроверже ада, не искушься отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

**И нынѣ, и присно, и во вѣки вѣкомъ, аминь.**

Иже насъ ради рождѣися отъ Дѣвы, и распятіе претерпѣвъ благи, испровѣргіи смѣртію смерть, и воскресеніе явль яко Богъ, не презри ихъ же созда рукою Своєю, яви челоуѣколюбіе Свое, Милостиве, пріими рождѣшую Тя Богородицу молящуюся за ны, и спаси, Спасе нашъ, люди согрѣшшія.

Не предаждь насъ до конца, имени Твоего ради, и не разори завѣта Твоего, и не отстави милости Твоея отъ насъ, Авраама ради возлюбленнаго отъ тебѣ, и за Исаака раба Твоего, и Израиля святаго Твоего.

*Трисвятое, по* Отче нашъ.

Господи Иусе Христе Сыне Божій, помилуй насъ. Аминь.

*Кондакъ воскресный, гласъ 6.*

Живоначною дланію, умѣршихъ отъ мрачныхъ удолій, жизнедавецъ воскресивъ всѣхъ Христосъ Богъ, воскресеніе даровавъ челоуѣческому роду. Есть бо всѣхъ Спаситель и воскресеніе и животъ, и Богъ всяческимъ.

Господи помилуй *(40 разъ).*

Иже на всяко время и на всякъ часъ на небеси и на землі, поклоняемыи и славимыи. Боже благи, долготерпѣливе и многомилостиве, иже праведники любя, и грѣшныхъ милуя, иже всѣхъ зовыи ко спасенію, обѣщанія ради будущихъ благъ. Самъ Господи, пріими молитвы наша въ часъ сей, и въ благи исправи животъ нашъ къ заповѣдемъ Твоимъ, душа наша освяти и тѣлесá очисти, помышленія исправи и мысли очисти, разумъ уцѣломудри и истрезви, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ

соблюдаеми и наставляеми, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй (*3 раза*).

*Слава, и нынѣ.*

Честнѣйшую Херувимъ. (*поклонъ*).

Господи помилуй (*дважды*), Господи благослови.

За молитвъ святыхъ Отець нашихъ, Господи Иисусе Христе Сыне Божій, помилуй насъ. Аминь.

*Молитва*

Владыко Господи Иисусе Христе Боже нашъ, долготерпѣливе о нашихъ согрѣшеніихъ, даже и до нынѣшняго часа приведый насъ, вонъ же на животворящемъ дрѣвѣ вѣся, благоразумному разбойнику, иже въ рай путь сотворилъ еси входъ, и смертію смерть разрушилъ еси, очисти насъ грѣшныхъ и недостойныхъ рабъ Твоихъ, согрѣшихомъ бо и беззаконновахомъ, и нѣсмы достойны возвести очію нашею, и воззрѣти на высоту небесную, занеже оставихомъ путь правды Твоея, и ходихомъ въ воляхъ сердець нашихъ. Но молимъ Твою благодать, пощади насъ, Господи, по множеству милости Твоея, и спаси насъ имене Твоего ради святаго, яко исчезоша въ суетѣ дніе наши. Изми насъ изъ руки сопротивнаго, и остави намъ прегрѣшенія наша, и умертви плотское наше мудрованіе, да ветхаго отложивше челоуѣка, и въ новаго облечемся, и Тебѣ поживемъ нашему Владыцѣ и благодателю. И тако Твоимъ повелѣніемъ послѣдующе, въ вѣчный покой достигнемъ, идеже есть всѣмъ веселящимся жилище. Ты бо еси воистину истинное веселіе, и радость любящимъ Тя, Христе Боже нашъ, и Тебѣ



## Обѣдница

славу возсылаемъ, съ безначальнымъ Ти Отцемъ, и съ пресвятымъ и благимъ и животворящимъ Ти Духомъ, нынѣ и присно и во вѣки вѣкомъ, аминь.

## ОБѢДНИЦА

*Посль Часа Девятаго сразу читается Псаломъ 102.*

**Б**лагослови душе́ моя Господа, и вся внѣреняя моя имя святое Его. Благослови душе́ моя Господа, и не забывай всѣхъ воздаянїи Его. Очищающаго вся беззаконїя твоя, исцѣляющаго вся недуги твоя. Избавляющаго отъ истлѣнїя животъ твой, вѣнчающаго тя милостїю и щедротами. Исполняющаго во благихъ желанїе твое, обновїтся яко орлу юность твоя. Твори ми́лостыню Господь, и судьбу́ всѣмъ обидимымъ. Сказа́ пути́ Своя Моисѣови, сыновомъ Израилевомъ хотѣнїя Своя. Щедръ и милостивъ Господь, долготерпѣливъ и многомилостивъ. Не до конца прогнѣвается, ни въ вѣкъ враждуетъ. Не по беззаконїемъ нашимъ сотворилъ есть намъ, ни по грѣхомъ нашимъ воздалъ есть намъ. Яко по высотѣ небесней отъ земли, утвердилъ есть Господь милость Свою на боящихся Его. Елико отстоятъ востоцы отъ западъ, удалилъ есть отъ насъ беззаконїя наша. Яко же щедритъ Отецъ сыны, ущедритъ Господь боящихся Его. Яко Той позна́ созданїе наше, помяну́ яко персть есмь. Человѣкъ яко трава, днїе его яко цвѣтъ сѣльныи, тако оцвѣтѣтъ. Яко духъ проїдетъ въ немъ и не будетъ, и не познаетъ къ Тому мѣста своего. Милость же Господня отъ вѣка и до вѣка на боящихся Его. И правда Его на сынѣхъ сыновъ, хранящихъ заветъ Его, и помнящихъ заповѣди Его, творити я.

Господь на небеси уготова престолъ Свой, и царство Его всѣми обладаеть. Благословіте Господа вси ангели Его, сильніи крѣпостію творящіи слово Его, услышати гласъ словесъ Его. Благословіте Господа вся силы Его, слуги Его, творящіи волю Его. Благословіте Господа вся дѣла Его, на всякомъ мѣстѣ владычества Его, благослови душе моя Господа.

**Слава Отцу и Сыну и Святому Духу.**

*Псаломъ 145.* Хвали душе моя Господа, восхваляю Господа въ животѣ моемъ, пою Богу моему дондеже есмь. Не надѣйтесь на князи, на сыны человѣческія, въ нихъ же нѣсть спасенія. Изыдетъ духъ его, и возвратится въ зѣмлю свою, въ той день погібнуть вся помышленія его. Блаженъ ему же Богъ Іаковль помощникъ его, упованіе его на Господа Бога своего. Сотворшаго небо и зѣмлю, морѣ и вся яже въ нихъ. Хранящаго истину въ вѣкъ, творящаго судъ обидимымъ, дающаго пищу алчущимъ. Господь рѣшитъ окованныхъ, Господь умудряетъ слѣпца. Господь возводитъ низверженныя, Господь любитъ праведники. Господь хранитъ пришельца, сира и вдову пріемлетъ, и путь грѣшныхъ погубитъ. Воцарится Господь во вѣки, Богъ твой, Сіоне, въ родъ и родъ.

**И нынѣ, и присно, и во вѣки вѣкомъ, аминь.**

Единородный Сынъ, и Слово Божіе, безсмертенъ сын. Изволивъ спасенія нашего ради, воплотился отъ святыя Богородицы и присно Дѣвы Маріи, непреложно вчеловѣчився, распятъ Христе Боже, смертію на смерть наступи, единъ сынъ святыя Троицы. Спрославляемъ Отцу и Святому Духу спаси насъ.

*Блаженна.*

Во царствіи Твоемъ егда прійдеши, помяни насъ Господи.

*На 12.* Блажѣни нищїи духомъ, яко тѣхъ есть царство небѣсное.

Блажѣни плачущїи, яко тїи утѣшатся.

*На 10.* Блажени крѣтцыи, яко тїи наслѣдятъ зѣмлю.

Блажени алчущїи и жаждущїи правды, яко тїи насытятся.

*На 8.* Блажени мїлостивїи, яко тїи помиловани будутъ.

*Стехъры, гласъ 6.*

*(Блаженныя стехъры берутся отъ канона 3-й и 6-й пѣснь).*

Помяни мя Боже Спасе мой, егда прійдеши во царствїи си. И спаси мя яко единъ Человѣколюбець.

**Блажени чїстїи сердцемъ, яко тїи Бога ўзрятъ.**

Дрѣвомъ Адаму прельщену бывшу, дрѣвомъ же крѣстнымъ паки спаслъ еси разбѣйника, вопїюща, помяни мя Господи, егда прійдеши во царствїи си.

**На 6. Блажѣни миротворцы, яко тїи сынове Божїи нарекутъся.**

Воспоёмъ, иже волею распѣншагося и погребѣна Христа Бога нашего, и воскресша во славѣ триднѣвно.

**Блажени изгнани правды ради, яко тѣхъ есть царство небесное.**

Вратá адова и вереї сокрушивъ, и сущїя жизнодавче во адѣ, вся воскресилъ еси, зовущїя, Спасе щѣдрїи, слава востанїю Ти.

**Блажени естѣ егда поносятъ вамъ, и изженутъ вы, и рекутъ всякъ золъ глаголъ, на вы лжуще Мене**

ради.

Иже изъ гроба воскресшаго, якоже рече прѣжде страсти, и ада плѣнивши, Христа согласно вси воспоемъ.

**Радуйтеся и веселитесь, яко мзда ваша многа на небесѣхъ.**

Свѣтъ міру апостоли показавшесе, весь мракъ прѣлести отгнаша, зарями божественными, ученіи Своихъ.

**Слава Отцу и Сыну и Святому Духу.**

Отца и Сына славословимъ, и Духа Святаго, глаголюще, Троице Святая спаси душа наша.

**И нынѣ, и присно, и во вѣки вѣкомъ, аминь.**

Радуйся двѣри Богу отвѣрстая, неизглаголанно въ Тя всѣлшесе, и прошѣдша изъ Тебе присно Дѣво.

Господи Иисусе Христе Сыне Божій, помилуй насъ.

*Пѣвцы.* Аминь.

Святый Боже, Святый Крѣпкій, Святый Безсмертный, помилуй насъ (*3 раза*).

Слава Отцу и Сыну и Святому Духу, и нынѣ и присно и во вѣки вѣкомъ, аминь. Святый Безсмертный, помилуй насъ.

Святый Боже, Святый Крѣпкій, Святый Безсмертный, помилуй насъ.

*Передъ Евангеліемъ.*

*Чтецъ.* Прокименъ, гласъ 6-й. Спаси Господи люди Своя, и благослови достояніе Свое.

*Пѣвцы.* Спаси Господи люди Своя, и благослови достояніе Свое.

*Чтецъ.* Къ Тебѣ Господи воззову Боже мой, не премолчи отъ мене.

*Пѣвцы.* Спаси Господи люди Своя и благослови достояніе Свое.

*Чтецъ.* Спаси Господи люди Своя.

*Пѣвцы.* И благослови достояніе Свое.

*(Чтеніе зачала Апостола и Евангелія указано въ Православномъ календарѣ, въ служебномъ Евангеліи и Апостолѣ, въ Апостолѣ указаны прокимны и аллилуіи дня).*

*Чтецъ.* Къ Ефесѣомъ посланіе святаго апостола Павла.

Братіе, возмогайте о Господѣ, въ державѣ крѣпости Его. Облечѣтеся во вся орудія Божія, яко возмощї вамъ стати противу кознемъ діавольскимъ, яко нѣсть наша брань къ крови и плоти, но къ началомъ и ко властѣмъ, и къ міродержителемъ тьмы вѣка сего, къ духовомъ злобѣ подъ небеснымъ. Сего ради примете вся орудія Божія, да возможете противитися въ день лють, и вся содѣявше стати. Станете убо препоясани чресла ваша истинною, и облкшеся во броня правды, и обувше нозѣ во уготѣваніе благовѣствованія міру. Надо всѣми же восприимше щитъ вѣры, въ немъ же возможете вся стрѣлы лукаваго разжженныя угасити. И шлемъ спасенія восприимите, и мечъ духовный, еже есть глаголь Божій.

*Чтецъ.* Аллилуія, гласъ 6-й.

*Пѣвцы.* Аллилуія *(трижды)*.

*Стихъ.* Живыи въ помози Вышняго, въ кровѣ Бога небеснаго водворитя.

*Пѣвцы.* Аллилуія *(трижды)*.

*Стихъ.* Речѣтъ Господеви, заступникъ мой еси, и прибѣжище мое, Богъ мой, и уповаю на нѣ.

*Пѣвцы.* Аллилуія *(трижды)*.

*Чтецъ.* Отъ Луки святаго Евангелія чтеніе.

*Пѣвцы.* Слава Тебѣ Господи.

*Зачало 71.* Во время оно, бе Иисусъ уча на единомъ отъ сонмищъ въ субботу. И се жена бе имущи духъ недуженъ,

## Обѣдница

лѣтъ осмынадесять, и бе слѹка, и немогущися восклонѣти отнюдѣ. Видевъ же ю Исусъ, пригласѣ, и рече ей, жено отпушена еси отъ недѹга твоего. И возложи на ню рѹцѣ, и абѣ прострѣся, и славяще Бога. Отвѣщавъ же старѣйшина собору негодѹя, зане въ субботу исцѣли ю Исусъ, глаголаше народу, шесть днѣй есть, въ ня же достоитъ дѣлати, въ ты убо приходѹще цѣлитесь, а не въ день суботныи. Отвѣщавъ же убо ему Господь, и рече, лицемѣре, кождо васъ въ субботу не отрѣшаеть ли своего вола, или осла отъ яслий, и ведъ напаяеть. Сѹю же дщерь авраамлю сѹщу, юже связа сатана, се осмое надесяте лѣто, недостояше ли разрѣшѣтся ей отъ юзы сея въ день суботныи. И си Ему глаголющу, стыдѹхся вси противляющися Ему. И вси люде радовахуся, о всѣхъ славныхъ бывающихъ отъ Него.

*Пѣвцы.* Слава Тебѣ Господи.

*По прочтеніи Евангелія.*

Помяни насъ, Господи, егда прїидеши во царствїи Твоемъ (*поклонъ*).

Помяни насъ, Владыко, егда прїидеши во царствїи Твоемъ (*поклонъ*).

Помяни насъ, Святїи, егда прїидеши во царствїи Твоемъ (*поклонъ*).

Ликъ Небесный поетъ тя и глаголетъ, Святъ, Святъ, Святъ Господь Саваоѣ, исполнь небо и зѣмлю славы Твоея.

Приступите къ Нему и просвѣтитесь, и лица ваша не постыдѣтся.

Ликъ Небесный поетъ тя и глаголетъ, Святъ, Святъ, Святъ Господь Саваоѣ, исполнь небо и зѣмлю славы Твоея.

Слава Отцу и Сыну и Святому Духу.

Соборъ святыхъ ангелъ и архангелъ, со всѣми

небесными силами, поетъ ты и глаголетъ, Святъ, Святъ, Святъ Господь Саваоѣ, исполнь небо и зѣмлю славы Твоея.

И нынѣ, и присно, и во вѣки вѣкомъ, аминь.

*Символъ Вѣры.*

Вѣрую во Единого Бога Отца Вседержителя, Творца небу и земли, видимымъ же всѣмъ и невидимымъ. И во единого Господа Исуса Христа Сына Божія, единородного, иже отъ Отца рожденнаго прежде всѣхъ вѣкъ. Свѣта отъ Свѣта, Бога истинна отъ Бога истинна, рожденна а не сотворена, единосущна Отцу, Имъ же вся быша. Насъ ради человекъ, и нашего ради спасенія сшедшаго съ небесъ, и воплотившагося отъ Духа Свята, и Маріи Дѣвы вочеловѣчшася. Распятаго за ны при Понтийстѣмъ Пилатѣ, страдавша и погребена. И воскресшаго въ третій день по писаніихъ. И возшедшаго на небеса, и сидяща одесную Отца. И паки грядущаго со славою, судити живымъ и мертвымъ, Его же Царствію нѣсть конца. И въ Духа Святаго Господа истиннаго и животворящаго, иже отъ Отца исходящаго, иже со Отцемъ и съ Сыномъ споклоняема и сславима, глаголавшаго пророки. И во едину святую Соборную и Апостольскую Церковь. Исповѣдую едино крещеніе, во оставленіе грѣховъ. Чаю воскресенія мертвымъ, и жизни будущаго вѣка, аминь.

Ослаби остаѣви, отпусти Боже, согрѣшенія наша, вольная и невольная, яже въ словѣ и въ дѣле, и яже въ вѣденіи и не въ вѣденіи, и яже во умѣ и въ помышленіи, яже во дни и въ ноці, вся ми прости, яко благъ и человекѣколюбецъ.

Отче нашъ.

Господи Исусе Христе Сыне Божій, помилуй насъ.  
Аминь.

*Посемъ, кондакъ воскресный по гласу недѣли, или празднику, или дню, и кондакъ святому дня.*

**Слава.** Со святыми покой Христе душа рабъ Своихъ, идеже нѣсть болѣзни, ни печали, ни воздыханія, но жизнь вѣчная. *(Въ воскресный и праздничный день заупокойный кондакъ не читается).*

**И нынѣ.** Заступница християномъ непостыдная, ходатаице къ Творцу непреложная, не презри грѣшныхъ моленія гласы, но предвари яко блага на помощь нашу, вѣрно вопіющихъ Ти, ускори на молитву, и потщися на умоленіе, заступаючи присно, Богородице, чтущихъ Тя.

Господи помилуй *(12 разъ).*

Всесвятая Троице единасущная, неодолима держава и неразделимое царство, яже всѣмъ благимъ виновна, благоволи въ настоящій сей часъ о мнѣ грѣшнемъ, и вся ми омый скверны, и просвѣти ми смыслъ, яко да всегда воспѣваю Тя, и славословлю и глаголю, единъ Святъ, единъ Господь Исусъ Христосъ, въ славу Богу Отцу, аминь.

Буди имя Господне благословено отъ нынѣ и до вѣка *(3 раза съ поклонами).*

**Слава, и нынѣ.**

**Псаломъ 33.** Благословлю Господа на всяко время, выну хвала Его во устѣхъ моихъ. О Господѣ похвалится душа моя, да услышатъ кротцыи и возвеселятся. Возвеличите Господа со мною, и вознесемъ имя Его вкупѣ. Взыскахъ Господа, и услыша мя, и отъ всѣхъ скорбіи моихъ избави мя. Приступите къ Нему, и просвѣтитесь, и лица ваша



не постыдѣтся. Се нищїи возва, и Господь услыша и, и отъ всѣхъ скорбїй его спасе и. Ополчїтся ангелъ Господень окрестъ боящихся Его, и избавитъ ихъ. Вкусите и видите, яко благъ Господь, блаженъ мужъ, иже уповаеъ нань. Бойтея Господа вси святїи Его, яко нѣсть лишенїя боящимся Его. Богатїи обнищаша и взалкаша, взыскающїи же Господа не лишатся всякаго блага. Приидите чада послушайте мене, страху Господню научу васъ. Кто есть человекъ хотяи животъ, любїи дни видѣти блага. Удержи языкъ свой отъ зла, и устнѣ свои еже не глаголати лести. Уклонїся отъ зла, и сотвори благо, взыщї миръ, и поженї и. Очи Господни на праведныя, и уши Его въ молитву ихъ. Лице же Господне на творящїя злая, еже потребїти отъ земли памѣть ихъ. Возваша праведнїи, и Господь услыша ихъ, и отъ всѣхъ печалей ихъ избави ихъ. Близъ Господь сокрушенныхъ сердцемъ, и смиренныя духомъ спасетъ. Многи скорби праведнымъ, и отъ всѣхъ ихъ избавитъ я Господь. Хранитъ Господь вся кости ихъ, и не едина отъ нихъ сокрушїтся. Смерть грѣшникомъ люта, и ненавидящї праведнаго прегрѣшатъ. Избавитъ Господь душа рабъ Своихъ, и не прегрѣшатъ вси уповающї нань.

Достойно есть яко воистину блажити Тя, Богородице, Присноблаженную и Пренепорочную и Матерь Бога нашего. Честнѣйшую Херувимъ и слavnѣйшую воистину Серафимъ, безъ ислѣнїя Бога Слова рождшую сущую Богородицу Тя величаемъ *(поклонъ до земли)*.

Слава Отцу и Сыну и Святому Духу *(поклонъ)*, и нынѣ, и присно, и во вѣки вѣкомъ, аминь *(поклонъ)*.

## Обѣдница

Господи помилуй, Господи помилуй, Господи благослови (*поклонъ*).

### *Отпустъ.*

Воскресѣи изъ мѣртвыхъ, Господи Иисусе Христе Сыне Божій, молитвъ ради Пречистыя Твоея Матере, силою честнаго и Животворящаго Креста, святыхъ славныхъ и всѣхъвальныхъ апостолъ, и святаго (*его же есть день*) и всѣхъ ради святыхъ, помилуй и спаси насъ, яко благъ и человекѡлюбець.

*Пѣвцы.* Аминь.

*Имъется обычай послѣ отпуста цѣловать крестъ, положенный на аналой. И въ это время поютъ стихѣру на цѣлованіе креста, гласъ б-й.*

Иже Крестомъ ограждаѣми, врагу противляѣмся, не боящеся того коварства ни лаянія, яко бо гордый упразднѣся, и попра́нъ бысть, на древѣ силою распятаго Христа.

*Передъ цѣлованіемъ креста кладутся два поясныхъ поклона съ молитвой Боже милостивъ. Затѣмъ оградивъ себя крестнымъ знаменемъ: Слава, Господи, Кресту Твоему честному, и съ благоговеніемъ и усердіемъ въ воспоминаніе страданія Христа Спасителя за насъ поцѣловать крестъ. Послѣ этого поясной поклонъ: Безъ числа согрѣшихъ, Господи, помилуй и прости мя грѣшнаго.*

*И исходные поклоны.*



ВОСКРЕСНЫЕ КАНОНЫ ПРЕСВЯТЪЙ БОГОРОДИЦѢ  
НА ПАВЕЧЕРНИЦѢ

КАНОНЪ ПЕРВАГО ГЛАСА

*Пѣснь 1.*

*Ирмось.* Люты работы избывъ Израиль, и непроходимо прѣйде яко по суху. Врагá зря потопляема, пѣснь въ веселіи поетъ Богу, чудотворящему мышцею высокою, яко прославися.

*Запѣвъ.* Пресвятая Госпоже Богородице спаси насъ (поклонъ).

Ужасошася страхомъ Всецарице, ангельская чиноначалія хваляще Тя. Поемъ же благодати ради всякъ умъ, яко Матерь Зиждителя. Похвалы бо всякія превзыде чинъ, Христа рождыши.

*Запѣвъ.* Пресвятая Госпоже Богородице спаси насъ.

Лютыми напáстми томимъ, отъ врагъ стужаемъ окаянные, съ плачемъ приглашаю, свыше мнѣ простри пребогáтая, руку Твою, избавляющи, безбѣдно мя пожити сподоби, молитвами Твоими.

*Слава Отцу и Сыну и Святому Духу.*

Души тайная прегрѣшенія, лѣчбѣю милосердія исцѣли, и утиши плотское стремленіе Богородице, и врагомъ копія и стрѣлы, возвращьши крѣпко въ сердца ихъ вонзи.

*И нынѣ и присно и во вѣки вѣкомъ, аминь.*

Пажить дрэвнюю потребіи челоувѣкоубійственную утрѣба Дѣвича, Христа рождыши Чистая. Тѣмже вся тварь радуется нынѣ, яко оживльшися и согласно воспѣваетъ Твоего Сына и Бога.

*Пѣснь 3.*

*Ирмось.* Первоувѣчному отъ Отца рождѣну нетлѣнно Сыну, и въ послѣдняя отъ Дѣвы, воплощѣну безсѣмене, Христу Богу

возоіемъ, воздвигнувыи родъ нашъ, Святъ еси Господи.

*Запѣвъ.* Іаковъ великій, на путі спя иногда, сходяща свѣше лѣствицею Дѣво на землю, ангелы видя, дивляшеса, и возбнѣвъ, прописá явѣ, дверь Тя небесную.

*Запѣвъ.* Временнымъ удержаніемъ, въ напасти ввѣрженъ окаянный азъ. И бѣрями напáстными томимъ, увы мнѣ вопію, яже Бога рождышая, и вознесшая рогъ нашъ, спаси мя молитвами си.

*Слава.* Съ небесе руку крѣпкую простеръ, о всѣхъ Царю Христе сущимъ, мысленыхъ Иусе мой главы враговъ подъ нозѣ подложі, иже Богородицу Матерь Твою вѣрно проповѣдающимъ.

*И нынѣ.* Исаія древле, очіщся ѹглемъ Духа, отъ Твоея утробы явѣ пребогатая Дѣво Сына, зывáше родитися. Его же въ послѣдняя временá, мене ради безъ мужа родилá еси.

*Пѣснь 4.*

*Ирмосъ.* Жезлъ изъ корене Іессѣова, и цвѣтъ отъ него Христе, отъ Дѣвы прозяблъ еси. Изъ горы хвальныя прісѣнныя часты, пріиде воплощся, отъ безмужныя безплотный Богъ, слава силъ Твоей Господи.

*Запѣвъ.* Тебе яко сущую въ женахъ краснѹ и пречестну, яко изъ пустыни восходящю, и отрасли Христа на рукѹ носящю Мати Божія проображáше міроначальникъ, вопія, слава силъ Твоей Господи.

*Запѣвъ.* Приклоні ми ухо Твое Благая, и виждь ми озлобленіе и бѣдъ умноженіе, къ Тебѣ бо Владычице душевное око простеръ, съ плачемъ колѣна преклонь нынѣ молю Тя вопія, устáви ми напáстей смущеніе.

*Слава.* Стѣну Тя не обориму вѣдыи, привлеченъ

молбою Ти, Твой рабъ нынѣ прибѣгохъ, и стрѣлы вражія, яко младенческія вмѣняю не дѣйствены, о Пребогатая. Тѣмже и радуяся вопію, слава Богомати, рождеству Твоему.

**И нынѣ.** Сила вышняго Тя Дѣво осѣни, найтіемъ божественаго Духа, плоть и душу оживотворивъ, при Едини Себѣ, пребывъ въ томъ же естествѣ.

*Пѣснь 5.*

**Ирмосъ.** Богъ сый міра, Отче щедрѣтамъ, великаго совѣта Ти ангела, миръ подавающа послалъ еси намъ. Тѣмъ къ свѣту богоразумія наставляеми, отъ нощи ўтреннююще, славословимъ Тя Человѣколюбче.

**Запѣвъ.** Божественую Тя провѣдѣ иногда Даніилъ, несѣчену гору Препѣтая, вопіяше проявленнѣ, усѣщійся отъ Тебе каменю Богородія, Христу Спасу міра. Его же вѣрніи нынѣ чтуще, восхваляемъ Тя Богоневѣсто.

**Запѣвъ.** Напастыми окаянный мнозѣми падъся, съ болѣзнію и плачемъ сердца моляся, безстудно служитель Твой вопію, избави Богородительнице, отъ бѣдъ одержавшихъ мое смиреніе, и веселія мя исполни.

**Слава.** Страстѣй моихъ свирѣпую пучину утіши, крѣпко Ти молитвою Благая, яже страстѣй кромѣ рождши Христа. Яко да въ тишинѣ дѣла нынѣ живыи прочее, въ пѣснѣхъ жизни моя воспѣваю Тя.

**И нынѣ.** Бога како на руку нѣсиши рцы; дойши же всяческая рукою содержащаго, о Дѣво Всеблаженная; азъ рече чиста пребываю и по рождествѣ, Христа Бога рождши: Адамовъ долгъ и праматерніи отѣмши.

*Пѣснь 6.*

*Ирмосъ.* Утроба Юны младенца невредѣ морскіи звѣрь единого пріять, въ Дѣвицу убо вселься Слово, и плоть пріимъ, пройде сохрани не ислѣнну. Еже бо не пострада ислѣнія, рождышую сохрани неврежденну.

*Запѣвъ.* Видѣнія не отступль, нѣдръ родителя, въ нѣдрахъ Матернихъ Сынъ предлѣтныи: на послѣдокъ же иже прежде вѣкъ сый со Отцемъ, изъ утробы Дѣвыи произыде, вся къ жизни безсмертнѣи возводя, не изреченною благостию.

*Запѣвъ.* Веригами связанъ вражіими отъ озлобленія, во адскія верей увы мнѣ низвергохся. Но предста ни съ небесе явльшиися Богоотроковице чистая, воставляющи мя Твоими молитвами служителя си: и руку помощи даждь поющему божественое рождество Твое.

*Слава.* Въ ровъ погибелей окаянныи впадохъ, и звѣріе мнози окрочають мя. Но Владычице молитвами си каменія отврати, и невредима своего раба соблюди. Камень бо краеугольныи Христа въ ложеснахъ Своихъ носила еси.

*И нынѣ.* Древле пророкъ божественыхъ Ликъ, провозгласѣ Дѣво рожества Ти образы, свѣтель облакъ Тя, и свѣщникъ, и стамну, и трапѣзу, и небесную рѣсу, хлѣбъ, манну же и дверь престолъ, и полату, жезль, рай, Христа яко рождышую.

Господи помилуй (*трижды*).

*Слава, и нынѣ. Стѣдаленъ, гласъ 1.*

Матерь Тя Божию молимъ вси Дѣвую воистину и по рожествѣ явльшуюся, любовію прибѣгающе къ Твоей благости. Тебе бо имамамы грѣшніи представительницу, и Тебе стяжахомъ, въ напастѣхъ спасеніе, едину Всенепорочную.

*Пѣснь 7.*

*Ирмось.* Отроцы во блáзѣй вѣрѣ воспитáни, нечестива велѣнiя небрегоша, огненаго прещенiя не убояшася, но посредѣ пламене стояще пояху, отцемъ Богъ благословенъ еси.

*Запѣвъ.* Шествуя превѣчныи, дверми не прохóдными Твоими Всецарице, и Чистая, Твоя знáменiя цѣла сохрани, чиста и по рожествѣ: отецъ нашихъ Боже благословенъ еси.

*Запѣвъ.* Въ пещь вверженъ, седмочíслеными пламенъми опаляюся, отъ душеубíйственныхъ бѣдъ: но Сама росу ми одождíвши Владычице благая, Твоими мольбами мя спаси, пѣсньми вопiюща, благословенъ Богъ.

*Слава.* Страстьми престарѣвся, и не ослабными напáстьми и скорбьми, и къ житiя моего за́падомъ dospѣвъ, добродѣтелемъ не причастенъ, лѣнностiю снѣденъ бывъ, вопiю Ти Владычице, утѣшенiе земленымъ помилуй мя.

*И нынѣ.* Троицѣ во единствѣ православно служаще, Тя Мати Дѣво Чистая, яко Бога плотiю рождышую, проповѣдающе земни Божественѣ поемъ, отецъ нашихъ Боже благословенъ еси.

*Пѣснь 8.*

*Ирмось.* Чюдо превелiе, росодавицу вообразí пещь образомъ. Яже бо прiялъ, не опалí юныхъ, тако же ни огонь божественны Дѣву, уже поиде чисту. Тѣмъ поюще возопiемъ, да благословитъ тварь всякая Господа, и превозноситъ Его во вѣки.

*Запѣвъ.* Слово всеистинное священника, вообрази рождество Ти Дѣво. Воистину бо родилá еси Слово Божественое, и ложеснъ не разверзе Дѣво, ими же

прѣйде Богъ. Тѣмъ радующеся, Богородицу Тя по долгу, согласно вси воспѣваемъ, и превозношáемъ Чистая во вся вѣки.

*Запѣвъ.* Терніе возрастшее не дѣйствено, огнемъ попали Пречистая божественымъ, въ душі моей порáстшее Твоими молитвами, и на добродѣтели востави, творити плодоносіе Христу, изъ Тебе бо цвѣтъ присно живыи прорáстши, тварь всю украси. Тѣмъ Тя Богородительницу Чистая Богородицу почитаемъ во вся вѣки.

*Благословимъ Отца и Сына и Святаго Духа, Господа.*

Исцѣленіе въ лютыхъ Богородительнице, небо-лѣзнено даждь ми вскорѣ, впадъ бо въ скорби и бѣды, Твою скоростъ въ заступленіе окаянныхъ призываю, рыдая. Тѣмъ же Пречистая ускори изъяти мя, и спаси отъ всякія муки, яко да благослѣвія воспѣваю Твое божество.

*И нынѣ.* Древле Тя прозябшии, Аароновъ жезлъ вообразі Дѣво. Ты бо едина родила еси прозябеніе безъ мужа, небесныи нынѣ дождь пріемши во чревѣ. Тѣмъ веселящеся, Тя Богородицу по долгу согласно вси поемъ, и превозносимъ во вся вѣки.

*Пѣснь 9.*

*Ирмось.* Таинство странно віжю и преслáвно: небо сущу пещеру. Престоль херувимскъ, Дѣвицу. Ясли, вмѣстѣлице: внихже возлежé не вмѣстимыи Христосъ Богъ. Его же хвáляще величаемъ.

*Запѣвъ, поклонъ.* Преславно Дѣвыя таинство: Его же бо не вмѣстиша выше небесная величія, вмѣстѣ во чревѣ. Тѣмъ же сшедшеся ублажаемъ ю, и вѣрно веселящеся величаемъ.

*Запѣвъ.* Видяще Тя едину яко вышшу небесъ Божию



## Канонъ Второго гласа

зарю, нескверная, престолъ херувимскіи и чертогъ, и одръ святъ, земніи восхваляюще величаемъ Христа Бога, Его же отъ чреслъ чистыхъ родилá еси.

**Слава.** Окрестъ мене скорби мнози, и злы напасти нападающе, болѣзни же, и лютіи нынѣ грѣси въ ровъ ввергоша. Тѣмже Тя молю въ горести души моея, Пречистая Богородице избавленіе обрести ми.

**И нынѣ.** Умири миръ Христе молбами чистыя Богоотроковицы, низлагая вражію силу, подъ ноги царей вѣрныхъ, и тишину не изглаголанну тѣмъ устрояя, во вѣки сохрани.



## КАНОНЪ ВТОРАГО ГЛАСА Егда отъ оклеветанія въ печали.

### *Пѣснь 1.*

**Ирмосъ.** Во глубинѣ потопа древле, фараонітская вся воиинства, преоружена сила. Воплощъжеся Слово, преспѣющыя грѣхи потребило есть, преславныи Господь яко прославися.

**Запѣвъ.** Пресвятая Госпоже Богородице спаси насъ (поклонъ).

Яже всѣмъ послушная въ скорби, и въ печали помогающая Богородице благая, благодать подаждь пѣти Тя дерзающимъ Владычице, скорбящимъ радосте.

**Запѣвъ.** Пресвятая Госпоже Богородице спаси насъ.

Многобогатную благодать стяжавши Владычице, дерзновенною си молитвою, преславно изми мя отъ напастей, убогаго раба Твоего, скорбящимъ радосте.

Слава Отцу и Сыну и Святому Духу.

Отъ врагъ видимыхъ и невидимыхъ, избави насъ молимся къ Тебѣ прибѣгающихъ Богородице, и разори всякъ совѣтъ борющихся насъ.

*И ныне и присно и во вѣки вѣкомъ, аминь.*

Отимі поношеніе челоувѣческое, и клеветы навѣтникъ отъ мене Богородице молю Тя, да усердно славлю Господа, Его же питала еси.

*Пѣснь 3.*

*Ирмось.* Утверди насъ Собою Господи, древомъ умерщвей прегрѣшенія, и страхъ Твой всади въ сердца наша, яко Чолоувѣколюбецъ.

*Запѣвъ.* Врагомъ навѣты разбѣри суетныя, Всепѣтая Богородице, не оскудѣй молитвами си, снабдящи насъ восхваляющихъ Тя.

*Запѣвъ.* Призри Чистая милостивнымъ си окомъ, и избави мя всякого навѣта, видимыхъ и не видимыхъ врагъ, ослѣпивши зѣницы очесѣ ихъ.

*Слава.* Злое нападаніе враговъ яко огонь палящее, ищущихъ всегда погубити насъ, Дѣво рососою молитвъ Твоихъ угаси.

*И нынѣ.* Не усыпная лампадо, зарѣ присносіятелная, нощю мя скорбей одержима, просвѣти молитвами си, рождышая Солнце славы Христа.

*Пѣснь 4.*

*Ирмось.* Услышахъ Господи гласъ Твой иже рече, гласъ вопіющаго въ пустыни, яко возгремѣ надъ водами многими, Твоему свидѣтельствуя Сыну, весь бывъ существу. Духомъ же возопи, Ты еси Христось Божія мудрость и сила.

*Запѣвъ.* Спасеніе Тя мостъ, и молитву неусыпну, заступленіе твердо молимъ, умилосердися, и виждь нашу нестерпимую печаль, болѣзни, скорби, стра-

сти, и благопремѣнно посѣти Мати Божія, радость скору подаючи.

*Запѣвъ.* Не непричастни есмы Владычице Твоего заступленія скорбящїи. Тѣмъ же и нынѣ намъ помози вскорѣ, люте обуреваемымъ руку простираючи Чистая, буди милостива болѣзнемъ нашимъ Мати Божія, радость скору подаючи.

*Слава.* Не уповаша Владычице на Тя беззаконнующїи, но уповаша на языкъ велерѣчивъ, на языкъ челоуѣчь, приснозавѣстно изліявшїися, не праведно проліяти кровь искреняго рыкающе. Ты же Чистая, челюсти ихъ сокруши.

*И нынѣ.* Смири Владычице, врагомъ вознесѣную велерѣчующихъ, совѣты и нравы ихъ, и сердцѣа поучающыяся злымъ на мя по вся дни. Крѣпость же и побѣду подаждь, призывающимъ Тя Мати Божія, радость скору подаючи.

*Пѣснь 5.*

*Ирмосъ.* Угль Исаія проявлѣися солнце, изъ Дѣвчески утробы восія, во тмѣ заблуждышимъ, богоразумія просвѣщеніе подавая.

*Запѣвъ.* Молитвенца нелѣжная, упованіе христїяномъ обрадованная, прїими мольбы наша, прилѣжно призывающихъ, и молящихся Тебѣ.

*Запѣвъ.* Источникъ Тя жизни сущи Чистая, безсмертїя источащю воды, земленороднїи, разумѣвше ублажаемъ.

*Слава.* Вооружися на ны лукавно врагъ, языкомъ яко же мечемъ погубити хотя. Но Твоею Богородительнице крѣпостїю предвари.

*И нынѣ.* Пучїну Чистая заступленїемъ, кто изочтетъ силы Твоя, тѣмъ же насъ сущихъ въ нѣжди

скоро предвари.

*Пѣснь 6.*

*Ирмосъ.* Въ безднѣ грѣховнѣй одержимъ, не изслѣдную милосердія Твоего призываю бездну, отъ тли Боже мя возведи.

*Запѣвъ.* Цѣломудрію сущи ходатаица, призывающимъ Тя нынѣ явися, и отъ всякихъ избави напáстей и бѣдъ, Богоневѣсто.

*Запѣвъ.* Злодѣйства вражія разори, и клеветы не праведныя устави, благословеная Пречистая избавляющи неповинныя отъ скорби.

*Слава.* Лютыми грѣхи окружены, и нападными бѣдами потопляющесея, подъ Божественныи покровъ Твой прибѣгаемъ Мати Христа Бога.

*И нынѣ.* Неискусомужно рождыши Господа, явися по рожествѣ паки дѣвѣствующи. О преславному чуду, иже въ Тебѣ содѣланному Богоневѣсто.

Господи помилуй (*трижды*).

*Слава, и нынѣ. Стѣдаленъ, гласъ 2.*

Молитвеница теплá, купно и стѣна необорима, милости источниче, мірови прибѣжище, прилѣжно Ти вопіемъ Богородице Владычице, предвари отъ бѣдъ избавити насъ, едина вскорѣ заступающи.

*Пѣснь 7.*

*Ирмосъ.* Да преславное рождество Ти Христе, еже отъ Дѣвы сохранилъ еси, пѣсньми поющя, отецъ нашихъ Боже благословенъ еси.

*Запѣвъ.* О благоутробію Ти Дѣво Чистая, рѣшиши бо безмѣрныя печали и напáсти, призывающимъ въ нѣжди и обстояніи, тѣмже и нынѣ помози благословенная, иже Тя восхваляющимъ.

*Запѣвъ.* Покажи скорое си заступленіе: покажи

яко можеша яко Мати Богу, призываемъ ѡтъ сердца со слезами припадающе, скорбь укрости и болѣзни, рабомъ Твоимъ вскорѣ.

**Слава.** Уста человѣкомъ яко львомъ лютымъ, грѣба тяжчайше отверзошася горько поглотити мя. Но Ты Богородице явися надежа ненадѣющимся, и низложи крѣпость ихъ Благословеная.

**И нынѣ.** Да узрятъ врази и постыдятся: да разумѣютъ и видятъ твою еже по насъ, сопротивъ борющую силу, и въ пропасть преисподнюю низложи ихъ Благословеная надеже не надѣющимся.

*Пѣснь 8.*

**Ирмось.** Въ пещь огнену, къ дѣтемъ еврейскимъ сошедшаго, и пламень на хладъ прелѣжьшаго Бога, пойте вся дѣла Господа, и превозносите Его во вѣки.

**Запѣвъ.** Прибѣжище наше и міру радование Богородительнице, умилосердитесь потщися оскорбленнымъ, спѣшно благодать Твою подаждь намъ, и заступи Благая Своя рабы.

**Запѣвъ.** Совѣтъ суетенъ совѣщаща лютѣ на ны, безбожнихъ сѡньмища, яко же прежде Ахитофелъ. Но вопіемъ, твоими молитвами сіи разори, низложьши сихъ крѣпость Богородице.

**Благословимъ Отца и Сына и Святаго Духа, Господа.**

Иже призывающихъ Тя Богородице отъ души неложно, во всякой скорби, и въ болѣзнѣхъ различныхъ и бѣдѣхъ лютыхъ, спѣшно услыши Владычице, сихъ избавляющи присно молитвами си.

**И ныне.** Да имя Твое Богородице на земли славословится, иже изъ Тебе восіавъ, грѣшникомъ державную надѣжу, и стѣну Тя дарова: Тобою бо всяко дыхание къ Богу притекаетъ.

*Пѣснь 9.*

*Ирмось.* Недоумѣтъ всякъ языкъ хвалити Тя достойно: низъумѣтъ же умъ примирнии пѣти Тя Богородице. Вся бо Блага сущи вѣру пріими, Ты бо любовь вѣси Божию нашу. Ты бо христیانомъ заступница, Тя величаемъ.

*Запѣвъ, поклонъ.* Да заградится всякъ языкъ, лукавымъ поучаяися: да молчатъ устны льстивыя, и усты не праведно глаголющая на праведнаго беззаконіе, гордынею и завистию вражѣбною вкупѣ, Богородицы молитвою, и святыхъ Христовыхъ.

*Запѣвъ.* Иже въ молитвахъ бодрю чистую Богородицу, призываемъ вси, болѣзнію и скорбію одержиміи, взывающе, Владычице Чистая скоро избави отъ одержажихъ болѣзней рабы Твоя присно, яко по Бозѣ заступницы иныя не ймамы.

*Слава.* Отчаявшимся веліе прибѣжище, обуреваемымъ тихое пристанище Ты еси Богородице. Тѣмже и мы притекаемъ благодаряще, да непостыдимся Мати истиннаго живота, да благодаряще усердно Тя величаемъ.

*И нынѣ.* Пріими Отроковице Пречистая, божественую пѣснь, воздавающи благодать на Тя надѣющимся, и миръ испроси церквамъ присно послати, и царю нашему одолѣніе и побѣды, да христіянскіи всякъ языкъ Тя величаетъ.



## КАНОНЪ ТРЕТІЯГО ГЛАСА

### *Пѣснь 1.*

*Ирмосъ.* Иже воды дрѣвле мѣніемъ божѣственнымъ, во едино со́ньмище совокупіи раздѣліи море израильтескимъ людемъ. Сѣ Богъ нашъ препрослѣвленъ сѣи. Того Единого воспоёмъ, яко прослѣвися.

*Запѣвъ.* Пресвятая Госпоже Богородице спаси насъ (поклонъ).

Яко Матерь Божію Тя, Духомъ божественнымъ, Отца же благовеленіе явльшюся, вѣрніи пѣсньми чистыми вѣнчаемъ, Пречистая Богоневѣсто, и цѣлуемъ пѣсньми со архангеломъ Тя во спасеніе наше.

*Запѣвъ.* Пресвятая Госпоже Богородице спаси насъ.

Отъ ребръ убо адомовыхъ созидается Евва, древнимъ богозданіемъ. Отъ утробы же Богородицы явися Христосъ, сѣи Богъ нашъ, вчеловѣчься непреложно, временемъ бысть превѣчнымъ.

*Слава Отцу и Сыну и Святому Духу.*

Иже Еввину утробу осуждь въ печалѣхъ, родити плоды въ болѣзни, во чрево Твое вселися Дѣво Чистая, сѣи Богъ нашъ плотію явися паче слова, и праматерніи разрѣши долгъ.

*И ныне и присно и во вѣки вѣкомъ, аминь.*

Внечѣянія глубину впѣдше тяготами, прилѣжно зовемъ Богородительнице къ Тебѣ, Владычице помози потопляемымъ дѣлы, лукавыхъ прегрѣшеніи, Тя бо едину ѣмамы надѣжо съ Богомъ.

### *Пѣснь 3.*

*Ирмосъ.* Иже отъ несущихъ вся приведѣи, словомъ Созидаемая, и совершаема Духомъ вседержителю вышніи въ любви Своей утверди мене.

*Запѣвъ.* Тя проявляше жезлъ Аароновъ, безъ напоенія процвѣтшии Богородице Пречистая, безъ сѣмене рождышую, воплощшагося Бога непремѣнно.

*Запѣвъ.* Божественныи огонь, Тя носящии свѣтильникъ Пречистая, провидѣ пророкъ Духомъ, благоуханія носящую, сущимъ въ мѣрѣ жизни вѣчныя.

*Слава.* Ко архангелу приступимъ Гавріилу, радуися вѣщающе Дѣвѣй пѣсньми. Тоя бо ради рѣшитъ осуженія прадѣдняя клятва.

*И нынѣ.* Тя Пречистая Богородице, яко стѣну грѣшнии спасенія имуще спасаемъ, не прѣзри Владычице, и непосрами наша моленія.

*Пѣснь 4.*

*Ирмосъ.* Положи къ намъ Твѣрдую любовь си Господи. Единороднаго бо Своего Сына, насъ ради на смерть далъ еси. Тѣмъ же Ти зовемъ благодарствено, слава силъ Твоей.

*Запѣвъ.* Гóру мысленую, добродѣтелемъ сѣнь, Духомъ древле Аввакумъ, боговидно Тя видѣвъ, проповѣдаше Пречистая, яко отъ юга пришедша отъ Тебе, Слово плоть приѣмша.

*Запѣвъ.* Гóру Тя велию Даніилъ несѣчену, Духомъ неновосѣчену являя чистоту дѣвѣства Твоего Владычице. Отъ Нея же камень усѣчеся Христосъ Слово, лъсти низлагая идолы.

*Слава.* Гóру Тя Давыдъ чудну и тучну прорече. Единородныи бо отъ Отца Сынъ, въ Тя благоволи Чистая вселитися воплощаемъ. Тѣмъ Ти радуися Духомъ зовемъ.

*И нынѣ.* Вся Благá и теплá заступница сущи, грѣшникомъ и смиреннымъ Богородительнице Пречистая Владычице, отъ бѣдъ и скóрбей и грѣховъ, спаси рабы Своя.



*Пѣснь 5.*

*Ирмосъ.* Яко видѣ Исаія образно на Престолѣ превысоцѣ Бога, отъ ангель славы дароносима, о окаянный вопіяше азъ. Провидѣхъ бо воплощаема Бога, свѣта невечерняя, и міромъ обладающа.

*Запѣвъ.* Израсті жезлъ Иессеовъ, цвѣтъ не увядаемъ Дѣвая Марія, Бога безначальнаго, безсѣмене отъ Духа божественаго и Отча. Царства державная языческая обладавъ, нань языцы уповаша.

*Запѣвъ.* Князь мірныи, прииде на престолѣ Давыдовъ царствуяи изъ Тебе, Богородице Богъ воплощаемъ. О чудо, и брань разрушь, посѣче князи моавскія, и Тебе рождшюю, Царицу показа.

*Слава.* Непорочную Ти доброту, отъ Нея же Христосъ плоть облечѣ безсѣмене Дѣво, Исаія являя, зоветъ вопія, Господь славы грядетъ на облацѣхъ легцѣхъ и прелести тму отгоня, просвѣтитъ насъ.

*И нынѣ.* Отъ Духа Свята, заченши Слово единосущное Отцу Дѣво, сего родила еси, въ дву естеству суца Бога свершена, и свершена Человѣка. Ему же вѣрою почитаемъ плотское явленіе.

*Пѣснь 6.*

*Ирмосъ.* Бѣдна послѣдняя грѣховная обыде мя, и исчезаеть духъ мой. Но простеръ Владыко високую Свою мышцу, яко Петра мя окормителю спаси.

*Запѣвъ.* Одръ Тя пѣсньми премудрыи, предъ написаниемъ Всепѣтая. На немъ же почи Богъ воплощаемъ, во ипостаси изъ Тебе, и прослави Тя несмѣсно раждаемъ.

*Запѣвъ.* Бысть Слову, яко избранна Дѣво Всепѣтая, избранна одежда. Яко порфіру божествену, изъ Тебе плоть приемъ воцарися, благолѣпно одѣявся.

**Слава.** Бысть соединенія божественаго вмѣстилище Богоневѣсто, злата свѣтлѣйше. Тобою бо бысть Богъ яко человѣкъ, и бесѣдова человѣкомъ Богъ яко человѣкъ.

**И нынѣ.** Умертви нечествующихъ въ Тя, Дѣво Всепѣтая злобы ересь, яко завистию таютъ, преславное Твоего образа видяще подобіе.

Господи помилуй (*трижды*).

**Слава, и нынѣ.** *Съдаленъ, гласъ 3.*

Отъ теплости вѣры вопію Ти Богородице, недостойными усты, и сквернымъ сердцемъ, спаси мя погруженаго грѣхами. Ущедри умерщвенаго нечаяніемъ, да зову Ти спасаемъ, радуйся Дѣво, христіаномъ помощнице.

*Пѣснь 7.*

**Ирмосъ.** Первіе тѣлу златому, пѣрьскою честію дѣти непоклонишася, тріе поюще посреди пещи огня, отцемъ Богъ благословенъ еси.

**Запѣвъ.** Купина и пламень сообразна совокупльшися, нетлѣнная обоя явльшеся. Тя Дѣво ясно проявляютъ. Ибо родила еси Бога и дѣвствуеши.

**Запѣвъ.** Рунó и росá Гедебни воизмѣненіе образуема, рождество Ти предпишутъ. То бо едина божественное Слово нóсиши во чревѣ, и яко дождь Дѣво Мати.

**Слава.** Грѣха моего огонь, паче геенскаго пламень мнѣ содѣваетъ. Сіи угаси Чистая Своею милостию, покаянiемъ мя къ свѣту наставляши.

**И нынѣ.** Твоего зрака явленіе Богордице Пречистая, чтуще яко первыи образъ, Тя заступницу присно и покровъ, благопремѣнимъ къ Богу ймамы вси.

*Пѣснь 8.*

*Ирмосъ.* Вавилонская печь отроки не опали, ни Божественныи же огонь, Дѣввыи нерастливъ есть. Тѣмъ съ дѣтми вѣрно вопіемъ, благословите вся дѣла Господня Господа.

*Запѣвъ.* Тя Отецъ изволи, невѣсту не искусобращу, яко кринъ пресвѣтлыи, посредѣ терніа обрѣтъ, свѣтлостію доброты блистающу, Духомъ божественымъ Сынови въ жилище.

*Запѣвъ.* Святѣйши еси вышнихъ силъ, Дѣво преперорочная, безразсуженія славно явѣ. Творца бо сихъ во чревѣ понесе, несмѣснымъ соединеніемъ, плоть пріемша отъ Тебе.

*Благословимъ Отца и Сына и Святаго Духа, Господа.*

Дѣввство некрадомо Дѣво сохранивши, Мати явися Сына Божія воистину, Отца благоволеніемъ. Невѣста бывши, и пріятелище славѣ Духа нетлѣнно.

*И нынѣ.* Иже паче естества, невещественныи Богъ не видимыи, просто и неизреченно, паче естества раждается Человѣкъ, отъ Святыя Дѣвы. Сугубъ зримъ во единой ипостаси, внеи же видимъ есть писаньи.

### *Пѣснь 9.*

*Ирмосъ.* Новое чюдо и боголѣпно, Дѣввическую убо дверь затворѣну яви, проходитъ Господь нагъ во входѣ, и плотнорѣсецъ явися во исходѣ Богъ, и пребываетъ дверь затворѣна. Сію непрестанно яко Матерь Богу величаемъ.

*Запѣвъ, поклонъ.* Святаго корене, Святъ плодъ. Неplодныя бо освященныя закономъ Божимъ Отчимъ, неувядаему жизнь свершающую, Богородица Отроковица процвѣтѣ. И радуется Анна пріемши отроча въ старости Божію Матерь, ея же славимъ.

*Запѣвъ.* Новое рождество и боговидно, Святаго

Твоего и богоноснаго чрева Чистая, въ немъ бо написася образъ въ челоуѣка, Отчимъ перстомъ Сынъ воплощся Святъ, Духомъ Святымъ. Его же несмѣсно, яко Бога и Челоуѣка величаемъ.

**Слава.** Вопіетъ судъ всякъ на мя, дѣла бо грѣховныхъ дѣянїи вопль содѣвають мнѣ претяще. Душа во вся вѣсть ими же препрѣна будетъ, и трепещетъ пламене геенскаго. Отъ него же прежде концá молитвами си избави мя Владычице.

**И нынѣ.** По рожествѣ явися нетлѣнна Чистая: неизмѣнно бо зиждителя всѣхъ плотїю Богородице родила еси, Челоуѣка паче естества, Отча существа не отступльша: и абїе пребысть Дѣвою Духомъ божественымъ. Тѣмже славящїи Тя пѣснь совершаютъ.



## КАНОНЪ ЧЕТВЕРТАГО ГЛАСА

### *Пѣснь 1.*

**Ирмосъ.** Моря Чермнаго пучїну, немóкрыми стопáми, дрѣвле шѣствовавъ Израиль, крестообразно Моисѣовыма рукама, Амаликову силу въ пустыни побѣдилъ есть.

**Запѣвъ.** Пресвятая Госпоже Богородице спаси насъ (поклонъ).

Яже едина въ напастѣхъ и скорбѣхъ защищающи, иже подъ кровъ твой Пречистая, прибѣгающаго тѣплѣ, прїими яко Преблагая, еже отъ сердца моего моленїе.

**Запѣвъ.** Пресвятая Госпоже Богородице спаси насъ.

Пристанище невлáемо обрѣтъ Тя неразумныи, напастныя же и нужныя прилóги отрѣвая, и благо-

дарное пою Ти воспѣваніе, богомужная Родительнице.

*Слава Отцу и Сыну и Святому Духу.*

Милостивнымъ и кроткимъ си окомъ Богородительнице зрящи мя, во обстояніи же и скорби одержима, въ скорѣ свободи. Тя бо призываю на помощь.

*И нынѣ и присно и во вѣки вѣкомъ, аминь.*

Преклонена мя Влыдычице скорбьми нужными лютѣ, яко милостива едина Благая предстательнице рабомъ си, руку молбы прости, и лютыхъ бѣдъ избави мя.

*Пѣснь 3.*

*Ирмосъ.* Лукъ сильныхъ изнеможе, а немощни препоясашася силою, сего ради возвеселися, о Господѣ сердце мое.

*Запѣвъ.* Оружіе крѣпко, и стѣну Тя стяжавъ азъ, побѣждаю сопротивныхъ полки, и пою величія Твоя Богородице неискусобрачная.

*Запѣвъ.* Пещь разоряеши печалемъ, и погашаеши отчаянія зной. Кто бо тако яко же Ты Дѣво Богородице, упованіе наше.

*Слава.* Внуши гласъ раба Твоего, Твоя требующа помощи Богомати. Упованіе мое услыши мя, и напастей мя исхити.

*И нынѣ.* Прииде отъ прегрѣшеніи множествъ мучительство намъ, нося смерть пагубную: но спаси своя рабы Богородице, Ты бо можешаи.

*Пѣснь 4.*

*Ирмосъ.* Воздвижена Тя видѣши церкви на Крестѣ, Солнца праведнаго, ста въ чинѣ своемъ, достойно взываючи, слава силѣ Твоей Господи.

*Запѣвъ.* Побѣждыши враждующыя мнѣ все, яко душу мою тщащесе лютѣ пріяти: сохрани мя Владычице, помилуй и спаси, къ Тебѣ бо прибѣгаю рабъ Твой.

*Запѣвъ.* Избавляющи мя отъ языка льстивоглаголива, Благая заступнице моя, безъ пакостна покажи и житейскихъ дѣянїи, много бо можеша яко Зиждителя Мати сущи.

*Слава.* Безболѣзнену вѣдыи Тя цѣлебницу немощныи, духомъ и усты зову, исцѣли мя Владычице, помилуй и спаси, къ Тебѣ бо прибѣгаю рабъ Твой.

*И нынѣ.* Не остави мене напастемъ прѣдану быти, Мати Бога нашего, но отъ всякія скорби и злобы чловѣчи, сохрани невреждена: Ты бо еси помощница всѣмъ намъ.

*Пѣснь 5.*

*Ирмось.* Ты Господи ми свѣтъ въ міръ пришелъ еси, свѣтъ Святыи обращающа изъ мрачна невѣдѣнїа, вѣрою воспѣвающыя Тя.

*Запѣвъ.* Исправи Чистая молитву раба Твоего ко Господу Сыну Твоему, да обрящу разрѣшеніе, многимъ моимъ прегрѣшеніемъ.

*Запѣвъ.* Избави мя страстей и бѣдъ, Богоневѣсто: Ты бо положи Богъ очищеніе воистину моему смиренію.

*Слава.* Покровъ мой Ты еси, и присное хваленіе о Владычице Богородице, презираеша бо никакоже, иже къ Тебе прибѣгающихъ.

*И нынѣ.* Помилуй Чистая чтущихъ рождество Твое, и избави мучительства, и горести чловѣчскїа: ибо имаша еже мощїи.

*Пѣснь 6.*

*Ирмосъ.* Пожру Ти, со гласомъ хваленія Господи, церкви вопіеть Ти, отъ бѣсовскія крѣве очищышися, милостію отъ ребръ истекшею Ти кровію.

*Запѣвъ.* Крѣпость ми Сама еси Пречистая Владычице, во обрѣтшихъ мы зѣло, неначаянныхъ скорбехъ, и вопію Ти, яко велія еси покровительница рабу Твоему.

*Запѣвъ.* Исцѣли душевныя ми язвы Пречистая, заступі мя Дѣвице, и избави отъ оклеветанія и навѣта, и развращенія неправедна раба Твоего.

*Слава.* Сокруши иже на мя присно прибѣгающаго къ Тебѣ, навѣтники неправедныя, и неостави мене погибнути, яко вся Тебѣ возможна Чистая, яко Богоотроковицѣ.

*И нынѣ.* Побѣди души моя свирѣпую вѣлну, яко множество прегрѣшеніи, и напастей и скорбей Владычице восташа на мя, но сама мя спаси.

Господи помилуй (*трижды*).

*Слава, и нынѣ. Стѣдаленъ, гласъ 4.*

Многими прегрѣшеніи, азъ блудный умъ помрачивъ, вопію Твоему крѣпкому заступленію Богородице, просвѣти души моя зѣницы: восіай ми покаянія свѣтлую зарю, и облецы мя во оружіе свѣта Богородительнице Чистая.

*Пѣснь 7.*

*Ирмосъ.* Спаси во огні авраамскія си дѣти, и халдѣи убивъ, яже безъ правды праведныя уловляху. Препѣтыи Господи Боже отецъ благословенъ еси.

*Запѣвъ.* Иже отъ агарянъ насилваніе, скоро потрѣбьши, мечемъ молитвъ Твоихъ Маріе, люди же и стадо Свое сохрани, Сыну Твоему зовущихъ, Боже отецъ нашихъ благословенъ еси.

*Запѣвъ.* Равнолѣпныя скиніе, пріими мя къ Тебѣ прибѣгающаго, да непріиметъ мя врагъ погубити хотя, зовущаго, превозносимыи Боже отецъ нашихъ.

*Слава.* Богородительнице Маріе, предвари раба Твоего въ скорѣ, въ треволненіихъ напастей потопляема, и неимущаго помощи. Зову убо, упованіе концемъ помилуй мя.

*И нынѣ.* Человѣческія пѣмыслы яко грѣхомъ виновны, нынѣ Богородице Благая разори божественными Ти молитвами, и рабы Твоя избави, болѣзненныя напасти, и всякого вреда.

*Пѣснь 8.*

*Ирмось.* Избавителю всѣхъ Всесильне, посредѣ пламене вѣровавшыя, сошедъ оросилъ еси, и научи пѣти, всякая дѣла благословите Господня Господа.

*Запѣвъ.* Найдѣ на ны языкъ беззаконенъ, хвалѣся погубити служители Твоя. Его же потребльши Пречистая, взывающыя покрый, вся дѣла благословите Господня Господа.

*Запѣвъ.* Многія Твоя щедроты, милостивно насъ спасаютъ, едина Богомати, отъ грѣховнаго суда, и различныхъ напастей. Ты бо рождыши Бога, милуеши міръ его.

*Благословимъ Отца и Сына и Святаго Духа, Господа.*

Яко Ты ми еси крѣпость и помощь, небоюся врагъ негодованія. Но пою Тя Владычице, и вопію Сыну Твоему, вся дѣла благословите Господня Господа.

*И нынѣ.* На мольбу мою нынѣ умилосердися, и радость въ печали мѣсто даруй ми. Да пою Тя Владычице, и вопію Сыну Твоему, вся дѣла благословите Господня Господа.



*Пѣснь 9.*

*Ирмосъ.* Егда убо недѹгомъ ослушанія клятву вселися естъ, Ты же Дѣво Богородице прозябеніемъ прижитія Твоего, мірови благословеніе процвѣла еси. Тѣмъ Тя величаемъ.

*Запѣвъ, поклонъ.* Оружіе убо на ны обостривъ, совѣщаваѣтъ лъстивныи арáвлянинъ беззаконныи. Ты же Дѣво Богородице силою Креста и молитвъ Твоихъ, вооружаеши нань рабы Твоя. Тѣмже проповѣдаемъ славу Твою.

*Запѣвъ.* Крѣпость убо Тобою на враги дадеся Владычице, и избавленіе ми отъ бѣдъ. Что же азъ Тебѣ принесу; недовѣде: обаче еже ѡмамъ благодареніе приношаю Ти, пріими сіе нынѣ и спаси мя.

*Слава.* О Мати всяческихъ Творца всесвѣтлая, печальнымъ утѣха, потопляемымъ предстательнице, и пренемогáющимъ заступнице, до живота моего Ты мя сохрани.

*И нынѣ.* Утѣшьняема мя грѣхи многими бѣдами, не презри мене Всепѣтая нынѣ. Хваленія жертву приношу, прилѣжно взывая Ти, Святая Богородице помози ми. Тя бо славля пѣснь скончеваю.



## КАНОНЪ ПЯТАГО ГЛАСА

### *Пѣснь 1.*

*Ирмось.* Кони и всадники въ мори Чернѣмъ, сокрушаѣи брани мыщцею высокою, Христосъ истряслъ есть, Израиля же спасе побѣдную Пѣснь поюща.

*Запѣвъ.* Пресвятая Госпоже Богородице спаси насъ (поклонъ).

Пѣснь Ти подостоянію приносить Владычице, недоумѣемъ вси, слово бо паче вся Твоя. Но обаче Богоневѣсто, не омрази моленіе приносимое, страхомъ и любовію Тебѣ.

*Запѣвъ.* Пресвятая Госпоже Богородице спаси насъ.

Вси въ водѣ Твоего не оскуднаго источника Богородице Дѣво, притекаемъ зовуще, едина радости роду нашему, Пречистая, испроси миръ цѣрквамъ Твоимъ.

*Слава Отцу и Сыну и Святому Духу.*

Положи Тя пристанище сушимъ въ бѣдѣхъ чистая Богъ, иже отъ Тебе благоволивый воспріяти плоть. Тѣмже Ти припадающе зываемъ, даруй Твоимъ рабомъ Твою помощь.

*И нынѣ и присно и во вѣки вѣкомъ, аминь.*

Облегченіе Твоя молитва Дѣво пречистая, Твоимъ рабомъ буди, страстѣмъ отгнаніе, грѣхомъ разрушеніе, и всяческимъ болѣзнемъ, Богородительнице очищеніе.

### *Пѣснь 3.*

*Ирмось.* Утверженъ ни на чѣмъ же землю повелѣніемъ си, и распространи не одержимую тяготу, на недвижимомъ Христе каменіи заповѣдей Ти, церковь Свою утверди, единый Блаже, и Человѣколюбче.

*Запѣвъ.* Ты еси земнородымъ упованіе, и помощь

и радость, покровъ и прибѣжище, Владычице Мати животу. Тѣмже Тя молимъ, Твою помощь низпосли, всѣмъ поющимъ Тя Пречистая.

*Запѣвъ.* Недугующи, и напастыми лютыми одержими, вседѣтелю щедрыи, иже всяческимъ Боже, Пречистую сѣнь, Твою Матерь Спасе, на мольбу Ти приводимъ, разрѣши пленицы прегрѣшеніи нашихъ.

*Слава.* Всѣхъ содѣтеля и зиждителя и Господа, рождающая едина и дѣвствуующи, иже воистину Тя Божію Матерь славятъ: спасеніе Богоневѣсто подаждь свыше рабомъ Твоимъ.

*И нынѣ.* Водъ животворныхъ мя исполни Владычице, яже божественую воду мірови источившая: и беззаконіи моихъ лютыя потоки, и сѣрдца моего волны, божественую си тишиною украси.

*Пѣснь 4.*

*Ирмосъ.* Божественое Твое разумѣвъ смотреніе, дивяся Аввакумъ Христе трѣпетно вопіяше, на спасеніе людемъ си, спасти благая Своя пришель еси.

*Запѣвъ.* Яко всѣхъ высшшу сущу тварей, Тя Богъ сущимъ на земли дарова, еже къ нему ходатайствы виновну, Богородице Препѣтая.

*Запѣвъ.* Церковь Тя Божію вѣдуще Дѣво Мати, прилѣжно иже Тебе чтущи молимся, Твоя милости дверей, не затвори Владычице рабомъ, Твоимъ.

*Слава.* Тя вси Божію вѣдуще преукрашену воистину одежду, Мати браконейская, иже Тя чтущи просимъ, во оставленія одежду облецы насъ.

*И нынѣ.* Міръ въ рожествѣ Твоемъ Пречистая, весь исполнися радости, отъ нележе радуися великии, Тебѣ Дѣво Мати Маріе свыше Гавриилъ возгласи.

*Пѣснь 5.*

*Ирмосъ.* Одѣяйся свѣтомъ яко и ризою, къ Тебѣ утреннюю, и Тебѣ вопію, душу мою просвѣти омраченную Христе, яко Милосердѣ.

*Запѣвъ.* Воистину показуемся, но не поравеньству долга согрѣшеніи нашихъ Дѣво, но о Дѣво Мати Пречистая, отврати весь гнѣвъ Сына Твоего отъ насъ.

*Запѣвъ.* Единаго изведшаго свѣтъ отъ тмы Чистая, Бога рождши не искусобратно, прилѣжно моли Его, низпослати божественныи Свѣтъ рабомъ Ти.

*Слава.* Отъ каженія молитвы Твоея Чистая, и божественныя Невѣсты отъ ливана, юже Соломонъ рече, рабы Твоя, Мати Зиждителя благоухай.

*И нынѣ.* Ты правду же и избавленіе намъ рождши Христа безсѣмене, свободно содѣя Богородице, отъ клятвы естество прадѣднее.

*Пѣснь 6.*

*Ирмосъ.* Волнящееся бурей душетлѣнною Владыко Христе, страстѣй моихъ море укроті, и изъ тли возведи мя яко Милосердѣ.

*Запѣвъ.* Богородице Владычице, рождшая Содѣтеля, Твоимъ рабомъ испроси оставленіе, державы воздвигни во еже пѣти Тя.

*Запѣвъ.* Буди намъ помощь Твоимъ рабомъ Владычице Чистая, иже вѣрно молящимъ Тя, яко милостива, и державны насъ воздвигни, во еже пѣти Тя.

*Слава.* По достоянію имущи еже мощі Владычице Чистая, Твоимъ милостивнымъ окомъ прізри, и отъ тли насъ Своя рабы возведи.

*И нынѣ.* Непрестанно точащи, щедротъ струя бла-

гая просящимъ, одожди и мнѣ свѣтъ заповѣдей,  
Твоего Сына пренепорѣчная.

Господи помилуй (*трижды*).

*Слава, и нынѣ. Сѣдаленъ, гласъ 5.*

Всесвятая Дѣво насъ помилуй, прибѣгающихъ вѣрою къ Тебѣ милосердой, и просящихъ теплое твое заступленіе. Можеша бо яко Благá всѣхъ спасти, яко сущи Мати Бога Вышняго, матеръними си молитвами присно Дѣво объемши Богорадованная.

*Пѣснь 7.*

*Ирмосъ.* Превозносимый отцемъ Господь, пламень угасивъ, дѣти же прохладилъ еси, единоголасно поющія, Боже благословенъ еси.

*Запѣвъ.* Неизслѣдная Божія мудрость Христе, рабы Твоя ущедри рождшія Тя ради, непрестанно поющихъ, Боже благословенъ еси.

*Запѣвъ.* Твою благодать молимъ Господи, язву исцѣли рождшія Тя ради, со страхомъ поющимъ, Боже благословенъ еси.

*Слава.* Окомъ милостивнымъ си Богомати призри, и спаси рабы Твоя всякаго обстоянія, вѣрою поющія Боже благословенъ еси.

*И нынѣ.* Зло дѣлающе Владычице, отъ Тебе отпадѣхомъ, но обрѣтѣхомъ Пречистая абіе помощь Твою, внигда звати, Боже благословенъ еси.

*Пѣснь 8.*

*Ирмосъ.* Изъ Отца прежде вѣкъ роженнаго Сына и Бога, и въ послѣдняя лѣта воплощена отъ Дѣвы Матере, священніи пойте людіе, и превозносите Его во вѣки.

*Запѣвъ.* Владычице наша благихъ подательнице, рабомъ си даруй страстемъ исцѣленіе, яко да непрестанно поемъ Тя Дѣвице, и превозносимъ во

вѣки.

*Запѣвъ.* Не изглаголанно Чистая, Избавителя рождыши, несказанно дойла еси Дѣвою пребывши. Его же убо моли о поющихъ Тя, и славословящихъ во вся вѣки.

*Благословимъ Отца и Сына и Святаго Духа, Господа.*

Тебѣ свѣтлому избавителю свѣщнику, прекрасный сплетше ликъ поемъ, вся дѣла Господа пойте, и превозносите его во вѣки.

*И нынѣ.* Чистая Агнице, Дѣво Мати Отроковице, чиста мя сотвори отъ страстей тѣлесныхъ. Яко да льстиваго избавлюся сѣтей, пѣснословя тя Богорадованная.

*Пѣснь 9.*

*Ирмосъ.* Исаіе ликуй, Дѣвая бо имѣ во чревѣ, и породі Сына Еммануила, Бога же и Человѣка, Востокъ имя Ему. Его же величающе, Тебѣ Дѣво ублажаемъ.

*Запѣвъ, поклонъ.* Совершается пѣніе убо, надежда же Владыко Христе непреходна, яже къ Тебе содѣтелю, яко же и благодать Твоя: но отъ обоюду силу крѣпку давай рабомъ си, молитвами рождышія Тя.

*Запѣвъ.* Недугующимъ силамъ, и болящихъ близъ Ты Чистая еси, яко истинная Мати жизни. Тѣмже къ Тебѣ прибѣгающе, премѣненіе всѣхъ скорбныхъ обрѣтохомъ Владычице, и кровомъ Твоимъ спасохомся.

*Слава.* Твой божественныи видяще образно Владычице зракъ, зримъ Тя въ немъ яко же явѣ. Всяко ненавидяще еретикъ безуміе на земли, Ей же припадающе исцѣленіе приедемъ.

*И нынѣ.* Исцѣленіе бездну, и благодатемъ пучину, Чистая познахомъ Тя мы грѣшніи. Тѣмже Ти ся

молимъ, нужныхъ всѣхъ изми едина Пречистая,  
притекающихъ къ крову Твоему.



## КАНОНЪ ШЕСТАГО ГЛАСА

### *Пѣснь 1.*

*Ирмосъ.* Яко по́ суху ходивъ Израиль, по безднѣ стопами,  
гонителя фараона видя потопляема, Богу побѣдную пѣснь  
поемъ вопіяше.

*Запѣвъ.* Пресвятая Госпоже Богородице, спаси насъ  
(поклонъ).

Неоску́дную благодать яко иму́щи божествен-  
ную, Мати безневѣстная, къ Тебѣ прибѣгающихъ  
не презри, отъ бѣдъ и скорбей присно спасаючи.

*Запѣвъ.* Пресвятая Госпоже Богородице, спаси насъ.

Се время настá ми уны́нія, востáни Пречистая  
Владычице, и по́мощи даждь ми рúку, Ты бо мíръ  
божественнаго веселія исполнила еси.

*Слава Отцу и Сыну и Святому Духу.*

Держáвный Твой покрóвъ, Богородительнице  
яко заступнице сýщи, даждь ми вскорѣ, напáстыми  
одержиму, и невредна отъ сихъ сохрани мя.

*И нынѣ и присно и во вѣки вѣкомъ, аминь.*

Душ́и моеи смерть притекаетъ, искуш́енія же не-  
навидящихъ, яко а́спиды обыдо́ша погуби́ти мя, но  
Сама мя Богородице спаси.

### *Пѣснь 3.*

*Ирмосъ.* Разширишася на враги уста́ моя, яко утвердися о  
Господѣ сердце мое.

*Запѣвъ.* Умерщвѣнную душу мою прегрѣшѣнными,  
Животъ яко рóждышая Богородице, оживи́.

*Запѣвъ.* Отъ всякаго искушенія соблюди, къ Тебѣ прибѣгающихъ Богородице, упованіе наше.

*Слава.* Востающихъ на мя напастей горько, спаси мя Мати Господа моего Пренепорочная.

*И нынѣ.* Иже мірови спасеніе подаючи, божественнымъ рождествомъ си, отъ бѣдъ мя премѣни.

*Пѣснь 4.*

*Ирмосъ.* Услышавъ же пророкъ приходъ Твой Господи и убояся, яко хощеши отъ Дѣвы родитися, и человѣкомъ явитися, и глаголаше, услышахъ слухъ Твой и убояхся, слава силъ Твоей Господи.

*Запѣвъ.* Изнеможе нищетю крѣпость души моея, Богородительнице, и лютое на мя омраченіе нападѣ, отъ прегрѣшеніи имыи находѣ, призри яко свѣтоносный облакъ Божии, и просвѣти мя молюся.

*Запѣвъ.* Бурю золъ моихъ, и смущеніе прегрѣшеніи, преложивъ тишину спасенія, яко сущи пристанище Всенепорочная, и пагубы тѣхъ избави мя молюся иже рыкающе яко ищутъ мя лвы пожрѣти.

*Слава.* Въ нощи и во дни, на земли же и въ мори, и на всякомъ мѣстѣ, спасеніе твердо сущи Богородице, покрове непобѣдимый, спасай мя, по Бозѣ бо на Тя воистину християне уповаемъ.

*И нынѣ.* Отъ великихъ и различныхъ прегрѣшеніи же и напастей, всегда спасаеши мя, Тѣмже яко рождышую Тя Господа молю, и къ Тебѣ прибѣгаю, непобѣдимей помощи скорбящимъ, отъ бѣдъ изведи мя мольбами си.

*Пѣснь 5.*

*Ирмосъ.* Воссіявыи Свѣтъ всему міру, просвѣти сердце мое, отъ нощи вопіюща, и спаси мя.



*Запѣвъ.* Спасенія Тя покровъ славимъ, слова Мати непорочная, навѣтъ небоящеся человѣческихъ.

*Запѣвъ.* Имуще Тя стѣну небориму, искушеніи же и печалей востанія, избавляемся Пречистая.

*Слава.* Изми мя отъ злыхъ человѣкъъ языка, Чистая, якоже бо бритва изостриша, погубити ищутъ душу мою горько.

*И нынѣ.* Прилежно Ти припадаю моляся, яко Мати Зиждителя моего, отъ одержащихъ мя бѣдъ свободи.

*Пѣснь 6.*

*Ирмосъ.* Кітомъ пожертъ грѣховнымъ, вопію Ти Христе съ пророкомъ, изъ истлѣнія мя свободи.

*Запѣвъ.* Горести вкусъ пріемъ, божественныя сладости отчуждихся Пречистая, тѣмже вопію Ти, даруй ми помощь.

*Запѣвъ.* Омраченіе страстей, раба мя тли содѣла, тѣмже Свѣтъ рождшая, свободи Владычице.

*Слава.* Согласно Тебѣ и вѣрно исповѣдаюся Пречистая, и пожру Ти жертву, тобою избавлься скорби.

*И нынѣ.* Отверзошася на мя неправды уста Владычице, Тѣмже яко заступница, сихъ вскоре свободи.

Господи помилуй (*трижды*).

*Слава, и нынѣ. Кондакъ, гласъ 6.*

Заступнице христیانомъ непостыдная, ходатаице къ Творцу непреложная, не презри грѣшныхъ моленія гласы, но предвари яко Благая на помощь нашу, вѣрно вопіющихъ Ти, ускори на молитву, и потщися на умоленіе, заступающи Богородице присно чтущихъ Тя.

*Пѣснь 7.*

*Ирмосъ.* Хладодательну убо печь сотвори ангель, преподобнымъ дѣтемъ, халдѣи же опали вельніемъ Божиимъ, мучителя увѣща вопіти, благословенъ Богъ Отецъ на-шихъ.

*Запѣвъ.* Искушенія души моея, юже тучніи юнцы нынѣ обыдоша, Пречистая Дѣво, Сама мя сихъ свободи.

*Запѣвъ.* Защищаючи тощно иже въ бѣдѣ сущихъ и въ печали, радость Богородице подавай всегда.

*Слава.* Побѣждена мя всего, отчаяніемъ дѣлъ и печали огради мя Дѣвице, яко покровъ всѣмъ нерушимый.

*И нынѣ.* Предстательствомъ Ти избавляемся, бѣдъ и скорбей, и обрѣтаемъ богатство вѣліе неистощаемо.

#### *Пѣснь 8.*

*Ирмосъ.* Изъ пламене святымъ росу источи, а праведнаго жертву и воду попали, вся бо твориши Христе елика хощеши, тѣмъ Тя превозносимъ Господа во вѣки.

*Запѣвъ.* Отъ человѣческихъ снѣдаюся озлобленій, и молюся Богородице избави мя, суетнаго совѣта ихъ.

*Запѣвъ.* Побѣдихся въ печалехъ искушеніи моими, и молюся Владычице, отъ сихъ мя спаси невредима.

*Благословимъ Отца и Сына и Святаго Духа, Господа.*

Спаси мя Чистая отъ человѣка лстыва и языка, и устъ и мучительства, и всякія нѹжди.

*И нынѣ.* Иже нравомъ прельщаемъ есмь, безъ отвѣта сыи, Богородице зову, всяческихъ мя избави золъ.

#### *Пѣснь 9.*

*Ирмосъ.* Приимшая радость ангеломъ и рождышая Создателя Своего, Дѣво спаси, Тебѣ величающія.

*Запѣвъ, поклонъ.* Милостива ми иже въ печалехъ житія Богородице буди, и спаси отъ бѣдъ, иже нынѣ прибѣгающаго къ Тебѣ.

*Запѣвъ.* Воистину еди́на на землі и въ мѡри, явился Чистая кровь неразори́мъ, прибѣгающимъ Ти несумѣнною душо́ю.

*Слава.* Безъ ума себе всяческими поработивша лю́тыми паде́ньми, мольбами Твоими свободу пода́ждь ми Всепѣтая.

*И нынѣ.* Тя надежду и заступле́ніе твѣрдо стяжа́въ Чистая, величаю́ Тя яко Богородицу пѣсньми, вѣрою сконча́ю.



## КАНОНЪ СЕДМАГО ГЛАСА

### Молебень.

#### Пѣснь 1.

*Ирмосъ.* Сокрушьшему брани мышцею высокою, и всадники тростояща погружьшему, воспоемъ Христу избавителю нашему, яко прославися.

*Запѣвъ.* Пресвятая Госпоже Богородице, спаси насъ (поклонъ).

Яко украшеніе пѣніемъ, и пѣснь Богоподобную благодаренія Ти дѣры приносимъ, еже радуися нынѣ Чистая, яко отъ печали радость намъ подала еси.

*Запѣвъ.* Пресвятая Госпоже Богородице, спаси насъ.

Милости Твоя благодать, и покрова крѣпость, не премолчимъ Дѣво Пречистая, яко отъ бѣдъ лю́тыхъ насъ спасла еси.

*Слава Отцу и Сыну и Святому Духу.*

Отъ различныхъ избавльшися искушеній, и скор-

бей, матерьними Твоими молитвами Пречистая, согласна и теплѣ благодаренія Тебѣ вси гласы поемъ.

*И нынѣ и присно и во вѣки вѣкомъ, аминь.*

Ряснами испещрена яко златыми, добродѣтелями, и Духа благодатьми Пречистая, яко Невѣста Отча, украсившая воистину, Мати явися Богу.

*Пѣснь 3.*

*Ирмосъ.* Въ начатцѣ небеса, всесильнымъ Словомъ си, утвержи Господи Спасе, и всетворящимъ Духомъ Божиимъ всю силу ихъ, на не движимомъ камени, исповѣданія Твоего утверди.

*Запѣвъ.* Радости божественныя величія, яко отъ начала намъ веселію благодаренія, гласы приносимъ прлѣжно, почитающе ю, яко предстательницу нашу.

*Запѣвъ.* Иже Тобою избавльшеся отъ бѣдъ, и Тебе ради радость получивше, Мати безневѣстная. Яко подательницу Благоу, и заступницу благохвальну, вси прославляемъ.

*Слава.* Измѣненіе прегрѣшеніемъ и напастемъ, божественою Ти молитвою приѣмлюще, Мати Христа Бога, яко вину благимъ, воспѣваемъ Тя вѣрно, благодарными гласы.

*И нынѣ.* Иже радости источникъ безсмертный, точитъ радости струй присно, и спасаетъ всѣхъ Сама, яко присножизненное намъ благодаяніе Мати Христа Бога.

*Пѣснь 4.*

*Ирмосъ.* Покрыла есть небеса Христе смотреніемъ Твоимъ, добродѣтели неизреченныя мудрости Ти Человѣколюбче.

*Запѣвъ.* Достойную Ти пѣснь радованіемъ Чистая Дѣво, веселящеся приносимъ, избавльшеся отъ бѣдъ

Твоими молитвами.

*Запѣвъ.* Благодарствено Ти Дѣво Чистая, душевныма рукама вносимъ пѣніе, божественными пѣснями играюще, отъ печали избавльшеся многія.

*Слава.* Воздвигоша на ны бѣды многи, страстніи грѣси. Но божественнымъ Ти кровомъ Чистая насъ избави.

*И нынѣ.* Блажени воистину чтущіи Тя, Богородице Пречистая, яко Тобою грѣха и печали избавихомся.

*Пѣснь 5.*

*Ирмось.* Ночь не свѣтлѣ невѣрнымъ, вѣрнымъ же просвѣщеніе въ пищи словесъ Ти. И сего ради къ Тебѣ утренюю, и воспѣваю Твое Божество.

*Запѣвъ.* Грѣху потребителя, Христа Дѣво родила еси, Имъ же отъ напастей и болѣзней спасеся міръ. Тѣмже радуися и мы вопіемъ Ти, избавльшіися печалей.

*Запѣвъ.* Объемшеся различными напастыми, Чистая Владычице, и печалію и скорбію, и лютымъ обстояніемъ, отчаявшіися мы веселія, надежду Тя обрѣтохомъ.

*Слава.* Яко спасенія хранилище намъ рабомъ Твоимъ Чистая отгоняеши напасти, и соблюдаеши не вредимы. Тѣмже причастницы многихъ Ти благъ, благодаримъ Тя пѣснями.

*И нынѣ.* Благодаримъ избавльшеся Тобою грѣховъ многихъ, и немощей и болѣзней и недугъ лютыхъ, Пречистая Владычице, надежа бо еси твердѣ Твоимъ вѣрнымъ рабомъ.

*Пѣснь 6.*

*Ирмось.* Въ глубину грѣховную впѣдся Блаже, яко Іона

отъ кѣта вопію Ти, возведи отъ тли животъ мой, и спаси мя яко челоувѣколюбецъ.

*Запѣвъ.* Ангельстїи языцы, достойно твоя хвалы воспѣти не могутъ Чистая. Мы же нынѣ рабски вземшеся, радование Гавріилово приносимъ Ти.

*Запѣвъ.* Во глубину печали и обстоянія грѣхи нашими впадше, избавихомся Тобою отъ нужди и напастей, Дѣво Богородице Чистая.

*Слава.* Подъ долгомъ содѣла весь міръ Чистая, благодарити, и хвалити, и славити благодать Твою благочестно: Тобою бо бѣдъ и печалей избавлени быхомъ.

*И нынѣ.* Въ нощи и во дни, явѣ и въ тай, подъ Твой прибѣгаемъ покровъ, Пресвятая Дѣвице, иже Тя вѣрно славословящїи.

Господи помилуй (*трижды*).

*Слава, и нынѣ. Кондакъ, гласъ 7.*

Взбранной Воеводѣ побѣдительная, яко избавльшеся отъ злыхъ, благодарственная восписуемъ Ти раби Твои Богородице. Но яко имущи державу непобѣдимую, отъ всякихъ насъ бѣдъ свободи, да зовемъ Ти, радуйся Невѣсто неневѣстная.

*Пѣснь 7.*

*Ирмосъ.* Иже въ пещь о́гнену ввѣржени преподобни отроцы, огонь на хладъ преложше, воспѣваніемъ сице пояху, благословенъ еси Господи Боже отецъ нашихъ.

*Запѣвъ.* Рáдование благодарственное, Тебѣ приносимъ Мати Божїя: яко воистину Тобою избáвлени, всякого зла начинанїя. И согласно Тебѣ поемъ, благословена еси.

*Запѣвъ.* Водворихомся вечеръ въ пла́чи печалей, и чаянїи злыхъ: но Твоимъ боголѣпнымъ кровомъ

Дѣво обоженіи бывше, обрѣтохомъ радость за ўтра:  
Ты бо избавила еси насъ.

**Слава.** Яко божественно прибѣжище, мы покровъ  
Твой вси стяжахомъ къ Богу: въ напастехъ и въ  
гоненіихъ и грѣсѣхъ, къ Тебѣ прибѣгающе, и Тобою  
измѣненіе приедемъ Пречистая.

**И нынѣ.** Благодать молитвы Твоея Чистая, пропо-  
вѣдаемъ усты и Духомъ Славная, яко Тебе ради,  
напасти и бури и тяжкихъ печалей, и грѣха страстей  
вси избавляемся.

*Пѣснь 8.*

**Ирмосъ.** Страшнаго херувимомъ, и чуднаго серафимомъ,  
и міру Творца, священніи раби, и дѹси праведнихъ, пойте  
Господа.

**Запѣвъ.** Яко избавльшеся бури грѣховныя, и стра-  
тей и напастей, Твоими молитвами Богородице Бла-  
гая: благодарьственнымъ гласомъ, радуися вопіемъ  
Ти, яко Тобою отъ печали въ радость пришедше.

**Запѣвъ.** Въ болѣзняхъ и напастехъ одержимыя  
не прѣзри Благая: но мольбу худую услышавши,  
свободи насъ отъ скорбей великихъ, тѣмже вѣрно  
Твою молитву Чистая воспѣваемъ.

**Благословимъ Отца и Сына и Святаго Духа, Господа.**

Прегрѣшеніемъ разрѣшенію вина, нынѣ востави  
насъ, отъ печалей, напастей, и страстей, и чловѣкъ,  
и искушенія не подобна. Твоими же Богородице бо-  
жественными мольбами, избави насъ отъ нихъ пре-  
славно.

**И нынѣ.** Щедроты Твоя на всѣхъ, всегда низ-  
посылаются Христе: благодатию воистину и мольбами  
рождшія Тя. Отъ Тебе бо приедемъ христіане  
милость Твою Спасе милостиве.

*Пѣснь 9.*

*Ирмосъ.* Выше обычая Матерь, и по обычаю Дѣву, едину въ женахъ благословеную, пѣсньми вѣрніи по долгу величаемъ.

*Запѣвъ, поклонъ.* Радованіе подостоянію, со гласомъ восклицанія Тебѣ Дѣво нынѣ приносимъ, со ангеломъ Гавріиломъ: избавльшеся отъ различныхъ искушеніи Богородице, молитвами Твоими.

*Запѣвъ.* Радость и веселіе, и радваніе божественое, Дѣво не искусомужная: намъ умножися Божіе: се бо плачущіися лютѣ, радуемся молитвами Твоими.

*Слава.* Жертву хваленія пожру, и языкомъ и гласомъ, пѣснь благодарственую воздаю Ти прилѣжно Дѣво: яко да Тебѣ моляся, въ день печали Тобою избавлюся.

*И нынѣ.* Срадуемтися Пречистая божественому рожеству благочестно, радость бо намъ источи отъ напастей и печали. Тѣмже Ти благодарно и мы пѣснь совершаемъ вѣрно воспѣвающе Тя.





## КАНОНЪ ОСМАГО ГЛАСА

### Молебень.

#### *Пѣснь 1.*

*Ирмось.* Поемъ Господеви проведшему люди Своя, сквозъ Чермное море, яко Единъ, славно бо прославися.

*Запѣвъ.* Пресвятая Госпоже Богородице, спаси насъ (поклонъ).

Приидѣте тайно братіе, яко отъ начала Святѣй Богородицѣ, внесемъ вѣрній пѣснь нѣву, днесь похваляюще величія Ея.

*Запѣвъ.* Пресвятая Госпоже Богородице, спаси насъ.

Древле боговидѣніемъ Моисей озарися умомъ, Твоему ясно научашеся Чистая, боголѣпному зачатію: паче естественно Дѣво, явльшуся ему въ купинѣ садѣ.

*Слава Отцу и Сыну и Святому Духу.*

Тебѣ предложивъ сердечная дѣянія, и пріятно подахъ писаніе: близъ сущіи божественны заступленія кровъ, ко Владыцѣ Христу Тебе предложивъ.

*И нынѣ и присно и во вѣки вѣкомъ, аминь.*

Приклони ми ухо Твое Чистая, православною вѣрою, въ сѣни лица твоего, чѣстно любовію Ти притекающему, и страхомъ поклоняющуся, молебный мой гласъ услыши.

#### *Пѣснь 3.*

*Ирмось.* Ты еси утверженіе, притекающимъ Ти Господи. Ты же и свѣтъ омрачнымъ, и поетъ Тя Духъ мой.

*Запѣвъ.* Лѣствица древле патріархова, Тя проображаше пренепорочная. Ангельско бо являше снітіе Божіе къ намъ, божественное сошествіе во утробѣ Твоей.

*Запѣвъ.* Юдово колѣно веселися: юже Іаковъ

прорече, отъ колѣна его прорасти избавленіе, Исуса Христа: Его же Ты рождьши Пречистая прослави.

**Слава.** Грѣхми отчаянъ, обрѣтохъ Тя пристанище спасенію Пречистая Богородице, упованіе наше и помощи. Тѣмже мя къ покаянію настави.

**И нынѣ.** Близъ Тя сущу Владыки ѿмамъ, преславная Владычице: дѣянїи моихъ книгу возложїхъ на Тя вѣрою, не премолчи ущѣдрити мя.

*Пѣснь 4.*

**Ирмосъ.** Изъ горы присѣнныя Тя слове пророкъ, изъ единыя Богородицы хотящася воплотити, боговѣдно разсмотрѣ, и со страхомъ славословяше силу Твою.

**Запѣвъ.** Ты яко монїсты златѣми одѣянна, Невѣста Отча, благодать прїемши, украсиши добротою дѣвства, Мати явися Сына Божїя.

**Запѣвъ.** Ты истинныи Сїонъ, Христосъ слово изволи Себѣ въ божественное селеніе: яко избранну избравъ Богородице на обновленіе всему міру.

**Слава.** Радуйся красная полато Слова, дѣвственныи чертѣже Царя. Радуйся похвалѣ всѣмъ безплотнымъ. Радуйся челоуѣкомъ помѣще.

**И нынѣ.** Удаляюся ѿтъ Бога, тѣмже и погибають, отметающїи образы Сына Твоего, Мати Божїя Дѣво Богородице: ими же спасаются чтущїи Тя.

*Пѣснь 5.*

**Ирмосъ.** Мракъ души моя отжени свѣтодавче Христе Боже, зачало бытнующую тму изгнавъ бѣдныя: и даруй ми свѣтъ повелѣнїи Твоихъ Слове, да утренняя прославляю Тя.

**Запѣвъ.** Съ божественнымъ сошедшеся Гавріиломъ, возопїемъ Богородицѣ вѣрно, радуися Дѣво Святая, обрадованная, Господь съ Тобою, иже Тебе ради

потребивъ печаль, подаде радованіе.

*Запѣвъ.* Пречистое Твое чрево, Гедеонъ видѣ Дѣво Чистая, внѣже яко дождь Слово сошедъ воплотіся, божественымъ Духомъ, Отча неразлученъ сый Божества.

*Слава.* Помощница міру, и заступница еси чело-вѣкомъ грѣшникомъ, Богородительнице Дѣво: и иже вѣрою и любовію прибѣгающимъ къ Тебѣ, премѣненіе спасѣное, рѣшило прегрѣшеніемъ многимъ.

*И нынѣ.* Прорастила еси безъ сѣмене, иже прежде всякія твари, прозябеніе Сына Отча, безлѣтно же и безначально, Духомъ божественымъ, Богородительнице Чистая. Его же подобіе видѣнія вси почитаемъ.

*Пѣснь 6.*

*Ирмосъ.* Одержима мя грѣхи многими пріими Милосерде, прибѣгающа къ щедротамъ Твоимъ, яко пророка Господи, и спаси мя.

*Запѣвъ.* Дѣвства Тя зерцало суще, и пріятелище чисто Божества восхваляемъ, Дѣво браконейскуная, пѣсньми.

*Запѣвъ.* Богъ во утробе Твоей воплотися, безстрастно и ужасно Богоневѣсто: яко же въ свѣтцѣ нѣвъ писанъ перстомъ Отчимъ.

*Слава.* Очищеніе ѿмамы покровъ Твой, и извѣстную надежду и заступленіе Дѣво Чистая, не посрами Владычице рабы Твоя.

*И нынѣ.* Страстей неуставное бѣшеніе, предстаніемъ Твоимъ Богоневѣсто, устави, и къ пристанищу тишины настави насъ.

Господи помилуй (*трижды*).

**Слава, и нынѣ. Кондакъ, гласъ 8.**

Взбранной Воеводѣ побѣдительная, яко избавльшися отъ злыхъ, благодарственная восписуемъ Ти раби Твои Богородице. Но яко имущи державу не побѣдимую, отъ всякихъ насъ бѣдъ свободи, да зовемъ Ти, радуйся Невѣсто неневѣстная.

**Пѣснь 7.**

**Ирмось.** Божія схожденія, огонь устыдѣся въ Вавилонѣ дрѣвле, сего ради отроцы въ пещи радованною ногою, яко во свѣте ликоваху поюще, благословенъ Богъ отецъ нашихъ.

**Запѣвъ.** Радости наша ходатаица явися Дѣво, и благодати приносяще вѣнецъ любовію, радуйся вопіемъ Ти, благословеная Чистая похваляюще Тя.

**Запѣвъ.** Горá Святая еси Божія присѣнная. Горá тучная принепорочная. Гора усырѣная, божественными сіяніи. Горá внеи же Богъ благоволи жити.

**Слава.** Побѣждающіи благодать Твою нѣсть грѣхъ, матерне бо дерзновеніе, и волю ймаши, и рѣшиши прегрѣшенія молитвами си, и преводиши вся стремленія.

**И нынѣ.** Отъ Троицы родилá еси Единого Богородице, бывша непреложна, плотскимъ соединеніемъ, сугуба суца естествомъ. Его же видѣнія зракъ и образъ почитаемъ.

**Пѣснь 8.**

**Ирмось.** Проявленого на горѣ святѣй, и вкупинѣ огненѣй, дѣвическую Моисеови тайну явльшаго, Господа пойте, и превозносите Его во вѣки.

**Запѣвъ.** Кадильница явися пророку, божественного угля суци, грѣхи отъемлющаго, Богородице Дѣво Мати Бога нашего.

*Запѣвъ.* Даниилъ провидѣ Тя гóру велію Богородице Дѣво, изъ Нея же честныи камень Христось, плотію облечеса, и лъсти низложи идольскія храмы.

*Благословимъ Отца и Сына и Святаго Духа, Господа.*

Великіи китъ ищетъ пожрети мя, лютаго грѣха, и страстѣй моихъ отчаяніе. Но предвари и спаси раба Своего Богородице.

*И нынѣ.* Иже Тобою бесѣдовавъ къ человѣкомъ, Богъ сыи всяческихъ, зракъ Человѣка воспріять, Его же взоръ почитаемъ Дѣво въ писаніихъ.

*Пѣснь 9.*

*Ирмосъ.* Воистину Богородицу Тя исповѣдающе, спасеніе Тобою Дѣвице Чистая, съ небесными вѣи Тя величаемъ.

*Запѣвъ, поклонъ.* Вертоградъ затворенъ Тя Дѣво Богородице, и запечатлѣненъ источникъ, Духомъ божественымъ, премудрыи въ пѣсняхъ поетъ. Тѣмже яко садъ жизни, воплощается Христось.

*Запѣвъ.* Твоего несказаннаго рождества прописуя пророкъ, книгу запечатлѣнну провидѣ, Ея же никто же таинство разумѣ, вочеловѣченія рождества Твоего.

*Слава.* Тебѣ во умиленіе души молимся вси, не презри Владычице наши мольбы, но буди благоувѣтливъ намъ покровъ, и молитву нашу услыши.

*И нынѣ.* Твоему и Сына Твоего припадаю образомъ, и мнящихся почитати, яко мánентовы лжи отметаю Богородице Дѣво. Тѣмже православно пѣснь скончеваю.



КАНОНЫ СВЯТѢЙ ЖИВОНОЧАЛЬНѢЙ ТРОИЦЫ  
НА ВОСКРЕСНОЙ ПОЛУНОЩНИЦѢ

КАНОНЪ ПЕРВАГО ГЛАСА

*Пѣснь 1.*

*Ирмось.* Твоя побѣдительная десница, боголѣпно въ крѣпости прослѣвися. Та бо безсмертне всемогущи противныя сотрѣ, израильтяномъ путь глубины обновльши.

*Запѣвъ.* Пресвятая Троице Боже нашъ, слава Тебѣ (поклонъ).

Едино трисоставное начало, Серафими немолчно славятъ, безначально присносущно, непостижно, творительно всяческихъ еже и всякъ языкъ вѣрно поеть пѣсньми.

*Запѣвъ.* Пресвятая Троице Боже нашъ, слава Тебѣ.

Да человекомъ единственное трисіянное явиши Твое Божество, создавши прежде человека по Своему образу, вообразивъ умъ ему и слово, и духъ давъ, яко Человѣколюбецъ.

*Слава Отцу и Сыну и Святому Духу.*

Свыше показавъ единственное, въ тріехъ богочначальныхъ составѣхъ державу, Отче реклъ еси равнодѣтельному Сыну Своему и Духу, приидите сошедше языки ихъ размѣсимъ.

*И нынѣ, и присно, и во вѣки вѣкомъ, аминь.*

Умъ убо нерождѣныи Отецъ, образно премудрыми предречѣся, слово же собезначально, соестественныи Сынъ, и Духъ святыи, иже въ Дѣвѣ отъ слова создавши воплощеніе.

*Пѣснь 3.*

*Ирмось.* Иже Единъ свѣдыи земныхъ существо немощное, и милостивно вне оболкъся, препояши мя свыше силою, воспѣвати Ти Святыи, церкви душевная, не изречѣнныя сла-

вы Ти Человѣколюбче.

*Запѣвъ.* Ты дрѣвле я́ве Аврааму, яко явѣся три-соста́венъ, единственъ же естествомъ божества, богослѣвія и́стиннѣйшее образно явилъ еси, и вѣрно поёмъ Тя, единоначальнаго Бога, и три-солнечнаго.

*Запѣвъ.* Изъ Тебѣ Отче родивыися боголѣпно и нетлѣнно, просія́ Свѣтъ отъ свѣта, Сынъ не премѣненъ, и Духъ божественный свѣтъ изыде. И единого Божества́ лучи́ трисоставнѣй поклоняемся, и вѣрно славимъ.

*Слава.* Еди́ница Троица преестественъ, не изглаго́ланно паче смысла, умными существы́ славится, трисвяты́ми гласы́ немолчную вопіющихъ хвалу́. Ими же согласно поётся и нами трисоставный Господь.

*И нынѣ.* Изъ Тебе временно безсѣмене, произыде прелѣтныи, уподобивыися намъ невидимыи. И едино естество и господство Отчее научи, и Сына, и Духа, Богородице. Тѣмъ же Тя славимъ.

Господи помилуй (*трижды*).

*Съдаленъ, гласъ 1.*

Троице вседѣтелная и преблагая еди́нице, приими́ молбы́ вопіющихъ непрестанно, брѣнными устна́ми, Святъ, Святъ, Святъ воспѣваемы́й серафимски. Жизнода́вче спаси и ущѣдри, иже во святѣй церкви Твоей зовущихъ, Господи слава Тебѣ.

*Слава, и нынѣ. Богородицѣнъ.*

Помилуй насъ, иже къ Тебѣ взывающихъ Пресвятая Чистая, въ но́щи и во дни вопіющихъ, очисти́ наша прегрѣшенія: ибо Милосѣрдаго́ имаши послушающа́ Твоя мольбы́, матернею убо молитвою объе́мши умоли́.

*Пѣснь 4.*

*Ирмось.* Гору Тя благодатию Божіею присѣнну, прозорливыма Аввакумъ усмотривъ очима, изъ Тебѣ изыти хотяща Израилю, провозглашаше святаго, на спасеніе наше и обновленіе.

*Запѣвъ.* Просіяй ми Богоначальная трисолнечная сіяньми, Твоими богодѣтельными лучами, сердечныма очима доброту облистати, еже паче ума Богоначальная Ти свѣтлости, и свѣтодательнаго и сладкаго Причастія.

*Запѣвъ.* Первѣе небеса утверждь Господи, и всю силу ихъ словомъ Своимъ вседѣтельнымъ, и Духомъ устъ со естественымъ. Съ ними же владычествуещи всяческимъ, трисіяннымъ единоначальнымъ божествомъ.

*Слава.* Якоже созда мя по образу Своему и по подобію, Богоначальная и вседѣтельная Троице, вразуми и просвѣти творити волю Твою святую и благую въ крѣпости, и совершеную.

*И нынѣ.* Родила еси Пречистая Единаго отъ Троицы, Богоначална Сына, воплощышася насъ ради изъ Тебѣ и просвѣщыша земныхъ, трисолнечнаго Божества невечернимъ Свѣтомъ, и сіяньми.

*Пѣснь 5.*

*Ирмось.* Просвѣщенъ сіяніемъ пришествія Твоего Христе, и освященъ Крестомъ си мірскія концы, сердца просвѣти свѣтомъ Твоего богоразумія, правовѣрно хвалящихъ Тя.

*Запѣвъ.* Иже первую ангеломъ утварь славою посредѣ, неприступными Твоея доброты лучами осіявши, Твоими зарями просвѣти, Троице единовластная православно Тебе поющихъ.

*Запѣвъ.* Нынѣ Естество, единственная Богоначальная



трисолнечная воспѣваетъ тя, еже осуществовала еси за благасть, прегрѣшеніемъ и напастемъ испрошающеи избавленіе, и бѣдъ и скорбей.

**Слава.** Отца и Сына и Святаго Духа, едино Естество и Божество вѣрнии славимъ, раздѣльно и нераздѣльно: единого Бога, невидимыя и видимыя твари.

**И нынѣ.** Реченія всѣхъ пророкъ преднаписаша Пречистая Твое рождество, не изреченное и неудобъ сказуемое: еже мы познахомъ, тайно научающее о единьственѣмъ и трисолнечнѣмъ Божествѣ.

*Пѣснь 6.*

**Ирмосъ.** Обыде насъ послѣдняя бѣдна, нѣсть избавляи, вмѣнихомся яко овча на заколеніе, спаси люди Своя Боже нашъ. Ты бо крѣпость немощнымъ и исправленіе.

**Запѣвъ.** Равностоятельную силу яко имущи, Троице пресущная, въ той же воли хотѣнія, Единица еси проста и нераздѣльна, Ты убо насъ силою Своею соблюди.

**Запѣвъ.** Ты вся вѣки хотѣніемъ Своимъ яко Блага составила еси отъ несущихъ, непостижимая Троице: таже и человекъ создала еси: но и нынѣ отъ всякаго избави мя обстоянія.

**Слава.** Безначальная и сопрестольная Троице Святая, Отче и Сыне и Душе, вся живящи, вся же святящи, вся же спасающеи единою силою. Тя бо славятъ Херувими, и мы недостойнии хвалу Ти воздаемъ.

**И нынѣ.** Солнца незаходямаго Храмъ была еси, создавшему и учинившему свѣтила великаяя всесильно, пречистая Дѣво Богоневѣсто. Но и нынѣ страстей мя избави и мученія.

Господи помилуй (*трижды*).

*Сѣдаленъ, гласъ 1.*

Припадаемъ Ти вѣрою отъ сердца вопіюще, помилуй насъ непотребныя Своя рабы, Троице преблагая, Отче и Сыне съ Духомъ. И умилосѣрдися Всемилостивая, на стадо еже собра мѹдрѣ, и непрестанно славящее Твою благасть.

*Слава, и нынѣ. Богородиченъ.*

Дѣво иже изъ Тебе не изреченно Рѹдъшемуся молися, наша облегчити сердца, во глубинѣ отчаянія отягченна прегрѣшенными. И возведи отъ уныніи тяжкихъ, славити Тя Всемилостивая, едину надежду рабомъ Твоимъ.

*Пѣснь 7.*

*Ирмосъ.* Тебе Богородице мысленую пещь, разсмотримъ вѣрніи. Яко же бо отроки спасѣ три превозношаемы, мира обновилъ есть, во чревѣ Твоѣмъ Совершенъ, восхваляемый Отцѣмъ Богъ благословенъ еси.

*Запѣвъ.* Слове Божій и соестественное озареніе, Вседержителя Бога, якоже обѣщаеся еже у Тебѣ богодѣтельное вселеніе сотвори яко Благоутробенъ, со Отцѣмъ Твоимъ и Духомъ, и страшна покажи мя бѣсомъ и страстѣмъ.

*Запѣвъ.* Да Твоего благосердія Владыко пучину покажеши намъ, Сына Своего къ Нашему пославъ смиренію, паки вообразилъ еси на первую свѣтлость, но и нынѣ божественнымъ мя вразуми Духомъ.

*Слава.* Трѣми священіи едино Божество славимъ, Отца безначальнаго, Сына же сопредстольна, и Духа во единой державѣ, и вѣрно вопіемъ, отецъ нашихъ Боже благословенъ еси.

*И нынѣ.* Иже на Херувимскомъ престолѣ носимый, всяческихъ Царь, во утробу Твою дѣвственую

вселися Пречистая, всѣхъ избавляя отъ тли, яко Человѣколюбецъ, но и нынѣ Твоими молитвами сохрани мя.

*Пѣснь 8.*

*Ирмосъ.* Чудо превеліе, росодавицу вообрази пещь образомъ. Яже бо пріятъ, не опали юныхъ. Тако же ни огнь Божественны Дѣву, Юже пройде чисту. Тѣмъ поюще возопіемъ, да благословитъ тварь всякая Господа и превозноситъ Его во вѣки.

*Запѣвъ.* Маниемъ богодѣтельнымъ Господи всѣхъ, трисоставне и Вседержителю, небеса простерлъ еси яко кожу, таже и земли отдѣлилъ еси глубину, всеильною Ти горьстию. Тѣмъ же и рабы Твоя укрѣпи, любовію и вѣрою къ Тебѣ Человѣколюбче, да Тя поемъ во вся вѣки.

*Запѣвъ.* Просвѣти богоначальнымъ Свѣтомъ чело вѣки, поющія Твой трисолнечный свѣтъ. Единственный же паки существомъ, еже къ Твоимъ Свѣтодательнымъ лучамъ призираѣти присно, имиже насыщуся славы Твоея сладкія, богодательныя и всебогатыя, и превозношу Тя вѣрно во вся вѣки.

*Благословимъ Отца и Сына и Святаго Духа, Господа.*

Прими хвалу и честь отъ непостижимаго ума нашего, Троице пресовершеная, вся озаряющи и умъ просвѣщающи, областію си и силою. Тя бо славятъ небесныя силы, и мы земни немолчно вопіемъ, и превозносимъ во вся вѣки.

*И нынѣ.* Вознесѣ на небеса, чело вѣческое приемъ естество непреложно, Сынъ Твой пречистая Богородице, премножествомъ благи, избавль древнія тли. Ему же благодарственно воспѣваемъ, да благословитъ тварь всякая Господа и превозноситъ Его

ВО ВѢКИ.

*Пѣснь 9.*

*Ирмосъ.* Образъ чистаго рожества Твоего, распала́ему купину́ яви не опали́му и нынѣ на насъ напа́стей свирѣ́пѣющую пещь, угасити молимся. Да Тя Богородице непрестанно величаемъ.

*Запѣвъ, поклонъ.* Спаси Спасителю твари, чувственныя и умныя рабы Твоя, бѣсовскаго навѣта и озлобленія, пресвятая Троице единаосущная, и соблюди Своё стадо всегда ненавѣтно.

*Запѣвъ.* Да глубинѣ неисчетѣную и существенную, пока́жеша Своея́ благодисти, далъ еси намъ Трисо́лнечне и единоначалныи Боже всесильне. Обѣты спасительныя Твоимъ рабомъ, ихъ же совершити сподоби.

*Слава.* При́зри къ нашимъ мольбамъ, иже въ трі́ехъ богоначальныхъ составѣхъ, единъ сынъ Богъ всегда сла́вимый. И подаждь Твоимъ рабомъ утѣшеніе, молитвами Пречистыя и всепѣтыя Богоматере.

*И нынѣ.* Нестерпѣ́ земнаго естества зрѣти завистию врага, въ тлѣніе впáдша, преслушаніемъ первозданнаго, но преклони́ небеса сниде неразлѣчься: въ Дѣвѣ́й безъ Отца воплощся, да земныя обожитъ.



КАНОНЪ ВТОРАГО ГЛАСА

*Пѣснь 1.*

*Ирмосъ.* Во глубинѣ потопа дръвле, фараонѣтская вся вои́нства, преоружѣна сила. Воплощѣтся Слово, преспѣющыя грѣхи потребило есть, преславныи Господь яко просла́вился.

*Запѣвъ.* Пресвятая Троице Боже нашъ, слава Тебѣ (*поклонъ*).

Тро́ичное единоначáльное естество Божества, пѣснено воспое́мъ глаголюще, милости пучи́ну неисчерпа́емую, су́щественую яко иму́щи, Тебѣ клáняющихся уще́дри и спаси, яко Человѣколюбецъ.

*Запѣвъ.* Пресвятая Троице Боже нашъ, слава Тебѣ.

Иже исто́чникъ и корень, Отецъ сый вино́вень, иже въ Сынѣ и Святѣмъ Своёмъ Душѣ, со естѣственнаго Божества, трисо́лнечныи сердцу моему исто́чїи свѣтъ. И причáстїемъ осїя́й, богодѣ́йственнымъ сїя́нїемъ.

*Слава Отцу и Сыну и Святому Духу.*

Триси́янная Еди́нице богоначáльная, весь разорї́ грѣхо́въ моихъ и страстѣй мракъ, свѣ́тлыми заря́ми Твоими и сладкими причащѣ́нїи, и сотвори́ мя Твоея́ неприкоснове́нныя славы, церковь и сѣнь одушевлѣ́ную.

*И нынѣ, и присно, и во вѣки вѣкомъ, аминь.*

То́къ дре́внїи естества́ нашего, пострада́вшїи неподо́бно и къ тли попо́лзшїи Пречистая, воплощѣ́ся изъ утробы Твоея́ Богъ Слово, чело́вѣколюбе́зно восїя́, и богоначáлю трисвѣ́тлому насъ тайно научи.

*Пѣснь 3.*

*Ирмосъ.* На ка́мени мя вѣры утверди́, разшири́ уста моя на враги моя, возвесели́боя духъ мой воспѣвати. Нѣсть Свята яко же Богъ нашъ и нѣсть праведна, паче Тебе Господи.

*Запѣвъ.* Ра́венствомъ естества́ богонача́ліе, единочестно́е славлю Тя ли́цы, животъ бо отъ живота Ты произше́дши, безъ тли Единъ сыи Богъ нашъ. И нѣсть Свята паче Тебе Господи.

*Запѣвъ.* Ты чи́ны невестественныя небесныя составилъ еси, яко зерца́ла Твоея добро́ты Троице, нераздѣльное Единонача́ліе, пѣти непреста́нно Тебѣ. Но и нынѣ нашу отъ брѣнныхъ устъ пріими́ хвалу́.

*Слава.* Утверди на камени вѣры, и разшири́ любве́ Твоея пучино́ю, сердце и мысль Твоихъ рабъ, Еди́нице трисо́лнечная. Ты бо еси Богъ нашъ, нань же упова́юще не посрамля́емся.

*И нынѣ.* Иже всякъ прежде составъ осу́ществовавши твари, во утробѣ́ Ти осу́ществоваея неизчетено́ю бла́гостию Богородице, и Свѣтъ трисо́лнечный всѣмъ восія́, еди́ного Божества и Господства.

Господи помилуй (*трижды*).

*Съдаленъ, гласъ 2.*

Святая Троице помилуй, ихъ же созда́ и изба́ви огня и всякого осужденія, яко вся мо́жеши яко щедръ Богъ, и многомилостивъ. Тѣмъ же припада́емъ Ти зову́ще, согрѣши́хомъ прости́ Человѣколюбче.

*Слава, и нынѣ. Богородиченъ.*

Исполньшеся многими язвами раби Твои, невидимыми стрѣла́ми губителя, и на одрѣ́ лежаще отчаянія. Владычице зове́мъ, не прѣзри мольбу нашу, иже вѣрою притека́ющихъ Ти.

*Пѣснь 4.*

*Ирмосъ.* Пою Тя, слухомъ бо Господи услышахъ и убояхся,

до мене бо прииде, мене ища заблуждшаго. Тѣмъ многое Твое сошествіе, еже на мя прославляю обновленіе.

*Запѣвъ.* Разумѣти Тя не возмогутъ чинове невещественіи ангельстии, Единице Троице безначальная: но убо мы брѣннымъ языкомъ Твою существеную благодать воспѣваемъ со страхомъ и славимъ.

*Запѣвъ.* Сынъ Вседержителю, Здатель твари естества человѣческой, все мое видиши нынѣ неможѣніе, яко Всевидѣць. Тѣмъ же ущѣдри раба Своего, и къ жизни лучшей возведи.

*Слава.* Единицы начальныя, несмѣсна три Лица воспѣваемъ, яко свойствено имуща, и раздѣльно составы. Но убо совокуплена и нераздѣльна, во свѣте и славѣ и Божествѣ.

*И нынѣ.* Храмъ Тя чистъ и пречистъ присно Дѣво Богородице, Вседѣтель обрѣте едину явѣ отъ вѣка, въ немъ же поживѣ, вообрази человѣческое существо, яко Человѣколюбець.

*Пѣснь 5.*

*Ирмосъ.* Просвѣщеніе во тмѣ лежащимъ, и спасеніе начинаемымъ Христе Спасе мой, къ Тебѣ утреннюю Царю мирный, просвѣти мя сіяніемъ си, иноѣ бо развѣ Тебе Бога не знаемъ.

*Запѣвъ.* Яко всячески на вся сущія Твоего промысленія, миродарныя простирая лучи и спасенія, Царю смиренія, соблюди мя въ мирѣ Твоемъ, Ты бо еси животь и миръ всяческому.

*Запѣвъ.* Моисею въ купинѣ яко явился, въ видѣніи огненѣ, ангелъ наречѣся Отчее Слово, еже къ Намъ Твое проявляя пришествіе: имъ же всѣмъ явѣ возвестилъ еси державу богочначалія единого

трисостáвную.

**Слава.** Иже естѣственную соприсносущую славу предложъши, и единоначáльная Троице Святая, воспѣвающихъ Тя православною вѣрою, Твоея славы видѣти сподоби, безначальную и едину зарю трисолнечную.

**И нынѣ.** Содержителенъ по существу сый Богъ Слово, всѣмъ вѣкомъ Дѣво Мати, во чревѣ Твоемъ удержася неизреченно, человекъки призывая къ совокупленію единаго Господства.

*Пѣснь 6.*

**Ирмосъ.** Въ бѣзднѣ грѣховнѣй одержимъ, не изслѣдную милосердія Твоего призываю бездну, отъ тли Боже мя возведи.

**Запѣвъ.** Воли́телю милости, помилуй иже въ Тя вѣрующія Боже трисолнечне и прегрѣшеніи избави, и отъ страстей и бѣдъ спаси рабы Твоя (2 раза).

**Слава.** Неизглаголанною пучиною благодати, не обмыслимую Твоего сіянія и трисіяннаго Божества свѣтодательную свѣтлость даруй ми.

**И нынѣ.** Неизглаголанно Дѣво вышніи, Человѣкъ бывъ изъ Тебя, въ человекъка по всему оболкъся и свѣтомъ Трисолнечнымъ мя озари.

Господи помилуй (*трижды*).

*Съдаленъ, гласъ 2.*

Христе Боже едине преблагіи, иже кровь Свою насъ ради изліявыи, на Крестѣ повѣшенъ, совѣтомъ Отца Твоего и Духа. Сего ради дерзающе зовѣмъ, помилуй стадо Своѣ Человѣколюбче.

**Слава, и нынѣ.** *Богородиченъ.*

Дѣво чистая помилуй рабы Своя и избави огня и всякія муки, въ нощи и во дни зовущихъ Твоему



Сыну Пречистая, не презри стадо Своё молитвами Христе Тебѣ рождышія.

*Пѣснь 7.*

*Ирмосъ.* О тѣлѣ златѣ, на полѣ деирѣ служимѣмъ, триѣ отроцы нерадиша о безбóжнѣмъ велѣніи. Но посредѣ пламене ввержени прохлаждаѣми пояху, благословенъ Богъ Отецъ нашихъ.

*Запѣвъ.* Уставляеши присно ангельская воинства къ Непреложѣнію, едине сѣи не измѣнне и три-составныи Господи. Покажи убо и моѣ сердце непреложно всегда, во еже славити Тя тѣплѣ и воспѣвати благочестно.

*Запѣвъ.* Лицы умни невещественыхъ существъ, Твоими лучами Боже, единовластне и трисолнечне, озаряѣми бывають положѣніемъ вторіи свѣтове. Ихъ же и мене сіянми и причастіемъ покажи свѣтъ, яко Свѣтодатель трисіаненъ.

*Слава.* Трисвѣтлыми зарями освѣщаѣема Троице пресвятая, во единой державѣ, храни Своя пѣвцы отъ противныхъ напастей: да Тя непрестанно славимъ, Отче, и Сыне, и Пресвятыи Душе, во единомъ Божестве.

*Инынѣ.* Направляя насъ и возвышая къ Небесѣмъ неоскудно, Тебя любящихъ: иже за не изреченное челоуѣколюбіе, бывъ челоуѣкъ во утробѣ Дѣвѣи и обоживъ челоуѣка, и на Престолѣ славы со Отцѣмъ спосади.

*Пѣснь 8.*

*Ирмосъ.* Въ пещь о́гненую къ дѣтемъ еврейскимъ соше́дшаго, и пламень на хладъ преложьшаго Бога, пойте вся дѣла Господа и превозносите Его во вѣки.

*Запѣвъ.* Непреступная Троице, соприисносущная, собезначальная, богоначальная, неизмѣнная во всѣхъ, кромѣ свѣтоносныхъ свойствъ, весь лукавыи упраздни сопостатныхъ совѣтъ, и смущенія бѣсовъ, невредна творя мя присно, Господи всяческимъ.

*Запѣвъ.* Премудро и всемоушно, неопи́санное трисо́лнечное единоначаліе составльшее міръ, и соблюдающее Твоею силою въ чинъ совершѣнъ, вселися въ моѣ сердце, пѣти и славити Тя немолчно съ лики ангельскими во вся вѣки.

*Благословимъ Отца и Сына и Святаго Духа, Господа.*

Премудрости Отчая недостижиме, неизреченне Божіи Сло́ве, непреложное Твое́ и божественное естество́ не измѣнивъ, естество́ человѣческо́ милостивно воспріялъ еси и единственую Троицу чести́ всѣхъ научилъ еси, яко господоначальную во вся вѣки.

*И нынѣ.* Правости мудрость яже всѣхъ направляющая, возлюбѣ по достоянію, Тя всечистую Дѣву и свѣтоносную, и несказанно Пречистая въ Тя вселися: юже пѣснословяще, поемъ зовуще, благословите вся дѣла Господня, Господа пойте и превозносите Его во вѣки.

### *Пѣснь 9.*

*Ирмосъ.* Яже прѣжде солнца свѣтильника Бога восіявша, плотию къ Намъ пришедша изъ боку Дѣвичу, неизреченно воплотившая, благословѣная чистая: Тя Богородице величаемъ.

*Запѣвъ, поклонъ.* Отъ свѣта безначальна, собезначаленъ Сынъ свѣтъ просія, и со естѣственнии свѣтъ Духъ изыде: неизглаголанно боголѣпно. Не тлѣнну рожеству́ увѣряеми, вкупѣ же и не изреченному

исхождѣнію.

*Запѣвъ.* Восіяй въ сердцахъ трисолнечное Божество, воспѣвающихъ Тя, трисіяннымъ Свѣтомъ Ти. И даждь разумъ еже во всѣхъ разумѣти, и зрѣти Твое хотѣніе благое и совершеное: и величати и славити Тя.

*Слава.* Не исчѣтенъ естествомъ Сый, яко Богъ, не исчѣтнующую пучину щедротъ яко имѣя, ущедряя Троице прежде: тако и нынѣ ущедри рабы Своя, и отъ прегрѣшеніи избави, и напастей и бѣдъ.

*И нынѣ.* Спаси мя Боже мой, отъ всякого искушенія и озлобленія, иже въ тріехъ Лицѣхъ воспѣваемыи, несказанно единьственѣ Богъ и всесильныи: и Твое стадо сохрани Богородицы молитвами.



## КАНОНЪ ТРЕТЯГО ГЛАСА

### *Пѣснь 1.*

*Ирмосъ.* Иже воды дрѣвле маніемъ божѣственнымъ, во едино соньмище совокупіи раздѣли море израильтескимъ людемъ. Сѣ Богъ нашъ препрославленъ сый. Того Единого воспоемъ, яко прославіся.

*Запѣвъ.* Пресвятая Троице Боже нашъ, слава Тебѣ (поклонъ).

Непостыжимая едина, Господоначальная, и едино трійческое Богоначаліе, трисіяннаго свѣта Твоего сподоби мя: яко да воспую Тя пѣваемую непрестанно трисвятую силу ангельскими усты.

*Запѣвъ.* Пресвятая Троице Боже нашъ, слава Тебѣ.

Священно невестественіи си чинове поють, яко творческую вину единьственную трисвѣтлую, на-

чальнѣйшии Тя свѣтъ. Юже согласно поемъ, и челоуѣческая мно́жества вѣрно славимъ брѣнными усты́.

*Слава Отцу и Сыну и Святому Духу.*

Умъ и Слово, и Духъ, богослѡвцы прилѣчне и слѡжне Тебе наричуть. Безстрастно рождество, отъ нерождѣна Отца, Сыну знаменующе, Боже единоначаліе всѣмъ вкупѣ, и Божѣственного Духа исхождѣніе.

*И нынѣ, и присно, и во вѣки вѣкомъ, аминь.*

Яко Человѣколюбецъ естествомъ, челоуѣческое существо приѣмъ Божіи Слове, троичныи восіалъ еси единоначальнѣйшии свѣтъ Единого Божества: прославленную всѣмъ показá, рѡждышую Тя Дѣву пречистую.

*Пѣснь 3.*

*Ирмось.* Иже отъ несущихъ вся приведѣи, словомъ Созидаемая, и совершаема Духомъ вседержителю вышніи въ любви Своей утверди мене.

*Запѣвъ.* Утроити воду дрѣвле повелѣвъ Илія наполѣна, образно проповѣда троичныи составъ единственного Божія Господоначалія.

*Запѣвъ.* Тлѣнное естество, поетъ тя земнорѡдныхъ, Единаго и трисвѣтлаго Здателя, неизмѣннаго, и вопію Ти Владыко всякаго мя напрасньства избáви и спаси мя.

*Слава.* Рáвно вѣщающе словесемъ пророческимъ, премудрыхъ апостолъ же и проповѣдникъ вѣрѣ, равнодѣтелную Троицу Тя славословимъ вѣрніи Боже всѣхъ.

*И нынѣ.* Отъ престола высѡкаго сніде Слово, челоуѣка возвышáя, яко Человѣколюбецъ Тобою

Пречистая, и трисолнечныи Свѣтъ восія всѣмъ.

Господи помилуй (*трижды*).

*Стъдалень, гласъ 3.*

Троице нераздѣльная и неразлучная, насъ помилуй, поклоняющихся Ти, и воспѣвающихъ благочестно, и зовущихъ непрестанно Тебе: спаси ихъ же собралъ еси милосердія ради милости, въ церкви святѣй Твоей, еже славити державу Твою: ибо яко Милостивъ, всѣи сердца нашего немошь.

*Слава, и нынѣ. Богородиченъ.*

Весь измѣнихся невоздержаніемъ, и безстрашіемъ моимъ несмысленни, нечувствуя окаянии, не трепещу дне, Его же трепещутъ вся видимая и невидимая. Владычице помози ми, и сердечное раздери недоумѣніе: Сама бо еси упованіе, и предстательница рабомъ Твоимъ.

*Пѣснь 4.*

*Ирмосъ.* Положи къ Намъ Твёрдую любовь си Господи. Единороднаго бо Своего Сына, насъ ради на смерть далъ еси. Тѣмъ же Ти зовёмъ благодарьствено, слава силъ Твоей.

*Запѣвъ.* Отрأسль сугубъ отъ Отца, яко отъ корене прозябѣ, Сынъ и Духъ правыи, съ естѣвна прозябѣнія, и богосаждѣнна, и цвѣти собезначальни: яко триёмъ быти свѣтиломъ Божества (*2 раза*).

*Слава.* Собори умныхъ существъ, непрестанно поють Тя недовѣдомаго Бога. Съ ними же и мы славимъ, глаголюще, Троице пресущная, Своя рабы сохрани яко Милосердъ.

*И нынѣ.* Распалилъ еси насъ въ любовь Твою, Многомилостиве Слово Божіе, иже насъ ради воплощся непреложно, и трисвѣтлое единое Божество, тайно сказавъ. Тѣмъ же Тя славимъ.

*Пѣснь 5.*

*Ирмось.* Яко видѣ Исаія образно на Престолѣ превысоцѣ Бога, отъ ангель славы дароносима, о окаянный вопіяше азъ. Провидѣхъ бо воплощаема Бога, свѣта невечерняя, и міромъ обладающа.

*Запѣвъ.* Единого Господоначальника, образно яко видѣ Исаія Бога, въ триехъ лицѣхъ славословима, пречистыми гласы, Серафимъ посланъ бысть проповѣдати абіе, трисвѣтлое Существо, и Единицу трисолнечную (*2 раза*).

*Слава.* Иже не видимыхъ и видимыхъ естество, отъ несущихъ прежде составляющая Единице трисолнечная, иже единого Тя Бога вѣрно воспѣвающихъ, отъ всякихъ искушеніи избавльши, Твоей славѣ сподоби.

*И нынѣ.* Невѣстникъ свѣтоносенъ и чистъ, бывшая Дѣво Богу, воспѣваемъ Тя любовію и блажимъ. Изъ Тебе бо родися Христосъ, въ существіихъ и хотѣніихъ сугубыхъ, иже единыи отъ Троицы, и славы сии Господь.

*Пѣснь 6.*

*Ирмось.* Бѣдна послѣдняя грѣховная обыде мя, и исчезаетъ духъ мой. Но простеръ Владыко высокую Свою мыщцу, яко Петра мя окормителю спаси.

*Запѣвъ.* Преселникъ сии Авраамъ, сподобися образно воспріяти, во образѣ убо Господа, въ триехъ составѣхъ пресуществена, мужескими зраки (*2 раза*).

*Слава.* Направи сердца Своихъ рабъ, къ свѣту неприступному, о трисолнечне Господи. И Твоя славы сіяніе подаждь душамъ нашимъ, облистатися Твоя доброты не изреченныя.

**И нынѣ.** Отвѣрзи мнѣ двѣри Свѣта, рожьшагося отъ утробы Твоея Пречистая, да зрю трисвѣтлую лучу Божества, и славлю Тя всесвѣтлую Владычицу.

Господи помилуй (*трижды*).

*Стѣдалень, гласъ 3.*

Егда прійдеши Владыко на землю судити всѣмъ, ихъ же отъ земли создалъ еси по Своему образу, ущѣдри яко Милостивъ, и избави всѣхъ суда Твоего праведнаго, и не послѣ насъ во огонь геенскіи, яко единъ Христе многомилостивъ.

*Слава, и нынѣ. Богородиченъ.*

Стонаніе ми даруй Дѣво, яко же мытарѣви и блуднице слѣзы, да Тебѣ сія приношаю и зову, помилуй мя Семилостивая. И сокруши недоумѣніе мое благодаратію си, умилѣнія тучу ми подавая: къ Тебѣ бо прибѣгохъ Пречистая.

*Пѣснь 7.*

*Ирмосъ.* Якоже дрѣвле благочестивыя три отроки оросилъ еси, въ пламени халдѣйстѣмъ, свѣтлымъ Божества огнемъ. И насъ озари, благословенъ еси зовущихъ, Боже Отецъ нашихъ.

*Запѣвъ.* Храмъ мя покажи Твоего Божества Владыко, трисіяннаго всесвѣтла, грѣховнаго омраченія лютаго, и страстей вышша, свѣтодателными Твоими сіяніи. Боже Отецъ нашихъ благословенъ еси (*2 раза*).

*Слава.* Божества Твоего зракъ единъ возвѣщаемъ, въ тріехъ составныхъ и нераздѣльныхъ свойствѣхъ, Отца и Сына и Духа. Благословенъ еси зовѣмъ, Боже Отецъ нашихъ.

**И нынѣ.** Явіся на земли, бывъ чловѣкъ Вседѣтель, боголѣпно отъ дѣвическія и пречистыя Ті утробы

и насъ обожи́, благословенъ еси зову́щихъ Боже Отецъ нашихъ.

*Пѣснь 8.*

*Ирмосъ.* Непостояннѣмъ огнѣмъ совокупльшеся, иже благочестіемъ предстояще юноши, пламенемъ же неврежѣни, божественую пѣснь пояху: благословите вся дѣла Господня Господа, пойте и превозносите Его во вѣки.

*Запѣвъ.* Безначальна Отца яко отъ корене, Слово и Духъ собезначальна суща, яко отрасли пресущественаго Богоначалія, показаша Троицы славу еди́ну и силу. Юже пѣснословимъ во вся вѣки (2 раза).

*Благословимъ Отца и Сына и Святаго Духа, Господа.*

Управляеши Твоими свѣтлосты́ми чины небесныя, воспѣвати немолчно, трисвяты́ми пѣснями божественными, Отче и Слово сообразне и Душе, трисвѣтлую державу и равномо́щну. Съ ними же Тя поемъ во вся вѣки.

*И нынѣ.* Прореченія пророческая, Твое́ рождество Богородице издалѣча видѣвше восхваляху, яко безъ сѣмене и паче естества рождышагося Владычице. И согласно сего поемъ яко Господа, и Тебѣ́ рождышую чтѣмъ Дѣво во вся вѣки.

*Пѣснь 9.*

*Ирмосъ.* Новое чудо и боголѣпно, Дѣвическую убо дверь затворѣну яви́, проходитъ Господь нагъ во входѣ, и плотоносецъ явися во исходѣ Богъ, и пребываетъ дверь затворѣна. Сію непрестанно яко Матерь Богу величаемъ.

*Запѣвъ, поклонъ.* Видѣти славу трисіянную, боговидніи безплотныхъ чино́ве явѣ, невещественными крилы возходити желаютъ горѣ. Но говѣютъ зѣло́ неприступному свѣту, и пѣніе непрестанно



## Канонъ Четвертаго гласа

вопіють. Съ ними же согласнo едѣньственная Троице  
Тя славимъ (2 раза).

**Слава.** Несытною любобвью иже на земли, умную  
душу отъ Тебе прїемше и словесную, Тебе поемъ  
Владыко Боже Вседержителю, едѣньственное естество  
воистину, троичное лицы, отъ всего сердца. Сїе  
Всещедре, яко Всесилень соблюди.

**И нынѣ.** Храмъ мя покажи, единоначальнаго и  
трисвѣтлаго Твоего Богоначалїя свѣтовїденъ. Чисто  
служити Тебѣ Зиждителю всѣхъ, и неизреченную Ти  
славу умно зрѣти. Молитвами едѣнныя Богородицы.  
Юже достойно яко Преславную величаемъ.



## КАНОНЪ ЧЕТВЕРТАГО ГЛАСА

### Пѣснь 1.

**Ирмосъ.** Моря Чермнаго пучину, немокрыми стопами,  
древле шествовавъ Израиль, крестообразно Моисеовыма  
рукама, амаликову силу въ пустыни побѣдилъ есть.

**Запѣвъ.** Пресвятая Троице Боже нашъ, слава Тебѣ  
(поклонъ).

Троицу богоначальную да прославимъ составы,  
едѣньственное же естество трїехъ, соприсносущную  
сопрестольную. Юже моляще глаголемъ, спаси иже  
върою Тебѣ чтущихъ.

**Запѣвъ.** Пресвятая Троице Боже нашъ, слава Тебѣ.

Помазася отъ Отца духомъ радости, богодѣль-  
нымъ елеомъ, Сынъ и Человѣкъ бысть, и единаго  
Божества, трисоставное научилъ есть.

**Слава Отцу и Сыну и Святому Духу.**

Доброту неприступныя славы Твоя, Единице

трисолнечная, Серафими не терпяще зрѣти, спокрываются крылы, и трисвятыми пѣсньми непрестанно Тебѣ славятъ.

*И нынѣ, и присно, и во вѣки вѣкомъ, аминь.*

Неизреченно Творца всѣхъ родила еси Пречистая, избавляющаго древнія клятвы человеки, и смертныя тли. И Тобою познахомъ, единого Бога трисоставнаго.

*Пѣснь 3.*

*Ирмосъ.* Не мудростию, ни силою, ни богатствомъ хвалимся, но Твоею Отчею составною мудростию Божіею, яко нѣсть свята паче Тебе Человѣколюбче.

*Запѣвъ.* Силу свыше святымъ Твоимъ прежде апостоломъ, яко послалъ еси Христѣ, отъ Отца Утѣшителя, едино явилъ еси естество трисолнечное.

*Запѣвъ.* Патриарху Аврааму, егда явился во образѣ мужствѣ, троичная Единице, непремѣнное показала еси Твоея благодати господства.

*Слава.* Иже въ Лицѣхъ тріехъ, единъ Богъ вѣруемыи, не описанъ явѣ, не домыслимыи всѣми, избави душа наша отъ всякія скорби.

*И нынѣ.* Наставльшесе Сына Твоего премудрыми приведенми, единьственное и трисвѣтлое Богочаліе славимъ, и Тебе блажимъ присно Дѣвую.

Господи помилуй (*трижды*).

*Сѣдаленъ, гласъ 4.*

Иже единымъ мановѣніемъ, и пречистымъ совѣтомъ Отца Твоего и Духа, создалъ еси всяческая, Христѣ многомилостиве, распятіе пріятъ за родъ человѣческіи. Тѣмъ же благодаряще воспѣваемъ вопіюще, помилуй стадо Своѣ, единое Человѣколюбче.

**Слава, и нынѣ. Богородиченъ.**

Поёмъ Тя Богоневѣсто Мати Христа Бога, славяще рождество Твое непостижимое, имъ же избавихомся прѣлести дѣвольскія, и всѣхъ напастей, Владычице Богородице. Тѣмъ же вѣрою вопіемъ Ти, помилуй стадо Свое, едина Всепѣтая.

*Пѣснь 4.*

*Ирмосъ.* Сѣдѣи въ славѣ на Престолѣ Божѣственемъ, на облацѣхъ легцѣхъ прииде Исусъ Пребожественни, отъ пречистыя Дѣвы и спасе вопіющая, слава Христе силъ Твоей.

*Запѣвъ.* Пресущную Троицу, во единѣхъ Божества и Господоначалія, Серафимы Тебе славимъ, яко нераздѣльно естество, яко неслѣтно, яко равномоушно славою, Боже непостижиме.

*Запѣвъ.* Раздѣлена суца не изреченно, Лицы Божества, и соединяема державою вкупѣ единымъ Господствомъ, безпредѣлна, едина не описана, воспѣваемъ Тя Творца всея твари.

*Слава.* Умъ безначални, Слово роди не изглаголанно: и божественни Духъ, равномоушни испустѣ. И сего ради Троицу единосуцную воспѣваемъ Тя Творца всея твари.

*И нынѣ.* Видимъ бывая древними образно предвозвѣстило есть, еже отъ тебѣ Дѣво воплощеніе, Слово: но послѣжде явлься челоуѣкомъ, по истинѣ трисоставно Единоначаліе яви.

*Пѣснь 5.*

*Ирмосъ.* Удивѣшася всяческая о божественнѣй славѣ Твоей. Ты бо браку неискусимая Дѣвице, пріятъ во утробѣхъ надо всѣми суцаго Бога, и родила еси безлѣтнаго Сына, всѣмъ воспѣвающимъ Тя миръ подавающа.

*Запѣвъ.* Разумѣвше отъ вѣры вседѣтельнаго бо-

жества, еди́но убо неприступно существо, три́ же составы живонача́льны срáслены поёмъ, Отца и Сына и Духа Святаго, соприсносу́щное бытіе.

*Запѣвъ.* Свѣте трисолнечне, существенаго свѣта Твоего восі́й ми, еди́нственное Божество, не-созда́нное Естество, свѣтодѣ́йственный Исто́чнице, всякія свѣтода́тельныя зарі́, да созерцаю́ Твою доброту неизрече́нную.

*Слава.* Яко еди́ну сущу́ Содѣ́телю всяческихъ, и Содержі́телю, и ко́рмчиі всепрему́дру вои́стину, и жизни Подателю, вопіёмъ Ти вѣ́рно, Владыко трисолнечне, поющихъ Тя соблюди.

*И нынѣ.* Обожи́ти хотя́ дрѣвле истлѣ́вшаго челове́ка, его́ же за благость со́здавъ, Сынъ Твой Дѣ́во, и показавъ образъ божественаго зра́ка, Челове́къ бысть изъ Тебѣ́, и еди́но трисолнечно́ Богоначаліе проповѣ́да.

*Пѣснь 6.*

*Ирмосъ.* Возопі́ль прообразу́я погребѣ́ніе триднѣвное, пророкъ Іо́на въ китѣ́ моляся, изъ тли спаси́ мя, Исусе Царю́ сыи́ си́ламъ.

*Запѣвъ.* Яви́ Отецъ изглаго́ля сыновство́, и Духъ, видимъ Христу кресті́вшуся. Сего́ ради еди́но троично́ Богоначаліе́ славимъ.

*Запѣвъ.* Яко́ видѣ́въ Тя трисвяты́ми гла́сы воспѣ́ваема Иса́ія, на вы́соцѣ́ Престолѣ́ сидяща́ троичны́и показа́ еди́наго Богоначалія́ составъ.

*Слава.* Возвы́шено сердце́ покажи́ и насъ рабъ Твои́хъ, вы́сокій Царю́ трисоста́вне, да Твоея́ славы зримъ́ ясно́ свѣ́тлость.

*И нынѣ.* Согрѣ́шихъ, но Тебе́ не отступі́хъ окаянны́й. Ущѣ́дри мя́ трисоста́вне́ еди́но Божество

честное, и лютаго мя избави осуженія, молбами Богоотроковицы.

Господи помилуй (*трижды*).

*Съдаленъ, гласъ 4.*

Непостижимыи Боже и неприступныи, иже единъ естествомъ благъ же и Милосердъ, Отче и Сыне и Душе Всесвятыи, соблюди и освяти, иже вѣрою вопіющихъ въ церкви святѣй Твоей, въ нощи и во дни, и не предаждь насъ Владыко врагомъ, ищущимъ нашу погибель.

*Слава, и нынѣ. Богородиченъ.*

Не премолчимъ присно Дѣво, благодарно воспѣвати отъ сердца рабѣ Твоѣ, Твоя милости Владычице, зовуще и глаголюще, Пресвятая Дѣво предвари и избави, отъ врагъ невидимыхъ и бѣдъ и всякого прещенія, Ты бо еси наше заступленіе.

*Пѣснь 7.*

*Ирмосъ.* Въ печи авраамскія дѣти персидстѣй, любовію благовѣрія паче, нежели пламенемъ опаляеми, взываху, благословенъ еси въ церкви славы Твоея Господи.

*Запѣвъ.* Въ чинѣ поставленнымъ небеснымъ естествамъ, и умнымъ чиномъ православныхъ вси земнородни подражающе славимъ едино Божество въ тріехъ равнодѣтелныхъ составѣхъ.

*Запѣвъ.* Речи святыхъ пророкъ, Ты древле образно Единого проявиша въкомъ всѣхъ творительна, неизреченна Бога и Господа, богочаальными тремі составы.

*Слава.* Славою и честию поклоняемся Троицѣ пресовершенѣй, во единой воли тремі сличии. Ею же состоится тварь вся блюдѣма, востаніемъ Христа благословеннаго Бога.

**И нынѣ.** Иже по существу невидимое Слово, и вседѣтельное, явился еси человѣкомъ, отъ чистыя Богоматере Человѣкъ, человѣка призывая къ причастию Христе Твоего Божества.

*Пѣснь 8.*

*Ирмосъ.* Руцѣ распростеръ Даниїлъ, лвова зїянія въ ровѣ затчѣ. Огненую же силу угасиша добродѣтелию поясавшеся: иже благочестїя любители отроцы зывающе, благословите вся дѣла Господня Господа.

*Запѣвъ.* Свѣте единственныи и трисїянный, Существо безначальное, доброто недовѣдомая, въ сѣрдцы моѣмъ вселися, и храмъ Твоего Божества свѣтовиденъ и чистъ покажи мя, зовуща, благословите вся дѣла Господня Господа.

*Запѣвъ.* Отъ различныхъ мя страстей, омраченїя и прегрѣшенїя избави, Троице нераздѣльная, Единице неслїтная: и озари лучами Твоими богодѣтельными, да зрю Твою славу, и воспѣваю Тя славы Господа.

**Благословимъ Отца и Сына и Святаго Духа, Господа.**

Кто изрещи можетъ, или разумѣти Бога когда въ существѣ Божїи? Его же ни ангели вси, ни архангели могутъ исповѣдати достойно. Ты бо изшѣдъ отъ существа Отча, разори врага востанїемъ Своимъ.

**И нынѣ.** Умъ убо не рожденный Отецъ, и Слово сообразно, и Духъ сопрестолень: существо, сила, бытїе. Пресущная неизреченная, великодѣйственная Троице единице, соблюдай стадо Своѣ, молитвами Богородицы яко единъ Человѣколюбецъ.

*Пѣснь 9.*

*Ирмосъ.* Всякъ земнородныи да зыграется Духомъ просвѣщаемъ. Да ликоствуетъ же безплотныхъ умовъ естество, почитающее святое торжество Божїя Матере, и да поетъ,

## Канонъ Пятаго гласа

радуйся преблаженная Богородице чистая присно Дѣво.

*Запѣвъ, поклонъ.* Всѣ къ Тебѣ нынѣ двѣжу сердце мое и мысль: и предложенія же всея души и тѣла, Содѣтелю и Избавителю моему, единовластіе трисвѣтле: и вопію Ти, спаси мя раба Твоего, отъ напастей всякихъ и скорбей.

*Запѣвъ.* Возвыси нашъ умъ и мысль къ Тебѣ Вышнему Отче, Слове, Утѣшителю, во свѣтѣ живи неприступнемъ, славы солнце свѣтодѣржче, просвѣти Твоими сіяньми пречистыми, всегда славити Тя единоначалнаго Бога трисоставнаго.

*Слава.* Единъ Свѣтъ въ трѣхъ собѣствѣхъ, Лицы раздѣляемъ, Отецъ и Сынъ и Духъ святыи, ими же вся тварь состоится. Юже обновля Сынъ, сниде и пострадавъ воскресѣ триднѣвно.

*И нынѣ.* Спаси иже въ Тя вѣрующыя Господи, и проповѣдающихъ безначальнаго присносущее существо едино, три же Лица богочална и сообразна Твоего господства, и божественый слава сподоби, молбами чистыя Богоматере.



## КАНОНЪ ПЯТАГО ГЛАСА

### Пѣснь 1.

*Ирмосъ.* Кони и всадники въ мори Чермнѣмъ, сокрушаяи брани мышцею высокою, Христосъ истрясль есть, Израиля же спасе побѣдную пѣснь поюща.

*Запѣвъ.* Пресвятая Троице Боже нашъ, слава Тебѣ (поклонъ).

Державу единого, и трисолнечнаго зрака воспѣвающе, мы вопіемъ, умъ нашъ озари Боже всесильне, и

къ Твоей Владыко преложи́ славѣ неизречѣннѣй.

*Запѣвъ.* Пресвятая Троице Боже нашѣ, слава Тебѣ.

Выше Тя ангельскія красоты́ мысленныя, немолчно поютъ трисвятыми пѣсньми, Единицу тричисленую и Троицу сообразну пресущную и всесильную.

*Слава Отцу и Сыну и Святому Духу.*

Божественное пѣво Твоя любвѣ, сладкое свѣтодѣйственное души моей подаждь, Троице начальныи свѣте, и божественное умиленіе чистительное, Владыко многомилостиве всея твари.

*И нынѣ, и присно, и во вѣки вѣкомъ, аминь.*

Якоже на руно́ сніде безъ шума съ небесъ Дѣво во утробу Твою дождь божественныи, и спасѣ изсо́хшее все́ человѣческое естество Пречистая.

*Пѣснь 3.*

*Ирмосъ.* Утвержеи ни на чѣмъ же землю повеленіемъ си, и распространи не одержимую тяготу, на недвижимомъ Христе камени заповѣдей Ти, церковь Свою утверди, единыи Блаже, и Человѣколюбче.

*Запѣвъ.* Помысливъ, умная существа составилъ еси, пѣвцы не пристанны Твоего Божества, трисвѣтлыи Боже, и Вседѣтелю. Но и брѣнныхъ и земнородныхъ приими мольбу и моленіе, яко Благоутробенъ.

*Запѣвъ.* Иже всякаго по естеству преложенія не пріятенъ, измѣненымъ намъ и поющимъ, не изслѣдимыи источникъ благодати Твоя, прегрѣшеніемъ даждь прощеніе, солнце славы и Господи.

*Слава.* Отца, и Сына, и Духа славимъ, въ непременно зрацѣ Божества, Тебѣ единственаго и трисіяннаго Господа всѣхъ, якоже пророцы и апостоли отъ Тебе явѣ научишася.

*И нынѣ.* Явился еси Моисею въ купинѣ, яко ангелъ



совѣта великаго Вседержителя, Твое отъ Дѣвы проявляя воплощеніе Божіи Слове. Имъ же насъ ознаменалъ еси и на небеса возвелъ еси.

Господи помилуй (*трижды*).

*Стѣдалень, гласъ 5.*

Милостива еси Троице нераздѣльная, милуеши бо всѣхъ яко Всесилень, и яко Всещѣдръ прощая, и Многомилостивъ. Тѣмъ же прибѣгаемъ къ Тебѣ, грѣхи многими отягчені, зовуще, очисти рабы Своя, и избави всѣхъ всякія муки.

*Слава, и нынѣ. Богородичень.*

Всесвятая Дѣво насъ помилуй, прибѣгающихъ вѣрою къ Тебѣ милосѣрдой, и просящихъ тѣплое Твое заступленіе. Можеша бо яко Блага всѣхъ спасти, яко сущи Мати Бога вышняго, Матерними си молитвами присно объѣмши Богорадованная.

*Пѣснь 4.*

*Ирмосъ.* Божественое Твое разумѣвъ смотрѣніе, дивяся Аввакумъ Христе трѣпетно вопіяше, на спасеніе людемъ си, спасти благая Своя пришелъ еси.

*Запѣвъ.* Познаваетъ Единого Господства трисвѣтлое. Даниилъ Христа Судію узрѣвъ, ко Отцу Сына же и Духа проявляя единство.

*Запѣвъ.* Бренными усты поющихъ Тя пресущнаго Бога, тріична составы, единственена же естествомъ, славы ангельскія сподоби.

*Слава.* Едину власть, и едино Господство, въ тріехъ свойствѣхъ неразлучно славимъ, Отче и Сыне и Душе, просвѣти насъ рабы Своя.

*И нынѣ.* Гора святая и присѣнная, Юже видѣ прежде Аввакумъ, изъ Нея же пройде Святѣи, не удобъ видимое рождество являше Твоего Дѣво зачатія.

*Пѣснь 5.*

*Ирмосъ.* Одѣяися свѣтомъ яко и ризою, къ Тебѣ утреннюю, и Тебѣ вопію, душу мою просвѣти омраченную Христе, яко Милосердъ.

*Запѣвъ.* Иже за благодѣнье создавъ человѣка, и по образу Своему сотворивъ, во мнѣ обитай трисвѣте Боже мой, яко Благодѣль и Милостивъ.

*Запѣвъ.* Ты мя настави Единице трисолнечная, къ стезямъ божественаго спасенія, и Твоего сіянія исполни, яко естествомъ Богъ не исчетно силенъ.

*Слава.* Свѣтъ нераздѣльный Твоего естества. Раздѣлены начертаніи, три Лицы сіянные невечерніи, мое сердце лучами Твоими озари.

*И нынѣ.* Яко видѣ Тя дрѣвле чистая Пресвятая пророкъ, зрящую дверь къ свѣту незаходимому, абие Ты позна Боже жилище.

*Пѣснь 6.*

*Ирмосъ.* Волнящееся бурей душетлѣнною Владыко Христе, страстей моихъ море укроти, и изъ тли возведи мя яко Милосердъ.

*Запѣвъ.* Трисвѣтло Существо, богочначалія составы, единственно сияя, яко сообразно и равнодѣтельно, и по существу, и хотенію.

*Запѣвъ.* Довольно сказа пророкъ поя Отцѣви, свѣтомъ Духа узримъ Свѣтъ Сына, единого Бога трисолнечнаго.

*Слава.* Не составно Существо въ тріехъ свойствѣхъ, едину власть и державу имѣи, тѣми бо состоится тварь всякая, и обновляется.

*И нынѣ.* Прегрѣшеніемъ и напастемъ избавленіе, благоутробный Боже единственно и трисвѣтне, низпосли Твоимъ пѣвцемъ, молитвами

Богоматере.

Господи помилуй (*трижды*).

*Стѣдалень, гласъ 5.*

Помилуй мя Спасе мой помилуй мя, и не обличи Милостиве гнѣвомъ Твоимъ, ниже вниди въ судъ съ рабомъ Твоимъ. Азъ бо вѣмъ воистину укоряти ми, моя безчísленная прегрѣшенія, предъ Тобою Щедрый. Тѣмъ же Ти зову помилуй мя.

*Слава, и нынѣ. Богородиченъ.*

Недоумѣвся отъ всюду, къ Тебѣ прибѣгохъ надѣжди всѣхъ, и прибѣжищу грѣшныхъ и смиреныхъ, зову согрѣшихъ, и прилѣжю горшимъ нечувственѣ окаянный. Помилуй мя прежде конца, обрати мя и избави, всякаго мученія достойна.

*Пѣснь 7.*

*Ирмосъ.* Превозносимый Отцемъ Господь, пламень угасивъ, дѣти же прохладилъ еси, единоголасно поющія, Боже благословенъ еси.

*Запѣвъ.* Яко милости бѣздну имѣя Господи, и пучину неоскудну щедротъ, помилуй единого Тя поющихъ трисіянна Бога всѣхъ.

*Запѣвъ.* Не обмыслимаго единьствена и трисвѣтла Бога Тя и Господа поюще, вопіемъ Ти, подаждь рабомъ Твоимъ очищеніе согрѣшеніи.

*Слава.* Равно составы во единой державѣ чтуще раздѣляемъ, нераздѣлимо Существо, Бога Отца и Сына и Пресвятаго Духа.

*И нынѣ.* Отрасль прозяблѣ еси Дѣво, Отцу собезначальна, цвѣтъ Божества, стѣбель соприносущу, дающаго жизнь всѣмъ человѣкомъ.

*Пѣснь 8.*

*Ирмосъ.* Тебѣ Вседѣтелю, въ печи отроцы всемірный

ликъ составльше пояху, дѣла всякая Господня Господа пойте, и превозносите Его во вѣки.

*Запѣвъ.* Да еди́наго открывши дрѣвле явѣ господѣства, троичныя составы. Явился еси Боже мой во образѣ человѣчи Аврааму, поющу державу Твою единственую.

*Запѣвъ.* Ты мя къ Твоимъ богодѣтельнымъ лучамъ, зрѣти сподоби Свѣте неприступный, Отче Вседержителю, и Слове, и Душе, еже благоугождати Тебѣ присно Господи всѣхъ.

Благословимъ Отца и Сына и Святаго Духа, Господа.

Святъ Отецъ, Богъ превѣчный. Святъ же Сынъ, изъ Отца рожденъ. Святъ же и животворящій Духъ, исходя изъ Отца, Сыномъ же являемъ.

*И нынѣ.* Облиста́ла еси намъ отъ трисолнечнаго Свѣта еди́наго Всепѣтая Христа и Господа, всѣхъ тайно научающа единому Богоначалю, въ тріехъ лицѣхъ пѣти во вѣки.

### *Пѣснь 9.*

*Ирмосъ.* Исаіе ликуй, Дѣвая бо имѣ во чревѣ, и породі Сына Еммануила, Бога же и Человѣка, Востокъ имя Ему. Его же величающе, Тебѣ Дѣво ублажаемъ.

*Запѣвъ, поклонъ.* Глаголанія Тя человѣча, по достоянію безначальная Единице, не могутъ пѣти: обаче яко же мощно дерзающе отъ вѣры, богоначальная сопрестольная Единице, славу приносимъ Твоей державѣ и хвалу.

*Запѣвъ.* Равностоятельна славою, единоначальнаго Тя трисвѣта Бога, поютъ Херувими и Серафими пречистыми усты: съ ними же и насъ грѣшныхъ приими Господи, Твою державу величающихъ.

*Слава.* Исаія Тя видѣ на Престолѣ Херувимстѣ,

## Канонъ Шестаго гласа

и Серафими стояща о́крестъ Тебѣ, крилы лица закрывающа, и вопіюща, Святъ, Святъ, Святъ, трисвятый Боже, славимый въ тріехъ со́бствѣхъ.

**И нынѣ.** Яко чистая и непорочная Дѣвая родила еси Сына, Бога неизмѣнна, избавляюща насъ отъ искушеніи. Но и нынѣ оставленіе нашимъ прегрѣшеніемъ низпослати Сего моли.



## КАНОНЪ ШЕСТАГО ГЛАСА

### *Пѣснь 1.*

**Ирмось.** Яко по суху ходивъ Израиль, по безднѣ стопами: гонителя фараона видя потопляема, Богу побѣдную пѣснь, поемъ вопіяше.

**Запѣвъ.** Пресвятая Троице Боже нашъ, слава Тебѣ (поклонъ).

Три составы поемъ богоначальны, еди́нственнаго естества, непремѣненъ зракъ, благаго Человѣколюбца Бога, прегрѣшеніемъ очищеніе намъ дарующа.

**Запѣвъ.** Пресвятая Троице Боже нашъ, слава Тебѣ.

Пресущныи еди́не Господи, и трисіянне Лицы, въ Божестве единомъ сѣи, вразуми насъ, и сподоби Твоего божѣственного сіянія.

**Слава Отцу и Сыну и Святому Духу.**

Невѣсту украсивъ Павелъ, юже отъ языкъ церковъ, единому Тебѣ Трисоставному Богу поклонятися научи, отъ Него же, и имъ же, и въ немъ же вся быша.

**И нынѣ, и присно, и во вѣки вѣкомъ, аминь.**

Отъ утробы Твоея произыде, умное Богородице

Солнце, и осія насъ трисвѣтлаго Божества зарями.  
Его же поюще, благочестно Тя ублажаемъ.

*Пѣснь 3.*

*Ирмосъ.* Нѣсть Свята якоже Ты Господи Боже мой,  
вознесѣи рогъ вѣрныхъ си Блаже, и утвѣрждь ихъ на камени  
исповѣданія Ти.

*Запѣвъ.* Укра́сивъ трисвѣтлыи Боже, чины не-  
бесныя, устроилъ еси пѣти трисвятыи Тя гласы.  
Съ ними же пріими и насъ, воспѣвающихъ Твою  
благость.

*Запѣвъ.* Едино непреложно трѣичное сообразно  
единственое Богоначаліе, воспѣвающе молимъ  
Тя тѣплѣ, грѣховъ многихъ низпослати нынѣ намъ  
прощеніе.

*Слава.* Уме безначальный Отче, сообразне Божіи  
Слове, и Душе Божественныи, благии и правый,  
воспѣвающихъ вѣрно Твою державу, соблюди яко  
Благоутробенъ.

*И нынѣ.* Па́жить потреби тли, Сынъ Твой Чистая,  
человѣкъ по существу бывъ во утробѣ Твоей, и  
родоначальники дрѣвняго осужденія Единъ сво-  
боди.

Господи помилуй (*трижды*).

*Съдаленъ, гласъ 6.*

Владыко Боже при́зри съ небесѣ, и ви́ждь наше  
смиреніе яко Щедръ, и умилосѣрдися Человѣко-  
любче преблагіи. Ни откуда бо надѣмся прощеніе  
получити злыхъ, ихъ же согрѣшихомъ. Тѣмъ же  
буди съ нами, и ни кто же на ны.

*Слава, и нынѣ. Богородиченъ.*

Владычице чистая при́зри съ небесѣ, и ви́ждь моихъ  
струповъ раны, и умилосѣрдися Пречистая, исцѣли

совѣстное жженіе, Твоею милостію орошающи. И вопіющи рабомъ Твоимъ, Азъ ёсмь съ вами и никто же на вы.

*Пѣснь 4.*

*Ирмось.* Христось мнѣ сила Богъ и Господь, честная церковь боголѣпно зовѣтъ вопіющи, отъ совѣсти чісты, о Господѣ прѣзднующи.

*Запѣвъ.* Возвышай мысль, Единице трисвѣтлая, и дѹши и сердца непрестанно Твоихъ пѣвѣць скоро возведи, и сіянія Твоего свѣтлости сподоби.

*Запѣвъ.* Претвори и преобрази мя, отъ злѣбы всякія къ добродѣтели, едина неизображенная и неизмѣнная Троице, и Твоими свѣты освяти.

*Слава.* Помысливъ пѣрвѣе Премудре, составилъ еси ангельскія чины, служебныя Твоея благости, трисоставныи Боже: съ ними же приими и нашу хвалу.

*Инынѣ.* Иже естествомъ несозданныи Богъ присносущный, созданное человѣческое приимъ естество, вообрази во Святѣй Твоей утробѣ, Богородице присно Дѣво.

*Пѣснь 5.*

*Ирмось.* Божимъ свѣтомъ Ти Блаже, утренюющихъ Ти дѹши любовію просвѣти молюся, Тя вѣдети Слово Божіе, Истиннаго Бога, отъ мрака грѣховнаго изимающа.

*Запѣвъ.* Разумѣюще Естество богоначальное промыслительное и спасительное, всѣхъ сущее Владыко, трисвѣтлое же единое, къ Тебѣ утренюемъ, прощенія просяще грѣхопадениемъ.

*Запѣвъ.* Отче безначальныи Боже, и соприсносущныи Сыне и Дѹше Святѣй, утверди единоначальная Троице Своя пѣвцы, и отъ всякія напасти избави и

скорби.

**Слава.** Направляя сія́нми благодѣ́тельными, къ благоугоже́нію Твоего трисоставнаго Божества, Солнце славы научая мя присно, и божѣ́стvenaго царствія сотвори прича́стника.

**И нынѣ.** Иже вся носяи и соблюдая́ всесильною Ти рукою, Слове Божій неизмѣ́нне, сохрани и соблюдай Тебе сла́влящихъ, молитвами рождшія Тя Богоматере.

*Пѣснь 6.*

**Ирмосъ.** Житейскаго моря воздвиза́ема зря, напáстей бурею, въ тихое пристанище прите́къ вопію Ти, возведи отъ тли животъ мой Многомѣ́лостиве.

**Запѣвъ.** Премудрость и разумъ, богоначаліе трисвѣ́тлое, пѣвцѣ́мъ си даруй, и доброты луча́ми свѣ́тодѣ́тельныя, Твоя блага́сти озарі́тися всѣхъ сподоби.

**Запѣвъ.** Свѣ́те нераздѣ́льный по существу́, трисіянне, вседержительне, непристу́пне, сердца́ озари, вѣрно хва́лящихъ державу Твою, и къ божественѣ́й любви впері́.

**Слава.** Святъ еси и Пресвятъ, Троице Боже нашъ, въ трѣхъ со́бствѣхъ, седяи на Престолѣ херувимствѣ, безначальнии Отче, и соприсносу́щнии Слове, родивыися отъ Него прежде вѣ́къ, и на послѣдокъ воплотивыися отъ Дѣ́вы Матере, содѣ́йствомъ Святаго Духа, спаси и помилуй поклоняющихся державѣ Твоей.

**И нынѣ.** Въ Тя вселі́ся присно Дѣ́во явѣ, Содержитель и Господь всѣхъ, и еді́ну трисіянну зра́ку Божества, поклоня́тися человѣ́ки наказа́.

Господи помилуй (*трижды*).



*Стъдаленъ, гласъ 6.*

Отче и Сыне съ Духомъ Святымъ, возри на ны вѣрою вопіющихъ, и славящихъ державу Твою Милосѣрде, со ѳгнеными брѣнни, иного бо Бога развѣ Тебе не вѣмы. И воззови поющимъ Тя, Азъ есмь съ вами, и никто же на вы.

*Слава, и нынѣ. Богородиченъ.*

Возри на ны всепѣтая Богородице, восіѣй просвѣщеніе въ сердца помрачѣная, и озари стадо Твое Пречистая. Елико бо хощеши мѳжеши, яко Мати сущи Зиждителя Своего, и вопіеши любящимъ Тя, Азъ есмь съ вами, и никто же на вы.

*Пѣснь 7.*

*Ирмосъ.* Хладодательну убо пещь сотвори ангелъ, преподобнымъ дѣтемъ, халдѣи же опали велѣніемъ Бѳжимъ. Мучителя увещѣ вопіти, благословенъ Богъ Отецъ нашихъ.

*Запѣвъ.* Крѣпку ми мысль устрой, трисвѣтлая начертаньи Единице, еже хранить и блюсти божественныя заповѣди Твоя, и всегда пѣти вѣрно, благословенъ еси Боже Отецъ нашихъ.

*Запѣвъ.* Яко единствомъ естества пѣваемыи, неизреченно единственнии Богъ, Лицы же Троицы нося число, соблюди всѣхъ насъ, отъ различныхъ искушеніи и напастей.

*Слава.* Соестественна и соприносущна славимъ, единаго Тя по существу Бога, свойства неразрѣсныи составными Троице, различное просто предлагающе, въ зрачѣ непремѣннѣ явѣ.

*И нынѣ.* Богъ пресущнии, пріятъ Пречистая, отъ утробы Твоея Чистая, наше человѣколюбѣзне смѣшеніе явѣ, и всѣхъ научи вопіти благословенъ

Богъ Отецъ нашихъ.

*Пѣснь 8.*

*Ирмосъ.* Изъ пламене святѣмъ росу источи, а праведнаго жертву и воду попали, вся бо твориши Христе елика хощеши, тѣмъ Тя превозносимъ Господа во вѣки.

*Запѣвъ.* Очищеніе грѣховъ всѣхъ скоро подаждь ми, и страстей многообразныхъ избавленіе, сообразная Троице, Единице трисоставная, да Тя славлю теплѣ Твой молитвеникъ.

*Запѣвъ.* Волигель милости извѣствованъ, яко Богъ милостивъ, всѣхъ помилуй, трисвѣтлая Единице, и Троице преблагая, славословящихъ Твое величіе.

*Благословимъ Отца и Сына и Святаго Духа, Господа.*

Отъ свѣта присносущна, свѣтъ съ присносущенъ Отець рождышійся Слове, съ Духомъ исходнымъ свѣтомъ, вѣрою славимъ. И превозносимъ единаго Бога непрестанно.

*И нынѣ.* Врача человекомъ Пречистая родила еси, всеильна Слова Христа и Господа, прародительныя язвы всѣхъ исцѣляюща, превозносящихъ Его во вѣки.

*Пѣснь 9.*

*Ирмосъ.* Бога человекомъ неудобъ видѣти, Нанже не смѣють чини ангельстии зрѣти. Тобою бо Пречистая явися намъ Слово воплощено. Его же величающе, съ небесными вои, Тя величаемъ.

*Запѣвъ, поклонъ.* Зрѣти не могуще чинове херувимстии, Владыко доброты славы Твоея, крылы покрывающесе, непрестанно троично пѣние вопіють Ти, и трисоставную Твоего Богоначалія единственаго державу славятъ.

*Запѣвъ.* Твоя сіянія Солнце незаходимое, Твоимъ

## Канонъ Седмаго гласа

рабомъ подаждь въ сердца. И просвѣти души, и избави отъ прегрѣшеніи многихъ, еди́не Всеми́лостиве, и трисоставне, и нетлѣннѣй Ти жизни насъ сподоби.

**Слава.** Иже Свѣтъ Единъственный, и трисолнечный, и свѣтодательный, Божество сыи, озари вѣрою Тя поющихъ, и отъ мрачнаго избави злодѣйства, и сподоби свѣтлѣйшихъ Ти селѣніи, яко Благъ.

**И нынѣ.** Премудрѣ древле создавъ челоуѣка, Твой Сынъ Дѣво, и истлѣвша обнови, Тобою Препѣтая, и божѣстvenaго Свѣта свѣтлости трисолнечныя, всѣхъ исполни, иже Тебѣ Богородицу истинную вѣрою славящихъ.



## КАНОНЪ СЕДМАГО ГЛАСА

### Пѣснь 1.

**Ирмосъ.** Маниемъ Ти на земень образъ преложися, первіе разливаемъ воденъ родъ Господи. Тѣмъ же немокрено шѣствовавъ Израиль, поетъ Тебѣ пѣснь побѣдную.

**Запѣвъ.** Пресвятая Троице Боже нашъ, слава Тебѣ (поклонъ).

Отверзи ми уста разумная сердцу, и устнѣ невещественіи, къ похвалѣ Твоей трисвѣтлая, едино Божество всѣхъ, пѣти Тебѣ пѣснь свѣтодательная благодарственую.

**Запѣвъ.** Пресвятая Троице Боже нашъ, слава Тебѣ.

Да преизлишнее Твоея благодости покажеши, создала еси челоуѣка Троице недовѣдомая: токмо образъ брѣнный, Твоего начальнаго Содѣтелю Господства.

**Слава Отцу и Сыну и Святому Духу.**

Умъ безначальный, Слово съ присносущное родивъ, и Духъ собезначальный спросіявъ сподоби насъ единому Богу поклонятися, по существу сообразну и трисоставному.

*И нынѣ, и присно, и во вѣки вѣкомъ, аминь.*

Явися при купинѣ Моисѣови Божій Слове, яко огонь снѣдая, не опалѣя же отнюдъ: еже отъ Дѣвы прообразуя Твое воплощеніе, имъ же человѣки во образилъ еси.

*Пѣснь 3.*

*Ирмосъ.* Въ начатцѣ небеса, всесильнымъ Словомъ си, утвержеи Господи Спасе, и всетворящимъ Духомъ Божиимъ всю силу ихъ, на не движимомъ камени, исповѣданія Твоего утверди.

*Запѣвъ.* Иже единственаго и трисіяннаго, и вседѣтельнаго Тя Владыку воспѣвающе, грѣховъ и напастей просимъ избавленія, всесильнии Боже. Да не убо презриши, иже вѣрою Твою благодать славящихъ.

*Запѣвъ.* Стѣбель прозябѣ отъ Отца, яко отъ корене безначальна Богъ Слово и равноощенъ, со естѣственнымъ и Божѣственнымъ Духомъ. Сего ради вѣрнии, трійческими Лицы едино Господство славимъ.

*Слава.* Равно славою и соестѣственно, трисоставное естество, не разлучно и нераздѣльно, и единоначальную Троицу, вси Тя славословимъ вѣрнии: и поклоняющеся просимъ прегрѣшеніемъ прощенія.

*И нынѣ.* Не измѣнно человѣкомъ уподоблься по всему Божіи Слове, отъ Дѣвы чистыя пройде явѣ: и всѣмъ показалъ еси Богоначаліе трисіянное и единственное существо, не измѣнныхъ ипостасей.

Господи помилуй (*трижды*).

*Съдаленъ, гласъ 7.*

Помилуй Троице Святая, согрѣшившія рабы Своя. Пріими же кающихся Тебѣ благоутробне, и прощенію сподоби.

*Слава, и нынѣ. Богородиченъ.*

Озлѣбленныя душі наши грѣхами, ублажи пречістая Богородице, и избави отъ согрѣшеніи, иже Тебѣ поющихъ Богоневѣсто.

*Пѣснь 4.*

*Ирмосъ.* Отча нѣдра не оставль, сошедъ на землю Христе Боже, тайну услышавъ смотренія Твоего, и прославихъ Тя Человѣколюбче.

*Запѣвъ.* Содержительная трисвѣтлая Единице, Богоначальная и спасительная всѣхъ, Твоя пѣвцы нынѣ соблюди и спаси, отъ печалей и страстей, и всякія тѣсноты.

*Запѣвъ.* На знаменательныхъ вѣщаніи, Твоего не постижимаго трисвѣтлаго Божества, не довѣдаяще воспѣваемъ Тя Человѣколюбче Господи, и прославляемъ Твою силу.

*Слава.* На земли яко на небесѣхъ съ безплѣтными лики, нераздѣльно Тя раздѣляемъ, и любовію славимъ, Единице Троице, яко сущими всѣми владычествующу.

*И нынѣ.* Отчія славы не отступль, снѣде волею Пресущныи, къ нашей хѣдости, воплощся: и насъ вознесль еси къ Божѣственной славѣ яко Милосердъ.

*Пѣснь 5.*

*Ирмосъ.* Нощъ не свѣтла невѣрнымъ, вѣрнымъ же просвѣщеніе въ пищи словесъ Ти. И сего ради къ Тебѣ утренюю, и воспѣваю Твое Божество.

*Запѣвъ.* Свѣтоначальное естество Троице Лицы, и единице во свѣтѣ и славѣ и силѣ, утверди насъ во Своей любви (2 раза).

*Слава.* Умъ, и Слово, и Духъ, едино Богоначальное и трисолнечное Естество славяще, просимъ избавитися искушеніи, и всякія скорби.

*И нынѣ.* Воображъся Божій Слове, въ естество человѣческое, отъ святыя Дѣвы, Троицу во единствѣ научи пѣти, сообразну и сопрестольну.

*Пѣснь 6.*

*Ирмосъ.* Плавающаго въ мѡлвѣ житейскихъ суети, и съ кораблѣмъ потопляема грѣхи, и душетлѣнну звѣрю примѣтаема, яко Іону Христе вопіюща, отъ смѣртныя глубины возведи мя.

*Запѣвъ.* Единослѣвную державу, и единоначальное Богоначаліе, тремі составми суще не премѣннѣ, другъ съ другомъ славимъ: различіе имуще точію, бытіемъ коихждо свойствъ (2 раза).

*Слава.* Умніи Тя чинове ангельскихъ красѡтъ, хвалѣтъ трисолнечное Богоначаліе. Съ ними же и мы бренными усты, яко творительну всѣхъ Едину поѣмъ, и вѣрно славимъ.

*И нынѣ.* Не изглаголаннѣмъ Словомъ, Слово рождышееся отъ Солнца Отца, другое Солнце Превѣчное, отъ Дѣвы же на послѣдокъ восія, и единаго трисолнечнаго недовѣдомаго Бога проповѣда.

Господи помилуй (трижды).

*Съдаленъ, гласъ 7.*

Троице составми, Единице пресущная, неприступная, помилуй ихъ же созда, поपालяющи злобы душъ нашихъ. И просвѣщающи сердца воспѣвающихъ Тя, и славящихъ благоутрѡбіе Твое, Боже

нашъ слава Тебѣ.

*Слава, и нынѣ. Богородиченъ.*

Огня свѣтлѣйши, и свѣта дѣйственѣйши, милость благодати Твоея Владычице, попадающе грѣхи челоуѣкомъ, и просвѣщающе сердца, воспѣвающихъ величія Ти Богоблагодатная.

*Пѣснь 7.*

*Ирмосъ.* Иже въ пещь о́гнену ввержени преподобнии о́троцы, огонь на хладъ преложше, воспѣваніемъ сице пояху, благословенъ еси Господи Боже Отецъ нашихъ.

*Запѣвъ.* Свѣтолучными блистаніи присно сіяя, трисвѣте Боже, Единице неприступная и пресущная, спаси Владыко иже въ Тя вѣрующыя благочестно, и поклоняющихся Ти.

*Запѣвъ.* Глаголомъ божественныхъ пророкъ повинующеся, единаго Тя то́чію Бога всяческихъ славимъ, въ три Лица: сице вопіюще, благословенъ еси Господи Боже Отецъ нашихъ.

*Слава.* Брѣнными устнами мы не вещественныхъ чинѣвъ пѣсньми, Троице Святая Тя поемъ, во единствѣ существа, вопіюще, благословенъ еси Господи Боже Отецъ нашихъ.

*И нынѣ.* Да иже создавыи челоуѣка обновитъ паки, изъ Тебѣ Пречистая вочелоуѣчися, явѣ челоуѣки обоживъ, сице вопіющія, благословенъ еси Господи Боже Отецъ нашихъ.

*Пѣснь 8.*

*Ирмосъ.* Не опальна огнемъ въ Синѣи причащшаяся купина́ Бога показа, медленозы́чну гугніву Моисеови: дѣти рвеніемъ Божимъ вмѣтаемая во о́гнь пѣвцы показа, вся дѣла Господня Господа пойте, и превозносите Его во вѣки.

*Запѣвъ.* Держиши вся Троице еди́нственная, гос-

подоначальная безначальная, и прѣвиши небо и зѣмлю. Тѣмъ же мя любóвию Твоею распалаема присно сохрани, зовуща: вся дѣла Господня Господа пойте, и превозносите Его во вѣки.

*Запѣвъ.* Солнечными лучами трисіянными и свѣтодательными, озарятися сподóби поющихъ Тя сердца, едїнице Троице, и нынѣ зрѣти доброту Твою, яко достижно даруй всегда, и со ангелы вопїти, вся дѣла Господня Господа пойте, и превозносите Его во вѣки.

*Благословимъ Отца и Сына и Святаго Духа, Господа.*

Церковь мя сотвори зарї Твоея трисвѣтлыя, Благодателю Человѣколюбче, и причастїя и прїобщенїя не приступна врагóмъ невидимымъ, и плотскимъ страстемъ яви Владыко, единачальный Боже мой и Господи славы: пѣснословити Тя сподóби теплѣ во вся вѣки.

*И нынѣ.* Свѣтъ Богоначальный отъ чрева Ти восїявъ, Дѣво Мати Пречистая, весь мїръ трисóлнечнымъ Свѣтомъ озарї, и землю якоже другое небо показá поющимъ, вся дѣла Господня Господа пойте, и превозносите Его во вѣки.

*Пѣснь 9.*

*Ирмось.* Мати Богу и Дѣва, ражаючи и дѣвствующи паки, не естествоно дѣло, но Бóжіе схожденіе. Тѣмъ яко Едину, Божїихъ чюдесъ сподóбльшуюся, присно величаемъ.

*Запѣвъ, поклонъ.* Высокогласїти и пѣти Тя достойно, не можемъ брении, Его же въ вышнихъ непрестанно Серафїми воспѣвають. Обаче яко Владыку всяческимъ дерзающе поемъ, и яко Человѣколюбца Бога величаемъ.

*Запѣвъ.* Тѣлесныя болѣзни избави, и душѣвнаго



## Канонъ Осмаго гласа

пристрастія, вѣрныя пѣвцы Своя, единственная Троице нераздѣльная, и блюсти́ся и сохранити́ся невредимымъ, отъ всѣхъ житейскихъ искушениі сподоби.

**Слава.** Равносильна Богоначальная, трисвѣтлая всеильная Державо, неизмѣнная доброто существеныя благодати, даждь прегрѣшеніемъ разрѣшеніе Твоимъ рабомъ, и напастей и страстей избавленіе.

**И нынѣ.** Умъ и душу, и плотское смѣшеніе приѣмъ Богомати, отъ твоихъ ложеснъ пречистыхъ Богъ Слово, во истину Человѣкъ явися, и Божественаго существа, причастника человѣка явѣ содѣла.



## КАНОНЪ ОСМАГО ГЛАСА

### Пѣснь 1.

**Ирмосъ.** Вооружена фараона погрузи, чудо творяи древле, моисейскіи жезлъ крестообразно прорази, и раздѣли море, Израиля же бѣжаща, пѣша ходяща спасе, пѣснь Богови возсылающа.

**Запѣвъ.** Пресвятая Троице Боже нашъ, слава Тебѣ (поклонъ).

Трисолнечному Царю и Строителю, и Промысленику всему, и благому единому естествомъ сущу, и единьствену имущу Божества славу богоначальну, припадаемъ пѣніе трисвятое поюще.

**Запѣвъ.** Пресвятая Троице Боже нашъ, слава Тебѣ.

Реченія божественая, и пророчествія яже свыше поминающе явѣ, богоначальное Естество, единьственное славимъ, присносущно и собезначално, въ тріехъ лицѣхъ, Отцу и Сыну и Духу вседѣтельному

и всесильному.

*Слава Отцу и Сыну и Святому Духу.*

Священнотайникъ Авраамъ бывъ, священнообра́зно прежде Творца всѣхъ Бога и Господа, три въ составѣхъ пріятъ радуяся, и тріехъ ипостасѣхъ державу еди́нственую разумѣ.

*И нынѣ, и присно, и во вѣки вѣкомъ, аминь.*

Неискусобратно Христа родила еси, иже по насъ, насъ ради непремѣнна естествомъ пречистая, и непреложна во обоихъ пребывша: Его же моли непрестанно, грѣхомъ ми и напáстемъ даровати избавленіе.

### *Пѣснь 3.*

*Ирмосъ.* Утвержеи небеса́ въ нача́тцѣ разумомъ, и землю на вода́хъ основа́выи, на ка́мени мя Христе церко́внѣмъ утверди, яко нѣсть свѣта, паче Тебѣ Человѣколюбче.

*Запѣвъ.* Тебѣ непристѣпнаго Бога, и Царя славы, на Престолѣ Исаія видѣ высо́цѣ, Херувимы и Серафимы славяща непрестанными пѣніи, едино начало трисоставное.

*Запѣвъ.* Единого отъ Отца яко отъ ума, рождѣнаго Слова, и Духъ происходящъ неизглаго́ланно, послѣдованными помышленіи, и писательными учении пріемше, единого Бога трисолнечнаго чтѣмъ.

*Слава.* Сынъ не рождѣнный Отецъ, и Своего существа́ сіяніе родивъ нетлѣнно Сына, Свѣтъ отъ Свѣта: исходнѣ предлагаетъ со естѣственныи свѣтъ Духъ, вседѣтеленъ и единочѣстенъ.

*И нынѣ.* Храмъ явила́ся еси чистъ, Дѣво Мати Ма́ріе, иже всяческая всесильно и премудро составляшаго Христа, и вчинивша и носящаго, Его же милостива сотвори ми, Матерьними си молитвами.

Господи помилуй (*трижды*).

*Стъдаленъ, гласъ 8.*

Трисолнечнаго и честнаго Богоначалія силу, вѣрній воспоёмъ, яко мановѣніемъ единымъ вся постави, яже выше ликостоянія ангельская, и яже нѣзу службоначалія цѣрквамъ, еже звати Святъ Святъ Святъ Еси Боже преблагіи, слава и пѣніе державѣ Твоей.

*Слава, и нынѣ. Богородиченъ.*

Иже непремѣннаго Бога рождышая, премѣняемое ми прѣсно сердце мое, грѣхомъ и лѣбностію, прилогми льстиваго, яко Блага утверди, молитвами Ти Матерьними: яко да и азъ благодарно зову Ти, Богородителнице Маріе, помилуй стадо Твое, еже стяжа Всенепорочная.

*Пѣснь 4.*

*Ирмосъ.* Ты ми Христе Господь, Ты же и сила ми, Ты ми Богъ, Ты ми радованіе, не оставль нѣдра Отча, но милостию си, нашу нищету посѣтивъ. Тѣмъ съ пророкомъ Аввакумомъ зову, силѣ Твоей слава Человѣколюбче.

*Запѣвъ.* Востокъ явльшися Божества, сущимъ во тмѣ всѣмъ, разори не свѣтлую ночь страстей. И правды Солнце восія: просто убо по существу трисвѣтло же лицы, воспѣваемо и славимо.

*Запѣвъ.* Серафимскими усты воспѣваемаго, бранными усты славимъ: единствена и троична Господа славы, естествомъ и составми, вопіюще Ти всѣхъ Царю, Своимъ рабомъ подаждь различнымъ согрѣшеніемъ прощеніе.

*Слава.* Содержительная всѣмъ сущимъ невидимая, всещѣдрая, благосѣрдая, человѣколюбивая Троице, честная и богоначальная, не остави мене Твоего

раба до конца, ни же разруши́, иже положи Своимъ рабомъ завѣтъ, за неизречѣнную милость.

**И нынѣ.** Красную Тя Всечистая, едину обрѣтъ о́тъ вѣка, Яковлю добро́ту, вседѣтельное и богоначальное слово, и вселіся въ Тя, всё обнови чело́вѣческое существо. Его же моли непрестанно, о́тъ всякія избавити мя скорби.

*Пѣснь 5.*

**Ирмосъ.** Вскую мя отрину, о́тъ лица Твоего Свѣте незаходяи, покрыла мя есть, чужая тма окаяннаго: но обрати мя, и къ свѣту заповѣдей Ти пути моя направи молютися.

**Запѣвъ.** Съ присносу́щна три лица славимъ, единого же Господа, Тя божественое естество, раздѣляюще просто и совокупляюще, и вѣрно вопіемъ, единоначальная Троице Святая, Твоя рабы избави о́тъ печали.

**Запѣвъ.** Рыдаю зѣлнѣ за немощь ума моего, како не хотя стражду́, не вольное воистину измѣненіе. Сего ради вопію, живоначальная Троице Святая, въ стояніи мя добрыхъ учини.

**Слава.** Дреманиемъ отягчена́ мя грѣховнымъ, и внесена́ къ смертному сну, яко чело́вѣколюбивая и преблагая, и всемилостивая богоначальная Троице Святая, ущѣдри и воздвигни мя.

**И нынѣ.** Мати Дѣво Отроковице пречистая, всепорочная, богора́дованная, Твоими молитвами, Сына Своего Бога и Господа милостива сотвори мнѣ, и страстѣй прегрѣшеніи, Твоего раба избави вскорѣ.

*Пѣснь 6.*

**Ирмосъ.** Очи́сти мя Спасе многа бо беззаконія моя, и изъ глубины золь возведи мя молюся, къ Тебѣ бо возвахъ и

услыша мя Боже спасенія моего.

*Запѣвъ.* Небесныхъ умовъ чиноначалию подобящесе, единоначальная всѣхъ Троице пресущная, трисвятными пѣсньми Тя пѣснословимъ, бренными нашими усты.

*Запѣвъ.* Иже по Образу Своему челоуѣка создавшему, и отъ несущихъ всего премудрѣ составльшему, Богу трисоставному поклоняюся, и чту и пою и величаю Тя.

*Слава.* Вседержителю Боже, и единый недовѣдомый, вселися въ мя за не изреченную милость, трисолнечный Владыко, озари мя и вразуми, яко Благоутробенъ.

*И нынѣ.* Храмъ показася Богу невмѣстимому Всенепорочная, храмъ и мене покажи того благодати божественныя, Всесвятая Владычице Твоими мольбами, и соблюди невредима.

Господи помилуй (*трижды*).

*Стѣдаленъ, гласъ 8.*

Отца безначальна вѣрній, и Сына собезначальна, и Духа божественаго, воистину исповѣдаемъ, несмѣсну непреложну и нераздѣльну Троицу, прѣсту Святу и соестественую, пѣснословяще со ангелы, Святъ Еси Отче и Сыне съ Духомъ всесвятымъ и честнымъ, помилуй ихъ же создалъ еси по образу Своему Владыко.

*Слава, и нынѣ. Богородиченъ.*

Благодаримъ Тя присно Дѣво Богородице, и величаемъ вѣрно и поклоняемся, воспѣвающе рождество Твое Обрадованная, вопіемъ непрестанно, спаси насъ Дѣво всемилостивая яко Блага, и бѣсовскаго исхити сопрѣнія страшнаго, въ часъ испытанія, да

непосрамлени будемъ раби Твои.

*Пѣснь 7.*

*Ирмосъ.* Божія схожденія, огонь устыдѣся въ Вавилонѣ дрѣвле, сего ради о́троцы въ пещи радованною ногою, яко во свѣте ликоваху поюще, благословенъ Богъ Отецъ нашихъ.

*Запѣвъ.* Премудростію неизглаголанною Ти, и пучиною благодати, туне Твоего раба помилованна покажи мя, и нынѣ яко же дрѣвле изми и избави Троице еди́нице Боже, отъ грѣховъ и страстей (2 раза).

*Слава.* Уме, не рождѣнный Отче, и Слово рождше-еся отъ Него, и Душе Божественный, непрестанно исходенъ сыи: Боже единоначальне, и трисолнечне пою Тебѣ, благословенъ Богъ Отецъ нашихъ.

*И нынѣ.* Умертвѣхся грѣховнымъ ядомъ и падъ, и притекаю къ Тебѣ вѣрою Пречистая, рождшей Начальника жизни, Твоими молитвами раба Своего оживи, и отъ напастей и страстей избави, едина Чистая.

*Пѣснь 8.*

*Ирмосъ.* Сѣдмь седмицею пещь, халдѣйскій мучитель, богочестивымъ люте разжжѣ. Силою же лучшею спасѣныхъ видѣвъ, Творцу и Избавителю вопіаше, дѣти благословите, священниі воспойте людіе, и превозносите Его во вѣки.

*Запѣвъ.* Свѣтъ сыи незаходимъ, трисіянень и трисолнечный, и единоначалень, и единодержавень, простъ, Троице пресущная, и вседержителю Господи, нынѣ темное и омрачѣное ми сердце озаріи, и покажи свѣтозарно и свѣтоносно, пѣти Тя и славити вѣрно во вся вѣки.

*Запѣвъ.* Священными крылы, Серафими божес-

твеніи, лица и ноги благоговѣйно покрываютъ, славы нетерпяще, недомысленныя доброты Твоея, богоначальная, единоначальная, безначальная Троице Пресвятая. Обаче мы воспѣвати Тя дерзаемъ, и славити во вся вѣки.

**Благословимъ Отца и Сына и Святаго Духа, Господа.**

Господоначальную безначальную, всеильную и всеблагую, совершеноначальную благодательную, безпредѣльну, вину неповинную, творительную, присносущную, промысленую, и спасительную всѣхъ, и Единицу по существу, и Троицу лицы, славлю Тя Боже мой вѣрно, во вся вѣки.

**И нынѣ.** На земли восія невечернее Солнце, иже отъ твоего дѣвическаго рожества Пречистая Владычице, и человѣки премѣни, отъ идольскаго и лукаваго тѣмнаго гнѣва. Тѣмъ же и нынѣ мя паче того Богоначалія озари лучами, и соблюди Своего раба.

**Пѣснь 9.**

**Ирмосъ.** Удивися убо о семъ небо, и земли ужасошася концы, яко Богъ явіся человѣкомъ плотію: чрево же Твое бысть пространнее небесъ. Тѣмъ Тя Богородице, ангель и человѣкъ чиноначалія величаемъ.

**Запѣвъ, поклонъ.** Всяческихъ Царя, и Вседѣтельную, преначальное естество, прелѣтное живоначаліе, благоутробную, человѣколюбную благую, безначальную Троицу, Тя нынѣ славословимъ грѣшніи, прощеніе просяще, мірови смиреніе, и церквамъ единомысліе (2 раза).

**Слава.** Едино господство трисіяное, единственное Богоначаліе трисолнечное, пѣвцы пріими Твоя благоподобно, и прегрѣшеніи избави, и напастей,

## Воскресные каноны на Полунощницѣ

и злыхъ начинаніи: и вскорѣ миръ подаждь челоуѣколюбно, и церквамъ соединеніе.

**И нынѣ.** Во чрево Дѣвице Христе Спасе мой вселься, и явился еси міру Своему, богомужно, непреложно, несліянно воистину, и обѣщася всегда съ Твоими рабы быти явѣ, тѣмъ же Тебѣ рождышія молитвами, миръ церкви Твоей устрой.





## ВОСКРЕСНЫЕ КАНОНЫ НА УТРЕНИ

### КАНОНЫ ПЕРВАГО ГЛАСА

#### *Канонъ воскресный*

*Пѣснь 1. Ирмосъ.* Твоя побѣдительная десница, боголѣпно въ крѣпости прославися, та бо безсмертне всемогущи, противныя сотрѣ, израильтяномъ путь глубины обнѣвльши.

*Запѣвъ.* Слава Господи воскресенію Твоему (*поклонъ*).

Рукама пречистыма, отъ персти боголѣпно испѣрва создавъ мя, руцѣ распростерлъ еси на Кресте, отъ земли взывая тлѣнное ми тѣло, еже отъ Дѣвы воспріять.

*Запѣвъ.* Слава Господи воскресенію Твоему.

Умерщвеніе пріять мене ради, и душу смерти предаде, иже вдохновеніемъ божественымъ душу ми вложивъ, и отрѣшивъ вѣчныхъ узъ. И совоскресивъ, нетлѣніемъ прослави.

*Богородиченъ.* Пресвятая Госпоже Богородице, спаси насъ.

Радуися благодати источниче, радуися лѣствице и двери небесная, радуйся свѣщниче и ручко золата, и горó несѣкомая, яже Жизнодавца Христа мірови родила еси.

#### *Канонъ крестовоскресный*

*Запѣвъ.* Слава Господи Кресту Твоему и воскресенію (*поклонъ*).

Богъ обожаетъ мя воплощаяся, Богъ мя возноситъ смиряся. Богъ безстрастна мя творить, страждá Жизнодавецъ естествомъ плоти. Тѣмъ же воспою радостию пѣснь, яко прославися.

*Запѣвъ.* Слава Господи Кресту Твоему и воскресенію.

Христосъ воздвѣже мя распинаемъ. Христосъ вос-

креси́ мя умерщвляемъ. Христосъ жизнь ми даруетъ. Тѣмъ же съ веселіемъ рукама плещу́, воспѣвая Спасу побѣдную пѣснь, яко прославися.

*Богородиченъ.* Пресвятая Госпоже Богородице, спаси насъ.

Бога Дѣвице зачала́ еси, Христа же въ дѣвствѣ родила́ еси, изъ Тебѣ воплощшася Пречистая, Единого составомъ Единородна, во двою существу знаемаго Сына, яко прославися.

*Канонъ Пресвятѣй Богородицѣ*

*Запѣвъ.* Пресвятая Госпоже Богородице, спаси насъ (поклонъ).

Кую Тебѣ достойную пѣснь, наше принесетъ неможѣніе, то́чию обрадованную. Ею же Гавріилъ насъ тайно научи, радуйся Богородице Дѣво Мати безневѣстная.

*Слава Отцу и Сыну и Святому Духу.*

Присно Дѣвѣ, и Матери Царя вышнихъ силъ, отъ чиста сердца духовнѣ вѣрніи возопіемъ, радуйся Богородице Дѣво Мати безневѣстная.

*И нынѣ и присно и во вѣки вѣкомъ, аминь.*

Неискусна бездна Твоего непостижимаго рожества Всечыстая, вѣрою несумѣнною убо, чисте приносимъ Ти глаголюще, радуйся Богородице Дѣво Мати безневѣстная.

*Катавасія.* Отверзу уста моя, и наполнятся Духа, и слово отрыгну Царицѣ Матерѣ, и явлюся свѣтло торжествуя, и воспою радуясь Тоя чудеса.

*Канонъ воскресный*

*Пѣснь 3. Ирмосъ.* Единъ свѣдѣи челоуѣческаго существа неможѣніе, и мѣлостивно въ не обѣлкъся, препояши мя свѣше силою, воспѣвати Тебѣ Святыи, церкви одушевлѣная, неиз-

речѣнныя Ти славы Человѣколюбче.

*Запѣвъ.* Богъ сыи мнѣ Блаже, падша ущѣдрилъ еси, и снѣти ко мнѣ благоизволивъ, распятіемъ же воздвѣже мя, вопіти Ти Святыи: иже славы Господь неизмѣнный благагоу.

*Запѣвъ.* Животъ составенъ Христе сыи, истлѣвша мя яко милостивъ Богъ въ мя обѣлкъся, въ персть смерти сошѣдъ Владыко, смерти державу разрушилъ еси, и мертвъ тридневно воскресе, въ нетлѣніе мя облече.

*Богородиченъ.* Бога зачѣнши во утробѣ Дѣвице, Духомъ убо Пресвятымъ пребысть неопалима, зане Тя купину законодавцу Моисею, палиму и нежегому явѣ прѣже возвѣсти, приѣмшую огнь непостоянный.

*Канонъ крестовоскресный*

*Запѣвъ.* Иже на Свое рамо заблуждышее овча взѣмшему, и низлѣжышему древомъ прегрѣшенія его, Христу Богу возопіемъ, воздвигнувши рогъ нашъ Святъ Еси Господи.

*Запѣвъ.* Возведшему пастыря великаго изъ ада Христа, и святительствомъ его апостолы, мудрѣ языки упасшему, истиною и Божественнымъ Духомъ вѣрніи да послужимъ.

*Богородиченъ.* Иже отъ Дѣвы воплощенному безъ сѣмене волею Христу, и рѣждышую по рождествѣ божественною силою, чистую Дѣву сохраншу, иже надо всѣми Богу, Святъ Еси Господи возопіемъ.

*Канонъ Пресвятѣй Богородицѣ*

*Запѣвъ.* Облакъ Тя легкой нелѣжно Дѣво именуемъ, пророческими наставляеми глаголми: пріиде убо на Тя Господь, разорити египетскія льсти рукотворенія, и просвѣтити симъ служащія.

**Слава.** Облакъ Тя легкій...

**И нынѣ.** Тя запечатлѣнную воистину, и заключѣную источнику дверь, ликъ пророческій наречѣ, дѣвства Твоего Всепѣтая, издалѣча образы намъ пишуца Тя. Юже соблюде и по рожествѣ.

**Катавасія.** Твоя пѣвцы Богородице, живыи нетлѣнія истóчнице, ликъ Себѣ совокупльши духóвень утверди, и въ божественнѣй Ти славѣ вѣнцемъ Славы сподóби.

Господи помилуй (*трижды*). **Слава, и нынѣ.**

*(Въ воскресеніе по 3-й пѣсни читаются кондаки, ихъ икосы, потомъ стѣдальны; святыхъ или праздниковъ, изъ Меньи).*

#### *Канонъ воскресный*

**Пѣснь 4. Ирмосъ.** Гору Тя благодатию Божию пріосѣнну, прозорливыма Авва́кумъ усмотривъ очима, изъ Тебѣ изыти хотяща Израилю, провозглашаше святаго, на спасеніе наше и обновленіе.

**Запѣвъ.** Кто сей Спасъ, иже изъ Едома приходя, вѣнецъ нося терновень, очервленіе ризное имыи, на древѣ висимъ; Той Израилю убо есть Святыи, на спасеніе наше и обновленіе.

**Запѣвъ.** Видите людіе непокоривіи, и стыдїтеся. Его же бо яко злодѣя вы вознесóсте на Крестъ; у Пилата испросїсте умовредно велѣніе. Сей смерти разрушивъ силу, боголѣпно воскресе изъ гроба.

**Богородичень.** Древо Тя Дѣвице жизни свѣмы, неснѣдѣнъ бо плодъ смерть носящъ, человѣкомъ изъ Тебѣ прозябѣ; но и животу присносущному наслажденіе, на спасеніе наше и обновленіе.

#### *Канонъ крестовоскресный*

**Запѣвъ.** Кто Сей красенъ изъ Едома, и Сего очервленіе ризное, отъ винограда восóрьска, красенъ яко Богъ, яко

## Каноны Перваго гласа

зѣмень же кровію, плоти одѣяніе червлѣное нося, Ему же поемъ вѣрніи, слава силѣ Твоей Господи.

*Запѣвъ.* Христось будущихъ благъ явлься Первосвятитель, прегрѣшенія намъ отгналъ естъ, обнóвь страненъ путь Своею кровію, въ лучшую же и совершенѣйшу внїде сѣнь, Предотѣча нашъ во Святая.

*Запѣвъ.* Якоже рекъ въ третій день Христе воскреслъ еси отъ гроба, составная истино, разорѣную бо церковь Своего тѣлесѣ, яко Содетель обновилъ еси, нетлѣбныи же яко Богъ, явлься и человѣкъ Нетлѣбненъ.

*Богородиченъ.* Еввинъ древніи долгъ, испросила еси Препѣтая, иже насъ ради явльшагося нóваго Адама; соединивъ бо Себе Твоимъ зачатіемъ, плоть мысленую и одушевлѣную, изъ Тебѣ прóйде Христось, единъ сугубъ совершѣніемъ.

### *Канонъ Пресвятѣй Богородици*

*Запѣвъ.* Слыши чудесь небо, и внушай землѣ, яко дщи Адама пѣрстнаго, падшаго, Богу наречѣна бысть, и Своему Содѣтелю родителница, на спасеніе наше и возваніе.

*Слава.* Слыши чудесь небо...

*Инынѣ.* Поемъ великое и страшное Твое таинство, премирныхъ бо утайвся чиновачальникъ, на Тя сѣи сниде яко дождь на руно́ Всепѣтая, на спасеніе наше и обновленіе.

*Катавасія.* Съдяи во славѣ на престолѣ божественнѣ на облацѣ легцѣ приїде Исусъ пребожественныи отъ Пречїстыя Дѣвы, и спасѣ вопіющія, слава Христе силѣ Твоей.

### *Канонъ воскресный*

*Пѣснь 5. Ирмосъ.* Просвѣщенъ сіяніемъ пришествія

Твоего Христе, и уяснивъ крестомъ Своимъ мірскія концы, сердца просвѣти свѣтомъ Твоего богоразумія, православно хвалящихъ Тя.

*Запѣвъ.* Пастыря овцамъ великаго Господа, іудее древомъ крестнымъ умертвиша. Но Самъ, яко овцы мертвыя во адѣ погребеныя, державы смертныя избáви.

*Запѣвъ.* Крестомъ Своимъ смиреніе благовѣстивъ, и проповѣдалъ еси Спасе мой, плѣненнымъ оставленіе; держащаго же посрами Христе, на́га и обнищавша показáлъ еси, божественымъ си востаніемъ.

*Богородиченъ.* Прошенія вѣрно просящимъ всепѣтая не прѣзри, но приими, и сія доношáй Сыну Своему Пречистая, Богу единому Благодателю. Тебѣ бо предстательницу стяжахомъ.

*Канонъ крестовоскресный*

*Запѣвъ.* О богатство, и глубино мудрости Божія, объѣмля премудрыя Господь; отъ коварьства бо ихъ избавилъ ны есть. Пострадавъ бо волею немощію плотскою, Своею крѣпостію оживляя мертвецы воскреслъ есть.

*Запѣвъ.* Богъ сый примѣшается плоти насъ ради и распинается и умираетъ, и погребѣнъ бываетъ, и абіе воскресаетъ. И восходитъ свѣтло съ плотію Своею Христось, ко Отцу. Съ нею же приидетъ, и спасетъ, благочестно Тому послужившихъ.

*Богородиченъ.* Святыхъ Святая Дѣво чистая, Святыхъ Святаго родила́ еси, всяческая освящающаго Христа Избавителя. Тѣмъ же Тя Царицу и Владычицу всѣхъ, яко Матерь Зиждителя тваремъ проповѣдуемъ.

*Канонъ Пресвятый Богородицѣ*

*Запѣвъ.* Веселятся небесныя силы зряще Тя, радуются съ ними и человѣческая составленія; ибо рождествомъ Твоимъ совокупѣшася Дѣво Богородице, еже достойно славимъ.

*Слава.* Славится пѣснь всякая премудрыхъ, и похвальная Дѣвѣи Матери Божіи приносимая; ибо Сія храмъ бысть славы пребожественныя, юже достойно славимъ.

*И нынѣ.* Да движится всякъ языкъ человѣческой и мысль, къ похвалѣ́ человѣческаго воистину удобренія, Дѣвая бо прїиде явѣственно, сла́влящи вѣрою сея воспѣва́ющихъ чудеса.

*Катавасія.* Удивѣшася всяческая о божественнѣи́й славѣ Твоей, Ты бо, браконейску́мая Дѣвице, прїять во утробѣ́ надо всѣми сущаго Бога, и родила́ еси безлѣтнаго Сына, всѣмъ воспѣва́ющимъ Тя миръ подава́юща.

*Канонъ воскресный*

*Пѣснь 6. Ирмосъ.* Обы́де насъ послѣдняя бѣздна, нѣсть избавляющаго, вмѣ́нихомся яко овца́ на заколеніе. Спаси люди Своя Боже нашъ, Ты бо крѣпость немощнымъ и исправленіе.

*Запѣвъ.* Согрѣшеніемъ первозданнаго, лютѣ́ уязвѣ́хомся, раною же Твоею Господи исцѣлѣ́хомъ, еюже за ны уязвленъ бысть Христе. Ты бо крѣпость немощнымъ еси и исправленіе.

*Запѣвъ.* Возвелъ ны еси изъ ада Господи, кѣ́та пуста сотвори́, всеядца всесилне, Своею державою разрушивъ силу его; Ты бо животъ Еси и свѣтъ и воскресеніе.

*Богородиченъ.* Веселятся о Тебѣ́ Дѣво пречистая, рода нашего пра́дѣди, Едема воспріемши Тобою, его же преступленіемъ погуби́ша, Ты бо чиста и прежде рожества, и по рожестве еси.

*Канонъ крестовоскресный*

*Запѣвъ.* Умъ Сый безстрастенъ и невещественъ, примѣшается Христось Богъ уму чловѣческому, ходатайствующу Божественымъ естествомъ, дебельствомъ плоти, и весь мнѣ преложень, весь примѣсися, да спасеніе ми падшему весма подасть распинаемъ.

*Запѣвъ.* Падъ прельщенъ Адамъ и сокрушися, надежею солганъ бысть древле обоженія, но востаеть примѣшеніемъ Словесе обожаемъ. И страстію безстрастіе пріемлетъ, на престолѣ яко Сынъ славимъ, сѣдяи со Отцѣмъ и Духомъ.

*Богородиченъ.* Нѣдръ не отступль безначальна родителя, въ нѣдрѣхъ чистыя Отроковицы водворяется, и бываетъ безъ Матеренъ прежде, безъ Отца воплощаемъ, иже правдѣ царствуяи Христось. Сего не исчѣтенъ страшень родъ и не изреченень.

*Канонъ Пресвятѣй Богородицѣ*

*Запѣвъ.* Предстоятъ раболѣпно, рожеству Твоему чїнове небесній. Дивящися достойно Твоему безсѣменному рожеству, присно Дѣво. Ты бо чиста и прежде рожества и по рожествѣ еси.

*Слава.* Предстоятъ раболѣпно...

*И нынѣ.* Воплотися иже прежде сый безплотень, Слово изъ Тебе Всечистая, иже всяческая волею творяи. Иже безтѣлесныхъ воинства приведый отъ небытія, яко всеиленъ.

*Катавасія.* Божественное се и всечестное совершающе празднество, богомудреніи, Божія Матере, приидите руками восплещемъ, отъ нея рождышагося вѣрою славяще.

Господи помилуй (*трижды*).

*Слава, и нынѣ. Кондакъ, гласъ 1.*



Воскреслъ еси яко Богъ изъ гроба въ славѣ, и мѣръ совоскресилъ еси. И естество человѣческое, яко Бога воспѣваетъ Тя, и смерть исчезе, Адамъ же ликуетъ Владыко. Евва нынѣ отъ узъ свободяема, радуется зовуще, Ты еси иже всѣмъ подаѣ Христе воскресеніе.

*Икосъ.* Воскресшаго тридневно воспоемъ, яко Бога всеильна, и врата адова сокрушившаго, и иже отъ вѣка изъ гроба воздвигшаго, мѣроносицамъ явльшагося, якоже благоизволилъ есть, прежде симъ, еже радуйтесь рекій. И апостоломъ радость возвѣщаетъ, яко единъ токмо Жизнодавецъ сѣи. Тѣмъ же вѣрою жены ученикомъ знаменія побѣды благовѣствуютъ, и адъ стонетъ, и смерть рыдаетъ. Мѣръ же веселится, и вси съ нимъ радуются о Христовѣ воскресеніи. Ты бо подаеши Христе всѣмъ воскресеніе.

*Канонъ воскресный*

*Пѣснь 7. Ирмосъ.* Тебе Богородице мысленую пещь, разумѣемъ вѣрніи. Яко бо спасе три отроки превозносимыи, мѣра обновилъ есть, во чревѣ Ти весь совершенъ. Воспѣтый отцемъ Богъ и препрославленъ.

*Запѣвъ.* Убояся земля, и сокрыся солнце, и смѣрчеся свѣтъ. Раздрася церкви божественая опона, каменіе распадеся, на Крестѣ бо виситъ праведникъ. Воспѣтый отцемъ Богъ и препрославленъ.

*Запѣвъ.* Ты бысть яко безпомощенъ, и уязвенъ въ мертвецѣхъ волею насъ ради превозносимый, вся свободь и державною рукою совоскресилъ еси. Воспѣтый отцемъ Боже и препрославленъ.

*Богородиченъ.* Ручку злату, пречистую, трапѣзу божественаго хлѣба жизни, именуемъ Тя Чистая.

Мѣсто священія, престолъ высѡкъ, на немъ же Богъ почѣлъ есть, прехвальныи и превозносимыи во вѣки.

*Канонъ крестовоскресный*

*Запѣвъ.* Дрѣвле убо клятвена бысть земля. Авелевою очервленѣвшия кровію, братоубійственною рукою; боготѣчною же Твоею кровію благословися окроплена. И играючи поеть, благословенъ Богъ Отецъ нашихъ.

*Запѣвъ.* Да плачются богопротѣвнии людѣи іудейстїи, дерзости убїенія Христова, языцы же да веселятся и руками да восплещуть. И да вопіють, Отецъ нашихъ Боже благословенъ еси.

*Запѣвъ.* На Крестѣ пригвождься волею насъ ради Человѣколюбче, и праотца Адама рукописаніе растерзалъ еси. Тѣмъ же съ нимъ непрестанно поемъ, Отецъ нашихъ Боже благословенъ еси.

*Богородиченъ.* Тя Богородице лѣствицу Іаковъ пророчески разумѣваетъ, Тебѣ бо ради превозносимый на земли явїся, и съ человѣки поживѣ, яко же благоизволи, воспѣтыи отцемъ Боже благословенъ еси.

*Канонъ Пресвятѣй Богородицѣ*

*Запѣвъ.* Радуися Чистая, изъ Тебе прошѣдъ Пастырь, иже во Адамову кожу обѡлкся воистину. Превозносимый всего мя человѣка, за милосердіе непостїжно, воспѣтыи отцемъ Богъ благословенъ еси.

*Слава.* Радуися Чистая...

*И нынѣ.* Радуися источниче присноживыя воды. Радуися Раю пищныи. Радуися стѣна вѣрнымъ, радуися неискусобрачная. Радуися всемірная радости,

Ея же ради намъ восія, воспѣтый отцемъ Богъ, и препрославленъ.

*Катавасія.* Непослужиша твари богомудреніи паче Зиждителя, но огненное прещеніе мужески поправше, радовахуся поюще, препѣтый иже отцемъ Господь и Богъ, благословенъ еси.

*Канонъ воскресный*

*Пѣснь 8. Ирмосъ.* Въ печи дѣти израилевы, яко же въ горниль доброту благочестія, чистѣйше злата блещахуся, глаголюще, благословите вся дѣла Господа, и превозносите Его во вѣки.

*Запѣвъ.* Волею вся творя и потворяя же, обращаи сѣнь смѣртную въ вѣчную жизнь, страстію Твоею Слове Божіи, Тебѣ непрестанно вся дѣла яко Бога поють, и превозносятся во вѣки.

*Запѣвъ.* Ты разори сокрушеніе Христа, и окаяніе во вратѣхъ и во твердыни ада, воскресъ изъ гроба триднѣвно. Тебѣ присно вся дѣла яко Бога поють, и превозносятся во вѣки.

*Богородиченъ.* Иже безъ сѣмене и паче естества, отъ облистанія божественаго рождашася бисера многоцѣннаго Христа, воспоёмъ глаголюще, благословите вся дѣла Господа, пойте и превозносите Его во вѣки.

*Канонъ крестовоскресный*

*Запѣвъ.* Приидіте людіе поклонимся мѣсту, на немже стоястъ пречистей нозѣ, и на древѣ божественіи Христовѣ длани простершася, на спасеніе всѣмъ человѣкомъ, и гробъ животный обстояще поемъ, да благословитъ тварь всѣхъ Господа, и превозноситъ Его во вѣки.

*Запѣвъ.* Обличіся богоубицамъ іудеомъ законо-

преступное наважéние; его же бо лѣстьца нарекоша, воста яко силенъ, наругався безумныхъ печáтемъ; тѣмъ радующеса поемъ, да благословитъ тварь всякая Господа, и превозноситъ Его во вѣки.

*Пресвятая Троице Боже нашъ, слава Тебѣ.*

Три восвящéнихъ богослóвюще, единого господства славу, Серафими пречíстии со́ страхомъ раболѣпно, трисоставное славятъ Божество. Съ ними же и мы благочéстно воспѣваемъ, да благословитъ тварь всякая Господа, и превозноситъ Его во вѣки.

*Богородиченъ.* Древле Тя паче естества Аарóновъ жезлъ воображаше Дѣво; Ты бо едина родила́ еси, безъ пріобщенія мýжеска, иже цвѣты землю украси́вшего, тѣмъ же радующеса Богородицу Тя истинную вѣрнии славимъ, и превозносимъ во вся вѣки.

*Канонъ Пресвятѣй Богородицѣ*

*Запѣвъ.* Чертогъ свѣтовидный, изъ него же всѣхъ Владыка яко Женихъ произыде Христось. Воспѣваемъ Тя Дѣво глаголюще непрестанно, вся дѣла благословимъ и превозносимъ во вѣки.

*Благословимъ Отца и Сына и Святаго Духа, Господа.*

Чертогъ свѣтовидный...

*И нынѣ.* Радуйся престолу славный Божій, радуйся вѣрнымъ Стѣна́, ея же ради сущимъ во тмѣ, восія́ свѣтъ Христось, иже Тебѣ блажа́щимъ и вопію́щимъ, вся дѣла Господа пойте, и превозносите Его во вѣки.

Хвалимъ, благословимъ, кланяемся Господеви, поемъ и превозносимъ Его во вѣки.

*Катавасія.* Отроки благочестивыя въ пещи́ рождество

## Каноны Перваго гласа

Богородичо спасло́ есть, тогда убо образуемо, нынѣ же дѣйствиемо, вселенную всю воздвѣже пѣти, Господа воспѣвайте дѣла и превозносите Его во вѣки (*поклонѣ*).

*Пѣснь Богородицы.* Величитъ душа Моя Господа.

### *Канонъ воскресный*

*Пѣснь 9. Ирмосъ.* Образъ чистаго рожества Твоего, распала́ему купину́ яви не опали́му, и нынѣ на насъ напа́стей свирѣпѣющую пещь, угасити молимся; да Тя Богородицу непрестанно величаемъ.

*Запѣвъ, поклонѣ.* О како людіе беззаконніи и непокоривіи, лукавая совещавше, неправедника и нечестиваго оправдаша, Праведника же на древе осудиша, Господа суща славы Его же достойно величаемъ.

*Запѣвъ.* Спасе Агньче непорочне, иже міру грѣхи вземьи, Тебѣ славимъ воскресшего тридневно, со Отцемъ и Божественымъ Ти Духомъ, и Господа суща славы богословяще величаемъ.

*Богородиченъ.* Спаси люди Своя Господи, ихъ же стяжа́ честною си кровію, на враги крѣпость державѣ даруя. И цѣрквамъ Твоимъ Человѣколюбче подая миръ, Богородицы молитвами.

### *Канонъ крестовоскресный*

*Запѣвъ, поклонѣ.* Прославися неизреченною силою Твоею Крестъ твой Господи, Твое бо немощное паче силы всякая явися. Имъ же сильніи убо низложишася на землю, и нищии къ Небеси возводими бывають.

*Запѣвъ.* Умертвися мерзкая наша смерть, изъ мертвыхъ воскресеніемъ Ти. Ты бо явися сущимъ во адѣ Христе дарьствуя. Тѣмже Тя яко жизнь и воскресеніе, и свѣтъ въ составѣ поюще величаемъ.

*Богородиченъ.* Не изреченно Дѣвья тайнство: Та бо небо и престолъ херувимскіи, и свѣтоноснии чертогъ показася, Христа Бога Вседержителя. Ея же благочестно яко Богородицу величаемъ.

*Канонъ Пресвятѣй Богородицѣ*

*Запѣвъ, поклонъ.* Всякъ похвальный законъ побѣждается, Пречистая величествомъ Славы Твоея. Но о Владычице отъ рабъ Твоихъ недостойныхъ, отъ усердія иже Тебѣ приносимую приими Богородице, со благостию пѣснь.

*Слава.* Изъ корене Давыдова прозяблѣ еси, пророческаго и богоотческаго, но и Давыда яко воистину Ты прославила еси, яко рождыши пронареченаго Господа славы, Его же достойно славимъ.

*И нынѣ.* О паче ума чудесь Твоихъ, Ты бо Дѣва едина подъ солнцемъ, всѣмъ дала еси разумѣти новѣйшее чудо, Всечистая Твоего рожества недовѣдомаго: его же ради Тя вси величаемъ.

*Катавасія.* Всякъ зѣмень да възграется, Духомъ просвѣщаемъ, да ликовствуѣтъ же безплотныхъ умовъ естество, почитая святое торжество Божія Матерѣ, и да поетъ, радуися, преблаженная Богородице, чистая присно Дѣво.



## КАНОНЫ ВТОРАГО ГЛАСА

### *Канонъ воскресный*

*Пѣснь 1. Ирмосъ.* Во глубинѣ потопа древле, фараонѣтская вся воинства, преоружена сила. Воплощшееся Слово, преспѣющыя грѣхи потребилъ есть, преславныи Господь, яко прославися.

*Запѣвъ.* Слава Господи воскресенію Твоему (*поклонъ*).

Мірскіи князь блаже, ему же написахомся заповѣди Твоея непослушавше, Крестомъ Твоимъ осудися, прирази́ботися яко смертну, отпадѣже власти Твоея державою, и немощный обличися.

*Запѣвъ.* Слава Господи воскресенію Твоему.

Избавитель роду человѣческому, и нетлѣнному животу начальниче, въ міръ пришествовавъ; воскресеніемъ бо Своимъ, раздралъ еси смертныя пелены; еже славословимъ вси, славно бо прославися.

*Богородиченъ.* Пресвятая Госпоже Богородице, спаси насъ.

Превы́ши явися чистая присно Дѣво, всея видимыя и невидимыя твари. Зиждителя бо родила еси, яко благоизволи воплотитися во утробѣ Твоей. Его же со дерзновеніемъ моли, спасти ду́ша наша.

### *Канонъ крестовоскресный*

*Запѣвъ.* Слава Господи Кресту Твоему и воскресенію (*поклонъ*).

Сила немощнымъ, воскресеніе падшимъ, и нетлѣніе умершимъ бысть Христе, иже плотію страсть Твоя, юже прославляемъ.

*Запѣвъ.* Слава Господи Кресту Твоему и воскресенію.

Ущѣдривъ падшіи образъ, и обновивъ сокрушенныи, Содѣтель Богъ многомилостивъ, умертвився всѣхъ

оживѣ, яко прославися.

*Богородиченъ.* Пресвятая Госпоже Богородице, спаси насъ.

Чѣни ангельстїи рождеству Твоему паче естественому, слѣжатъ радующеся Чистая. Сихъ бо родила еси Бога и Господа.

*Канонъ Пресвятѣй Богородицѣ*

*Запѣвъ.* Пресвятая Госпоже Богородице, спаси насъ (поклонъ).

Невещественая дрѣвле лѣствица, и странно оледѣвшии путь моря, Твое сказаша рождество Чистая, еже поемъ Владычице вси: яко прославися.

*Слава Отцу и Сыну и Святому Духу.*

Сила вышняго составъ совершенъ, Божїя мудрость, воплощышися Чистая изъ Тебе, къ человѣкомъ приближися: яко прославися.

*И нынѣ и присно и во вѣки вѣкомъ, аминь.*

Пройде сквозѣ дверь непроходную, затворенная утробы Твоея, правды Солнце чистая, и мірови восїя: яко прославися.

*Катавасїя.* Отверзу уста моя, и наполнятся Духа, и слово отрыгну Царицѣ Матерѣ, и явлюся свѣтло торжествуя, и воспую радуясь Тоя чудеса.

*Канонъ воскресный*

*Пѣснь 3. Ирмосъ.* Процвѣла естъ пустыня яко кринъ Господи, язична не плодѣющая церковь пришествїемъ Ти, о ней же утвердися мое сердце.

*Запѣвъ.* Тварь въ страсти Твоей измѣняшеса, зрящи Тя въ нищетнѣ образѣ, беззаконники поругаема, иже основавшаго вся божественымъ мановенїемъ.

*Запѣвъ.* Отъ персти по образу мя рукою Своею создавъ Христе, и сокрушена же паки въ персти



смѣртней грѣхомъ, сошѣдъ во адъ совоскресилъ еси.

*Богородиченъ.* Чіни удивішася ангельстіи Пречистая, и человѣческая устрасішася сердца о рожестве Твоемъ. Тѣмъ же Тя Богородицу вѣрно чтемъ.

*Канонъ крестовоскресный*

*Запѣвъ.* Иже всѣхъ вышши Христось, умалися малымъ нѣчимъ ангельскаго естества, страстію плотскою.

*Запѣвъ.* Мертвъ со беззаконными вмѣнися Христе. Намъ же сіяя, красенъ добротою явіся воскресеніемъ.

*Канонъ Пресвятый Богородицѣ*

*Запѣвъ.* Иже времѣнь превыши всяческихъ, яко временомъ Творецъ, изъ Тебѣ Дѣво волею Младенецъ создася.

*Слава.* Иже времѣнь превыши...

*И нынѣ.* Чрево пространнѣйшее небесъ воспоемъ, его же ради Адамъ на небесѣхъ радуяся живетъ.

*Катавасія.* Твоя пѣвцы Богородице, живыи нетлѣнія источниче, ликъ Себѣ совокупльши духовенъ утверди, и въ божественнѣй Ти славѣ вѣнцемъ Славы сподоби.

Господи помилуй (*трижды*). *Слава, и нынѣ.*

*(Въ воскресеніе по 3-й пѣсни читаются кондаки, ихъ икосы, потомъ съдальны; святыхъ или праздниковъ, изъ Меньи).*

*Канонъ воскресный*

*Пѣснь 4. Ирмосъ.* Пришествовавъ отъ Дѣвы не ходатай ни ангель. Но Ты Самъ Господи воплощся, и спасе всего мя человѣка. Тѣмъ вопію Ти слава силъ Твоей.

*Запѣвъ.* Предстоя Судищу, яко осужденъ Боже мой, не вопія Господи, но судъ износя языкомъ. Иже

страстію Своею Христе вселѣннѣй содѣя спасеніе.

*Запѣвъ.* Страстію Твоею Христе, врагу оружія оскудѣша: противнымъ же еже во адъ схожденіемъ Ти, гради разрушишася, и смерти держава разорѣна бысть.

*Богородиченъ.* Тя пристанище спасенію, и стѣну недвижиму, Богородице Владычице вси свѣмы. Ты бо молитвами си, отъ бѣдъ избавляеши душа наша.

*Канонъ крестовоскресный*

*Запѣвъ.* Видѣвши на древѣ Тя Христе пригвождѣна, яже яко Дѣва не болѣзнено Тя рождышая, матерски болѣзни терпяше.

*Запѣвъ.* Побѣдися смерть, мертвъ плѣняетъ адова врата, всеядцу бо разрушшуся, выше естества вся ми даруетъ.

*Канонъ Пресвятѣй Богородицѣ*

*Запѣвъ.* Се превознесѣя Божественая горá, храмъ Господень Богородица, превыше силъ явственѣ.

*Слава.* Се превознесѣя...

*И нынѣ.* Законъ естѣственныхъ кромѣ едина Дѣво рождыши, владущаго тварію: сподобися божѣстvena-го званія.

*Катавасія.* Седяи во славѣ на престолѣ божественно на облацѣ легцѣ пріиде Иисусъ пребожественныи отъ Пречистыя Дѣвы, и спасѣ вопіющія, слава Христе силѣ Твоей.

*Канонъ воскресный*

*Пѣснь 5. Ирмосъ.* Ходатай Богу и человѣкомъ бысть Христе Боже. Тобою бо Владыко, къ первоначальному Отцу Твоему, отъ ноци невѣдѣнія, приведеніе обрѣтохомъ.

*Запѣвъ.* Яко кѣдры Христе, врагомъ шатанія сокрушилъ еси. Волею Владыко, яко изволилъ еси, на кипарисѣ, и на пѣвгѣ, и кѣдрѣ, плотію Своею

воздвизаемъ.

*Запѣвъ.* Въ ровѣ преисподнемъ положиша Тя Христе безъ дыханія мертва. Но Своею раною Спасе, забвенныя язвенныя, яже во гробѣхъ спящыя, съ Собою совоскресилъ еси.

*Богородиченъ.* Моли Своего Сына и Господа, Дѣво чистая, на Тя уповающимъ смиреніе даровати, и плѣненымъ избавленіе, отъ сопротивныхъ настояніи.

*Канонъ крестовоскресный*

*Запѣвъ.* Поститися отвержеся Адамъ, вкушаетъ смертоноснаго древа первѣе. Но сего грѣха потребляетъ, распеныися вторый Адамъ.

*Запѣвъ.* Естествомъ челоѣческимъ, страстенъ же и мертвъ былъ еси, иже безстрастныи не вещьественымъ Божествомъ, обновилъ еси умерщвленое Христе, и отъ верей адовыхъ воскресивъ.

*Канонъ Пресвятый Богородицы*

*Запѣвъ.* Облацы веселія сладость кропите сущимъ на земли, яко отроча дадеся, сии прежде вѣкъ, отъ Дѣвы воплощся Богъ нашъ.

*Слава.* Облацы веселія...

*И нынѣ.* Житію и плоти моей свѣтъ восія, и дряхлость грѣха разруші: напоследокъ отъ Дѣвы безъ сѣмене, воплощся Вышній.

*Катавасія.* Удивішася всяческая о божественней славѣ Твоей, Ты бо, браконейскуемая Дѣвице, пріягъ во утробѣ надо всеми сущаго Бога, и родила еси безлѣтнаго Сына, всѣмъ воспѣвающимъ Тя миръ подавающа.

*Канонъ воскресный*

*Пѣснь 6. Ирмосъ.* Въ безднѣ грѣховнѣй одержимъ, не изслѣдную милосердія Твоего призываю бѣздну, отъ тли

Боже мя возведи.

*Запѣвъ.* Яко злодѣй, Праведникъ осудися, и со беззаконникома на древѣ пригвождается, повиннымъ отпущеніе, Своею кровію даруя.

*Запѣвъ.* Единого ради убо древле челоуѣка перваго Адама, въ мѣръ вниде смерть: и единого ради Сына Божія, явися воскресеніе.

*Богородиченъ.* Неискусомужно Дѣво родила еси, и вѣчнуеши Дѣвою явльшися, истинными Божества, Сына и Бога Твоего образы.

*Канонъ крестовоскресный*

*Запѣвъ.* Блюстителя положилъ еси падшему, Херувима древу жизненому. Но видевше Тя двери отверзошася, яви бося творя разбойнику въ Рай путь.

*Запѣвъ.* Пусть адъ и изпроверженъ бысть, смѣртію единого: иже бо много богатство собра, истоши Христосъ, единъ отъ всѣхъ насъ.

*Канонъ Пресвятый Богородицъ*

*Запѣвъ.* Естество челоуѣчее работающее грѣху, Тобою Владычице чистая свободу улочи. Твой бо Сынъ яко Агнецъ за всѣхъ закалается.

*Слава.* Естество челоуѣчее...

*И нынѣ.* Вопіемъ Ти вси, истинный Богоматери, прогнѣвавшыя рабы избави, едина бо дерзновеніе къ Сыну си имаши.

*Катавасія.* Божественное се и всечестное совершающе празднество, богомудреніи, Божія Матере, приидите руками восплещемъ, отъ нея рождашагося вѣрою славяще.

Господи помилуй (*трижды*).

*Слава, и нынѣ. Кондакъ, гласъ 2.*

Воскреслъ еси отъ гроба Спасе всесильне, и адъ

видѣ чюдо сіе, ужасѣся, и мертвіи восташа. Тварь же видящи, радуется съ Тобою, и Адамъ вкупѣ веселится. И міръ Спасе мой воспѣваетъ Тя присно.

*Икосъ.* Ты еси свѣтъ омраченнѣмъ, Ты еси воскресеніе всѣхъ, и Животъ человѣкомъ. И всѣхъ съ Собою воскресилъ еси, смертную державу Спасе разоръ, и адова врата сокрушилъ еси Слове. И мертвіи узрѣвшіе чюдо сіе, удивишася. И вся тварь купно радуется о воскресеніи Твоемъ Человѣколюбче. Тѣмже и вси славимъ и воспѣваемъ Твое снисхожденіе, и міръ Спасе мой воспѣваетъ тя присно.

*Канонъ воскресный*

*Пѣснь 7. Ирмосъ.* Богопротивное велѣніе, беззаконнаго мучителя, высокъ пламень вознесло есть. Христосъ же простеръ богочестивѣмъ дѣтемъ, хладъ духовный, сии благословенъ и препрославленъ.

*Запѣвъ.* Не терпяше Владыко зрѣти, грѣхомъ смѣртнымъ человѣка мучима, но пришедъ спаслъ еси Своею кровію, человѣкъ бывъ, сии благословенъ и препрославленъ.

*Запѣвъ.* Видевше Тя оболчена во одежу отмщенія Христѣ, ужасошася вратницы адовы безумнаго мучителя. Раба Владыко прииде бо изыти, сии благословенъ и препрославленъ.

*Богородиченъ.* Святыхъ святѣйшую Тя разумѣмъ, Мати безневѣстная, яко едину рождышую Бога непремѣннаго, Дѣво не скверная, всѣмъ бо вѣрнымъ источила еси нетлѣніе, божественнымъ рождествомъ Своимъ.

*Канонъ крестовоскресный*

*Запѣвъ.* Осуди праотца древле еже во Едемѣ преслушаніе. Но волею судимъ бысть, преступльшему

разрѣшая согрѣшенія, пребожѣственнии отцемъ Богъ благословенъ еси.

*Запѣвъ.* Спаслъ еси уязвенаго языкомъ, завистию челоуѣкоубийца во Едеме, вольнымъ угрызѣниемъ его же Своею страстію исцѣлилъ еси, пребожѣственнии отцемъ Богъ благословенъ еси.

*Запѣвъ.* Ходяща мя въ сѣни смѣртнѣй, призвалъ еси къ свѣту, иже въ темнемъ зрацѣ адовѣ, блистаніе вложивъ Божества, пребожѣственнии отцемъ Богъ благословенъ еси.

*Канонъ Пресвятѣй Богородицѣ*

*Запѣвъ.* Зряше въ ноці Іаковъ убо, яко въ гаданіи Бога воплощена, изъ Тебѣ же свѣтлостію явіся поющимъ, пребожѣственнии отцемъ Богъ благословенъ еси.

*Слава.* Сообразна, яже въ Тебѣ не изречѣннаго проявляя снятія Чистая, со Іаковомъ борется, имъ же волею совокупися челоуѣкомъ, пребожественнии отцемъ Богъ благословенъ еси.

*И нынѣ.* Мерзокъ иже не проповѣдуя Дѣвья Сына, единаго отъ препѣтыя Троицы. И несумѣнною вѣрою, и языкомъ вопія, пребожественнии отцемъ Богъ благословенъ еси.

*Катавасія.* Непослужіша твари богомудреніи паче Зиждителя, но огненное прещеніе мужески поправше, радовахуся поуще, препѣтыи иже отцемъ Господь и Богъ, благословенъ еси.

*Канонъ воскресный*

*Пѣснь 8. Ирмосъ.* Пещь о́гнена иногда въ Вавилонѣ, дѣтели раздѣляше Божіимъ велѣніемъ, халдѣи опаляющи, вѣрныя же прохлажающи, поющая. Благословите вся дѣла Господня Господа.

*Запѣвъ.* Кровію Твоею Христе, очервлѣно плоти Твоея зряще одѣяніе, ангельстїи чїни, трѣпетомъ дивляхуся, многому Ти долготерпѣнію, зовуще благословите вся дѣла Господня Господа.

*Запѣвъ.* Ты одѣялъ еси Щѣдре мое мѣртвенное въ безсмѣртїе востанїемъ си. Сего ради веселящеся Тебѣ, благодарьствено воспѣваютьъ тя Христе избранїи людіе, зовуще пожѣрта бысть побѣдою смерть.

*Богородиченъ.* Ты иже Отцу неразлучнаго, во утробѣ безъ сѣмене зачѣнши, и боготужно поживша, неизречѣнно породила еси, Богородительнице пречїстая. Тѣмъ же Тя спасѣніе всѣмъ намъ воспѣваемъ.

*Канонъ крестовоскресный*

*Запѣвъ.* Видѣнъ бысть на Крестѣ пригвождаемъ, иже богатый въ милости. Волею погребѣся, тридневнѣно воскрѣсе, и избавилъ еси вся земныя Человѣколюбче, вѣрою поющихъ: пой Господа вся тварь, и превозношай Его во вѣки.

*Запѣвъ.* Избави ти изъ истлѣнїя, пришѣдъ въ преисподняя Слове Божїей. Его же создалъ еси Христе, силою Твоею божѣственною, и безъ истлѣнїя сотворъ, славы присносущныя Твоея причаствника содѣла. Да поетъ Господа вся тварь, и превозноситъ Его во вѣки.

*Канонъ Пресвятый Богородицѣ*

*Запѣвъ.* Явїся на земли Тебѣ ради Чистая Богъ Слово, благастію неизречѣнною и силою, и со человекѣки поживѣ. Ему же поемъ вси вѣрнїи зовуще, осущественая пой Господа вся тварь, и превозношай Его во вѣки.

Благословимъ Отца и Сына и Святаго Духа, Господа.

Явися на земли...

**И нынѣ.** Воистину Тя Чистая, проповѣдающе славимъ Богородицу: Ты бо Единого породила еси отъ Троицы воплощенна. Его же со Отцемъ и Духомъ вси поемъ: да поетъ Господа вся тварь, и превозноситъ Его во вѣки.

Хвалимъ, благословимъ, кланяемся Господеви, поемъ и превозносимъ Его во вѣки.

**Катавасія.** Отроки благочестивыя въ пещи рождество Богородичо спасло есть, тогда убо образуемо, нынѣ же дѣйствуемо, вселенную всю воздвиге пѣти, Господа воспѣвайте дѣла и превозносите Его во вѣки (*поклонъ*).

**Пѣснь Богородицы.** Величитъ душа Моя Господа.

*Канонъ воскресный*

**Пѣснь 9. Ирмосъ.** Безначальна родителя Сынъ Богъ и Господь, воплощся отъ Дѣвы намъ явися, омрачныя просвѣтити, и собрати расточеныя. Тѣмже всепѣтую Богородицу величаемъ.

**Запѣвъ, поклонъ.** Яко въ Раи насаждено въ краниеве Спасе, требогатное древо Твоего пречистаго Креста: водою и кровію божественною, яко отъ источника напаяемо, божественныхъ ребръ Твоихъ Христе, животь намъ прозябло есть.

**Запѣвъ.** Низложи сильныя распныися яко Всесилень. И еже низу лежащее во адовѣ твердыни, естество человѣческое вознѣслъ еси, и на Отчемъ посади престолѣ. Съ Нимъ же Тебѣ грядущу, поклоняющемся величаемъ.

**Пресвятая Троице Боже нашъ, слава Тебѣ.**

Единицу тричислену, Троицу единосущную, православно поюще вѣрнии славимъ, не пресѣкомо пребожественное естество, трисвѣтлую невечернюю



зарю, единый нетлѣнный свѣтъ намъ восіявшую.

*Канонъ крестовоскресный*

*Запѣвъ, поклонъ.* Колѣна небесныхъ преклоняются Тебѣ Иусе, и земныхъ, яко Зиждителю, и преисподнихъ же, Богу распѣншуся плотию: и языкъ всякъ богословяще величаетъ Тя.

*Запѣвъ.* Яко же изъ руку исхитилъ еси Владыко, адовыхъ верей связанныхъ душа. И нынѣ насъ избави, нужныя мучителейы руки, да Тя вси избавляеми величаемъ.

*Канонъ Пресвятый Богородицѣ*

*Запѣвъ, поклонъ.* Жезлъ крѣпости дадѣся, естеству тлѣнному, слово Божіе во чревѣ Ти Чистая: и сіе возстави, до ада поплѣзшееся. Тѣмъ же Тя вси, яко Богородицу величаемъ.

*Слава.* Жезлъ крѣпости...

*И нынѣ.* Юже изволилъ еси Владыко, пріими мѣлостивно мольбу Матере Твоея о насъ: да Твоея благодати всяческая исполнятся. Да Тя вси яко Благодателя величаемъ.

*Катавасія.* Всякъ зѣмень да възиграется, Духомъ просвѣщаемъ, да ликовствуеетъ же безплѣтныхъ умовъ естество, почитая святое торжество Божія Матерѣ, и да поетъ, радуйся, преблженная Богородице, чистая присно Дѣво.



## КАНОНЫ ТРЕТІЯГО ГЛАСА

### *Канонъ воскресный*

*Пѣснь 1. Ирмосъ.* Иже воды дрѣвле мánіемъ божѣственнымъ, во едино сонмище совокупї, и раздѣли море израильтескимъ людемъ. Се Богъ нашъ препрославленъ сыи. Того Единаго воспоемъ, яко прославися.

*Запѣвъ.* Слава Господи воскресенію Твоему (*поклонъ*).

Иже землю осудивъ преступльшему, потомъ изнести́ плодá тѣрніе. Отъ тѣрнія же вѣнецъ, изъ руки беззаконныя. Се Богъ нашъ, плоть прїялъ есть, клятву разруши́, яко прославися.

*Запѣвъ.* Слава Господи воскресенію Твоему.

Побѣдитель одолѣніемъ на смерть, иже смерти одолѣвъ явїся, страсть бо плотию одушевленою прїемъ. Се Богъ нашъ, брався съ мучителемъ, вся воскресї, яко прославися.

*Богородиченъ.* Пресвятая Госпоже Богородице, спаси насъ.

Истинную Богородицу вси языцы славятъ Тя, юже безъ сѣмене рождышую: сошедъ бо во утробу освященную Твою. Се Богъ нашъ иже по насъ осуществовался, и Богъ и Человѣкъ изъ Тебѣ родїся.

### *Канонъ крестовоскресный*

*Запѣвъ.* Слава Господи Кресту Твоему и воскресенію (*поклонъ*).

Родъ человѣчь, порабощенъ мучителемъ грѣхлюбнымъ, кровїю божѣственною Христосъ искупї: и обоготворивъ обновилъ есть, яко прославися.

*Запѣвъ.* Слава Господи Кресту Твоему и воскресенію.

Яко убо смѣртенъ смерти хотяи, иже животу сокровище Христосъ вкуси. А яко сыи безсмѣртенъ

естествомъ, мёртвыя оживилъ есть, яко прославился.

*Канонъ Пресвятѣй Богородицѣ*

*Запѣвъ.* Пресвятая Госпоже Богородице, спаси насъ (поклонъ).

Колѣна преклоняетъ всяко естество небесныхъ Дѣво, иже воплощшемуся изъ Тебѣ: со земными же достолюбно и преисподняя, яко прославился.

*Слава.* Колѣна преклоняетъ...

*И нынѣ и присно и во вѣки вѣкомъ, аминь.*

О примиреніи яже въ Тебѣ, благихъ бо незавѣстныхъ податель яко Богъ, Духъ Божественъ подавший намъ, плоть отъ Тебѣ Отроковице пріять, яко прославился.

*Катавасія.* Отверзу уста моя, и наполнятся Духа, и слово отрыгну Царицѣ Матерѣ, и явлюся свѣтло торжествуя, и воспою радуясь Той чудеса.

*Канонъ воскресный*

*Пѣснь 3. Ирмосъ.* Иже отъ несущихъ вся приведи, Словомъ созидаемая, и совершаема Духомъ вседержителю вышніи въ любви Своей утверди мене.

*Запѣвъ.* Крестомъ Твоимъ постыдѣся нечестивыи. Сотворилъ бо есть яму, юже ископа́ впадеся, смиреннымъ же воздвиже Христе рогъ, во Своемъ воскресеніи.

*Запѣвъ.* Благочестія проповѣданіе языкомъ, яко вода покры море Человѣколюбче. Воскресъ бо отъ гроба, трійческіи открылъ еси свѣтъ.

*Богородичень.* Преславная речена быша о Тебѣ, граде одушевленныи присно царствующаго. Тобою бо Владычице сущимъ на земли, Богъ спожилъ есть.

*Канонъ крестовоскресный*

*Запѣвъ.* Чистота еси пречистый Кресте, идольскимъ нечистотамъ, яко Иусуъ пребожественныи, на Тебѣ руцѣ распростерлъ есть.

*Запѣвъ.* Да вси вѣрнии, богопріемныи гробѣ Тебѣ поклоняемся. Погребѣбося въ Тебѣ, и воста Христосъ воистину Богъ нашъ.

*Канонъ Пресвятый Богородицѣ*

*Запѣвъ.* Жезлъ отъ корене Иессѣова, пророчески прозябши Дѣвая, цвѣтъ ты Христе восія намъ. Святъ Еси Господи.

*Слава.* Жезлъ отъ корене...

*И нынѣ.* Да божественому причастию, земнородныя содѣлаеши наслѣдники. Ты бо обнищавъ, отъ Дѣвы плоть нашу пріемъ. Святъ Еси Господи.

*Катавасія.* Твоя Пѣвцы Богородице, живыи нетлѣнія источниче, ликъ Себѣ совокупльши духовенъ утверди, и въ божественнѣй Ти славѣ вѣнцемъ Славы сподоби.

Господи помилуй (*трижды*). *Слава, и нынѣ.*

*(Въ воскресеніе по 3-й пѣсни читаются кондаки, ихъ икосы, потомъ съдальны; святыхъ или праздниковъ, изъ Менѣи).*

*Канонъ воскресный*

*Пѣснь 4. Ирмосъ.* Положи къ намъ Твѣрдую любовь си Господи. Единороднаго бо Своего Сына, насъ ради на смерть далъ еси. Тѣмъ же Ти зовѣмъ благодарьствено, слава силѣ Твоей.

*Запѣвъ.* Язвы Христе и раны мѣлостивно подъялъ еси. Досаду по ланитомъ удареніе терпя. И долготерпѣливне нося оплеваніе: ими же содѣла мнѣ спасеніе. Слава силѣ Твоей Господи.

*Запѣвъ.* Тѣломъ умирающимъ животѣ, смѣрти причастился еси, страсти ради нищихъ, и воз-

дыханія убогихъ Твоихъ, и растлѣвъ тлѣющаго препрослѣвленныи, вся воскресилъ еси.

*Богородиченъ.* Помяни Христе, еже стяжѣ стадо страстію Своею, преслѣвныя Твоея Матере милостивныя молбы пріемъ, и посѣтивъ озлѣбленныя, избави силою Своею.

*Канонъ крестовоскресный*

*Запѣвъ.* Иже создавыи по образу Своему Человѣколюбче человѣка, и умерщвлена грѣхомъ, ради преступленія, распенся на крѣнѣвъ, спаслъ еси.

*Запѣвъ.* Мертвыя убо ихъ же пожре смерть отдаде, разрушижеса и адово тлетворное царство, воскресшу отъ гроба Тебѣ Господи.

*Богородиченъ.* Маріе чистая, золотая кадильнице, неслѣянно яко единъ отъ Троицы сошедъ въ Тя воплощся Богъ Слово, міръ облагоухалъ естъ.

*Канонъ Пресвятый Богородицѣ*

*Запѣвъ.* Иже поставлѣи горы Владыко, мѣриломъ божественаго разума, отсеченъ еси отъ дѣвицы камень кромѣ рукъ. Силѣ Твоей слава Человѣколюбче.

*Слава.* Болящее исцѣлилъ еси наше естество Владыко, скорѣйшее изъ Дѣвы сіе совокупі лѣкованіе, Твоимъ честнымъ Слове божествомъ.

*И нынѣ.* Часть моя еси Господи, и наслѣдіе желанно, совокупивыи мя изъ Дѣвы Слове, къ составу Своему, плотию бывъ составъ.

*Катавасія.* Седѣи во славѣ на престолѣ божественнѣ на облацѣхъ легцѣхъ прииде Исусъ пребожественныи отъ пречистыя Дѣвы, и спасе вопіющія слава Христе силѣ Твоей.

*Канонъ воскресный*

*Пѣснь 5. Ирмосъ.* Къ Тебѣ утреннюю всяческихъ Творцу,

преимущему всякъ умъ мірови, зане́ свѣтъ повелѣнія Твоя́, въ нихъ же наста́ви мя.

*Запѣвъ.* Судій неправедному, еврейскою завистию преданъ бывъ всевидецъ, и всей праведно судяи земли, Адама древняго избавилъ еси осужденія.

*Запѣвъ.* Твой миръ церквамъ Твоимъ Христе, непобѣдимою силою Креста Твоего, изъ мѣртвыхъ воскресѣи подаждь, и спаси́ ду́ша наша.

*Богородичень.* Сѣнь Святая, и пространнѣйшая небесъ, яко всея́ твари невмѣстимаго Слова Божія́ пріемши, едина́ явѣся присно Дѣво.

*Канонъ крестовоскресный*

*Запѣвъ.* Копіемъ въ ребра Христе мой прободенъ бывъ, иже отъ ребра́ человѣча бывшія клятвы всегубительныя всѣмъ человѣкомъ, ходатайствомъ си насъ свободилъ еси.

*Запѣвъ.* Равенъ Отцу существомъ сыи, священный храмъ, пречистаго Своего и всечестнаго тѣлесэ́ Спа́се, изъ мѣртвыхъ воскресилъ еси Человѣколюбче.

*Канонъ Пресвятѣй Богородици*

*Запѣвъ.* Слово Божіе Сынъ Твой Дѣво, содѣтель Адама первозданнаго, не создание: аще и плоть одушевлѣну Себѣ изъ Тебе создалъ еси.

*Слава.* Слово Божіе Сынъ...

*И нынѣ.* Равенъ Отцу Сынъ Твой Дѣво, Слово Божіе, составъ совершенъ во двою́ естеству́, Исусъ Господь, Богъ совершенъ и человѣкъ.

*Катавасія.* Удивѣшася всяческая о божѣственнѣй славѣ Твоей, Ты бо, браконейску́мая Дѣвице, пріять во утробѣ́ надо всѣми́ сущаго Бога, и родила́ еси безлѣтнаго Сына, всѣмъ воспѣвающимъ Тя миръ подавающа.

*Канонъ воскресный*

*Пѣснь 6. Ирмосъ.* Бѣдна послѣдняя грѣховная обыде мя, и исчезаётъ духъ мой: но простѣръ Владыко высокую Свою мышцу, яко Петра́ мя окормителю спаси́.

*Запѣвъ.* Бездна милости и щедротъ обыде мя, милосерднымъ снѣтѣмъ Твоимъ. Воплощбося Владыко и бывъ въ ра́бии о́бразѣ, обожилъ еси Собо́ю и просла́вилъ.

*Запѣвъ.* Умерщвѣніе пріятъ умерщвѣяи, иже умерщвѣнаго оживлена видя, Твоего Христе воскресѣнія сии суть о́брази, и страстѣй Твоихъ пречистыхъ побѣждѣнія.

*Богородичень.* Пречистая яже едина Творцу и чело́вѣкомъ, паче ума ходатайствующи, Сына Твоего милостива, иже согрѣшьшимъ рабо́мъ Твоимъ, и поборо́ника бы́ти помолі́ся.

*Канонъ крестовоскресный*

*Запѣвъ.* Ра́нами Ты искуси́вся, Ада́мово сокруше́ніе, стра́стію Креста возне́слъ еси. Тѣмъ же Ти зову́, возведи изъ тли животъ мой Чело́вѣколюбче.

*Богородичень.* Отверза́юттися Христе стра́хомъ врата́ адова, сосу́ды вра́жія восхища́юще. Тѣмже Тя жены́ срѣто́ша, въ мѣсто печали радость пріемлюще.

*Канонъ Пресвятѣй Богородицѣ*

*Запѣвъ.* Вообража́ется иже по насъ, отъ нетлѣнныхъ Дѣвы, иже о́бразомъ неразлучный, о́бразомъ бывъ и вѣщію, непреложься божества Господь.

*Слава.* Вообража́ется иже по насъ...

*И нынѣ.* Бездны грѣховныя и бури страстѣй, Пречистая избави мя. Еси бо пристанище и бездна чудесѣмъ, иже вѣрою притекающимъ Ти.

*Катавасія.* Божественное се и всечестно́е совершающе

празднество, богомудреніи, Божія Матере, приидіте руками восплещемъ, отъ нея рождышагося вѣрою славяще.

Господи помилуй (*трижды*).

**Слава, и нынѣ. Кондакъ, гласъ 3.**

Воскреслъ еси днесъ изъ гроба щедре, и насъ возведѣ отъ вратъ смертныхъ. Днесъ Адамъ ликуетъ, и радуется Евва, вкупѣ же пророцы съ патриархи воспѣваютьъ непрестанно, божественую державу власти Твоея.

**Икосъ.** Небо и земля днесъ да ликовствують, и Христа Бога единомудренно да воспѣваютьъ, яко узники отъ гробъ воскресивъ. Вкупѣ радуется вся тварь, приносящи достойныя пѣсни, Создателю всѣхъ и Избавителю нашему, яко человекъ изъ ада днесъ яко Жизнодатель совозвѣдъ, и на Небеса съ Собою вознесъ, и низложъ вражія возношенія, и врата адова сокрушивъ, божественною державою власти Своея.

**Канонъ воскресный**

**Пѣснь 7. Ирмосъ.** Якоже дрѣвле, благочестивыя три отроки оросилъ еси, въ пламени халдѣйстѣмъ, свѣтлымъ Божества огнемъ. И насъ озари, благословенъ еси зовущихъ, Боже Отецъ нашихъ.

**Запѣвъ.** Раздрася церковная свѣтлая опона, въ распятіи Зиждителя, сокровенную въ писаніи являя, вѣрнымъ истину. Благословенъ еси зовущимъ, Боже Отецъ нашихъ.

**Запѣвъ.** Прободенымъ Твоимъ ребромъ, каплею боготочною животворящая Ти крове Христе, смотрѣніемъ каплющая на землю, сущихъ на земли обновилъ еси, благословенъ еси зовущихъ, Боже Отецъ нашихъ.



*Богородиченъ.* Ду́ха благаго со Отцемъ прославимъ, и съ Сыномъ едиnorodнымъ. Едино въ тріѣхъ начало, чтуще вѣрнии и едино Божество: благословенъ еси зовуще, Боже Отецъ нашихъ.

*Канонъ крестовоскресный*

*Запѣвъ.* Не прѣста Человѣка на Крестѣ повѣшена, но Бога воплощенна, солнце зря помрачается. Ему же поемъ, благословенъ еси зовуще Господи Боже Отецъ нашихъ.

*Запѣвъ.* Крѣпкаго божествомъ видевъ адъ страшливый, нетлѣнню подателя, ду́ша праведныхъ изблева, вопіющихъ, благословенъ еси Господи Боже Отецъ нашихъ.

*Богородиченъ.* Сокровище неистощимое бысть, благословенная Пречистая, иже чистымъ сердцемъ, Тебе исповѣдающихъ Богороди́телницу. Ибо изъ Тебе воплотися Богъ Отецъ нашихъ.

*Канонъ Пресвятый Богородици*

*Запѣвъ.* Иже славы Господь, и держай горнихъ силъ, иже со Отцемъ сѣдяи, и Дѣвическима Ти рукама носимыи, благословенъ Богъ Отецъ нашихъ.

*Слава.* Яра смерть, но сей Ты приближився отъ Дѣвы погубилъ еси, богосоставная плоть бывши: благословенъ еси Господи Боже Отецъ нашихъ.

*И нынѣ.* Богородицу вси Тя Бога рождышую увѣдѣхомъ, Единаго бо иже отъ Троицы воплощенна изъ Тебе родила еси. Благословенъ всечистая плодъ чрева Твоего.

*Катавасія.* Непослужаши твари богомудренію паче Зиждителя, но огненное прещеніе мужески поправше, радовахуся поюще, препѣтыи иже отцемъ Господь и Богъ, благословенъ еси.

*Канонъ воскресный*

*Пѣснь 8. Ирмосъ.* Непостояннымъ огнемъ совокупльшеся, иже благочестіемъ предстояще юноши, пламенемъ же неврежѣни, божѣственную пѣснь пояху: благословите вся дѣла Господня Господа, пойте и превозносите Его во вѣки.

*Запѣвъ.* Раздрася церковная свѣтлость, егда Крестъ твой водрузи́ся на лобнемъ: и тварь преклоняшеся страхомъ, вопіющи, благословіте вся дѣла Господня Господа, пойте и превозносите Его во вѣки.

*Запѣвъ.* Воскресъ Христе изъ гроба, и падшагося прелщѣніемъ дрѣва, исправилъ еси божѣственною силою, зовуща, и глаголюща: благословите вся дѣла Господня Господа, пойте и превозносите Его во вѣки.

*Богородиченъ.* Храмъ Божій явилася еси одушевлѣнъ, вмѣстилище же и ковчегъ. Творца бо челоуѣкомъ Богородительнице пречистая примирила еси. И достойно вся дѣла славятъ тя, юже и по рожестве, Дѣвою сохраншуюся.

*Канонъ крестовоскресный*

*Запѣвъ.* Слово нестрастно, безстрастно убо божествомъ, страждетъ же плотию Богъ. Ему же поемъ, благословите вся дѣла Господня Господа, пойте и превозносите Его во вѣки.

*Запѣвъ.* Уснулъ еси убо яко смѣртенъ, и воскресе яко безсмѣртенъ Спасе, и спасаеши отъ смерти поющыя, благословите вся дѣла Господня Господа, пойте и превозносите Его во вѣки.

*Пресвятая Троице Боже нашъ, слава Тебѣ.*

Служимъ благочестно трисоставному божеству, соединяему неизреченно и поемъ, благословите вся дѣла Господня Господа, пойте, и превозносите Его

во вѣки.

*Канонъ Пресвятѣй Богородицѣ*

*Запѣвъ.* Чины мысленныя, яко Мати преминула еси, и близъ Бога бывши, благословимъ благословеная Дѣво рождество Твое, и превозносимъ во вѣки.

*Благословимъ Отца и Сына и Святаго Духа Господа.*

Чины мысленныя...

*И нынѣ.* Иже доброту естественую, изряднѣйшу показала еси, облиставши плоть божества Дѣво чистая. Тѣмже Тя поемъ во вся вѣки.

Хвалимъ, благословимъ, кланяемся Господеви, поемъ и превозносимъ Его во вѣки.

*Катавасія.* Отроки благочестивыи въ пещи рождество Богородичо спасло есть, тогда убо образуемо, нынѣ же дѣйствуемо, вселенную всю воздвиге пѣти, Господа воспѣвайте дѣла и превозносите Его во вѣки (*поклонъ*).

*Пѣснь Богородицы.* Величитъ душа Моя Господа.

*Канонъ воскресный*

*Пѣснь 9. Ирмосъ.* Новое чудо и боголѣпно. Дѣвическую убо дверь затворену явѣ, проходитъ Господь: нагъ во входѣ, и плотоносецъ явися во исходѣ Богъ: и пребываетъ дверь затворена. Сію непрестанно, яко Матерь Богу величаемъ.

*Запѣвъ, поклонъ.* Страшно есть зрѣти Тебе Творца, на древѣ убо воздвигена Слове Божіи, плотию же страждуща Бога за рабы, и во гробе безъ дыханія лежаща, мѣртвыя же изъ ада разрѣшивша. Тѣмже Тя Христе яко всеильна величаемъ.

*Запѣвъ.* Изъ тли смертныя спаслъ еси Христе праотца, положишься во гробѣ яко мертвъ. И животъ процвѣлъ еси, мѣртвыя воскрешъ, рукою возвелъ еси естество тлѣнное къ свѣту, и въ божественое оболкъ нетлѣніе. Тѣмъ же Тя Источника свѣту

присно живаго величаемъ.

*Богородиченъ.* Свѣту пріятелище яви Тя Чистая, иже изъ Тебѣ неизреченно и непреложно воплощся Богъ, на Крестъ вознесъ Адамово существо. Изъ мѣртвыхъ первенецъ бывъ, и пребываетъ Богъ въ вышнихъ, купно же со Отцемъ и Божественнымъ Духомъ прославляемъ.

*Канонъ крестовоскресный*

*Запѣвъ, поклонъ.* Честь челоуѣкомъ, отъ безчѣстныя смерти всѣмъ источилъ еси, ея же распятиемъ си Спасе пріемъ. Существомъ смѣртнымъ, нетлѣніе мнѣ яко Богъ дарова Челоуѣколюбче.

*Запѣвъ.* Спаслъ мя еси воскресъ изъ гроба Христе, и вознесъ, и Отцу привелъ еси Своему родителю: одесную же Его спосадилъ еси, за милосердіе милости Твоея Господи.

*Канонъ Пресвятый Богородицъ*

*Запѣвъ, поклонъ.* Сытость Твоихъ похвалъ Дѣвице, благочестивымъ вѣрнымъ отнюдъ не бываетъ, къ желанію бо желаніе присно божественное и духовное пріемлюще, яко Матерь Божию величаемъ.

*Слава.* Сытость Твоихъ похвалъ...

*И нынѣ.* Положилъ еси намъ непостыдную молитвеницу Тебѣ рождышую Христе. Сея молитвами, милостивенъ подаваеши намъ Духъ, подателенъ благодати отъ Отца Тобою происходящій.

*Катавасія.* Всякъ зѣмень да взыграется, Духомъ просвѣщаемъ, да ликовствуеетъ же безплотныхъ умовъ естество, почитая святое торжество Божія Матерѣ, и да поетъ, радуися, преблаженная Богородице, чистая присно Дѣво.



## КАНОНЫ ЧЕТВЕРТАГО ГЛАСА

### *Канонъ воскресный*

*Пѣснь 1. Ирмосъ.* Моря Чермнаго пучину, немóкрыми стопами, дрéвле шéствовавъ Израиль, крестообразно Моисео-выма рукама, амаликову силу въ пустыни побѣдилъ есть.

*Запѣвъ.* Слава Господи воскресенію Твоему (*поклонъ*).

Воздвѣжесе на пречистѣмъ дрéвѣ крѣстнѣмъ Владыко, наше отпадѣніе исправляя, дрéвнее исцѣляя всегубительство, яко благъ и всесилень.

*Запѣвъ.* Слава Господи воскресенію Твоему.

Во гробѣ съ плóтію, во адѣ же съ душѣю яко Богъ: въ Рай же съ разбойникомъ, и на престолѣ сый Христе со Отцемъ и Духомъ, вся исполняя не описанныи.

*Богородиченъ.* Пресвятая Госпоже Богородице, спаси насъ.

Безъ сѣмене Отчею волею, отъ Божѣственаго Духа, Бóжія зачатъ Сына, и плóтію родила еси Пречистая, иже изъ Отца безъ Матере, насъ же ради изъ Тебе безъ Отца.

### *Канонъ крестовоскресный*

*Запѣвъ.* Слава Господи Кресту Твоему и воскресенію (*поклонъ*).

Исцѣлѣвъ сокрушенія челоувѣчества Господи, божественною си кровію обновилъ еси то. И сокрушилъ еси сѣльнаго въ крѣпости, иже дрéвле сокрушившаго Твое созданіе.

*Запѣвъ.* Слава Господи Кресту Твоему и воскресенію.

Мертвецемъ востаніе, умерщвѣніа ради бысть. Крѣпость бо отъятся умерщвѣнію, бравшия съ жизнію вѣчною, иже всѣми совладычествующимъ воплощеннымъ Богомъ.

*Богородиченъ.* Пресвятая Госпоже Богородице, спаси насъ.

Красѣнъ превы́шши небесныхъ силъ, божѣственныи Твой бысть храмъ одушевлѣныи, во утробѣ поносившая Бога нашего Дѣво, горó святая.

*Канонъ Пресвятый Богородицъ*

Пресвятая Госпоже Богородице, спаси насъ (*поклонъ*).

Сотрясо́шася людіе, и смути́шася языцы, царствія державная уклони́шася Чистая, о́тъ страха рожества́ Ти. При́иде Царь мой, и низложи́ мучителя, и міръ о́тъ тли изба́ви.

*Слава Отцу и Сыну и Святому Духу.*

Сотрясо́шася людіе...

*И нынѣ и присно и во вѣки вѣкомъ, аминь.*

Жили́ще Свое живы́и въ вышнихъ, къ чело́вѣкомъ сше́дъ освяти́ Христосъ, и непоколебимо яви́: едина бо Зиждителя ро́ждши, и по рожествѣ дѣ́вственныи сосудъ соблюде́.

*Катавасія.* Отверзу уста моя, и наполнятся Духа, и слово отры́гну Царицѣ Матерѣ, и явлюся свѣ́тло торжествуя, и воспою́ радуясь Той́ чудеса.

*Канонъ воскресный*

*Пѣснь 3. Ирмосъ.* Веселится о Тебѣ церкви Твоя Христе зовущи, Ты ми крѣ́пость Господи, и прибѣ́жище и утвер́женіе.

*Запѣвъ.* Древо животное, мысленныи истинныи виноградъ, на древѣ́ висить, всѣ́мъ источая́ нетлѣ́ніе.

*Запѣвъ.* Яко великъ, яко стра́шенъ, адово низложи́ величаніе, и яко Богъ нетлѣ́ненъ, нынѣ́ плóтьски изъ гроба воскресе́.

*Богородиченъ.* Ты едина́ сущимъ на земли, благимъ

Ходатаица, яже паче естества, Мати Божія была еси.  
Тѣмъ же Ти радуися вопіемъ.

*Канонъ крестовоскресный*

*Запѣвъ.* Ядомъ исполненыи змій, въ мене зубы вонзѣ  
Спасе, ихъ же Вседержителю Господи, гвоздьми руку  
Своею сокрушилъ еси, яко нѣсть свята во святыхъ,  
паче Тебѣ Господи.

*Запѣвъ.* Виденъ бысть Человѣколюбче волею, во  
гробѣ мертвъ Животворче, и врата разверглъ еси  
адова, иже отъ вѣка душамъ. Яко нѣсть свята во  
святыхъ, паче Тебе Господи.

*Богородичень.* Не оранна бразда явилася еси, класа  
животнаго рождыши, иже всѣмъ причащающимся  
безсмертію ходатая, иже во святыхъ святаго, свято  
почивающаго.

*Канонъ Пресвятый Богородицѣ*

*Запѣвъ.* Очищается земныхъ существо, Тобою  
присовокупльшеся, не стерпимому божественному  
огню. Яко въ тайнѣ пречистая Дѣво, въ Тебѣ хлѣбъ  
испекшіися, иже и Тебе невреждѣну сохранишему.

*Слава.* Очищается земныхъ существо...

*И нынѣ.* Что сія яже воистину близъ Бога; яко  
превозшедши вся ангельскія чины, еди́на добро́тою  
дѣвства сіяющи, яко Мати сущи Вседержителя.

*Катавасія.* Твоя пѣвцы Богородице, живыи нетлѣнія  
источниче, ликъ Себѣ совокупльши духовенъ утверди, и въ  
божественнѣй Ти славѣ вѣнцемъ Славы сподоби.

Господи помилуй (*трижды*). Слава, и нынѣ.

*(Въ воскресеніе по 3-й пѣсни читаются кондаки, ихъ  
икосы, потомъ съдальны; святыхъ или праздниковъ, изъ  
Менѣи).*

*Канонъ воскресный*

*Пѣснь 4. Ирмосъ.* Воздвѣжена видѣвши Тя церкви, на Крестѣ Солнца праведнаго, ста въ чинѹ Своемъ, достойно зывающи, слава силѣ Твоей Господи.

*Запѣвъ.* Безгрѣшнаго смерть вкусивши, животворящаго тѣла Твоего Владыко достойно умертвися. Мы же Ти вопіемъ, слава силѣ Твоей Господи.

*Запѣвъ.* Пришелъ еси страсти моя исцѣляя, на Крестѣ страждущи пречистѣй плоти Твоей, въ нѹ же волею облечеса. Тѣмже Ти зываемъ, слава силѣ Твоей Господи.

*Богородиченъ.* Неискусобрачно родила еси Господа о Дѣво, и по рожествѣ явися паки дѣвѣствующи. Тѣмъ же немолчными гласы, еже радуися Тебѣ Владычице, вѣрою несумѣнною вопіемъ.

*Канонъ крестовоскресный*

*Запѣвъ.* Взако́ненъ сый Израиль, Тебе Христе взако́нившего Бога не разумѣ. Но яко беззаконника преступающа законъ, на Крестѣ пригвозди, иже законоположенія недостойныи.

*Запѣвъ.* Обоженная Твоя Спасе душа, адова сокровища плѣнивши, и яже отъ вѣка воздвѣже души, живоносное же тѣло, всѣмъ нетлѣніе источи.

*Богородиченъ.* Тебѣ присно Дѣвую, воистину едѣну Богородицу славимъ, юже преобразоваше Боговидцу Моисею, не опально купина огню примѣсившися, Пречистая.

*Канонъ Пресвятѣй Богородици*

*Запѣвъ.* Поживе съ человекѣки, видимъ бысть невидимыи, въ зрацѣ сый непостѣжимаго Божества. И вообрази изъ Тебе Дѣво, отъ чюжаго спасти вѣдящихъ Тя чистую Богородителницу.

*Слава.* Пріятъ вещественѣ Дѣвая Невещественнаго,



посредѣ вещи Младенца отъ нея бывша. Тѣмъ же нынѣ во двою существу познавается плотоносецъ Богъ, и зѣменъ превыше существа.

**И нынѣ.** Въ рожествѣ Тя Дѣву сохрани иже въ Тя вселься, и рождся безъ сѣменѣ Слово и Богъ пребысть, и по рожествѣ паки яви Дѣву, яко Владыка и Зиждитель.

**Катавасія.** Съдѣи во славѣ на престолѣ божѣственнѣ на облацѣ легцѣ прииде Исусъ пребожественный отъ Пречистыя Дѣвы, и спасе вопіющія, слава Христе силѣ Твоей.

*Канонъ воскресный*

**Пѣснь 5. Ирмосъ.** Ты Господи ми свѣтъ въ міръ пришѣлъ еси, въ свѣтъ святыи, обраща́я изъ мрачна невѣдѣнія, вѣрою воспѣвающыя Тя.

**Запѣвъ.** Ты Господи къ земли мѣлостивно сшелъ еси. Ты вознѣслъ еси падшеея человѣческое существо, на древѣ воздвигаемъ.

**Запѣвъ.** Ты взятъ ми Христе прегрѣшеніемъ осужденіе. Ты разрѣшилъ еси болѣзни смертныя Щедре, божѣственнымъ воскресеніемъ си.

**Богородиченъ.** Тя оружіе непобѣдимое, на враги предлагаемъ. Тя утверженіе и надежду нашему спасенію, Богоневѣсто стяжѣхомъ.

*Канонъ крестовоскресный*

**Запѣвъ.** Пріятъ ты всего усты адъ безумный, на Крестѣ бо пригвождѣна Тя видѣвъ, и копіемъ прободѣна, безъ дыханія живаго Бога, прѣста вмѣняше человѣка. Уразумѣвъ же, искусивъ крѣпость Твоего Божества.

**Запѣвъ.** Разорѣную церковь Человѣколюбче. Твоего тѣлесѣ, гробъ раздѣли и адъ, неволею абіе оба истязѣается: овъ убо святыхъ Твоихъ души, тѣлеса

же другіи, совозсылающе безсмѣртне.

*Богородиченъ.* Се нынѣ исполнися пророка проречѣніе. Ты бо не искусобрачная Дѣвице, пріятъ во утробѣ ѿже надо всѣми Бога, и родила еси безлѣтнаго Сына, всѣмъ воспѣвающимъ Тя миръ подавающа.

*Канонъ Пресвятѣй Богородицѣ*

*Запѣвъ.* Домъ славы, и гору Божию святую, невѣсту, чертогъ, храмъ Священія, обрѣтъ тя чистую Сынъ Божіи, и въ Тебѣ поживъ, и Рай пищными присносущными намъ содѣла.

*Слава.* Плоть отъ кровей дѣвическихъ пріялъ еси Христѣ, безсѣмнену пречисту и составну: словесну и умну и одушевлену, дѣйствену же волею, самовластнымъ владычествомъ.

*И нынѣ.* Мучителей разумъ, дѣвственое посрами чрево. Младенецъ бо язву испытана рукою, аспидную душегубную, и отступника гордаго низложь, вѣрнымъ подъ нозѣ покори.

*Катавасія.* Удивишася всяческая о божественнѣй славѣ Твоей, Ты бо, браконейскуемая Дѣвице, пріятъ во утробѣ надо всеми сущаго Бога, и родила еси безлѣтнаго Сына, всѣмъ воспѣвающимъ Тя миръ подавающа.

*Канонъ воскресный*

*Пѣснь 6. Ирмосъ.* Пожру Ти со гласомъ хваленія Господи, церкви вопіетъ Ти, отъ бѣсовскія крове очищшыся, милостію отъ ребръ истѣкшею Ти кровію.

*Запѣвъ.* Возшелъ еси на Крестъ Христе, силою препоясався: и соплѣтся съ мучителемъ, яко Богъ съ высоты того свѣрже. Адама же непобѣдимую силою воскресилъ еси.

*Запѣвъ.* Воскресъ блистаяся краснѣ изъ гроба Христе, и разгналъ еси вся враги божественною си-

лою, и вся яко Богъ веселія исполнилъ еси.

*Богородиченъ.* О чудо, иже всѣхъ чудесъ новѣйшее; яко Дѣвая во утробѣ, иже всяческая содержащаго словомъ, не искусомужно зачѣньши, и нетѣсно вмѣстивши.

*Канонъ крестовоскресный*

*Запѣвъ.* Отвѣрзе гортань свой адъ, и разшири безумный, и пожре мене и душу. Но Ты Христе сошедъ, возвелъ еси душу мою яко Человѣколюбецъ.

*Запѣвъ.* Погибе смѣртю смерть, умерыи бо воскресѣ, нетлѣніе мне даруя. Явльжеса женамъ, провѣща радостъ Безсмѣртныи.

*Богородиченъ.* Нестерпимаго Божества вмѣстилище, чистое чрево Твое явися о Богомати, Его же безъ страха небеснии чинове зрѣти не могутъ.

*Канонъ Пресвятый Богородицѣ*

*Запѣвъ.* Дрѣвле убо прельсти мя змѣй, и умори мя ради праматере моея Еввы. Нынѣ же Чистая создавыи мя, Тебе ради отъ истлѣнія возва.

*Слава.* Дрѣвле убо...

*И нынѣ.* Бездна бездну Тя неизглаголанную, благоутробія Отроковице, избранную показа чудесъ. Ибо изъ Тебе молнія божества бисерь Христось восія.

*Катавасія.* Божественное се и всечестное совершающе празднество, богомудреніи, Божія Матере, приидите руками восплещемъ, отъ нея рождышагося вѣрою славяще.

Господи помилуй (*трижды*).

*Слава, и нынѣ. Кондакъ, гласъ 4.*

Спасъ и избавитель мой, изъ гроба яко Богъ воскресивъ отъ узъ земнородныхъ. И врата адава

сокрушивъ, и яко владыка воскресе тридневенъ.

*Икосъ.* Воскрéшаго изъ мёртвыхъ Христа Жизнода́вца триднёвно изъ гроба, и врата смертная днесъ сокру́шышаго силою Своею, и ада умертвѣвшаго, и жало смёртвное стёршаго, и Адама съ Еввою свободившаго, воспоемъ вси земнорóднии благодарственно, вопію́ще хвалу прилежно. Той бо яко единъ крѣпкій Богъ и Владыка, воскресе триднёвенъ.

*Канонъ воскресный*

*Пѣснь 7. Ирмосъ.* Въ пеци́ о́гненѣй Авраамскія дѣти, персидьстѣй, любóвию благовѣрїя паче, нежели пламенемъ опаляеми взываху: благословенъ еси въ церкви славы Твоея Господи.

*Запѣвъ.* Къ нетлѣ́нїю чело́вѣчество возведено́ бысть, божѣственною измóвено кровію Христовою, благодарно воспѣ́вающее: благословенъ еси въ церкви славы Твоея Господи.

*Запѣвъ.* Яко Живоно́сець, яко Рая́ зѣло́ краснѣйши воистину, и всякого чертога царьска, явїся свѣтлѣ́йши Христе гробъ Твой, источникъ нашему воскресенію.

*Богородиченъ.* Иже вышняго освящённо божѣственное съленіе, радуися. Тобою бо радость дана́ бысть Богородице вопіющимъ Ти, благословена Ты въ женахъ пренепорóчная Владычице.

*Канонъ крестовоскресный*

*Запѣвъ.* Смирїлъ еси на древѣ́ воздвигаемъ, око высокое и превознесёную гордыню на́ землю низложивъ, и спаслъ еси чело́вѣка, препѣ́тыи отцемъ Господь и Богъ благословенъ еси.

*Запѣвъ.* Силою Твоею, рогъ нашъ возвыси слу-

жащихъ Ти, воскресѣи изъ мертвыхъ, и много-  
человѣчное адово истощивъ богатство, препѣтѣи  
отцемъ Господь и Богъ благословенъ еси.

*Запѣвъ.* Силою Твоею, рогъ нашъ возвыси слу-  
жащихъ Ти, воскресѣи изъ мертвыхъ, и много-  
человѣчное адово истощивъ богатство, препѣтѣи  
отцемъ Господь и Богъ благословенъ еси.

*Пресвятая Троице Боже нашъ, слава Тебѣ.*

Реченіемъ божественымъ послѣдующе, славимъ  
едино Божество, яко въ тріехъ свѣтѣхъ не сліянно  
не пресѣкомо, и соединенъ пламень, вѣчный прос-  
вѣщающіи всю тварь зовущую. Препѣтѣи отцемъ  
Господь и Богъ благословенъ еси.

*Канонъ Пресвятѣй Богородицѣ*

*Запѣвъ.* Привлачитъ мя къ пѣнію любы дѣвѣст-  
веная, огнь иже въ сѣрдцы моемъ, вопити Мате-  
ри и Дѣвице, благословенная Господь сіламъ съ  
Тобою.

*Слава.* Превышиши тварей всѣхъ еси Богородице,  
яко Творца рождыши и Господа. Тѣмъ же Ти вопію,  
благословеная Господь сіламъ съ Тобою.

*И нынѣ.* Господство едино чту въ тріехъ священи-  
ихъ нераздѣльно, и пою трисоставное естество.  
Благословенъ еси Господи Боже Отецъ нашихъ.

*Катавасія.* Непослужѣша твари богомудреніи паче Зижди-  
теля, но огненное прещеніе мужески поправше, радовахуся  
поюще, препѣтѣи иже отцемъ Господь и Богъ, благословенъ  
еси.

*Канонъ воскресный*

*Пѣснь 8. Ирмосъ.* Руцѣ распростеръ Даніиль, львовъ зіянія  
въ ровѣ затчѣ. Огненую же силу угасѣша, добродѣтелию  
препоясавшеся, иже благочестія рачители отроцы зывающе,

благословите вся дѣла Господня Господа.

*Запѣвъ.* Руцѣ протерѣ на Кресте, языки вся къ Себѣ собра, еди́ну явилъ еси церковь Влады́ко, воспѣва́ющимъ Тя земнымъ и небеснымъ, согласно пою́щимъ, благословите вся дѣла Господня Господа.

*Запѣвъ.* Бѣлообразенъ явися жена́мъ, неприкосновеннымъ свѣтомъ облиставаемъ, иже воскресенія ангель, что Живаго во гробѣ вопія́ ищите яко мѣртва; воистину воста Христосъ. Ему же поемъ, благословите вся дѣла Господня Господа.

*Богородиченъ.* Ты едина во всѣхъ родѣхъ Дѣво пречистая, Мати явися Богу. Ты же божеству бысть жилище, Всенепорочная, не опалши́ся огнемъ неприступнаго свѣта. Тѣмъ же вси Тя благословимъ Маріе богоневѣстная.

*Канонъ крестовоскресный*

*Запѣвъ.* Неправедное видящи за́коленіе Твое, тварь омрачися рыда́ше. Земли бо смущающися, и солнце облечеса́ во мракъ яко въ ризу черну́. Мы же Тя Христе воспѣваемъ, и превозносимъ во вся вѣки.

*Запѣвъ.* Иже сше́дши со мною даже до ада, и всѣмъ путь сотворилъ еси воскресеніе. А́бие же взы́де нося́ мя на ра́му Своею, и ко Отцу принеслъ еси. Тѣмъ же зову́ Ти, Господа воспѣвайте дѣла, и превозносите Его во́ вѣки.

*Пресвятая Троице Боже нашъ, слава Тебѣ.*

Ума перваго и виновна всѣмъ, Отца единаго, вины́ не имуща славимъ, слову Тя проповѣдающе безначальна родителя, и предложителя Духу, Бога же и Содѣтеля всѣмъ, Троице сра́сленѣй поклоняемся и превозносимъ во́ вѣки.

*Канонъ Пресвятѣй Богородицѣ*

*Запѣвъ.* Отъ ребра́ Адамова создавии Тя, отъ Твоего дѣвства воплощается, иже всѣхъ вина. Ему же воспѣвающе вопіемъ, благословите вся дѣла Господня Господа.

*Благословимъ Отца и Сына и Святаго Духа Господа.*

Въ сѣни Авраамъ узрѣ, еже въ Тебѣ Богородице таинства, Сына бо Твоего безплотнаго пріятъ, поя, благословите вся дѣла Господня Господа.

*И нынѣ.* Равночисленныя Троицы, спасе́, Твоего дѣвства предвоображеніе. Дѣвственнымъ бо тѣломъ поправше пламень отроцы, вопіюще, благословите вся дѣла Господня Господа.

Хвалимъ, благословимъ, кланяемся Господеви, поемъ и превозносимъ Его во вѣки.

*Катавасія.* Отроки благочестивыя въ пещи́, рождество Богородичо спасло есть, тогда убо образуемо, нынѣ же дѣйствуемо, вселенную всю воздвѣже пѣти, Господа воспѣвайте дѣла и превозносите Его во вѣки (*поклонъ*).

*Пѣснь Богородицы.* Величитъ душа Моя Господа.

*Канонъ воскресный*

*Пѣснь 9. Ирмосъ.* Камень нерукоуко́бныя горы́, отъ несѣкомыя Тя Дѣво, краугольный отсѣчѣся Христось, иже совокупивъ разстоящаяся естества́. Тѣмъ веселящися, Тя Богородице величаемъ.

*Запѣвъ, поклонъ.* Всего мя воспріятъ спасе́, въ совокупленіи нераздѣльне. Всему ми даруй Боже мой спасеніе, ради страсти Твоея́ Христе, юже на Кресте претерпѣлъ еси тѣлеснѣ, благоутрѣбія ради.

*Запѣвъ.* Твои ученицы зряще, отвѣрзена грѣба Твоего, и богоно́сныя плащаницы испражнены, воскресеніемъ Ти, со ангеломъ глаго́лаху, воисти-

ну воста́ Господь.

*Пресвятая Троице Боже нашъ, слава Тебѣ.*

Еди́нство убо божѣственное существо, но составми Троицу, вси вѣрнии восхвалимъ, въ неслія́нныхъ составѣхъ; Отца пребезнача́льна, Сына и Духа Всесвята́го.

*Канонъ крестовоскресный*

*Запѣвъ, поклонъ.* Лѣстивно поползну́въ зми́и отъ Еде́ма, подъя́тъ мя плѣне́на, яко же младенца. На кра́ние же на твѣрдѣмъ ка́мени разрази́въ сего, Вседержитель Госпо́дь: пи́щи же мнѣ абіе входъ, дре́ва ради крестнаго отвѣрзль естъ.

*Запѣвъ.* Положивъ крѣпка́я врагу́ утверже́нія нынѣ въ за́пустѣніе, всесильною же рукою бога́тство его расхити́въ Христе, изъ боку́ ада воскресилъ мя еси. И иже древле безмѣрно хва́лящагося, яко смѣху наруга́ема явилъ еси.

*Запѣвъ.* Прииди́ Христе́, ни́щихъ люде́й Твоихъ озлобле́нія посещая. Милостивною же и державною длáнію, укрѣпи державу на ху́льные враги, изимáти Твое изрядное достоя́ніе, Человѣколюбець.

*Канонъ Пресвятѣй Богородицѣ*

*Запѣвъ, поклонъ.* Зримъ яко кринь Тя Пречистую, чистотою одѣяну, Божественымъ Духомъ, посредѣ́ терніа́ сіяющую, и благоуханія исполняющую, иже Тебѣ і́скрено величающихъ.

*Слава.* Тлѣнно пріемъ земное естество, изъ Твоего Всенепорочна́я чрева Нетлѣнный, въ Себѣ показа нетлѣнно, за благоутробіе. Тѣмъ же яко Богородицу величаемъ.

*И нынѣ.* Иже всѣми влада́щая тварьми́, людемъ еси даруй побѣдное одолѣ́ніе, непокориваго подло́-



жыши по́дъ нозѣ царѣви, да Тя яко Богородицу величаемъ.

*Катавасія.* Всякъ зѣмень да възыграется, Духомъ просвѣщаемъ, да ликовству́етъ же безплѣтныхъ умовъ естество, почитая святое торжество Божія Матерѣ, и да поетъ, радуися, преблаже́нная Богородице, чистая присно Дѣво.



## КАНОНЫ ПЯТАГО ГЛАСА

### *Канонъ воскресный*

*Пѣснь 1. Ирмосъ.* Кони и всадники въ мори Чермнѣмъ, сокруша́яи бра́ни мѣшцею высокою, Христоръ истряслъ есть, Израиля же спасе побѣдную пѣснь поюща.

*Запѣвъ.* Слава Господи воскресенію Твоему (*поклонъ*).

Тебе терноно́сное еврейское соборище, Христе́ вѣнча́; любве́ къ Тебѣ Благодателю не сохрани ма́терни: родоначальнику, разрѣша́юща терновное запрещеніе.

*Слава Господи воскресенію Твоему.*

Воздвѣже мя падшаго Жизнодавче, въ ровъ прекло́нься поискавъ, и мою злосмрадную тлю Христе претерпѣвъ неискусно: божественаго существа, муромъ мя облагоухалъ еси.

*Пресвятая Госпоже Богородице, спаси насъ.*

Разруши́ся клятва, печаль преста́: благословѣная бо и обрадованная, вѣрнымъ восія́ радость: благословеніе всѣмъ концемъ цвѣтъ носящи Христа.

### *Канонъ крестовоскресный*

*Запѣвъ.* Слава Господи Кресту Твоему и воскресенію (*поклонъ*).

Своею волею на Кресте пригвожденному плѣтію,

и дрѣвняго отреченія, иже дрѣва ради падшаго свободждьшему, Тому Единому воспоемъ яко прославися.

*Слава Господи Кресту Твоему и воскресенію.*

Иже изъ гроба мертвецю воскресшу Христу, и падшаго сооставившу, и съ сѣдѣніемъ отеческимъ украсившему, Тому вси воспоемъ, яко прославися.

*Пресвятая Госпоже Богородице, спаси насъ.*

Пречистая Мати Божія, воплощеннаго изъ Тебе, и отъ нѣдръ Родителя не разлучьшася Бога, непрестанно моли, отъ всякія напасти спасти ихъ же созда.

*Канонъ Пресвятѣй Богородицѣ*

*Запѣвъ.* Пресвятая Госпоже Богородице, спаси насъ (поклонъ).

Свѣта всельшагося въ Тя Пречистая, и просвѣщяшаго міръ лучами Божества, Христа моли просвѣтити вся поющыя Тя Мати Дѣво.

*Слава Отцу и Сыну и Святому Духу.*

Яко украшаема добротою добродѣтелей, обрѣдованная добротворное благолѣпіе лучю Духа подъятъ всечистая, иже всяческая удобрившаго.

*И нынѣ и присно и во вѣки вѣкомъ, аминь.*

Тебѣ дрѣвле преобразующи купинá въ Синаи, не опали Дѣвице огню присовокупльшися. Дѣвая бо родила еси, и Дѣвою пребысть, паче ума Богоневѣсто.

*Катавасія.* Отверзу уста моя, и наполнятся Духа, и слово отрыгну Царицѣ Матерѣ, и явлюся свѣтло торжествуя, и воспую радуясь Той чудеса.

*Канонъ воскресный*

*Пѣснь 3. Ирмосъ.* Утвержеи ниначѣмъ же землю пове-

леніемъ си. И распростёръ не одержимую тяготу, на недвижимѣмъ Христе камени заповѣдей Твоихъ, Церковь Свою утверди, единый Блаже, и Человѣколюбче.

*Запѣвъ.* Желчь убо Тебѣ принесѡша Христе, чудеса сотворшему, иже отъ камене медь ссавши въ пустыни. Оцѣтъ же за манну, возблагодѣяніе Ти воздаша, дѣти израилеви неразумніи.

*Запѣвъ.* Иже дрѣвле свѣтовиднымъ облакомъ покрываемы, живота во гробѣ Христа положиша. Но Своею властію воставъ, всѣмъ вѣрнымъ подаде тайно осѣняющее свыше духовное сіяніе.

*Богородиченъ.* Ты Мати Божія несочтанно родила еси, иже изъ нетлѣнна Отца восіавшаго, безъ матернихъ болѣзней. Тѣмже Тя Богородицу, воплощеннаго бо родила еси Слова, православно проповѣдуемъ.

*Канонъ крестовоскресный*

*Запѣвъ.* Воскрѣслъ еси отъ гроба Христе, отъ тли смѣртныя избавляя, воспѣвающихъ Жизнодавче, тридневное Твое востаніе.

*Запѣвъ.* Силою Креста Твоего Христе, утверди мое помышленіе, во еже пѣти и славити, Твое тридневное воскресеніе.

*Богородиченъ.* Моли непрестанно Чистая, прошедшаго изъ чреслъ Твоихъ, избавити отъ лести діаволи, воспѣвающихъ Тя Матерь Божию.

*Канонъ Пресвятѣй Богородицѣ*

*Запѣвъ.* Лѣствица еюже къ намъ сниде Вышніи. Изтлѣвшее естество исправити, Ты явленнѣйши Чистая всѣмъ нынѣ видѣна бысть. Тобою бо Прелюблѣнныи міру бесѣдовати изволи.

*Слава.* Иже дрѣвле предповелѣнное Дѣво таиньст-

во, и прежде вѣкъ предвѣдомо вся вѣдящему Богу, лѣтомъ нынѣ напоследокъ, въ ложеснахъ Твоихъ Всенепорочная конецъ пріемъ показася.

**И нынѣ.** Разрѣшися клятвы древнія осужденіе Твоимъ рождествомъ Дѣво пречистая. Изъ Тебе бо Господь явіся, всѣмъ благословеніе яко преблагіи даровалъ естъ, едина человѣкомъ удобреніе.

**Катавасія.** Твоя пѣвцы Богородице, живыи нетлѣнія источниче, ликъ Себѣ совокупльши духовенъ утверди, и въ божественнѣй Ти славѣ вѣнцемъ Славы сподоби.

Господи помилуй (*трижды*). Слава, и нынѣ.

*(Въ воскресеніе по 3-й пѣсни читаются кондаки, ихъ икосы, потомъ съдальны; святыхъ или праздниковъ, изъ Меньи).*

#### *Канонъ воскресный*

**Пѣснь 4. Ирмосъ.** Божественное Твое разумѣвъ смотрѣніе, дивяся Аввакумъ Христе, трепетно вопіяше, на спасеніе людемъ Своимъ спасти благія Своя пришелъ еси.

**Запѣвъ.** Крестъ за древо разумное, за сладкую пищу желчь Христе мой пріятъ, за тлѣніе же смѣрти, кровь Свою божественую изліялъ еси.

**Запѣвъ.** Мѣррскія горчайшая воды, яко во образѣ прообразуя пречистый Крестъ Твой Блаже. Грѣховное умерщвляющіи вкушеніе, древа ради усладилъ еси.

**Богородиченъ.** Кромѣ убо сочтанія зачала еси безъ истлѣнія во чревѣ, и безъ болѣзни родила еси. И по рождествѣ Дѣвая Бога плотию рождшая сохранися.

#### *Канонъ крестовоскресный*

**Запѣвъ.** Егда водрузися на земли, на лобнѣмъ Крестъ, сокрушишася верей и вратницы вѣчніи, и

возопіша слава силъ Твоей Господи.

*Запѣвъ.* Егда сніде Христось, къ связаннымъ яко мертвъ, совоскреснуша съ Нимъ иже отъ гроба мертви, и возопіша, слава силъ Твоей Господи.

*Запѣвъ.* Яко изыде Христось отъ запечатлѣнна гроба, обнови радость мвроносицамъ женамъ, и возопіша, слава силъ Твоей Господи.

*Канонъ Пресвятѣй Богородицѣ*

*Запѣвъ.* Сердцемъ и умомъ, душею же и усты исповѣдаю всеблагочестно, Тя Богородицу воистину Чистая, спасенія плодъ объѣмля и спасаюся Дѣвице, молитвою Ти.

*Слава.* Создавыи отъ несущихъ всяческая, отъ Тебѣ создатися чистыя яко Благодатель изволи, на спасеніе иже вѣрою и любовію славящихъ Тя Всенепорочная.

*И нынѣ.* Поютъ твое рождество Всепѣтая Небесни чинове, спасенію радующесе, иже воистину Богородицу Тя мудрствующихъ, Дѣво нескверная.

*Катавасія.* Седѣи во славѣ на престолѣ божественнѣ на облацѣ легцѣ прииде Исусъ пребожественныи отъ пречистыя Дѣвы, и спасе вопіющія, слава Христе силъ Твоей.

*Канонъ воскресный*

*Пѣснь 5. Ирмосъ.* Одѣяися свѣтомъ яко и ризою, къ Тебѣ утренюю, и Тебѣ вопію, душу мою просвѣти омраченую Христе, яко единъ благоутробенъ.

*Запѣвъ.* Иже славы Господь, въ неславнѣ образѣ, на древѣ обезчещенъ Своею волею виситъ, божественную мнѣ славу неизреченно промышляя.

*Запѣвъ.* Ты мя преоблече въ нетлѣніе Христе, тлѣніе смерти неистлѣнно плотию вкусивъ: и восіялъ еси изъ гроба триднѣвно.

*Богородичень.* Ты правду же и избавленіе намъ рождыши Христа безъ сѣмене, свободно содѣяла еси отъ клятвы Богородице естество праотца.

*Канонъ крестовоскресный*

*Запѣвъ.* Распростѣрль еси рѹцѣ Иисусе мой на древѣ, вся призывая къ Себѣ яко Человѣколюбецѣ.

*Запѣвъ.* Плѣнивъ ада Спасе нашъ погребеніемъ си, и воскресеніемъ Своимъ радости вся исполнилъ еси.

*Богородичень.* Дѣву по рожествѣ поемъ Тя Богородице, Ты бо Бога Слова плотию мірови родила еси.

*Канонъ Пресвятый Богородицѣ*

*Запѣвъ.* Все пророцы явѣ Тя предвозвестиша, бывшую Божію Матерь Богородице пречистая, еди́на бо обрѣтесе чистотою совершена Всенепоро́чная.

*Слава.* Свѣтелъ Ты облакъ животныя воды, намъ Тучю нетлѣнія Христа одождивши, отчаяннымъ, Чистая разумѣваемъ.

*И нынѣ.* Яко ближнюю всю Тя добру́ и непоро́чну, запечатлѣнну дѣвствомъ, чистый возлюбѣ, въ Тебѣ вселися Богъ, единый благоутрѣбенъ.

*Катавасія.* Удивишася всяческая о божественнѣй славѣ Твоей, Ты бо, браконейску́мая Дѣвице, пріятъ во утробѣ надо всѣми сущаго Бога, и родила еси безлѣтнаго Сына, всѣмъ воспѣвающимъ Тя миръ подавающа.

*Канонъ воскресный*

*Пѣснь 6. Ирмосъ.* Волнующееся бурей душетлѣнною Владыко Христе страстей моихъ море укроти: и изъ тли возведи мя яко милосердъ.

*Запѣвъ.* Въ тлѣніе поплѣзся родоначальникъ, Владыко Христе, преслушаннаго брашна вкушь, и къ

жизни возведенъ бысть страстей Твоихъ ради.

*Запѣвъ.* Животѣ приближился еси ко аду Владыко Христе, и тлѣнїе тлѣющему бывъ, тлѣнїя ради, источилъ еси воскресенїе.

*Богородиченъ.* Дѣвою родила еси, и рождъши пребысть чистая. На руку иже всяческая носящаго, яко истинная Дѣвая Мати понесла еси.

*Канонъ крестовоскресный*

*Запѣвъ.* Распростеръ длани Свои, собирая расточеная языкъ Твоихъ составленїя Христе Боже нашъ, живоноснымъ Крестомъ си яко Человѣколюбецъ.

*Запѣвъ.* Плѣнивъ смерть, и врата ада сокрушилъ еси. Адамъ же связаный разрѣшенъ бывъ вопїяше Ти, спасе мя десница Твоя Господи.

*Богородиченъ.* Купину Тя не опалиму, и гору, и лѣствицу одушевлену, и дверь небесную достойно славимъ, Марїе славная, православнымъ похвалю.

*Канонъ Пресвятый Богородицѣ*

*Запѣвъ.* Всѣмъ вина, и еже быти всѣмъ подавая, яко виновну прїемъ воплощаемъ, еже по насъ Тя Богомати всенепорочная.

*Слава.* Цѣленїи Владычице душепитательными точащи источникъ, вѣрою притекающихъ къ покрову Твоему славному, вѣмы Тя Всенепорочная.

*И нынѣ.* Спасенїю вину Жизнодавца породила еси намъ, вѣчное избавленїе дарующаго, иже истинную Богородицу Тя исповѣдающимъ.

*Катавасїя.* Божественное се и всечестное совершающе празднество, богомудренїи, Божїя Матере, прїидите руками восплещемъ, отъ нея рождшагося вѣрою славаще.

Господи помилуй (*трижды*).

*Слава, и нынѣ. Кондакъ, гласъ 5.*

Ко аду Спасе мой сошелъ еси, и врата сокрушивъ яко всесильнъ. Умершихъ яко Создатель совоскресилъ еси, и смерти жало сокрушивъ, и Адамъ отъ клятвы избавленъ бысть Человѣколюбче. Тѣмъ же вси зовемъ, спаси насъ Господи.

*Икосъ.* Услышавше жены ангеловы глаголы, отложиша рыданіе, радостни быша и трепетни, ужасъ бо видеша. И се Христосъ приближися къ нимъ глаголя, еже радуйтеся, дерзайте, Азъ міра побѣдихъ, и узники свободихъ. Потщитесь убо ко ученикомъ, возвещающе имъ, яко варяю вы во градъ Галилейстѣмъ, еже проповѣдати Мя. Тѣмъ же вси Тебѣ вопіемъ, спаси насъ Господи.

*Канонъ воскресный*

*Пѣснь 7. Ирмосъ.* Превозносимый отцемъ Господь, пламень угасивъ, дѣти же прохладилъ есть, единогласно поюща, Боже благословенъ еси.

*Запѣвъ.* Плотию обложься, яко на удицы льщеніе, божественною силою Своею змя низвлѣклъ еси, возводя вопіющыя, Боже благословенъ еси.

*Запѣвъ.* Иже земли непроходное осуществовавши составленіе, во гробѣ покрывается плотію Невмѣстимыи. Емуже вси поемъ, Боже благословенъ еси.

*Богородиченъ.* Единъ убо составъ, въ дву естеству Всенепорочная родила еси воплощеннаго Бога. Емуже вси поемъ, Боже благословенъ еси.

*Канонъ крестовоскресный*

*Запѣвъ.* Древа ради крестнаго, идольскую разоривъ прелесть, благословенъ Богъ Отецъ нашихъ.

*Запѣвъ.* Своею смертію Христе, смерти разорилъ еси державу. Благословенъ Богъ Отецъ нашихъ.

*Запѣвъ.* Воскресъ изъ мертвыхъ, и сущыя во адѣ



совоздвигъ, благословенъ Богъ Отецъ нашихъ.

*Канонъ Пресвятый Богородицъ*

*Запѣвъ.* Не описанный пребысть непремѣненъ, плотию по составу совокупися яко благоутробенъ, въ Тебѣ Всесвятая, иже единъ благословѣнии.

*Слава.* Невѣсту Тя всенепорочную Богородице Владычице согласно славимъ, и престолъ Зиждителя Твоего. Емуже вси поемъ, Боже благословенъ еси.

*И нынѣ.* Мати всѣхъ Царя очистившись Духомъ, Дѣво была еси Тебѣ создавшему, Емуже вси поемъ, Боже благословенъ еси.

*Катавасія.* Непослуживша твари богомудреніи паче Зиждителя, но огненное прещеніе мужески поправше, радовахуся поюще, препѣтыи иже отцемъ Господь и Богъ, благословенъ еси.

*Канонъ воскресный*

*Пѣснь 8. Ирмосъ.* Тебѣ Вседѣтелю въ пещи отроцы, всемирный ликъ составльше пояху, дѣла всякая Господа пойте, и превозносите Его во вѣки.

*Запѣвъ.* Ты и о волнѣй спасительныя страсти, помолися о чаши, яко же невольнѣй: двѣ хотѣни бо, двѣма покоемуждо носиши существа Христа во вѣки.

*Запѣвъ.* Твоимъ вседѣтельнымъ схожденіемъ, адъ Христе поруганъ бысть, и изблева вся иже дрѣвле лѣстію умерщвенныя, Тя превозносящія вѣрно во вся вѣки.

*Богородиченъ.* Тя юже паче ума богомужно, Слово рождшую Господа, и дѣвѣствующую, вся дѣла Дѣво благословимъ, и превозносимъ Чистую во вся вѣки.

*Канонъ крестовоскресный*

*Запѣвъ.* На Крестѣ волею длани простѣршаго, и юзы смѣртныя расторгшаго Христа, священнии пойте, людие превозносите Его во вѣки.

*Запѣвъ.* Сшедшаго во гробъ, и связавшаго ада, и воскресшаго во славу Христа, и мѣртвыя созодвигшаго, священнии пойте, людие превозносите Его во вѣки.

*Запѣвъ.* Иже яко Жениха изъ гроба восиявшаго Христа Бога, и муносицамъ являшагося, и радость имъ провѣщавша, священнии пойте, людие превозносите Его во вѣки.

*Канонъ Пресвятѣй Богородицѣ*

*Запѣвъ.* Престá нынѣ праотецъ печаль, яже радость приѣмши Ти Богоматери. Тѣмъ же непрестанно Тя воспѣваемъ Дѣво, и превозносимъ во вся вѣки.

*Благословимъ Отца и Сына и Святаго Духа, Господа.*

Поетъ съ нами безплотныхъ сонмъ Дѣво, рождество Твое непостижимое, единъ ликъ составльше любовию. Его же превозносимъ во вѣки.

*Богородичень.* Божественныи воистину, и свѣтоносный престолъ, и скрижали благодати исповѣдаемъ Тя Дѣво, яко приѣмшую слово Отчее Его же превозносимъ во вѣки.

Хвалимъ, благословимъ, кланяемся Господеви, поемъ и превозносимъ Его во вѣки.

*Катавасія.* Отроки благочестивыя въ пещи, рождество Богородичо спасло есть, тогда убо образуемо, нынѣ же дѣйствуемо, вселенную всю воздвиге пѣти, Господа воспѣвайте дѣла и превозносите Его во вѣки (*поклонъ*).

*Пѣснь Богородицы.* Величитъ душа Моя Господа.

*Канонъ воскресный*

*Пѣснь 9. Ирмосъ.* Исаіе ликуй, Дѣвая бо имѣ во чревѣ, и

породи́ Сына Емману́ила, Бога же и Человѣка, Востокъ имя Ему. Его же величающе, Тебе Дѣво ублажаемъ.

*Запѣвъ, поклонъ.* Падшаго человѣка воспріятъ Владыко Христе, изъ чрева дѣвѣствена, всѣму совокупився, грѣху же ни единому непричащся: всего отъ страстей Ты свободилъ еси, пречистыми си страстьми́.

*Запѣвъ.* Боготочною кровію изліянною Владыко Христе, отъ Твоихъ пречистыхъ ребръ и животворящихъ, жертва убо преста́ идольская: всяже земля Твоего хваленія жертву Ти приноша́етъ.

*Богородиченъ.* Не Бога безплотна, ниже паки чело-вѣка прѣста, произведѣ пречистая Отроковице и несквѣрная. Но человѣка совершена, и неложно свершена Бога. Его же величаемъ со Отцѣмъ же и Духомъ.

*Канонъ крестовоскресный*

*Запѣвъ, поклонъ.* Тебе иже на Крестѣ страсти пріѣмшаго, и смѣртію сокрушивша адову крѣпость, вѣрніи по достоянію величаемъ.

*Запѣвъ.* Тебе иже изъ гроба воскресша Христе, и ада плѣнивша, и міра просвѣтивша, вѣрніи единомудрено пѣсньми величаемъ.

*Богородиченъ.* Радуйся Богородице Мати Христа Бога. Егѣже родила еси, моли согрѣшеніемъ оставленіе даровати, вѣрою воспѣвающимъ Тя.

*Канонъ Пресвятый Богородицъ*

*Запѣвъ, поклонъ.* Отъ чистыхъ кровей Твоихъ, всыріся плоть преестѣственно всѣхъ содѣтелю, и единородному Сыну родителя: не отъ мужа, но безъ сѣмене, умна и одушевлена Богородице всеблаженная.

**Слава.** На престолѣ съдя владычьнемъ Сынъ Твой, позлащаетъ тя ряснами божественныхъ добродѣтелей, явѣ сияющу одесную постави Чистая: дай честь яко Матери Тебѣ Пренепорочная.

**И нынѣ.** Обходимое уставила еси смерти не удержанное стремление, родивши плотию истинно паче ума Жизнь вѣчную, всевятая Дѣво Мати. Ей же приложися усты адъ, горько упразднися.

**Катавасія.** Всякъ зѣмень да разыграется, Духомъ просвѣщаемъ, да ликовствуетъ же безплотныхъ умовъ естество, почитая святое торжество Божія Матерѣ, и да поетъ, радуися, преблаженная Богородице, чистая присно Дѣво.



## КАНОНЫ ШЕСТАГО ГЛАСА

### *Канонъ воскресный*

**Пѣснь 1. Ирмосъ.** Яко по суху ходивъ Израиль, по безднѣ стопами: гонителя фараона видя потопляема, Богу побѣдную пѣснь, поемъ вопіяше.

**Запѣвъ.** Слава Господи воскресенію Твоему (*поклонъ*).

Распростертыма дланьма на Крестѣ, Отческаго исполнилъ еси благоволенія всяческая Исусе блаже. Тѣмже побѣдную пѣснь вси Тебѣ поемъ.

**Запѣвъ.** Слава Господи воскресенію Твоему.

Страхомъ Тебѣ яко раба смерть повелѣна, приступи ко Владыце животу. Тоя ради раздавающе намъ, безконечный животъ и воскресеніе.

**Богородичень.** Пресвятая Госпоже Богородице, спаси насъ.

Своего приѣмши Содѣтеля Чистая, яко Самъ восхотѣ, отъ Безсѣменна чрева Ти, паче ума вопло-

щаема, тваремъ воистину явися Владычице.

*Канонъ крестовоскресный*

*Запѣвъ. Слава Господи Кресту Твоему и воскресенію (поклонъ).*

Страхомъ Ти смертная врата отверзаются, и ратерзаются вереи вѣчныя. Честнымъ бо Ти схожденіемъ воскреснуша древнии мертвецы, благодарственно поюще, Христе, воскресеніе Твое.

*Запѣвъ. Слава Господи Кресту Твоему и воскресенію.*

Рано жены на гробъ придоша, муро носяще со слезами. Въ бѣлыхъ ризахъ видѣша блистающася ангела, къ нимъ зывающа, воскресе изъ мертвыхъ животъ всѣхъ.

*Богородиченъ. Пресвятая Госпоже Богородице, спаси насъ.*

Радуися свѣтоносная сѣне и свѣщнице цѣркви, и трапѣзо, и горѣ святая. Радуися полато славы, и престоле Бога нашего. Радуися стѣно неборимая, намъ воспѣвающимъ Тя.

*Канонъ Пресвятѣй Богородицѣ*

*Запѣвъ. Пресвятая Госпоже Богородице, спаси насъ (поклонъ).*

Причастися Евва саду преслушанія пищи, клятву введе, но сію разрушила еси Чистая, благословенію начальника Христа рождши.

*Запѣвъ. Пресвятая Госпоже Богородице, спаси насъ.*

Бисера отъ Божественныхъ молній Христа рождши, страстей моихъ мглу, и согрѣшеніи смущеніе разори, Чистая, свѣтомъ Твоея свѣтлости.

*Слава Отцу и Сыну и Святому Духу.*

Языкомъ чаяніе отъ Тебе воплощаемаго Бога, Іаковъ провидяше тайно, мысленыма очима, избав-

ляющаго насъ ходатайствомъ Ти.

*И нынѣ и присно и во вѣки вѣкомъ, аминь.*

Оскудѣвшимъ княземъ отъ колѣна Юдова Всечистая, Сынъ Твой и Богъ прошѣдъ вождь, земнымъ концемъ истинно нынѣ воцарися.

*Катавасія.* Отвѣрзу уста моя, и наполнятся дѹха, и слово отрыгну Царицѣ Матерѣ, и явлюся свѣтло торжествуя, и воспою радуясь Тоя чудеса.

*Канонъ воскресный*

*Пѣснь 3. Ирмосъ.* Нѣсть святъ яко же Ты Господи Боже мой, вознесый рогъ вѣрныхъ си, Блаже, и утверждь ихъ на камени исповѣданія Ти.

*Запѣвъ.* Бога распинаема плотію зрящи вся тварь, распадѣшеся страхомъ, но вседержащею дланію насъ ради Распятаго, крѣпко держима бѣ.

*Запѣвъ.* Смертію смерть разорѣна, лежитъ окаянно бездыханная, живота бо не терпяще божественнаго приложенія, умерщвляется Крѣпкій и даруется всѣмъ воскресеніе.

*Богородичень.* Божественаго рожества Ти Чистая, всякій естества чинъ превосходитъ чудо. Бога бо пресущна зачала еси во чревѣ и рождыши, пребываеши присно Дѣвая.

*Канонъ крестовоскресный*

*Запѣвъ.* Тебе воскресшаго триднѣвно, и явльшагося женамъ муриносицамъ Спасе, и тѣмъ радуйтесь рѣкша, пѣснословяще вопіемъ, нѣсть свята, развѣ Тебѣ Господи Человѣколюбче.

*Запѣвъ.* Слава Твоему востанію Спасе нашъ, яко насъ отъ адова тлѣнія и смерти избавилъ еси яко всесильнъ. И поюще глаголемъ, нѣсть свята, развѣ Тебе Господи Человѣколюбче.

*Богородиченъ.* Тебе иже отъ Святѣя Богоотроковицы воплощѣшася Слова, и спѣсшаго отъ прѣлести падшаго первозданна, боголѣпно славимъ, нѣсть свѣта, развѣ Тебе Господи Человѣколюбче.

*Канонъ Пресвятѣй Богородицѣ*

*Запѣвъ.* Тлѣнную и смѣртную мою плоть, Всечистая Богомати, отъ утрѣбы Твоея несказанно пріемъ благи, и онетлѣнивъ ту, вѣчно Себѣ связалъ есть.

*Запѣвъ.* Бога воплощѣема изъ Тебе зряще Дѣво, удивляхуса страхомъ ангельстїи лицы, яко Матерь Божию немолчными пѣснями Тя славяху.

*Слава.* Ужасѣся пророкъ Данїилъ, гору Тя мысленную зря Богомати, отъ нея же камень отсѣчѣся кромѣ рукъ, бѣсовская жилища державно сокруши.

*И нынѣ.* Не можетъ Тя слово человѣческое, ни языкъ Дѣво похвалити достойно. Отъ Тебѣ бо Всечистая, безсѣмене Жизнодавецъ Богъ воплотитися благоизволи.

*Катавасїя.* Твоя пѣвцы Богородице, живѣи нетлѣнїя истѣчнїче, ликъ Себѣ совокупльши духовенъ утверди, и въ божественнѣй Ти славѣ вѣнцемъ Славы сподоби.

Господи помилуй (*трижды*). Слава, и нынѣ.

*(Въ воскресенїе по 3-й пѣсни читаются кондаки, ихъ икосы, потомъ съдальны; святыхъ или праздниковъ, изъ Менѣи).*

*Канонъ воскресный*

*Пѣснь 4. Ирмосъ.* Христосъ мнѣ сила Богъ и Господь, честная церкви боголѣпно зовѣтъ вопїющи, отъ совѣсти чїсты, о Господѣ прѣзднующи.

*Запѣвъ.* Дерево процвѣло есть Христе сущаго живота, жизнь намъ израсти. Крестъ бо водрузи́ся, и вся напоивъ кровїю и водою изъ нетлѣнныхъ Ти

ребръ.

*Запѣвъ.* Нектому́ змѣи мнѣ, лóжно обоженіе вла-  
гаѣтъ, Христось бо благодѣтель челоувѣчу естеству,  
нынѣ невозбранно стезю животу моему устрои.

*Богородиченъ.* Яко войистину неизглаголанна суть  
и непостижима Твоего Богородице боголѣпнаго  
рожества, сущимъ на землі, и небѣснымъ присно  
Дѣво таинство.

*Канонъ крестовоскресный*

*Запѣвъ.* Иже въ вы́шнихъ Родителю сприсносу́щ-  
ный, плóтски на древѣ за насъ пригвоздїся, разрушая  
клятву яже въ Рай, яко всесилень.

*Запѣвъ.* Не истлѣ во гробѣ пречїстая плоть Из-  
бавителя лежащи, но яко всесилень сокруши адовы  
верей, и воскресе во славѣ Христе триднѣвно.

*Богородиченъ.* Муроно́сицамъ Спасъ нашъ воскресъ  
изъ мѣртвыхъ, возгласї радуйтеся, и къ нимъ возопї,  
шедше прочее мудрымъ апостоломъ благовѣстите.

*Канонъ Пресвятый Богородиць*

*Запѣвъ.* Поѣмъ пречистая Тебе всенепорóчную,  
Тебе ради спасшиися. И благочѣстно поюще вопїемъ,  
благословѣна, яже Бога плóтию рóждышая.

*Запѣвъ.* Свѣтъ незаходїмый Дѣво рóждыши, во  
тмѣ сущимъ житїя, плóтию свѣтящъ Всеблаженная, и  
поющимъ Тя присно Дѣво, радость источїла еси.

*Слава.* Благодать процвѣтѣ, законъ престá, Тебѣ  
ради, Пречистая, Ты бо Чистая родилá еси Господа,  
дающаго намъ присно Дѣво оставленіе.

*И нынѣ.* Мѣртва мя показá сада вкушеніе, жизни  
же древо отъ Тебѣ явьшееся Всечистая оживї, и  
рая пици наслѣдника мя устрой.

*Катавасїя.* Седяи во славѣ на престолѣ божѣственнѣ на



облацѣ легцѣ прииде Исусъ пребожественный отъ Пречистыя Дѣвы, и спасе вопіющія, слава Христе силѣ Твоей.

*Канонъ воскресный*

*Пѣснь 5. Ирмосъ.* Божіимъ Свѣтомъ Ти Блаже, утренюющихъ Ти души любовію просвѣти молюся, Тя вѣдѣти Слово Божіе истиннаго Бога, отъ мрака грѣховнаго изимающа.

*Запѣвъ.* Отступаётъ ми Херувимъ нынѣ Владыко, и пламенное оружіе плещи мнѣ даетъ. Тя видѣвше Слово Божіе истиннаго Бога, разбойнику путь въ Рай сотворшаго.

*Запѣвъ.* Нектому боюся, еже въ землю Владыко Христе возвращенія. Ты бо отъ земли возвелъ мя еси забвѣна, ради благоутробія многаго, къ высотѣ нетлѣнія воскресеніемъ Своимъ.

*Богородиченъ.* Иже Богородицу Тя отъ души исповѣдающыя, Владычице міру благая спасай. Тебе бо заступленіе непобѣдимо имамамы, истинную Богородительницу.

*Канонъ крестовоскресный*

*Запѣвъ.* За милосердіе Блаже, еже о насъ, приемъ плоть, волею на Крестѣ пригвождься менѣ ради, иже дрѣвле оставльша, святую Ти заповѣдь снѣдію въ Рай, и умираеши челоуѣколѣпно, животъ даруя ми.

*Запѣвъ.* Тебѣ иже на престолѣ яко Бога, и въ мѣртвыхъ яко смѣртна вмѣнившася, видѣвъ адъ излева, яже имяше прежде окаянныи. И триднѣвно Сильне совоскресилъ еси падшее естество. Самъ же міръ весь Христе просвѣтилъ еси.

*Богородиченъ.* Не истлѣ утробою дѣвическое рождество подьемши, но паки якоже прежде пребыла еси Богородице Мати неискусобрачная. Тѣмже молися

прилѣжно о рабѣхъ Своихъ, Тебе славослѡвѡящихъ, избѡвѡитися отъ искушеній и бѣдъ.

*Канонъ Пресвятѣй Богородицѣ*

*Запѣвъ.* Чистотою возсіявши издалѣча, божѣственное уготовано бысть жилище Владыце всепѣтая. Ты бо едина Мати явѡися воистину Божія, рукама якоже Младенца Сего носивши.

*Слава.* Носящи доброту мысленую, изрядныя Ти души, Невѣста Божія была еси, запечатлѣнная дѣвствомъ Чистая, и свѣтомъ чистоты миръ просвѣщающи.

*И нынѣ.* Да рыдаетъ сонмъ злочестивыхъ, неисповѣдающихъ Тя явѣ Чистую Божию Матерь. Ты бо врата божественаго свѣта показася намъ, мракъ согрѣшеніи разоряющи.

*Катавасія.* Удивѡшася всяческая о божѣственной славѣ Твоей, Ты бо, браконейскуемая Дѣвице, пріятъ во утрѡбѣ надо всеми сущаго Бога, и родила еси безлѣтнаго Сына, всѣмъ воспѣвающимъ Тя миръ подавающа.

*Канонъ воскресный*

*Пѣснь 6. Ирмосъ.* Житейскаго моря воздвизаема зря, напастей бурею, въ тихое пристанище притекъ вопію Ти, возведи отъ тли животъ мой, Многомилостиве.

*Запѣвъ.* Распинаемъ Владыко, гвоздьми убо, клятву юже на насъ потребилъ еси. Копіемъ же прободаемъ въ ребра, Адамово рукописаніе растерзавъ, миръ свободилъ еси.

*Запѣвъ.* Адамъ низведѣся бысть, лѣстію запятъ бывъ ко адовѣ пропасти. Но иже естествомъ Богъ сый милостивъ, сошелъ еси на исканіе, и на раму понесъ совоскресилъ еси.

*Богородиченъ.* Пречистая Владычице, рождышая

земнымъ кормчию и Господа, страстей моихъ непостоянное и лютое разжени смущение, и тишину подаждь сердцу моему.

*Канонъ крестовоскресный*

*Запѣвъ.* Како претерпѣ раны и досажденія Слове, и заушенія; Ты бо волею яко человекъ, плотию страсть претерпѣлъ еси: но Богъ съи, безстрастенъ пребысть, распинаемъ на древѣ посредѣ двою разбойнику. Спаслъ же еси отъ тли естество наше яко всеиленъ.

*Запѣвъ.* Ты во гробѣ хотя положися Спасе мене ради, яко мертвъ, и свѣтъ возсиялъ еси, иже во тмѣ и сѣни смертнѣй держимымъ. Облиставъ же триднѣвно, и срѣтъ муриносицъ, сице возгласивъ тѣмъ: радуйтесь во истину, и рцыте прочее апостоломъ моимъ.

*Богородичень.* О Дѣво обрадованная, Мати Богоневѣстная, Ты иже прѣжде вѣкъ рожденнаго отъ Отца безначальна, неискусобратно приѣмши во утробѣ Своей, и родила еси воплощенна. Его же моли о всѣхъ насъ, множество щедротъ низпослати намъ.

*Канонъ Пресвятѣй Богородицѣ*

*Запѣвъ.* Великіи преднаписа во пророцѣхъ Моисей Тя, ковчегъ и трапѣзу, и свѣщникъ и рѣчку, образно являя воплощение, еже отъ Тебѣ Вышняго, Мати Дѣво.

*Слава.* Умерщвляется смерть, упражняется и тлѣние Адамова осужденія плодомъ Твоимъ приложився, о Владычице Животъ бо родила еси, отъ истлѣнія избавляющъ поющихъ Тя.

*И нынѣ.* Законъ изнеможе, и прѣйде сѣнь. Выше ума и помысла, явившися благодати, иже отъ Тебе

Дѣво рождествомъ Бога и Спаса, Многопѣтая.

*Катавасія.* Божественное се и всечестное совершающее празднество, богомудрени, Божія Матерѣ, приидите руками восплещемъ, отъ нея рождышагося вѣрою славяще.

Господи помилуй (*3 раза*).

*Слава, и нынѣ. Кондакъ, гласъ 6.*

Живоначалною дланію, умершихъ отъ мрачныхъ удолий, жизнедавецъ воскресивъ всѣхъ Христосъ Богъ, воскресение даровавъ челоѣческому роду. Есть бо всѣхъ Спаситель и воскресение и животъ, и Богъ всяческимъ.

*Икосъ.* Крестъ и погребение Твое Жизнодавче, воспѣваемъ вѣрнии и поклоняемся, яко ада связалъ еси Безсмертне, яко Богъ всесильный, и мертвыхъ совоскресилъ еси, и врата смертныя сокрушилъ еси, державу адову низложивъ яко Богъ. Тѣмже земнороднии славословимъ Тя любовію, воскрѣсшаго и низложивша вражію державу всепѣгубную, и всѣхъ воскресившаго, иже въ Тя вѣровавшихъ, и міръ избавльшаго отъ стрѣлъ змиевыхъ, и отъ прелести вражія, яко Богъ всяческихъ.

*Канонъ воскресный*

*Пѣснь 7. Ирмосъ.* Хладодательну убо пещь сотвори ангель, преподобнымъ дѣтемъ, халдѣи же опали велѣніемъ Божиимъ, мучителя увѣща вопіти, благословенъ Богъ Отецъ нашихъ.

*Запѣвъ.* Рыдая страсти Твоея солнце. Въ мракъ облечеса, и во дне по всей земли Владыко Христе, свѣтъ помрачися, благословенъ Богъ Отецъ нашихъ.

*Запѣвъ.* Облекошася Христе схождениемъ Ти, въ свѣтъ преисподняя. Праотецъ же веселія исполненъ явися, ликовствуя играше, вопія благословенъ Богъ

Отець нашихъ.

*Пресвятая Троица Боже нашъ, слава Тебѣ.*

Троицу всеми владущую, естествомъ Трисоставную, благодать безчисленную и пучину свѣта, поюще возопіемъ вѣрнии, благословенъ Богъ Отець нашихъ.

*Канонъ крестовоскресный*

*Запѣвъ.* Тебе Спаса на лѣбнѣмъ распяша, законопреступныхъ дѣти нечестивыя, иже врата мѣдная и верей сокрушившаго, на спасеніе намъ поющимъ, Избавителю Боже благословенъ еси.

*Запѣвъ.* Ты смерти державу разрушилъ еси, и воскресе воздвигеніе дая, иже воистину Тя Господа славящимъ, и преславно вѣрою Тебѣ вопіющимъ, Избавителю Боже благословенъ еси.

*Богородиченъ.* Единаго отъ Троицы родила еси Пречистая, милосердія ради на земли явльшагося, во двою естеству. Его же непрестанно моли, спасти душа наша.

*Канонъ Пресвятѣй Богородицѣ*

*Запѣвъ.* Юношъ триехъ пещь не опали, рождество Твое предвоображающихъ, божественни бо огонь Тебѣ не опали, вселися въ Тя, и вся научи вопіти, благословенъ Богъ Отець нашихъ.

*Запѣвъ.* Блажатъ концы Тебе всечистая Мати, яко же прорекла еси, просвѣщаеми свѣтообразіемъ сіяни Твоихъ, и благодатию свѣтящеса, вопіють, благословенная яже Бога плотию рождышая.

*Слава.* Пагубныя убо зубы въ мя вонзѣ змій вселукавыи, но сія Твой Богомати сокруши Сынъ, крѣпость подавая ми вопіти, благословенъ еси Господи Боже Отець нашихъ.

**И нынѣ.** Очи́тилище естества Ты еси, едина Богоблаже́нная, на ра́мѣхъ бо херувѣмскихъ съдѣщаго Бога, дланѣма носѣвши, вопіеши, благословенъ еси Господи Боже Отецъ нашихъ.

**Катавасія.** Непослужѣша твари богомудреніи паче Зиждителя, но огненное прещеніе мужески поправше, радовахуся поюще, препѣтыи иже отцемъ Господь и Богъ, благословенъ еси.

*Канонъ воскресный*

**Пѣснь 8. Ирмосъ.** Изъ пламене святымъ росу источи́, а праведнаго жертву и воды попали́, вся бо твориши Христе елика хо́щещи, тѣмъ Тя превозносимъ Господа во вѣки.

**Запѣвъ.** Юде́йскія дрѣвле пророкоубійцы люди, зависть богоубійственную нынѣ содѣлаша, Тебе на Крестъ вознесше Слове Божій: Его же превозносимъ во вѣки.

**Запѣвъ.** Небесныхъ кругъ не оставль, и во адъ соше́дъ, всё совоздвѣже Христе лежащее во гно́и челоуѣчество. Тѣмже Тя поёмъ Господа, и превозносимъ во вѣки.

**Пресвятая Троице Боже нашъ, слава Тебѣ.**

Еди́но естество́ Троицы, неисчетѣнно си́лно, превосходя́щее, всякаго слова, и естества́ и помысль, прѣсно православно проповѣдаемъ, и превозно́симъ во вѣки.

*Канонъ крестовоскресный*

**Запѣвъ.** Ужасѣся всякъ слухъ, како Вы́шній во́лею прѣиде на́ землю, адову крѣпость разруши́, распя́тіемъ и погребѣніемъ: и всѣхъ воздвѣже зва́ти, дѣти благослови́те, священніи пойте, и превозноси́те Его во вѣки.

**Запѣвъ.** О неизглаго́ланному Ти Христе смотре́нію,

и неизречѣнному долготерпѣнію, мене бо зря погибающа во адовѣ темницѣ, страсти претерпѣвъ избави. Тѣмъ же Тя благословимъ всѣхъ Владыку, и превозносимъ во вѣки.

*Богородичень.* За насъ Дѣво естѣственно паче естества, пройде единъ, твари Творца и Владыку рождъши Препѣтая, и по рожествѣ Непорочная явися вышши всея твари. Тѣмъ воспѣваемъ дѣла Господа, и превозносимъ во вѣки.

*Канонъ Пресвятѣй Богородицѣ*

*Запѣвъ.* Златою ризою якоже царицу, Сынъ Твой просвѣтивъ зарею духа, Тебе одесную Себе постави Пречистая. Его же превозносимъ во вѣки.

*Запѣвъ.* Иже волею единою міръ утвердивъ, отъ пречистыя утробы Твоея плоть заѣмлетъ, свѣше ту наздати хотя: Его же превозносимъ во вся вѣки.

*Благословимъ Отца и Сына и Святаго Духа, Господа.*

Счетаніемъ ко мнѣ человѣку слова, божѣственно жилище была еси Пречистая, возсіявши явѣ дѣвства свѣтлостію. Тѣмъже Тя поемъ вѣрніи во вся вѣки.

*И нынѣ.* Златозарный Тя свѣщникъ предвообрази, пріемшую несказанно свѣтъ неприкосновенный, сіяніемъ Своимъ озаряюща концы. Тѣмъ же Тя поемъ Чистая во вѣки.

Хвалимъ, благословимъ, кланяемся Господеви, поемъ и превозносимъ Его во вѣки.

*Катавасія.* Отроки благочестивыя въ пещи, рождество Богородичо спасло есть, тогда убо образуемо, нынѣ же дѣйствуемо, вселенную всю воздвиге пѣти, Господа воспѣвайте дѣла и превозносите Его во вѣки (*поклонъ*).

*Пѣснь Богородицы.* Величитъ душа Моя Господа.

*Канонъ воскресный*

*Пѣснь 9. Ирмосъ.* Бога челоувѣкомъ неудобѣ видѣти, нанъ же не смѣють чини а́нгельстїи зрѣти, Тобою бо Пречистая, явїся намъ Слово воплощено. Его же величающе, съ небесными во́и Тя величаемъ.

*Запѣвъ.* Страстѣмъ неприча́стенъ пребы́сть Ты, Сло́ве Божїй, плоти́ю причастївсь страстѣмъ: но рѣшиши отъ страстѣй челоувѣка, страстѣмъ бывъ страсть Спа́се нашъ. Единъ бо еси безстра́стенъ и всесі́ленъ.

*Запѣвъ.* Тлю смѣртную прїемъ, тлѣніемъ соблюдъ Тѣло Свое невкушено: Твоя же животворящая и божественная душа́ Владыко, во адѣ не оставлена бысть. Но яко же отъ сна воскресъ, насъ совоздвїгль еси.

*Пресвятая Троице Боже нашъ, слава Тебѣ.*

Бога Отца, и Сына собезначальна, вси земни́и устна́ми чїстыми просла́вимъ. Неизреченную же и пресла́вную, Духа Пресвятаго силу чту́ще. Еди́на бо есть всесі́льная Троица нераздѣльна.

*Канонъ крестовоскресный*

*Запѣвъ.* Аще и во гробъ сошелъ еси, яко мѣртвъ Живо́давче, но а́дову крѣпость растерзавъ Христе, совоздвїгль еси мѣртвыя, ихъ же прѣжде поглоти́. И воскресеніе всѣмъ подаеши яко Богъ, иже вѣрою и любовію Тебе велича́ющимъ.

*Запѣвъ.* Да убѣлїтся тварь, да возвеселя́тся вси земно́родни́и: врагъ бо плѣнїся адъ. Воскресе́ Христо́сь, и перво́зданныи совоста́ въ сла́вѣ, изба́влься отъ тли: жена́мъ му́роносица́мъ зове́тъ ангелъ.

*Канонъ Пресвятѣй Богородицѣ*

*Запѣвъ.* Звѣзда сія́ющи заря́ми божества́ отъ Іакова, мра́комъ держїмымъ, возсія́ Тебѣ ради Пре-



чистая, Христосъ Богъ, Слово воплощено. Имъ же просвѣщаеми, съ небесными вои Тебе величаемъ.

*Запѣвъ.* Укрѣпляемъ силою Твоею и благодатию, Тебѣ пѣснь усердно отъ сердца возложихъ. Но сію приими, Дѣво Чистая, благодать воздающи Твою многосвѣтлую, отъ нетлѣнныхъ сокровищъ Богоблаженная.

*Слава.* Поставъ показася боготканенъ явѣ Дѣво: въ немъ же одѣжду тѣлесі Слово истка, богосодѣлавъ мой зракъ. Въ него же оболкса, всѣхъ спасе, иже отъ мысли чисты Тебе величающихъ.

*И нынѣ.* Мертвымъ воскресеніе нынѣ даровася, Твоимъ несказаннымъ и неизреченнымъ рождествомъ Богородице Всечистая, жизнь бо отъ Тебе въ плоть обложшиися всѣмъ возсія, и смертное смѣшеніе явѣ разруши.

*Катавасія.* Всякъ зѣмень да възиграется, духомъ просвѣщаемъ, да ликовствууетъ же безплотныхъ умовъ естество, почитая святое торжество Божія Матерѣ, и да поетъ, радуися, Преблаженная Богородице, Чистая присно Дѣво.



## КАНОНЫ СЕДМАГО ГЛАСА

### *Канонъ воскресный*

*Пѣснь 1. Ирмосъ.* Маниемъ Ти назѣмень образъ преложися, первіе разливаемъ воденъ рѣдъ Господи. Тѣмъ же не мѣрено шествовавъ Израиль, поетъ Тебѣ пѣснь побѣдную.

*Запѣвъ.* Слава Господи воскресенію Твоему (*поклонъ*).

Осудися смертное мучительство древомъ, не праведною смертію Тебѣ осуждену Господи. Тѣмъ же князь тмы Тебѣ не одолѣвъ, въ правду изгнанъ

бысть.

*Запѣвъ.* Адъ Тебѣ приближився, и зубы не возмогъ стѣрти тѣло Твое, челюсти сокруши си: Ты же Спасе болѣзни разрушивъ смерти, воскресе триднѣвно.

*Богородичень.* Разрѣшися печаль прабабы Еввы, болѣзни бо убѣгши не искусобратно родила еси. Тѣмъ же яве Богородицу Пречистая вѣдяще Тя вси славимъ.

*Канонъ крестовоскресный*

*Запѣвъ.* Слава Господи Кресту Твоему и воскресенію (поклонъ).

Два источника мнѣ на Крестѣ источи Христось живоносна, отъ Своихъ прободѣнныхъ ребрь, воспоёмъ Ему, яко прославися.

*Запѣвъ.* Во гробъ вселився, и воскресъ триднѣвно, нетлѣніе подаде чаемый Христось мѣртвымъ, поёмъ Ему, яко прославися.

*Богородичень.* Едина Дѣвая и по рожествѣ явися, Зиждителя бо міру родила еси, поёмъ Ему, яко прославися.

*Канонъ Пресвятый Богородиць*

*Запѣвъ.* Пресвятая Госпоже Богородице, спаси насъ (поклонъ).

Бездну рождыши благоутрѣбія Дѣво, душо ми озари, свѣтоноснымъ сіяніемъ Твоимъ, яко да достойне воспою Твоихъ чудесъ бездну.

*Слава.* Стрѣлы грѣховныя уязвляющыя насъ, Слово видѣвъ, яко Благодатель помилова. Тѣмъ же не сказанно соединяется Всечыстая, плоти отъ Тебѣ пребожественныи.

*И нынѣ.* Бысть смѣртію ято естество тлѣнное и немощное чловѣческое, Ты же Владычице Животъ

зачѣнши, сіе отъ истлѣнія къ жизни возвелá еси.

*Катавасія.* Отверзу уста моя, и наполнятся Духа, и слово отрыгну Царицѣ Матерѣ, и явлюся свѣтло торжествуя, и воспою радуясь Тоя чудеса.

*Канонъ воскресный*

*Пѣснь 3. Ирмосъ.* Въ начатцѣ небеса́, всесильнымъ Словомъ си, утвержеи Господи Спа́се: и всетворящимъ Духомъ Божіимъ всю силу ихъ, на недвижимомъ камени исповѣданія Твоего утверди́.

*Запѣвъ.* Ты возше́дъ на́ древо волею Милосѣрде Спа́се, насъ ради болѣзнава, и терпѣвъ язву примиренія ходатайствену, и спасенія вѣрнымъ. Ея же ради Твоему Милостиве вси примири́хомся родителю.

*Запѣвъ.* Ты мя очисти́лъ еси Христе отъ язвы, душею уязвенаго змійнымъ угрызѣніемъ, и показалъ еси свѣтъ, во тмѣ дрѣвле слежа́щу ми и въ тлѣніи, соше́дъ бо во адъ, Крестомъ совоздвѣже мя.

*Богородиченъ.* Не искусомужныя Ти Матере мольбами, міру смиреніе подаждь Спа́се, и державѣ побѣду даруй на сопротивныя враги, и не изречѣнной Ти славѣ славослѣвующыя Тя сподоби́.

*Канонъ крестовоскресный*

*Запѣвъ.* Пламенное оружіе угасилъ еси Господи, егда Тя людіе беззаконніи пригвоздиша на́ дрѣвѣ крестнѣмъ, разбойнику же райскія отверзе двери, и спаслъ еси Человѣколюбче, иже вѣрою непрестанно Тебе славящихъ.

*Запѣвъ.* Воскресъ отъ гроба Своего, жена́мъ Христе первѣ Себе являеши, и разрѣшилъ еси Еввѣ печаль, Адама же въ тлю впа́дшася совоздвѣглъ еси, яко благоутрѣбный Богъ. Тѣмъ же вси поѣмъ Твое

востаніе.

*Богородиченъ.* Его же пріёмши Господа въ дѣвственнемъ чревѣ, воплощенна Пречистая породі, благопремѣнительна мольбами Ти матерьними намъ рабомъ Своимъ даждь, яко Тебе единому къ Богу благоутрѣбія пристанище свѣмы.

*Канонъ Пресвятѣй Богородицѣ*

*Запѣвъ.* Зміѣй поползѣи изъ Едѣма, мене Божества желаніемъ прельстивъ, низверже въ землю: но яко милостивъ, и естествомъ благоутрѣбенъ, ущѣдривъ обожаѣтъ, во утробу Твою вселься, и подобенъ ми бывъ мати Дѣво.

*Слава.* Благословенъ плодъ чрева Твоего Дѣво Богородице, всѣхъ радости: радость бо всему міру родила еси, и веселіе воистину, разоряющи печаль грѣховную Богоневѣстная.

*И нынѣ.* Жизнь вѣчную и свѣтъ и смиреніе, Богородительнице Дѣво родила еси намъ, ветхую человѣкомъ брань, ко Отцу и Богу укротѣваючи, вѣрою и исповѣданіемъ благодатнымъ.

*Катавасія.* Твоя пѣвцы Богородице, живыи нетлѣнія истѣчнице, ликъ Себѣ совокупльши духовенъ утверди, и въ божественнѣй Ти славѣ вѣнцемъ Славы сподоби.

Господи помилуй (*трижды*). *Слава, и нынѣ.*

*(Въ воскресеніе по 3-й пѣсни читаются кондаки, ихъ икосы, потомъ съдальны; святыхъ или праздниковъ, изъ Меньи).*

*Канонъ воскресный*

*Пѣснь 4. Ирмосъ.* Отча нѣдра не оставль, сошѣдъ на землю Христе Боже, тайну услышахъ смотренія Твоего, и прославихъ Тя Человѣколюбче.

*Запѣвъ.* Своѣ плещи вдавыи на язвы, иже отъ Дѣвы воплощся, рабу согрѣшившу, биенъ бываетъ Владыка не повиненъ, разрѣшая моя согрѣшенія.

*Запѣвъ.* Представъ судія, судищу судіямъ законопреступнымъ, яко осужденникъ судъ приѣмлетъ, и заушается брэнною рукою, создавыи челоуѣка яко Богъ, и судіяи праведно земли.

*Богородиченъ.* Яко истинная Мати Божія, Творца Своего и Сына моли, ко спасенному исправити мя пристанищу, Всенепорочная славнаго Его хотѣнія.

*Канонъ крестовоскресный*

*Запѣвъ.* Не вѣды грѣха, и Его ради бысть Господи, еже не бе, вообразився приѣмъ чюждее, да спасеши міра, и убіеши прельстивъ мучителя.

*Запѣвъ.* Иже изъ мѣртвыхъ воскресшаго, и совоздвигшаго Адама, волею падша, его же ради услышахъ Господню силу, вся спасти благія Своя пришель еси.

*Богородиченъ.* Отъ присѣбныя чѣсты горы Дѣвицы пришедъ, съ рабы написанъ бысть, работы избавляя всѣхъ, владычествуяи во вѣки. Тѣмже Тя рождышую славимъ.

*Канонъ Пресвятѣй Богородицѣ*

*Запѣвъ.* Избранная вся и добра явльшиися Богови прежде твари, свѣтлостію Всепѣтая, свѣтолитіемъ Твоимъ поющихъ Тя просвѣти.

*Слава.* Бога челоуѣкомъ родила еси Чистая, воплощенна отъ чистыхъ кровей Твоихъ, избавляюща согрѣшеніи лютыхъ, любовію почитающихъ, и славящихъ Тя Всечистая.

*И нынѣ.* Служитъ Естество словесное, прошедшему изъ Тебѣ паче ума Всепѣтая, таинству нес-

казанну рожества Твоего, научившееся нынѣ Всеблаженная.

*Катавасія.* Съдѣи во славѣ на престолѣ божественнѣ на облацѣ легцѣ прииде Исусъ пребожественнии отъ пречистыя Дѣвы, и спасѣ вопіющія, слава Христе силѣ Твоей.

*Канонъ воскресный*

*Пѣснь 5. Ирмосъ.* Ночь не свѣтла не вѣрнымъ, вѣрнымъ же просвѣщеніе въ пици словесъ Ти, и сего ради къ Тебѣ утреннюю, и воспѣваю Твое Божество.

*Запѣвъ.* За Своя рабы проданъ еси Христе, и по ланите удареніе терпиши, свобожденіе ходатайствуя поющимъ: къ Тебѣ утреннюю, воспѣваемъ Твое воскресеніе.

*Запѣвъ.* Божественною Ти силою Христе, нѣмоощствіемъ плотскимъ крѣпкаго низложилъ еси, и побѣдителя мя смерти показа Спасе воскресенія ради.

*Богородиченъ.* Бога родила еси Мати чистая, воплощеннаго изъ Тебѣ боголѣпно Всепѣтая, понѣже не познѣ мужеска ложа, но отъ Святаго рождаеши Духа.

*Канонъ крестовоскресный*

*Запѣвъ.* Егда въ беззаконныхъ вмѣненъ бысть, вознесѣся на крѣпкѣ, свѣтила сокрышася, и колѣбашеся земля, и церкви свѣтлость раздрася, евреомъ являющи отпадѣніе.

*Запѣвъ.* Тебѣ разрушившаго смерти всю силу, крѣпостию Божества не постижнаго Твоего, и Твоимъ воскресеніемъ мѣртвыя воздвигшаго, пѣснями славимъ.

*Богородиченъ.* Мати Царя и Бога Всепѣтая Богородице, иже вѣрою и любовію Тя пѣснями

хвалящимъ присно, очищеніе Твоими мольбами  
прегрѣшеніемъ низпослі.

*Канонъ Пресвятѣй Богородицѣ*

*Запѣвъ.* Лѣствицу юже виде въ Іаковъ, къ высотѣ  
утвержену, образу научився неискусобрачныя Тебе,  
Тобою бо Богъ человѣкомъ приобщися, пречистая  
Владычице.

*Слава.* Избавленіе вѣчное Тебе ради нынѣ обрѣтше,  
усердно зовемъ Тебе еже радуйся Владычице, и  
Твоимъ свѣтомъ радующеся Пречистая, пѣсньми  
Тя величаемъ.

*И нынѣ.* Едину Тя Дѣво Женихъ посреди тернія  
кринѣ обрѣтъ, чистотою цвѣтенія сіяюще, и свѣтомъ  
дѣвства Препѣтая Невѣсту пріятъ.

*Катавасія.* Удивишася всяческая о божественнѣй славѣ  
Твоей, Ты бо, браконейскусімая Дѣвице, пріятъ во утробѣ  
надо всіми суцаго Бога, и родила еси безлѣтнаго Сына,  
всѣмъ воспѣвающимъ Тя миръ подающе.

*Канонъ воскресный*

*Пѣснь 6. Ирмосъ.* Плавающего въ молвѣ житейскихъ  
сѣетіи, и съ кораблѣмъ потопляема грѣхи, и душетлѣнну  
звѣрю примѣтаема, яко Іону Христе вопіюще, отъ смѣртныя  
глубины возведи мя.

*Запѣвъ.* Воспоминаху Тя затворенія во адѣ дѣши,  
оставльшыяся праведникомъ, и отъ Тебе спасенія  
моляхуся, еже Крестомъ Христе подаде, суцимъ въ  
преисподнихъ нашѣдъ, яко Милосердѣ.

*Запѣвъ.* Ко одушевлѣнну Ти и нерукотворену  
храму, разорену страстьми, призрѣти паки ликъ  
апостольскій не надѣяшася, но паче надѣжди пок-  
лоніся, воскресша всюду проповѣда.

*Богородиченъ.* Не изреченнаго рожества Твоего

Всенепорочная образъ, Дѣво Богоневѣстная, еже насъ ради, кто сказа́ти отъ человѣкъ возмо́жетъ; яко Богъ не описанъ, Слово соедини́ся Тебѣ, плоть неизмѣнна бысть.

*Канонъ крестовоскресный*

*Запѣвъ.* Сотрясе́ всю землю распѣнся Владыка, и исцѣли лютая ея сокрушенія.

*Запѣвъ.* Смерть разруши́ся, и плѣненъ бысть адъ. Христосъ бо воста, путь творя человѣкомъ воскресеніемъ.

*Богородиченъ.* Пречистая Владычице, упованіе извѣстное, иже любóвію поющыя Тя, яко истинную Богородицу сохрани́.

*Канонъ Пресвятѣй Богородицѣ*

*Запѣвъ.* Законніи образы, и пророческая прореченія, явѣ предвозвѣщаху Тя Чистая, рождыщую Благодателя всея твари, многочастно и многообразно благодѣйствовавшаго, вѣрно величающихъ Тя.

*Слава.* Устраньшагося древле отъ навѣта челоуѣкоубійца, Адама перевозданнаго, божественныя райскія пищи, неискусобрачная паки возвела еси, рождыши, иже отъ преступлѣнія того избавльшаго.

*И нынѣ.* Иже волею божественою, содѣтельною же силою, вся составлѣи отъ несущихъ, изъ утробы Твоея Чистая произыде, и сущыя во тмѣ смертнѣй, богоначальными лучами озари.

*Катавасія.* Божественное се и всечестное совершающе празднество, богомудреніи, Божія Матере, приидіте руками восплещемъ, отъ нея рождышагося вѣрою славяще.

Господи помилуй (*трижды*).

*Слава, и нынѣ. Кондакъ, гласъ 7.*



Нектому держава смертная возмóжетъ держати человекѣки, Христосъ бо снѣде сокрушая и разоряя силы ея. Связуемъ бываетъ адъ. Пророцы согласно радуются, предста глаголюще Спасъ сущимъ въ вѣрѣ, изыдите вѣрніи въ воскресеніе.

*Икосъ.* Вострепѣташа долѣ преисподняя днесь, адъ и смерть Единаго отъ Троицы убояшася. Земля поколебася, вратницы же адовы видевше Тя, ужасóшася, и вся тварь съ пророки радующися поетъ ти побѣдную пѣснь, Избавителю Богу нашему, разрушившему нынѣ смертную силу. Да воскликнемъ и возопіемъ ко Адаму, и къ сущимъ изъ Адама, древомъ Сего паки введѣ. Изыдите вѣрніи въ воскресеніе.

*Канонъ воскресный*

*Пѣснь 7. Ирмосъ.* Пещь огнепальну отроцы дрѣвле хладъ дбѣюще показаша, единъ Богъ поюще и глаголюще, Отецъ нашихъ Боже благословенъ еси.

*Запѣвъ.* Древомъ умираетъ Адамъ, волею преслушаніе содѣлавъ: послушаніемъ же Христовымъ оживляется: мене бо ради распяся Сынъ Божіи препрославленыи.

*Запѣвъ.* Тебѣ воскресшаго Христа изъ гроба, тварь вся воспѣваше: Ты бо животь, иже во адѣ процвѣлѣ еси, мѣртвымъ воскресеніе, сущимъ во тмѣ, свѣтъ препрославленыи.

*Богородиченъ.* Радуйся дщи Адама тлѣннаго, радуйся едина Богоневѣсто, радуйся ея же ради тля отгнася, яко Бога рóждыши. Его же моли Чистая, спасітися всѣмъ намъ.

*Канонъ крестовоскресный*

*Запѣвъ.* Иже древомъ крѣстнымъ, грѣховное жало

притупивъ, и Адамова преступлѣнія рукописаніе растерзавъ, копіемъ рѣбрь Своихъ. Благословенъ еси Господи Боже Отецъ нашихъ.

*Запѣвъ.* Иже рѣбрь прободеніемъ, и кроплѣніемъ божѣственныя крове землю очіщъ, отъ кровей идолюбѣсія оскверненую, благословенъ еси Господи Боже Отецъ нашихъ.

*Пресвятая Троица Боже нашъ, слава Тебѣ.*

Нераздѣльное естество, православно благословимъ, Бога Отца безначальнаго, тоя же власти Слова и Духа. Благословенъ еси зовуще, Господи Боже Отецъ нашихъ.

*Канонъ Пресвятѣй Богородицѣ*

*Запѣвъ.* Испещрѣнно, и позлащѣно удобреніе Тебе стяжавъ, возлюби Содѣтель Твой Дѣво и Господь, превозносимый Отецъ нашихъ, Боже благословенъ еси.

*Слава.* Очищается Исаіа, уголь дрѣвле пріемъ, образне зря Отроковице Твое рождество. Превозносимый Отецъ нашихъ, Боже благословенъ еси.

*И нынѣ.* Образы вси божѣстvenaго рожества, божѣственіи пророцы зряще, радостно воспѣвающе вопіяху, превозносимый Отецъ нашихъ Боже благословенъ еси.

*Катавасія.* Непослужиша твари богомудреніи паче Зиждителя, но огненное прещеніе мужески поправше, радовахуся поюще, препѣтыи иже отцемъ Господь и Богъ, благословенъ еси.

*Канонъ воскресный*

*Пѣснь 8. Ирмосъ.* Не опальна огнемъ въ Синаи причащящаяся купина Бога показа, медленозычну гугнѣву Моисѣови: дѣти рвеніемъ Божіимъ вмѣтаемыя во огнь пѣвцы

показа, вся дѣла Господня Господа пойте, и превозносите Его во вѣки.

*Запѣвъ.* Пречистый Агнецъ словесный, за мѣръ заколенъ бывъ, устави по закону приносимая, очищая Его вся прегрѣшенія яко Богъ, присно вопіющимъ, вся дѣла Господня Господа пойте, и превозносите Его во вѣки.

*Запѣвъ.* Безъ истлѣнія несущи, къ страстѣмъ пріятна Зиждителемъ плоть наша: по страсти и по востаніи, не приступна тлѣнію устройся: и мертвецы обновляетъ зовущыя, вся дѣла Господня Господа пойте, и превозносите Его во вѣки.

*Богородиченъ.* Твое чистое и всенепорочное Дѣво, сквѣрное и мѣрзское вселенныя очисти, и бысть нашему примиренію къ Богу вина Всечистая, тѣмъ же Тя Богородице, вся дѣла Господня пѣснословимъ во вся вѣки.

*Канонъ крестовоскресный*

*Запѣвъ.* Пострада яко смертенъ Христе, и безстрастенъ яко Богъ прѣбылъ еси, во обоихъ сыи, тѣмъже Тя поемъ во вся вѣки.

*Запѣвъ.* Иже положивыи дѣло совластію яко всѣхъ Господь, и паки пріемыи ю. Тѣмъ же Тя поемъ Спасе, во вся вѣки.

*Богородиченъ.* Едину въ женахъ благословенную Божію Родительницу, вѣрно поемъ, и превозносимъ Христа во вся вѣки.

*Канонъ Пресвятый Богородицѣ*

*Запѣвъ.* Сіяніемъ рожества Твоего, страннolѣпно вселенную просвѣтила еси Богородительнице, сущаго бо Бога дланьма Своима но́сиши, просвѣщающа присно вѣрно вопіющихъ, вся дѣла Господня Господа

пойте, и превозносите Его во вѣки.

**Благословимъ Отца и Сына и Святаго Духа, Господа.**

Поёмъ Чистая благочестно Твою утробу, Бога вмѣстившую, не сказанно воплощаема, дающаго всѣмъ вѣрнымъ, богоразумія просвѣщеніе, присно вопіющимъ, вся дѣла Господня Господа пойте, и превозносите Его во вѣки.

**И нынѣ.** Свѣта Твоего зарями, Тебе поющыя свѣтовидны содѣлай, Свѣтородительнице Мати Дѣво, Свѣта бо явіся жилище, просвѣщающыя свѣтло, присно вопіющыя, вся дѣла Господня Господа пойте, и превозносите Его во вѣки.

Хвалимъ, благословимъ, кланяемся Гóсподеви, поёмъ и превозносимъ Его во вѣки.

**Катавасія.** Отроки благочестивыя въ печи рождество Богородичо спасло есть, тогда убо образуемо, нынѣ же дѣйствуемо, вселенную всю воздвѣже пѣти, Господа воспѣвайте дѣла и превозносите Его во вѣки (*поклонъ*).

**Пѣснь Богородицы.** Величитъ душа Моя Господа.

**Канонъ воскресный**

**Пѣснь 9. Ирмосъ.** Нетлѣнія искушеніе рождышая, всѣхитрецу́ Слову плоть въ займъ давши, Мати безмужная Дѣво Богородице, пріятелище непостояннаго, село невмѣстимаго, Зиждителя Своего и Тя величаемъ.

**Запѣвъ, поклонъ.** Иже Божеству страданіе прилагающій, постыдитесь чужемудреніи: Господа бо славы плотию распята, не распята же естествомъ божественнымъ, яко во дву естеству Единаго величаемъ.

**Запѣвъ.** Иже тѣлесемъ востанію невѣрующій, ко Христову шедше гробу научитесь, яко умертвися, и воскресе паки плоть Жизнодавца во увѣреніе

послѣднее воскресенія, Его же надѣмся.

**Пресвятая Троица Боже нашъ, слава Тебѣ.**

Не божества Троицу но составми: ниже единицу Лицы, но Божествомъ чтуще, ссѣцаемъ же иже ту дѣлящихъ, развѣваемъ же паки смѣшеніе дерзающихъ наню. Юже величаемъ.

*Канонъ крестовоскресный*

**Запѣвъ, поклонъ.** Страсть плотскую, и крѣпость Божества въ Христѣ зряще, мудрствующи единосложно естество, да посрамятся. Той бо яко человекъ убо умираетъ, и яко всѣхъ содѣтель воскресль есть.

**Запѣвъ.** Мира мѣртвымъ, живому же пѣнія, слезы умирающимъ, Животу же всѣхъ пѣснь жены принесите, иже востанія проповѣдникъ вопіаше, благовѣствуя Христова воскресеніе.

**Запѣвъ.** Свѣтъ отъ свѣта Отчее сіяніе Слово безлѣтно облистá, яко во тмѣ житія человекю естеству явіся Христось, и гонящую прогна тму. Его же непрестанно вѣрніи величаемъ.

*Канонъ Пресвятѣй Богородицѣ*

**Запѣвъ, поклонъ.** Радости намъ вѣчныя Ходатаица явілася еси, и веселія исполнила еси насъ, присно Дѣво Отроковице: Избавителя рождыши, истиною и Духомъ божественнымъ, Того почитающая яко Бога спасающаго насъ.

**Слава.** Поя Давыдъ Твой праотець Пречистая, Тебе ковчегъ нарицаетъ освященія божественаго. Паче естества Бога вмѣстившую, во Отеческихъ сидящаго нѣдрехъ. Его же непрестанно вѣрніи величаемъ.

**И нынѣ.** Яко воистину превышши еси, всея твари Едина, Зиждителя бо всѣмъ намъ плотию родила

еси. Тѣмъ же яко Мати единаго Владыку носивши, всѣмъ начальное побѣждѣніе.

*Катавасія.* Всякъ зѣмень да възиграется, Духомъ просвѣщаемъ, да ликовствуѣтъ же безплотныхъ умовъ естество, почитая святое торжество Божія Матере, и да поѣтъ, радуися, преблаженная Богородице, чистая присно Дѣво.



## КАНОНЫ ОСМАГО ГЛАСА

### *Канонъ воскресный*

*Пѣснь 1. Ирмосъ.* Вооружена фараона погрузи, чудотвори дръвле, Моисейскіи жезлъ крестообразно проразі, и раздѣли море. Израиля же бѣжаща, пѣша ходяща спасе, пѣснь Бѣгови возсылающа.

*Запѣвъ.* Слава Господи воскресенію Твоему (*поклонъ*).

Всесильну Христову Божеству како не дивимся, отъ страстей убо всѣмъ вѣрнымъ, безстрастіе и нетлѣніе точаща. Отъ ребра же Святаго источникъ безсмертныи искапающа, и животъ изъ гроба присносущныи.

*Запѣвъ.* Слава Господи воскресенію Твоему.

Яко благолѣпѣнь женамъ ангелъ нынѣ явися, и свѣтлыя нося естѣственныя образы, невещественныя чистоты: зракомъ же возвещая свѣтъ воскресенія, вопія воскресе Господь.

*Богородиченъ.* Пресвятая Госпоже Богородице спаси насъ.

Преславная возглашася о Тебѣ въ родѣхъ родовъ: яже Божіе Слово во чревѣ вмѣстивши, чиста же пребывши Богородице Маріе. Тѣмъ же Тя вси почитаемъ, сущее съ Богомъ заступленіе наше.

*Канонъ крестовоскресный*

*Запѣвъ.* Слава Господи Кресту Твоему и воскресенію  
(поклонъ).

Взята быша врата болѣзненная, и устрашишася  
адъстїи вратаріе, зряще въ преисподняя сошедшаго,  
иже всякого превыше естества.

*Запѣвъ.* Слава Господи Кресту Твоему и воскресенію.

Удивишася чини ангельстїи, зряще на престолѣ  
божественемъ посажено отпадшее естество чело-  
вѣческое, затворѣное въ преисподнихъ земли.

*Богородичень.* Пресвятая Госпоже Богородице спаси  
насъ.

Чїни Тя ангельстїи, и челоуѣчестїи, безневѣстная  
Мати хвалятъ непрестанно: Зиждителя бо ихъ, яко  
Младенца на руку Своею носила еси.

*Канонъ Пресвятѣй Богородицѣ*

*Запѣвъ.* Пресвятая Госпоже Богородице, спаси насъ  
(поклонъ).

Пресвятая Богородице, яже воплощшееся прис-  
носущное и Пребожественое Слово, паче естества  
рождши поемъ Тя.

*Слава Отцу и Сыну и Святому Духу.*

Гроздъ Тя живоносенъ и всекрáсныи, Дѣвая Хрис-  
те породила́ есть, иже всему міру кáплюща сладость  
спасенія.

*И нынѣ и присно и во вѣки вѣкомъ, аминь.*

Родъ Адамскїи ко иже паче ума блаженству, Тобою  
возведѣныи Богородице достойно славить Тя.

*Катавасія.* Отверзу уста моя, и наполнятся Духа, и слово  
отрыгну Царицѣ Матерѣ, и явлюся свѣтло торжествуя, и  
воспою радуясь Тоя чудеса.

*Канонъ воскресный*

*Пѣснь 3. Ирмось.* Утвержеи небеса въ начатцѣ разумомъ, и землю на водахъ основавыи, на камени мя Христе церковнѣмъ утверди, яко нѣсть свята, паче Тебе Человѣколюбче.

*Запѣвъ.* Осужденаго Адама вкушеніемъ грѣха, плоти Твоея спасительною страстію оправдалъ еси Христе. Самъ бо сый неповиненъ смѣртнаго искуса былъ еси безгрѣшне.

*Запѣвъ.* Воскресенія свѣтъ восія, сущимъ во тмѣ и сѣни смертней сѣдящимъ, Богъ мой Исусъ, и Своимъ Божествомъ крѣпкаго связавъ, и сосуды его расхитилъ есть.

*Богородиченъ.* Херувимъ и Серафимъ, превышши явилася еси Богородице: Ты бо Едина пріятъ невмѣстимаго Бога, во Своёмъ чревѣ Нескверная. Тѣмъ же Тя вѣрнии вси Чистая пѣсньми ублажаемъ.

*Канонъ крестовоскресный*

*Запѣвъ.* Отвѣргшагося прежде заповѣди Господи, изриновѣна мя отъ Тебе сотворилъ еси, въ него же вообразися. Послушаніемъ же наказавъ, къ Себѣ вселилъ еси распятія ради.

*Запѣвъ.* Въ премудрости вся проувѣдевъ создалъ еси, и разумомъ водрузивъ преисподняя, не неподобилъ еси схожденіемъ Ти Слове Божій, воскресити сущаго иже по образу Своему.

*Богородиченъ.* Вселився въ Дѣвицу тѣлесне Господи, и явился еси человѣкомъ, яко же подобаетъ видѣти Тебе. Ея же и показалъ еси яко истинную Богородицу, и вѣрнымъ помощницу, едине Человѣколюбче.

*Канонъ Пресвятѣй Богородицѣ*

*Запѣвъ.* Дажь намъ помощь Твоими молитвами Всечистая, прилоги разрушающіи лютыхъ обстояніи.



**Слава.** Еввѣ праматери Ты исправленіе бысть, начальника жизни міру Христа, Богородице рождши.

**И нынѣ.** Препояши Мя силою съ выше Всечистая, яже воистину Бога рождши плотию, Отчую составную силу.

**Катавасія.** Твоя пѣвцы Богородице, живыи нетлѣнія истѣчнице, ликъ Себѣ совокупльши духовенъ утверди, и въ божественнѣй Ти славѣ вѣнцемъ Славы сподоби.

Господи помилуй (*трижды*). **Слава, и нынѣ.**

*(Въ воскресеніе по 3-й пѣсни читаются кондаки, ихъ икосы, потомъ съдальны; святыхъ или праздниковъ, изъ Менѣи).*

#### *Канонъ воскресный*

**Пѣснь 4. Ирмосъ.** Ты ми Христе Господь, Ты же и сила ми: Ты ми Богъ, Ты ми радованіе, не остави нѣдра отча, но милостию си, нашу нищету посѣтивъ. Тѣмъ съ пророкомъ Аввакумомъ зову, силѣ Твоей слава Человѣколюбче.

**Запѣвъ.** Ты мѣрзка мя суща зѣло возлюбилъ еси: Ты истощаніемъ страннымъ сниде на землю, благоутрѣбне Спасе, послѣдняго ми досажденія не отвѣргся: и пребывъ на высотѣ пречистыя Твоея славы, прежде безчѣствованаго прославилъ еси.

**Запѣвъ.** Кто зря Владыко нынѣ недивитъся, ради страстѣй смерть разоряему, Крестомъ же бѣжашу тлѣнню; и смерти ради, адово богатство истощаваемо божественною силою, Тебе распятаго. Чюдно дѣло Человѣколюбче.

**Богородиченъ.** Ты вѣрнымъ похвала еси Безневѣстная: Ты предстательница: Ты и прибѣжище христіаномъ, стѣна и пристанище. Къ Сыну бо Своему мольбы нѣсиши Всенепорочная, и спасаеши

отъ бѣдъ, иже вѣрою и любовію Богородицу чистую Тебѣ вѣдущихъ.

*Канонъ крестовоскресный*

*Запѣвъ.* На Крестѣ Тя пригвоздиша, законопреступныхъ дѣти Христе Боже, имъ же спаслъ еси яко Милосердъ, славящихъ Твоя страданія.

*Запѣвъ.* Воскресъ отъ гроба, вся совоскресилъ еси сущыя во адѣ мѣртвыя, и просвѣтилъ еси яко благоутрѣбень, славящихъ Твое воскресеніе.

*Богородичень.* Бога Его же родила еси пречистая Маріе, Того моли даровати рабомъ Твоимъ, согрѣшеніи прощеніе.

*Канонъ Пресвятѣй Богородицѣ*

*Запѣвъ.* Иже класъ возрастивши животворный, не оранная нива, дающаго мірови жизнь, Богородице спасай поющихъ Тя.

*Слава.* Богородицу Тя Всечістая, просвѣщшыися вси знаемъ, Солнце бо правды родила еси присно Дѣво.

*И нынѣ.* Очищеніе даруй нашимъ невѣденіемъ, яко безгрѣшенъ, и умири міръ Свой Боже, молитвами рождышія Тя.

*Катавасія.* Съдяи во славѣ на престолѣ божественнѣ на облацѣхъ легцѣхъ прииде Исусъ пребожественныи отъ пречістыя Дѣвы, и спасе вопіющія, слава Христе силѣ Твоей.

*Канонъ воскресный*

*Пѣснь 5. Ирмосъ.* Вскую мя отриу отъ лица Твоего Свѣте незаходяи, покрыла мя есть чужая тма окаяннаго. Но обрати мя, и къ свѣту заповѣдей Твоихъ пути моя направи молютися.

*Запѣвъ.* Одѣятыся претерпѣ въ багрянницу поругаемъ, прежде страстей Твоихъ Спасе, перевозданнаго

покрывая безобразное обнаженіе, и нагъ пригвоздися на Кресте плѣти, совлачая Христе одеяніе умерщвленія.

*Запѣвъ.* Отъ персти смѣртныя падшее ми паки на́здалъ еси существо, воскресъ изъ мѣртвыхъ, не состарѣющеса Христе сотворилъ еси, явль паки яко же царскіи образъ, нетлѣнія свѣтомъ блистающъ.

*Богородиченъ.* Матерне дерзновение, еже къ Сыну Своему имущи Всечыстая, срѣднаго промысленія нашего, не презри молимся, яко Тебе Едину христіяне ко Владыце, очищеніе благопремѣнительно предлагаемъ.

*Канонъ крестовоскресный*

*Запѣвъ.* Настави насъ къ свѣту силою Креста Твоего Христе, сего ради Ти припадаемъ, Твой миръ подаждь намъ Человѣколюбче.

*Запѣвъ.* Окорми животá нашего Христе Боже нашъ, поющихъ Твое востаніе, и миръ подаждь намъ Человѣколюбче.

*Богородиченъ.* Моли присно Чистая Сына Своего и Бога нашего, неискусобрачная Маріе, низпослати намъ вѣрнымъ велию милость.

*Канонъ Пресвятѣй Богородицѣ*

*Запѣвъ.* Утоли непостоянную бурю страстей нашихъ Дѣво, яже Бога рѣждши Окормителя и Господа.

*Слава.* Служать рожеству Твоему пречистая Богородице, ангельстїи чїнове, и земныхъ составленія.

*И нынѣ.* Маріе Богородице безневѣстная, упованія враговъ суетна сотвори, а поющихъ Тя обвесели.

*Катавасія.* Удивїшася всяческая о божественнѣй славѣ

Твоей, Ты бо, браконейску́мая Дѣвице, пріятъ во утробѣ надо все́ми сущаго Бога, и родила́ еси́ безлѣтнаго Сына, всѣмъ воспѣвающимъ Тя миръ подавающа.

*Канонъ воскресный*

*Пѣснь 6. Ирмосъ.* Очисти мя Спасе, многа бо беззаконія моя, и изъ глубины золъ возведи мя молюся. Къ Тебѣ бо возвахъ и услыша мя, Боже спасенія моего.

*Запѣвъ.* Дре́ва ради низложи́ мя крѣпко, начальникъ злобы, Ты же Христе воздвигъся на Крестѣ, крѣпчайше низложилъ еси́ посрамивъ того, падшаго же воскресивъ.

*Запѣвъ.* Ты ущѣдривъ Сіона восіавъ о́тъ гроба, но́ва за вѣтхаго свершилъ еси́ яко Милосердъ, божѣственною си кровію, и нынѣ царствуеши въ немъ во вѣки Христе.

*Богородичень.* Да избавимся отъ лютыхъ согрѣшеніи, молба́ми Твоими Богородительнице чистая, и да улучимъ пречистая божѣственное сіяніе, иже изъ Тебе не изречѣнно воплощеннаго Сына Божія.

*Канонъ крестовоскресный*

*Запѣвъ.* Длани на Крестѣ распростѣръ еси́, ищѣля неударжанно простѣрту́ю рѣку во Едемѣ перевозданнаго. И Своею волею жѣлчи вкусивъ Христе, и спаслъ еси́ яко силенъ, поющыя Твое́ Спасе востаніе.

*Запѣвъ.* Смерти Избавитель вкуси́, и во адская сошѣдъ яко крѣпокъ, яко да перваго осужденія, и тлѣннѣя царство разрушитъ. Воскрѣсе Христосъ, и спасе́ поющыя Его воскресеніе.

*Богородичень.* Непрестай о насъ молящи Пресвятая Богородице Дѣво, яко вѣрнымъ утверженіе Ты еси́, и надежею Твоею крѣпимся, тѣмъ же любовію

Тя, и изъ Тебе воплощённаго Бога непрестанно славимъ.

*Канонъ Пресвятѣй Богородицѣ*

*Запѣвъ.* Храмъ Тя Божіи и ковчѣгъ, и чертогъ одушевлѣнъ, и двѣрь небесную, Богородице вѣрніи возвѣщаемъ.

*Слава.* Трѣбищемъ разоритель, бывшее рождество Твое Маріе Богоневѣсто, поклоняемъ есть, яко Богъ со Отцемъ и Духомъ.

*И нынѣ.* Слово Божіе Тебѣ показá, земнымъ лѣбствицу небесную. Тебе бо ради къ намъ сниде.

*Катавасія.* Божественное се и всечестное совершающе празднество, богомудреніи, Божія Матере, приидите руками восплещемъ, отъ нея рождашагося вѣрою славяще.

Господи помилуй (*трижды*).

*Слава, и нынѣ. Кондакъ, гласъ 8.*

Воскресъ изъ гроба, умершихъ воздвиглъ еси и Адама воскресилъ еси. И Евва ликуетъ въ Твоемъ воскресеніи, мірстіи концы торжествуютъ въ востаніи Твоемъ изъ мертвыхъ Многомилостиве.

*Икосъ.* Адова царствія плѣнивъ, и мѣртвыхъ воскресивъ долготерпѣливѣ, жены муриносицы усрѣтъ. Вмѣсто печали радость принесть. И апостоломъ Твоимъ возвестилъ еси знаменія побѣды, Спасе мой Живодателю, и тварь просвѣщаеши Человѣколубче. Сего ради и міръ купно радуется въ востаніи Твоемъ изъ мѣртвыхъ, Многомилостиве.

*Канонъ воскресный*

*Пѣснь 7. Ирмосъ.* Божія схожденія, огонь устыдѣся въ Вавилонѣ дрѣвле, сего ради отроцы въ пещи радованною ногою, яко во свѣтѣ ликовáху поюще, благословенъ Богъ Отецъ нашихъ.

*Запѣвъ.* Славное истощаніе божѣственаго богатства, и нищета Твоя Христе удивляетъ ангелы, на Крестѣ зряще Тя плотию пригвождаема, за еже спасти вѣрою вопіющихъ, благословенъ Богъ Отецъ нашихъ.

*Запѣвъ.* Божѣственнымъ Твоимъ сошествіемъ, свѣта исполнилъ еси преисподняя, и тма прогнана бысть, прѣжде гонящая. Тѣмъ же воскресоша иже отъ вѣка юзницы, вопіюще, благословенъ Богъ Отецъ нашихъ.

*Пресвятая Троица Боже нашъ, слава Тебѣ.*

Всѣхъ убо Господа, единому же токмо, едиnorodному Сыну, православно Отца богослѣвюще Тя возвѣщаемъ. И единъ вѣдяще Твой исходящъ Духъ правый, соестественъ и соприношенъ.

*Канонъ крестовоскресный*

*Запѣвъ.* Спасеніе содѣла Боже посредѣ вселенныя, пророчески вопіемъ, на древо вознесенъ бывъ, вся призва вѣрою зовущихъ, Отецъ нашихъ Боже благословенъ еси.

*Запѣвъ.* Воскресъ отъ гроба яко отъ сна Щедре, а да плѣнилъ еси: тварь увѣрися апостолъ ради, проповѣдавшихъ воскресеніе. Отецъ нашихъ Боже благословенъ еси.

*Пресвятая Троица Боже нашъ, слава Тебѣ.*

Поклоняемся Отцу, и Сына благаго чтѣмъ, и Духа Святаго, три Единосущны мѣдрствующе составы, и единого Бога, взывающе, Отецъ нашихъ Боже благословенъ еси.

*Канонъ Пресвятѣй Богородицѣ*

*Запѣвъ.* Отъ дѣвическаго ложа сна воплотивыися, явися на спасеніе наше, сего ради Твою Матерь

вѣдуще Богородицу, благодарьствено вопіемъ, Отецъ нашихъ Боже благословенъ еси.

**Слава.** Жезлъ прорасте Дѣво отъ корене Іессеова всеблаженныи плодъ, цвѣтъ носящи спасительный, вѣрою Сыну Твоему вопіющимъ, Отецъ нашихъ Боже благословенъ еси.

**И нынѣ.** Премудрости исполни всѣхъ, и крѣпости божественныя, составная премудросте вышняго, Богородицы ради, вѣрою Тебѣ вопіющихъ, Отецъ нашихъ Боже благословенъ еси.

**Катавасія.** Непослужиша твари богомудреніи паче Зиждителя, но огненное прещеніе мужески поправше, радовахуся поюще, препѣтыи иже отцемъ Господь и Богъ, благословенъ еси.

### *Канонъ воскресный*

**Пѣснь 8. Ирмосъ.** Седмь седмицею пещь, халдѣйскіи мучитель, богочестивымъ людемъ разжже: сілою же лучшею спасеныхъ видѣвъ, Творцу и Избавителю вопіяше, дѣти благословите, священіи воспойте, людие превозносите Его во вѣки.

**Запѣвъ.** Исусова Божества пребожественая сила, въ насъ боголѣпно восіяла есть. Плотию бо вкушъ за всѣхъ смерть крестную, разори адову крѣпость. Его же непрестанно дѣти благословите, священіи воспойте, людие превозносите Его во вѣки.

**Запѣвъ.** Распятый воскресе, величавый падѣся: падѣися и сокрушенныи исправися: тля опровержена бысть, и нетлѣніе процвѣте. Жизнію бо мертвеное пожертво бысть. Дѣти благословите, священіи воспойте, людие превозносите Его во вѣки.

**Пресвятая Троица Боже нашъ, слава Тебѣ.**

Трисіянное Божество, во единой сіяющее зарі,

отъ Едінаго Трисоста́внаго естества́: Родітеля безнача́льна, и едіно естество́ное же Слово Отчее, и съ ца́рствующь едіносу́щенъ Духъ, дѣти благословіте, священніи воспойте, людіе превозносите Его во вѣки.

*Канонъ крестовоскресный*

*Запѣвъ.* Иже на́ древѣ ру́цѣ мнѣ простѣршаго, обнаже́наго призывающа мя, Своею благообразною согрѣяти нагото́ю: благословіте вся дѣла Господа, и превозносите Его во вѣки.

*Запѣвъ.* Иже изъ преиспо́дняго ада возне́сша мя па́дшаго, и высокопресто́льною сла́вою Родітеля почѣтшаго, благословіте вся дѣла Господа, и превозносите Его во вѣки.

*Пресвятая Троица Боже нашъ, слава Тебѣ.*

Иже въ тріе́хъ лицѣ́хъ, изобра́уемо не раздѣ́льно Божество́ трисоста́вно, во едіномъ Су́ществѣ и сла́вѣ. Благословіте вся дѣла Господа, и превозносите Его во вѣки.

*Канонъ Пресвятѣй Богородицѣ*

*Запѣвъ.* Сопроти́вныхъ разжже́ныя и пламенові́дныя на насъ угаси́ стрѣ́лы: яко да поемъ Тя Чистая во вѣки.

*Благословимъ Отца и Сына и Святаго Духа, Господа.*

Паче естества Содѣ́теля и Спа́са, Бога Слова роди́ла еси Дѣ́во. Его же превозно́симъ во вся вѣки.

*И нынѣ.* Свѣ́тлую Тя и златоза́рную пока́за свѣ́щю міру, всели́выися въ Тя свѣ́тъ неприступни, Дѣ́во чистая. Тѣ́мъ же Тя поёмъ во вѣки вся.

Хвали́мъ, благослови́мъ, кланяе́мся Го́сподеви, поёмъ и превозно́симъ Его во вѣки.

*Катавасія.* Отроки благочесті́выя въ пе́щѣ рождество



Богородичо спасло есть, тогда убо образуемо, нынѣ же дѣйствуемо, вселенную всю воздвиге пѣти, Господа воспѣвайте дѣла и превозносите Его во вѣки (*поклонъ*).

*Пѣснь Богородицы.* Величитъ душа Моя Господа.

*Канонъ воскресный*

*Пѣснь 9. Ирмосъ.* Удивися убо о семъ небо, и земли ужасошася концы, яко Богъ явися человѣкомъ плотию. И чрево Твое бысть пространнѣе небесъ. Тѣмъ Тя Богородице, ангель и человѣкъ чиноначалія величаемъ.

*Запѣвъ, поклонъ.* Божественымъ и безначальнымъ естествомъ простъ сый, сложился еси пріятіемъ плоти. Въ Себѣ сіе составивъ слове Божіи, и пострада яко человѣкъ, прѣбылъ еси кромѣ страстей яко Богъ. Тѣмъ же Тя во двою существу нераздѣльно и неслиянно величаемъ.

*Запѣвъ.* Отца по существу божественому, яко же естествомъ бывъ человѣкъ: сый Богъ вышній къ рабѣмъ сошедъ, воскресъ же отъ гроба благодатию Отца. Земнороднымъ положивъ по естеству Бога же и Владыку. Съ нимъ же Тя вси величаемъ.

*Богородиченъ.* Явися о Дѣво Мати Божія, паче естества рождыши во плоти благое Слово, его же Отецъ отрыгну отъ сердца Своего, прѣжде всѣхъ вѣкъ яко Благъ. Его же нынѣ и тѣлесъ превышша разумѣемъ, аще и въ тѣло облечеса.

*Канонъ крестовоскресный*

*Запѣвъ, поклонъ.* Божія Тя Сына естествомъ, зачатого во утробѣ Богоматере свѣмы, и бывшаго насъ ради человѣка, и зрящи Тя на Крестѣ, естествомъ убо страждуща человѣческимъ, безстрастна же яко Бога величаемъ.

*Запѣвъ.* Разрушися тма лютая ада, восія бо Солнце

правды Христось, земли просвѣща́я вси концы, сія́я Божества заря́ми, Небесный Человѣкъ, Богъ земный. Его же во двѣ естеству величаемъ.

*Запѣвъ.* Напрязи испѣй и царствуй Сы́не Богоматере, изма́ильтескія люди покаяря борю́щия насъ, либо благочестивому царю, яко оружіе непобѣдимое иму́щи водруже́ни съ копіемъ Крестъ твой Всесильне.

*Канонъ Пресвятѣй Богородицѣ*

*Запѣвъ, поклонъ.* Радости и веселія исполнь есть память Твоя, приходящимъ исцѣленія точа́щи, иже благочестно Богородицу Тя возвѣща́ющимъ.

*Слава.* Псалмы воспѣваемъ Тя Обрадованная, и не молчно Ти еже радуися вопіемъ, Ты бо источила еси всѣмъ радость.

*И нынѣ.* Красенъ Богородице прорасте́ Плодъ Твой, нетля́ бо причаща́ющимся, но Ходата́й жизни, яже вѣрою Тя велича́ющимъ.

*Катавасія.* Всякъ земень да взыграется, Духомъ просвѣщаема, да ликовству́етъ же безплотныхъ умовъ естество почита́я святое торжество Бо́жія Матере, и да поетъ, радуися, преблаже́нная Богородице, чистая присно Дѣво.



## ПОЛУНОЩНИЦА ПО ВСЯДНЕВНАЯ

### *Приходные поклоны.*

За молитвъ святыхъ отецъ нашихъ, Господи Исусе Христе Сыне Божій, помилуй насъ. Аминь.

Слава Тебѣ Боже нашъ, слава Тебѣ всяческихъ ради (*3 раза*).

### *Посемъ молитва*

Боже очисти мя грѣшнаго, яко николиже сотворихъ благо предъ Тобою. Но избави мя отъ лукаваго, да будетъ воля твоя во мнѣ. И да не осуждено отверзу уста моя недостойная, и восхвалю имя Твое святое, Отца и Сына и Святаго Духа, нынѣ и присно и во вѣки вѣкомъ, аминь.

Царю Небесный. *Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

Господи помилуй (*12 разъ*).

### *Посемъ молитва*

Отъ сна воставъ, благодарю Тя, Всесвятая Троице, яко многія ради благости и долготерпѣнія не прогнѣвася на мя грѣшнаго и лѣниваго раба Твоего, и не погубилъ еси мене со беззаконіи моими, но человекѣколюбствова, и внѣ чаянии лежаща воздвиже мя ѹтреневати и славословити державу Твою непобѣдимую. И нынѣ, Владыко Боже Пресвятыи, просвѣти очи сердца моего, и отверзи ми устнѣ поучатися словесемъ Твоимъ, и разумѣти заповѣди Твоя и творити волю Твою, и пѣти Тя во исповѣданіи сердечнемъ, воспѣвати же и славити пречестное и великолѣпное имя Твое, Отца и Сына и Святаго Духа, нынѣ и присно и во вѣки вѣкомъ, аминь.

Приидите поклонимся (*трижды*).

*Псаломъ 50.* Помилуй мя Боже.

*Посемъ. Каѳизма 17.*

*По каѳизмѣ. Слава и нынѣ.*

Вѣрую во единого Бога.

*Трисвятое, по* Отче нашъ.

Господи Исусе Христе Сыне Божій, помилуй насъ.  
Аминь.

*Тропари сія, гласъ 8.*

Се женихъ грядетъ въ полунощи. И блаженъ рабъ егоже обрящетъ бдяща. Недостойнъ же паки его же обрящетъ унывающа. Блюди убо душе моя, да не сномъ отягчѣишися, и да не смерти преданá будеши, и царствія внѣ затворишися. Но воспряни зовущи, Святъ, Святъ, Святъ еси Боже. Богородицы ради помилуй насъ.

*Слава.* День онъ страшныи помышляющи душе моя побдѣи, вжигающи свѣщу свою, и масломъ просвѣщающи. Не вѣси бо когда прїидетъ къ тебѣ гласъ глаголющїи, се женихъ. Блюди убо душе моя, да не воздреемлеши, и пребудеши внѣ толкущи, яко пять дѣвъ, но бодрено побдѣи, яко да усрящещи Христа милостива, и дастъ ти чертогъ божественныя славы Своея.

*И нынѣ.* Тебе необоримую стѣну имуще вѣрніи, и спасенія утверженіе, Богородице Дево молимъ. Сопротивныхъ совѣты разори, и людей своихъ печаль на радость преложїи. Миръ свой умири, и православнаго царя утверди, и о смиренїи міра молися. Яко Ты еси Богородице упованіе наше.

Господи помилуй (*40 разъ*).

Иже на всяко время и на всякъ часъ на небеси и на землі, поклоняемыи и славимыи. Боже благи,

долготерпѣливе и многомилостиве, иже праведники любя, и грѣшныхъ милуя, иже всѣхъ зовыи ко спасенію, обѣщанія ради будущихъ благъ. Самъ Господи, приими молитвы наша въ часъ сей, и въ благодати исправи животъ нашъ къ заповѣдемъ Твоимъ, душа наша освяти и тѣлесá очисти, помышленія исправи и мысли очисти, разумъ уцѣломудри и истрезви, и избави насъ отъ всякія скорби, золъ и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюдаеми и наставляеми, достигнемъ во единство вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй *(трижды)*. **Слава и нынѣ.**

Честнѣйшую Херувимъ.

Господи помилуй *(дважды)*, Господи благослови.

За молитвъ святыхъ отецъ нашихъ, Господи Иисусе Христе Сыне Божій, помилуй насъ. Аминь.

*Аще есть постъ, речетъ молитву сію, преп. Ефрема.*

Господи и Владыко животу моему, духъ унынія, небреженія, сребролюбія и празднословія отжени отъ мене *(поклонъ)*. Духъ же цѣломудрія, смиренія, терпѣнія, и любве даруй ми, рабу Твоему *(поклонъ)*. Ей, Господи царю, даждь ми зрѣти моя согрѣшенія, и еже не осуждати брата моего, яко благословенъ еси во вѣки, аминь *(поклонъ)*. *И еще двѣнадцать поклонъ.*

*И паки:* Господи и Владыко животу моему, *весь до конца и поклонъ единъ.*

*Таже молитва*

Владыко Боже Отче Вседержителю, и Господи Сыне едиnorodный Иисусе Христе, и Святыи Душе, едино Божество и едина сила, помилуй мя грѣшнаго, и ими же вѣси судьбами, спаси мя недостойнаго раба

Твоего, яко благословенъ еси во вѣки, аминь.

**Пріидите поклонимся** (*трижды*).

*Псаломъ 120.* Возведохъ очи мои въ горы, отнюду же пріидетъ помощь моя. Помощь моя отъ Господа сотворшаго небо и землю. Не даждь во смятеніе ногі Твоея. Нижѣ воздрѣмлетъ храняи тя. Се не воздремлетъ ни уснетъ храняи Израиля. Господь сохранитъ тя, Господь покровъ твой на руку десную твою. Во дне солнце не ожжѣтъ тебе, ни луна ношцію. Господь сохранитъ отъ всякаго зла, сохранитъ душу твою Господь. Господь сохранитъ вхожденіе твое, и исхождѣніе твое, отъ нынѣ и до вѣка.

*Псаломъ 133.* Се нынѣ благословите Господа вси раби Господни, стоящіи въ храмѣ Господни, во двѣрѣхъ дому Бога нашего. Въ нощехъ воздѣжите руки ваша во святая, и благословите Господа. Благословитъ тя Господь отъ Сіона, сотворивый небо и землю.

**Слава и нынѣ.** *Трисвятое, по* Отче нашъ.

*Тропари, гласъ 2.*

Помяни Господи, яко благъ рабы Своя. И елика въ житіи семъ согрѣшиша прости. Никто же бо безъ грѣха, токмо Ты могій преставленнымъ дати покой.

Иже глубинами мудрости, челоуѣколюбнѣ вся стрѣя, и еже на пользу всѣмъ подавая, едине содѣтелю. Покой Господи душя усопшихъ рабъ Своихъ. На Тя бо упованіе возложиша, Творца и Зиждителя и Бога нашего.

**Слава.** Со святыми покой Христе душя рабъ Своихъ, идѣже нѣсть болѣзни ни печали ни въздыханія. Но жизнь вѣчная.

**И нынѣ.** Блажимъ Тя вси рѣди Богородице Дѣ-

Полунощница по всядневная

во, въ Тя бо невмѣстимый Христосъ Богъ нашъ вмѣстится избѣли. Блажени есмы и мы, помощницу Тя имѣюще. День бо и нощь молишися о насъ, и державы царствія, Твоими молитвами утверждаются. Тѣмъ благодаряще вопіемъ Ти, радуйся обрадованная Господь съ Тобою.

Господи помилуй *(12 разъ)*.

*Посемъ молитва*

Помяни Господи иже въ надежи воскресенія, и жизни вѣчныя, усопшая отцы и братію нашу, и всѣхъ иже во благочестивой вѣрѣ скончавшихся, и прости имъ всяко согрѣшеніе, вольное и невольное, въ словѣ и въ дѣлѣ и въ помышленіи согрѣшенное ими. И всели ихъ въ мѣста свѣтла, въ мѣста прохладна, въ мѣста покойна. Отнюду же отбѣжѣ всяка болѣзнь и печаль и въздыханіе. Идѣже присѣщаетъ свѣтъ лица Твоего, и веселитъ вся иже отъ вѣка святія Твоя. И даруй имъ царствіе Твое, и причастіе не изреченныхъ и вѣчныхъ Твоихъ благъ, и Твоея безконечныя, и блаженныя жизни наслажденіе. Ты бо еси воскресеніе и животъ и покой, усопшимъ рабомъ Твоимъ Христе Боже нашъ. И Тебѣ славу возсылаемъ, со Безначальнымъ Ти Отцемъ, и съ пресвятымъ и благимъ и животворящимъ Духомъ, нынѣ и присно и во вѣки вѣкомъ, аминь.

*Слава и нынѣ.*

Господи помилуй *(дважды)*, Господи благослови.

*Отпустъ. Исходные поклоны.*



## ПОЛУНОЩНИЦА ВО ВСЯ СУББОТЫ

*Приходные поклоны.*

**З**а молитвъ святыхъ отецъ нашихъ, Господи Исусе Христе Сыне Божій, помилуй насъ. Аминь.

Слава Тебѣ Боже нашъ, слава Тебѣ всяческихъ ради (*трижды*).

*Посемъ молитва*

Боже очисти мя грѣшнаго, яко николиже сотвори хъ благо предъ Тобою. Но избави мя отъ лукаваго, да будетъ воля твоя во мнѣ. И да не осуждено отверзу уста моя недостойная, и восхвалю имя Твое святое, Отца и Сына и Святаго Духа, нынѣ и присно и во вѣки вѣкомъ, аминь.

Царю Небесный. *Трисвятое, по* Отче нашъ.

Господи Исусе Христе Сыне Божій, помилуй насъ. Аминь.

Господи помилуй (*12 разъ*).

*Посемъ молитва*

Отъ сна воставъ, благодарю Тя, всевятая Троице, яко многія ради благости и долготерпѣнія не прогнѣвася на мя грѣшнаго и лѣниваго раба Твоего, и не погубилъ еси мене со беззаконіи моими, но человекѣколюбствова, и внѣ чаянии лежаща воздвиже мя ѹтреневати и славословити державу Твою непобѣдимую. И нынѣ, Владыко Боже Пресвятыи, просвѣти очи сердца моего, и отверзи ми устнѣ поучатися словесемъ Твоимъ, и разумѣти заповѣди Твоя и творити волю Твою, и пѣти Тя во исповѣданіи сердечнемъ, воспѣвати же и славити пречестное и великолѣпное имя Твое, Отца и Сына и Святаго Духа, нынѣ и присно и во вѣки вѣкомъ, аминь.

Приидите поклонимся (*трижды*).



*Псаломъ 50.* Помилуй мя Боже.

*Посемъ. Каѳизма 9.*

*По каѳизмъ. Слава и нынѣ.*

Вѣрую во единого Бога.

*Трисвятое, по* Отче нашъ.

*Тропари сія, гласъ 2.*

Несозданное естество, всяческимъ зиждителю, усты наша отверзи, яко да возвѣстимъ хвалу Твою вопіюще. Святъ, Святъ, Святъ еси Боже, Богородицы ради помилуй насъ.

*Слава.* Вышнимъ силамъ подобящися земни. Побѣдную пѣснь приносимъ Ти Блаже, вопіюще. Святъ, Святъ, Святъ еси Боже, молитвами всѣхъ святыхъ Твоихъ помилуй насъ.

*И нынѣ.* Отъ одра и сна воздвиглъ мя еси Господи, умъ мой просвѣти и сердце. И устнѣ мои отверзи, пѣти Тя Святая Троице. Святъ, Святъ, Святъ еси Боже, молитвами Богородицы помилуй насъ.

Господи помилуй (*40 разъ*).

Иже на всяко время и на всякъ часъ на небеси и на землі, поклоняемыи и славимыи. Боже благи, долготерпѣливе и многомилостиве, иже праведники любя, и грѣшныхъ мѣлуя, иже всѣхъ зовѣи ко спасенію, обѣщанія ради будущихъ благъ. Самъ Господи, пріими молитвы наша въ часъ сей, и въ благи исправи животъ нашъ къ заповѣдемъ Твоимъ, душá наша освятѣи и тѣлесá очисти, помышленія исправи и мысли очисти, разумъ уцѣломудри и истрезви, и избави насъ отъ всякія скорби, золь и болѣзней и душевныхъ страстей, и огради насъ святыми ангелы Твоими, яко да ополченіемъ ихъ соблюдаемыи и наставляемыми, достигнемъ во единство

вѣры, и въ разумъ неприкосновенныя Ти славы, яко благословенъ еси во вѣки, аминь.

Господи помилуй (*трижды*). **Слава и нынѣ.**

Честнѣйшую Херувимъ.

Господи помилуй (*дважды*), Господи благослови.

За молитвъ святыхъ отецъ нашихъ, Господи Иисусе Христе Сыне Божій, помилуй насъ. Аминь.

*Таже молитва*

Владыко Боже Отче Вседержителю, и Господи Сыне едиnorodный Иисусе Христе, и Святыи Душе, едино Божество и едина сила, помилуй мя грѣшнаго, и ими же вѣси судьбами, спаси мя недостойнаго раба Твоего, яко благословенъ еси во вѣки, аминь.

Приидите поклонимся (*трижды*).

*Псаломъ 120.* Возведи очи мои въ горы, отнюду же приидеть помощь моя. Помощь моя отъ Господа сотворшаго небо и землю. Не даждь во смятеніе ногі Твоея. Нижѣ воздремлетъ храняи Тя. Се не воздремлетъ ни уснетъ храняи Израиля. Господь сохранитъ тя, Господь покровъ твой на руку десную твою. Во дне солнце не ожжѣтъ тебе, ни луна нощію. Господь сохранитъ отъ всякаго зла, сохранитъ душу твою Господь. Господь сохранитъ вхожденіе твое, и исхожденіе твое, отъ нынѣ и до вѣка.

*Псаломъ 133.* Се нынѣ благословите Господа вси раби Господни, стоящіи въ храмѣ Господни, во двѣрѣхъ дому Бога нашего. Въ нощехъ воздѣжите руки ваша во святая, и благословите Господа. Благословитъ тя Господь отъ Сіона, сотворивыи небо и землю.

**Слава и нынѣ.**

*Трисвятое, по* Отче нашъ.

*Тропари, гласъ 2.*

Помяни Господи, яко благъ рабы Своя. И елика въ житіи семъ согрѣшиша прости. Никто же бо безъ грѣха, токмо Ты могій преставленнымъ дати покой.

Иже глубинами мудрости, челоуѣколюбнѣ вся стрѣя, и еже на пользу всѣмъ подавая, едине содѣтелю. Покой Господи душя усопшихъ рабъ Своихъ. На Тя бо упованіе возложиша, Творца и Зиждителя и Бога нашего.

**Слава.** Со святыми покой Христе душя рабъ Своихъ, идѣже нѣсть болѣзни ни печали ни воздыханія. Но жизнь вѣчная.

**И нынѣ.** Блажимъ Тя вси рѣди Богородице Дѣво, въ Тя бо невмѣстимыи Христосъ Богъ нашъ вмѣститися избѣли. Блажени есмы и мы, помощницу Тя имуще. День бо и ночь молишися о насъ, и державы царствія, Твоими молитвами утверждаются. Тѣмъ благодаряще вопіемъ Ти, радуйся обрадованная Господь съ Тобою.

Господи помилуй *(12 разъ).*

*Посемъ молитва*

Помяни Господи иже въ надѣжи воскресенія, и жизни вѣчныя, усопшая отцы и братію нашу, и всѣхъ иже во благочестивой вѣрѣ скончавшихся, и прости имъ всяко согрѣшеніе, вольное и невольное, въ словѣ и въ дѣлѣ и въ помышленіи согрѣшенное ими. И вселі ихъ въ мѣста свѣтла, въ мѣста прохладна, въ мѣста покойна. Отнюду же отбѣжѣ всяка болѣзнь и печаль и воздыханіе. Идѣже присѣщаетъ свѣтъ лица твоего, и веселитъ вся иже ѡтъ вѣка святія Твоя. И даруй имъ царствіе твое, и причастіе не изреченныхъ и вѣчныхъ Твоихъ благъ, и Твоея

Полунощница во вся субботы

безконечная, и блаженная жизни наслаждение. Ты бо еси воскресение и животъ и покой, усопшимъ рабомъ Твоимъ Христе Боже нашъ. И Тебѣ славу возсылаемъ, со Безначальнымъ Ти Отцемъ, и съ пресвятымъ и благимъ и животворящимъ Духомъ, нынѣ и присно и во вѣки вѣкомъ, аминь.

**Слава и нынѣ.**

Господи помилуй *(дважды)*, Господи благослови.

*Отпустъ. Исходные поклоны.*



## Воскресные тропари, кондаки, ипакѡи.

### *Тропарь, гласъ 1.*

Камени зна́менану отъ іюдѣй, и воиномъ стрегущимъ пречистое тѣло Твое. Воскресе въ третіи день Спа́се, даруя мірови жизнь. Сего ради силы небесныя вопіяху Ти жизнедавче. Слава воскресенію Ти Христе. Слава царствію Ти. Слава смотренію Твоему, едине Человѣколюбче.

### *Кондакъ, гласъ 1.*

Воскреслъ еси яко Богъ ѡзъ гроба въ славѣ, и міръ совоскресилъ еси. И естество человѣческое, яко Бога воспѣваетъ Тя, и смерть исчезе, Адамъ же ликуетъ Владыко. Евва нынѣ отъ узъ свобождаема, радуется зовуще, Ты еси иже всѣмъ подаѣ Христе воскресеніе.

### *Ипакѡй, гласъ 1.*

Разбойничѡ покаяніе, рай отверзе, плачь же муноносиць, радость возвѣстї, яко воскресе Господь, подаѣ мірови велію милость.

### *Тропарь, гласъ 2.*

Егда сніде къ смерти животѣ безсмертныи, тогда ада умертвилъ еси блистаніемъ божества. Егда же умершая отъ преисподнихъ воскресї, вся силы небесныя взываху. Жизнедавче Христе Боже слава Тебѣ.

### *Кондакъ, гласъ 2.*

Воскреслъ еси отъ гроба Спасе всесильне, и адъ видѣ чюдо сіе, ужасеся, и мертвіи восташа. Тварь же видящи, радуется съ Тобою, и Адамъ вкупѣ веселится. И міръ Спа́се мой воспѣваетъ Тя присно.

### *Ипакѡй, гласъ 2.*

По страсти шедше на гробъ женѣ, помазати тѣло Твое Христе Боже, видѣша ангелы во гробѣ и ужасошася, гласъ бо слышаху отъ нихъ, яко воскресе Господь, подаѣ мѣрови велію милость.

*Тропарь, гласъ 3.*

Да веселятся небесная и радуется земная, яко сотвори державу мышцею Своею Господь. Поправъ смертію смерть, первенецъ изъ мертвыхъ бысть. Изъ чрева адова избавилъ есть насъ, и подасть мѣрови велію милость.

*Кондакъ, гласъ 3.*

Воскреслъ еси днесъ ѡзъ гроба Щѣдре, и насъ возведѣ отъ вратъ смертныхъ. Днесъ Адамъ ликуеть, и радуется Евва, вкупѣ же пророцы съ патріархи воспѣваютьъ непрестанно, божественую державу власти Твоея.

*Ипакѡй, гласъ 3.*

Удивляя видѣніемъ, орошая глаголаніи, блистая ангелъ, муроносицамъ глаголаше, что живаго ищите во гробѣ, востѣ испразднѣвыи грѡбы. Тли премѣнителя, разумѣйте непремѣннаго. Рцѣти Богови, коль страшна дѣла Твоя, яко родъ спаслъ еси человѣческіи.

*Тропарь, гласъ 4.*

Свѣтлую воскресенія проповѣдь, отъ Ангела увѣдѣвше Господня ученица. И прадѣднее осужденіе отвергше. Апостоломъ хвѣлящеся глаголаху. Испровѣржеся смерть, воскресе Христосъ Богъ, даруя мѣрови велію милость.

*Кондакъ, гласъ 4.*

Спасъ и избавитель мой, ѡзъ гроба яко Богъ

воскресивъ отъ узъ земнородныхъ. И врата адова сокрушивъ, и яко Владыка воскресѣ тридневенъ.

*Ипакѡй, гласъ 4.*

Иже Твоего преславнаго востанія, предтекше муроносицы, апостоломъ благовѣствовáху Христе, яко воскресѣ яко Богъ, подая мiрови велiю милость.

*Тропарь, гласъ 5.*

Собезначальное Слово Отцу и Духови, еже отъ Дѣвы рождъшееся на спасенiе наше. Воспоёмъ вѣрнии и поклонимся, яко благоизволи плотiю взыти на Крестъ, и смерть претерпѣти, и воскресити умершая, во славное воскресенiе Свое.

*Кондакъ, гласъ 5.*

Ко аду Спасе мой сошелъ еси, и врата сокрушивъ яко всесiленъ. Умершихъ яко создатель совоскресилъ еси, и смерти жало сокрушивъ. И Адамъ отъ клятвы избáвленъ бысть Человѣколюбче. Тѣмже вси зовемъ, спаси насъ Господи.

*Ипакѡй, гласъ 5.*

Ангельскимъ зракомъ умъ смущающе, и божественнымъ востанiемъ душя просвѣщающе, муроносицы апостоломъ благовѣствовáху, возвѣстите во языцѣхъ воскресенiе. Господу поспѣшествующу чудесы, подающему намъ велiю милость.

*Тропарь, гласъ 6.*

Ангельскiя силы на гробъ Твоемъ, и стрегущей отъ страха омертвѣша. И стояше Марiя у гроба, ищущи пречистаго тѣла Твоего. Испроверже ада, не искушься отъ него. Срѣте Дѣву даруяи животъ, воскресъ изъ мертвыхъ, Господи слава Тебѣ.

*Кондакъ, гласъ 6.*

Живоначною дланію, умёршихъ отъ мрачныхъ удѡлій, жизнедавецъ воскресивъ всѣхъ Христосъ Богъ, воскресеніе даровавъ человѣческому роду. Есть бо всѣхъ Спаситель и воскресеніе и животъ, и Богъ всяческимъ.

*Ипакѡй, гласъ 6.*

Вольную и животворную Ти смертію Христе Боже, врата адова сокрушивъ, яко Богъ. Отверзлъ еси намъ древній рай. И воскресъ изъ мертвыхъ, избави изъ истлѣнія животъ нашъ.

*Тропарь, гласъ 7.*

Разруші крестомъ Своимъ смерть, отверзлъ еси разбойнику рай. Мѣроносицамъ плачь преложі, и апостоломъ проповѣдати повелѣ, яко воскресе Христосъ Богъ, подая мірови велію милость.

*Кондакъ, гласъ 7.*

Некому держава смертная возмѡжетъ держати человѣки, Христосъ бо сніде сокрушая и разоряя силы ея. Связуемъ бываетъ адъ. Пророцы согласно радуются, предста глаголюще Спасъ сущимъ въ вѣрѣ, изыдите вѣрніи въ воскресеніе.

*Ипакѡй, гласъ 7.*

Иже нашъ зракъ воспріемыи, и претерпѣвыи распятіе плотію, спаси насъ воскресеніемъ си Христе Боже, яко Человѣколюбецъ.

*Тропарь, гласъ 8.*

Свышнихъ сніде милосерде, и погребеніе пріятъ тридневно, да насъ свободіши отъ страстѣй. Животе и воскресеніе наше слава Тебѣ.

*Кондакъ, гласъ 8.*



## Дневные тропари и кондаки

Воскресъ ѡзъ гроба, умершихъ воздвиглъ еси и Адама воскресилъ еси. И Евва ликуетъ въ Твоемъ воскресеніи, мірстіи концы торжествуютъ въ востаніи Твоемъ изъ мертвыхъ Многомилостиве.

*Инакой, гласъ 8.*

Мүроносицы живодавнему предстояще гробу, Владыку искаху въ мертвыхъ Безсмертнаго. И радость благовѣщенія отъ ангела приѣмше, апостоломъ возвѣщаху, воскресе Христосъ Богъ, подавая мірови велию милость.



## Дневные тропари и кондаки.

### Понедѣльникъ

*Ангеломъ, тропарь гласъ 4.*

Небесныхъ воинствъ архистратізи, молимъ васъ нынѣ мы недостойніи. Яко да вашими молитвами, покрѣтите насъ кровомъ крилѹ, невещественныя славы. Сохраняюще насъ молящихся прилѣжно и вопіющихъ. Отъ бѣдъ избавите насъ, яко чиноначальницы вышнимъ силамъ.

*Кондакъ, гласъ 2.*

Архистратизи Божіи, служителие божественныя славы, Ангеломъ начальницы, и наставницы чловѣкомъ. Еже есть на пользу, просіте намъ велия милости, яко безплотнымъ архистратизи.

### Вторникъ

*Предтечи, тропарь гласъ 2.*

Память праведнику съ похвалами. Тебѣ же довлѣетъ свидѣтельство Господне Предтече. Яви-

лѣбоя еси воистину пророкъ честнѣйши, яко и въ быстринахъ крестити сподобился еси проповѣданнаго. Тѣмъ же и за истину пострадалъ радуяся. Благовѣстилъ еси во адѣ сущимъ, Бога явльшагося плотію, вземлющаго грѣхи міру, и подающаго намъ велию милость.

*Кондакъ, гласъ 3.*

Неплѣды днесъ Христова Предтечу раждаетъ, и той есть совершеніе всякаго пророчества. Его же во пророцы проповѣдаша. На томъ во Іорданѣ рѣку положивъ, и явіся Божію слову пророкъ и проповѣдникъ, вкупѣ и Предтеча.

**Среда и Пятница**

*Кресту, тропарь гласъ 1.*

Спаси Господи люди Своя, и благослови достойніе Свое, побѣды благовѣрному царю нашему на сопротивныя дѣруй, и Своя сохраняя Крестомъ люди.

*Кондакъ, гласъ 4.*

Вознесійся на Крестъ волею, тезоименітому нынѣ граду Твоему, щедроты Твоя дѣруй Христе Боже, возвеселі силою Своею благовѣрнаго царя нашего, побѣды дая ему на сопостаты, пособіе имуще Твое оружіе, міру непобѣдимую побѣду.

**Четвергъ**

*Апостоломъ, тропарь гласъ 3.*

Апостоли святіи молити милостиваго Бога, да грѣховъ оставленіе подасть душамъ нашимъ.

*Кондакъ, гласъ 2.*

Твердыя и благовѣщанныя проповѣдателя, верхъ ученикъ Твоихъ Господи, пріятъ въ наслажденіе

благихъ Твоихъ покѡя. Труды бо онѣхъ и смерть, пріятъ паче всякаго приношенія. Едине свѣдѣи сердечная.

*Николь, тропарь гласъ 4.*

Правило вѣры и образъ кротости, воздержанію учителя яви тя Господь стаду Своему яже вѣщѣмъ истина. Сего ради стяжавъ смиреніемъ высокая, нищетою богатая, Отче нашъ святителю Никѡлае, моли Христа Бога спастися душамъ нашимъ.

*Кондакъ, гласъ 3.*

Въ Мурѣхъ святе Никѡлае святитель явися. Христова бо днесъ преподобне Евангеліе исполнивъ, положилъ еси душу свою за люди своя, и спаслъ еси неповинныя отъ смерти. Сего ради освятися, и явися вѣліи тайнникъ Божія благодати.

### Суббота

*Всѣмъ святымъ, тропарь гласъ 2.*

Апостоли пророцы и мученицы, святителіе преподобніи и праведніи, иже добръ подвигъ скончавше, и вѣру соблюдше, дерзновение имуще къ Спасу. Молимъ вы, о насъ Того молити яко блага, спасти душа наша.

*Кондакъ, гласъ 8.*

Яко начатки естества содѣтелю твари, вселенная приноситъ Ти Господи, богоносныя мученики. Тѣхъ молитвами, во смиреніи глубѡцѣ, Церковь Свою, и градъ Свой, Богородицы ради соблюди, едине Многомилостиве.

*За упокой, тропарь гласъ 2.*

Помяни Господи, яко благъ рабы Своя. И елика въ житіи семъ согрѣшиша прости. Никто же бо

безъ грѣха, токмо Ты могий преставленнымъ дати покой.

*Кондакъ, гласъ 8.*

Со святыми покой Христе душя рабъ Своихъ,  
идѣже нѣсть болѣзни ни печали ни воздыханія, но  
жизнь вѣчная.



## ПАСХАЛЬНОЕ БОГОСЛУЖЕНИЕ

### СВѢТЛАЯ УТРЕНЯ

**Въ** пасхальную полночь христiянинъ, который по какимъ-либо обстоятельствамъ не имѣетъ возможности присутствовать въ храмѣ за Богослуженiемъ, можетъ молитвенно встречать высокаторжественный праздникъ Свѣтлаго Христова Воскресенiя, совершая домашнюю службу по нижеизложенному Уставу.

*Передъ началомъ Пасхальной утрени разжигается кандильница и кладется въ нее ладонъ, чтобы наполнить помѣщенiе благовонiемъ.*

*Приходные поклоны.*

*Затѣмъ старшiй:* За молитвъ святыхъ Отець нашихъ, Господи Иисусе Христе Сыне Божiй, помилуй насъ.

*Пѣвцы.* Аминь.

*Старшiй, ограждается крестнымъ знаменiемъ поетъ:*

Христосъ воскресе изъ мертвыхъ, смертiю смерть поправъ, и сущымъ во гробѣхъ животъ даровавъ (дважды).

*Въ третiй разъ поетъ:* Христосъ воскресе изъ мертвыхъ, смертiю смерть поправъ.

*Пѣвцы.* И сущымъ во гробѣхъ животъ даровавъ.

*Затѣмъ всѣ поютъ трижды:* Христосъ воскресе изъ мертвыхъ.

*Старшiй читаетъ:*

*Стихъ 1.* Да воскреснетъ Богъ, и разыдутся врази Его.

*Молящiеся.* Христосъ воскресе изъ мертвыхъ (3 раза).

*Стихъ 2.* Яко исчезаетъ дымъ да исчѣзнутъ.

*Молящiеся.* Христосъ воскресе изъ мертвыхъ (3 раза).

*Стихъ 3.* Тако да погибнутъ грѣшницы отъ лица Божія, а праведницы да возвеселятся.

*Молящіяся.* Христосъ воскресе изъ мертвыхъ (3 раза).

*Стихъ 4.* Сей день иже сотвори Господь возрадуемся и возвеселимъся вонь.

*Молящіяся.* Христосъ воскресе изъ мертвыхъ (3 раза).

Слава Отцу и Сыну и Святому Духу.

*Молящіяся.* Христосъ воскресе изъ мертвыхъ (3 раза).

И нынѣ и присно и во вѣки вѣкомъ, аминь.

*Молящіяся.* Христосъ воскресе изъ мертвыхъ (3 раза).

*Старшій.* Христосъ воскресе изъ мертвыхъ, смертію смерть поправъ.

*Молящіяся:* И сущымъ во гробѣхъ животъ даровавъ.

Господи помилуй (12 разъ).

Слава, и нынѣ.

*Канонъ Святыя Пасхи, гласъ 1.*

*Ирмосъ каждой пѣсни поемъ 4 раза, затѣмъ поемъ тропари 12 разъ. 10 разъ тропари поемъ съ запѣвомъ Христосъ воскресе изъ мертвыхъ. 11-й поемъ съ запѣвомъ: Слава, 12-й съ запѣвомъ: И нынѣ. Катавасія послѣ каждой пѣсни, это ирмосъ той же пѣсни, который поемъ 2 раза.*

*Пѣснь 1.*

*Ирмосъ.* Воскресенія день, просвѣтимся людіе, Пасха Господня Пасха, отъ смерти убо къ жизни, и отъ земли на небо, Христосъ Богъ насъ превелъ есть, побѣдную поюща.

*Запѣвъ.* Христосъ воскресе изъ мертвыхъ (поклонъ).

Очистимъ чувства, и узримъ непреступный Свѣтъ, воскресенія Христова блистающа, и радуйтесь рекуще, ясно да услышимъ побѣдную поюще.

*Запѣвъ.* Христосъ воскресе изъ мертвыхъ.

Небеса убо достойно да веселятся, земля же да

радуется, да празднуетъ же міръ; видимый же весь и невидимый Христось бо Богъ восталъ есть веселіе вѣчное.

*Катавасія.*

*Пѣснь 3.*

*Ирмось.* Приидите пиво піемъ ново, не отъ камене неплодна чудодѣемое, но нетлѣнія источника, изъ гроба одождивша Христа, о Немъ же утверждаемся.

*Запѣвъ.* Нынѣ вся исполнишася свѣта, небо же и земля и преисподняя, да празднуетъ убо вся тварь, востаніе Христово, о Немъ же утверждаемся.

*Запѣвъ.* Вчера сраспинахтися Христе, вчера спогребохтися, и совостаю днесъ совоскрѣсшу Ти, Самъ мя прослави Спасе во Царствіи Своемъ.

*Катавасія.*

Господи помилуй (*трижды*).

*Слава, и нынѣ. Инакой, гласъ 4.*

Предвариша утро еже съ Маріею, и обрѣтоша камень отвалѣнъ отъ гроба, слышаху отъ ангела, иже во свѣтѣ присносущнемъ Сущаго, съ мѣртвыми не ищите яко человѣка, видите гробныя пелены, тецыте и міру проповѣдите, яко воста Господь, умертвивый смертію смерть, яко Той есть Сынъ Божій, спасаѣи родъ человѣчскій.

*Пѣснь 4.*

*Ирмось.* На Божіи стражи, Богоглаголивый Аввакумъ да станетъ съ нами. И явитъ свѣтоносна ангела, велегласно глаголюща, днесъ спасеніе міру, яко воскрѣсе Христось, яко всесилень.

*Запѣвъ.* Мужескій убо полъ яко развѣрзе дѣвственную утробу бысть Христось яко человѣкъ же,

Агнецъ наречѣся. Непороченъ же, яко не вкуси скверны, наша убо Пасха, и яко Богъ истиненъ и совершенъ яви́ся.

*Запѣвъ.* Яко единоплѣтенъ Агнецъ, благословенный намъ вънецъ Христосъ, волею за всѣхъ закланъ бысть. Пасха очистилице, и абіе изъ гроба красно, праведное намъ восія Солнце.

*Запѣвъ.* Богоотецъ убо Давидъ, предсѣннымъ ковчегомъ скакаше играя. Людіе же Божіи святіи, образъ сбытія зряще, веселимся божѣствене, яко воскресе Христосъ, яко всесилень.

*Катавасія.*

*Пѣснь 5.*

*Ирмосъ.* Утренюемъ утренюю глубокую, и вмѣсто мѣра пѣснь принесемъ Владыцѣ, и Христа узримъ праведное Солнце всѣмъ жизнь восіяюща.

*Запѣвъ.* Безчисленное Твое милосердіе, иже адовыми узами содержиши зряще, къ свѣту идяху Христе весельіи ногами, Пасху хваляще вѣчную.

*Запѣвъ.* Приступимъ свѣщеносніи, изходящу Христу изъ гроба, яко жениху, и спразднуемъ празднлюбѣзными чинми, Пасху Божию спасительную.

*Катавасія.*

*Пѣснь 6.*

*Ирмосъ.* Сніде въ преисподнія страны земли, и сокруши верея вѣчныя, преисподнія связаня Христе и тридневно яко отъ кита Іона, воскресе отъ гроба.

*Запѣвъ.* Сохранивъ цѣла знаменіе Христе, воскресъ отъ гроба иже ключа Дѣвья невредивыи въ рожество Своемъ, и отверзлъ еси намъ райскія двери.



*Запѣвъ.* Спасе мой, живо, а нежертвенное за-  
коленіе, яко Богъ, Самъ Себе волею приведе́ ко  
Отцу. совоскреси́ же всеродна Адама, воскресъ́ отъ  
гроба.

*Катавасія.*

Господи помилуй (*трижды*).

*Слава, и нынѣ. Кондакъ, гласъ 8.*

Аще и во гробъ́ сниде́ Безсмертне, но адову раз-  
рушилъ еси силу, и воскресе яко Побѣдитель Христе  
Боже. Женамъ муриносицамъ радость провѣщавъ,  
и Своимъ апостоломъ миръ дарова, иже падшимъ  
подай воскресеніе.

*Икосъ.* Иже прежде солнца Солнцу зашедшу иногда  
во гробъ́, предвариша ко утру́ взыскающе, яко во  
дне муриносицы Дѣвы. И другá къ друзей вопіяху, о  
другія, приидете вонями помажемъ тѣло живонос-  
ное и погребеное, плоть воскресивша падшаго Адама  
лежаща во гробѣ́. Идемъ и потщймся яко же волсви,  
и поклонимся и принесемъ му́ро, яко дары. Не въ  
пелены́, но въ плащанице обвитому, и съ плачемъ  
возопіемъ, о Владыко, востани, иже падшимъ подаи  
воскресеніе.

Воскресеніе Христово видевши, поклонимся Свя-  
тому Господу Исусу, Единому безгрѣшному. Кресту  
Твоему поклоняемся Христе, и святое Воскресеніе  
Твое поемъ и славимъ. Ты бо еси Богъ нашъ, развѣ  
бо Тебѣ́ иного не знаемъ, имя Твое нарицаемъ.  
Приидите вси вѣрнии поклонимся святому Христову  
Воскресенію, се бо прииде креста ради радость  
всему міру. Всегда благословимъ Господа, поемъ  
воскресеніе Его. Распятіе бо притерпѣ, и смертію  
смерть разруши́ (*3 раза*).

*Стихѣра.* Воскресъ Исусъ о́тъ гроба, якоже прорече́, и дарова намъ животъ вѣчный, миръ и велию милость (3 раза).

*Пѣснь 7.*

*Ирмось.* Отроки о́тъ пѣщи избавивъ, бывъ убо челоуѣкъ, стра́жетъ яко смѣртенъ. И страстию мертвенною, въ нетлѣніе облачѣтъ благолѣпія, Единъ благословенъ отцемъ Богъ и препрославленъ.

*Запѣвъ.* Женѣ съ мѣромъ богомудрыя, во слѣдъ Тебе течѣху. Его же яко мертва со слезами искаху, поклонѣшася и радующеся живому Богу, и Пасху тайную, Твоимъ Христе ученикомъ благовѣстиша.

*Запѣвъ.* Яко воистину священная, и всепразднственная сія спасительная но́щь, и свѣтозарная свѣтоноснаго дне, востанію су́щи провозвѣстница, въ ней же безлѣтнѣй свѣтъ, изъ гроба плѣтски всѣмъ восіа́.

*Запѣвъ.* Смерти празднуемъ умерщвленіе, а до во разрушеніе, иногѣ бо живота вѣчнаго начало, и играюще поемъ виновнаго, еди́наго благословѣна отцемъ Бога и препрославлена.

*Катавасія.*

*Пѣснь 8.*

*Ирмось.* Сей убо наречѣнный святыи день, единъ суботамъ, Царь и Господь, Праздникъ праздникомъ, и Торжество есть торжествомъ. Вонъ же благословимъ Христа во вѣки.

*Запѣвъ.* Приидіте новаго винограда, чада божественаго веселія, въ нарѣчитомъ дни воскресенія, Царствія Христова приобщимся, поюще Его яко Бога во вѣки.

*Запѣвъ.* Возведи о́крестъ очи Твои Сіоне, и виждь,

се убо придоша къ Тебѣ, яко Богосвѣтлая свѣтила, отъ запада и сѣвера и моря и востока чада Твоя, въ Тебѣ благословяще Христа во вѣки.

*11-й запѣвъ.* Пресвятая Троице Боже нашъ, слава Тебѣ.

Отче Вседержителю, и Слове и Душе, трѣми соединяемо составми естество, пресущественнии и пребожественнии, въ Тя крестихомся, и Тя благословимъ во вся вѣки.

*Катавасія.*

*Пѣснь 9.*

*Ирмосъ.* Свѣтїся, свѣтїся, новый Иеросалиме, слава бо Господня на Тебѣ восїя. Ликуй нынѣ и веселїся Сїоне, Ты же Чистая красуйся Богородице, о востанїи рожества Твоего.

*Запѣвъ, поклонъ.* О божественнаго, о любезнаго, о сладкаго Ти гласа, съ нами убо неложно обѣщался еси быти, до скончанїя вѣка Христе, Его же вѣрнїи державу и надежду имуще радуемся.

*Запѣвъ.* О Пасха велика, и священная Христе. О мудрость Слове Боже и сила, подавай намъ истее Тебе причащатися, въ невечернѣмъ дни Царствїя Твоего.

*Катавасія (поклонъ до земли).*

Господи помилуй (3 раза).

*Слава, и нынѣ. Свѣтиленъ.*

Плотїю уснувъ яко мертвъ, Царь и Господь, тридневенъ воскресе, и Адама воздвигъ изъ тли, и упразднивъ смерть. Пасха нетлѣнїя, міру спасенїе (2 раза).

*Слава, и нынѣ.* Плотїю уснувъ.

*Псаломъ 148.* Хвалїте Господа съ небесъ, хвалїте Его въ вышнихъ. Хвалїте Его вси ангели Его, хва-

літе Его вся сілы Его. Хваліте Его солнце и луна, хваліте Его вся звѣзды и свѣтъ. Хваліте Его небеса небесъ, и вода яже превыше небесъ, да восхвалятъ имя Господне. Яко Той рече, и быша, Той повелѣ и создашася. Постаѣи я въ вѣкъ и въ вѣкъ вѣка, повелѣніе положи и не мимо идетъ. Хвалите Господа отъ земли, зміеве и вся бѣзднои. Огнь, градъ, снѣгъ, голоть, духъ бурень, творящая слово Его. Горы и вси холми, древа плодоносна, и вси кѣдри. Звѣріе, и вси скоти, гади и птицы пернаты. Царіе зѣмстии, и вси людіе, князи и вси судіи зѣмстии. Юноши и дѣвы, старцы со юнотами, да восхвалятъ имя Господне. Яко вознесѣся имя Того Единаго. Исповѣданіе Его на земли и на небесі, и вознесѣтъ рогъ людей Своихъ. Пѣснь всѣмъ преподобнымъ Его, сыновомъ израиловомъ, людемъ приближающимся Емъ.

*Псаломъ 149.* Воспойте Господеву пѣснь нѡву, хвалѣніе Его въ церкви преподобныхъ. Да возвеселітся Израиль о сотворшемъ его, и сынове Сіони, возрадуются о царі своемъ. Да восхвалятъ имя Его въ лицѣ, въ тимпанѣ и псалтыри да поютъ Ему. Яко благоволітъ Господь въ людахъ своихъ, и вознесѣтъ крѡткія во спасеніе. Восхвалятся преподобніи во славѣ, и возрадуются на лѡжихъ своихъ. Возношенія Божія въ гортани ихъ, и мечі обоюду остры въ рукахъ ихъ. Сотворіти отмщеніе во языцѣхъ, обличеніе въ людахъ. Связати царя ихъ пѹты, и славныя ихъ ручными окѡвы желѣзными. Сотворіти въ нихъ судъ написанъ, слава си есть всемъ преподобнымъ Его.

*Псаломъ 150.* Хвалите Бога во святыхъ Его, хвалите Его во утверженіи силъ его.

*Чтецъ.* Хвалите Его на силахъ Его.

*Пѣвцы поютъ, гласъ 1.* Хвалите Его по премно́гому вели́честву Его.

*Стихъра.* Поемъ Твою Христе спасѣнную страсть, и славимъ Твое воскресеніе.

*Чтецъ.* Хвалите Его во гласъ трубнѣмъ.

*Пѣвцы.* Хвалите Его во псалтыри и гуслѣхъ.

*Стихъра.* Распятіе претерпѣвъ, и смерть упразднивъ, и воскресъ изъ мертвыхъ, умири нашу жизнь Господи, яко единъ всесилень.

*Чтецъ.* Хвалите Его въ тимпанѣ и лицѣ.

*Пѣвцы.* Хвалите Его во струнахъ и органѣхъ.

*Стихъра.* Иже ада плѣнивъ, и человѣка воскресивъ, воскресеніемъ Своимъ Христе, сподоби насъ чистымъ сердцемъ, Тебе пѣти и славити.

*Чтецъ.* Хвалите Его въ кимвалѣхъ dobroгласныхъ, хвалите Его въ кимвалѣхъ восклицанія.

*Пѣвцы.* Всяко дыханіе да хвалить Господа.

*Стихъра.* Боголѣпное Твое смотрѣніе славяще, вопіемъ Ти Христе, рождеися отъ Дѣвы, и неразлученъ бѣ отъ Отца, пострада яко человѣкъ. И волею претерпѣ распятіе, воскресе отъ гроба, яко женихъ отъ чертога изшѣдъ, да спасеши всего міра, Господи слава Тебѣ.

*Стихъры Пасцъ, гласъ 5.*

*Старшій.* Да воскреснетъ Богъ.

*Пѣвцы.* И разыдутся врази Его.

*Молящіяся.* Пасха священная намъ днесъ показася. Пасха новосвятая, Пасха таинственная, Пасха всечестная. Пасха Христа избавителя. Пасха непорочная. Пасха великая, Пасха вѣрнымъ, Пасха двери райскія намъ отверзающа, Пасха всѣхъ освящающа

вѣрныхъ.

*Старшій.* Яко исчезаетъ дымъ.

*Пѣвцы.* Да исчезнуть.

*Молящіяся.* Приидіте отъ видѣнія жены благовѣстницы, и Сіону рцыте, пріими отъ насъ радость благовѣщенія, воскресенія Христова. Красуйся и ликуй, и радуйся Иеросалиме, Царя Христа узрѣвъ изъ гроба, яко жениха исходяща.

*Старшій.* Тако да погибнуть грѣшницы отъ лица Божія.

*Пѣвцы.* А праведницы да возвеселятся.

*Молящіяся.* Мвроносицы жены, зѣло рано предсташа гробу Живодавца, и обрѣтоша Ангела на камени сѣдяща и той провѣщавъ имъ, сице глаголаше, что ищите живаго съ мертвыми. Что плачите нетлѣннаго во тли. Шедше проповѣдите ученикомъ Его.

*Старшій.* Сей день иже сотвори Господь.

*Пѣвцы.* Возрадуемся и возвеселимся вонь.

*Молящіяся.* Пасха красна, Пасха Господня Пасха, Пасха всечестная намъ восія, Пасха, радостію другъ друга пріимемъ. О Пасха избавленіе скорби, ибо изъ гроба днесъ яко отъ чертога восія Христосъ, жены радости исполни глаголя, проповѣдати апостоломъ.

*Старшій.* Слава Отцу и Сыну и Святому Духу.

*Пѣвцы.* И нынѣ и присно и во вѣки вѣкомъ, аминь.

*Молящіяся.* Воскресенія день, просвѣтимся торжествомъ, и другъ друга пріимемъ, и рцемъ братіе, и ненавидящимъ насъ. Простимъ вся воскресеніемъ, и тако возопіемъ, Христосъ воскресе изъ мертвыхъ, смертію смерть поправъ, и сущимъ во гробѣхъ

животъ даровавъ.

*Затѣмъ въ храмѣ священникъ, стоя въ царскихъ дверяхъ, читаетъ, обращаясь лицомъ къ молящимся, Слово Св. Іоанна Златоустаго на Св. Пасху. Въ домашнихъ условіяхъ это слово читаетъ старшій.*

Павловы уста, Христовы уста, Христовы уста, Павловы уста. Уста Златоустовы и Павловы уста. Иже во святыхъ отца нашего Іоанна Златоустаго, патріарха Царя Града. Слово на святую Пасху учительно. И о еже опоздѣвшихъ къ подвигу по́стному.

Иже аще кто, боголюбивъ, и благовѣренъ и благочестивъ, да пріиметь сего добраго бисера, и насладится нынѣшняго честнѣйшаго торжества. Иже аще кто есть благоразуменъ отъ рабъ благонравныхъ, да внидетъ радуясь въ радость Господа своего. Аще кто дѣлалъ есть постяся, да воспріиметь нынѣ сребреникъ. Аще кто отъ перваго часа дѣлалъ есть, да пріиметь днесъ праведный долгъ. Аще кто по третіемъ часѣ пріиде, благодаря да празднуетъ. Аще кто по шестомъ часѣ достіже, ни чтоже да усомнится, ибо ни чимъ же отщетева́ется. Аще ли кто и девятаго часа улишился, да приступитъ безъ сомненія, ни чтоже бояся. Аще кто и во единонадесятый часъ пріиде, да не устрашится срамля́ясь замедленіемъ. Человѣколюбивъ бо есть Владыка, пріемлетъ послѣдняго, якоже и перваго утѣшаетъ, иже въ единонадесятый часъ пришедшаго, якоже дѣлавшаго отъ перваго часа. И послѣдняго милуетъ, и перваго утѣшаетъ. И одному даётъ, и сему дарствуетъ. И дѣланіе почитаетъ, и предложеніе хвалитъ, и спѣхъ умѣдлившаго любить. Тѣмъ же убо внидите вси, въ радость Господа своего, и первіи и вторіи и послѣдніи,

мзду приимите. Богатіи и убозіи и нищі, другъ со другомъ ликуйте. Воздѣржницы и лѣнiviи день почтите. Постившіися и непостившіися, возвеселитесь днесь. Трапеза церковная готова исполнь, насладитесь вси. Телець упитанный предлежитъ. Никто же изыди алченъ, вси насладитесь пира церковнаго, вси восприимите богатство бла́гости. Да никто же рыдай нищеты, яви́бося общее Царство. Никто же да ослабѣтъ, никто же да плачется согрѣшеніи, отпу́щеніе бо кúпно и оставленіе отъ гроба возсія, никто же да убоится смерти, свободы бо насъ Спасова смерть. Угаси бо ея, иже отъ нея держимыи. Умúчи ада сшедыи во адъ. Гóре бысть ему вкусившу плоть Его. И се предваривъ Исаія возопи, адъ рече огорчися, срѣтъ тя долѣ. Огорчися, ибо наруганъ бысть. Пріятъ тѣло и Богу приразіся. Пріятъ землю, и срѣте небо. Пріятъ еже видяше, и впадѣ во еже невѣдяше. Гдѣ ти смерти жало, гдѣ ти аде побѣда. Воста Христось, и низложіся адъ. Воста Христось, и падоша бѣсове. Воскресе Христось, и радуются ангели. Воскресе Христось, и жизнь живетъ во всемъ міре. Воскресе Христось, и мертвецъ ни единъ во гробе. Христось бо воста отъ мертвыхъ, начатокъ умѣршимъ бысть. Тому слава и держава, во вѣки вѣкомъ, аминь.

*Таже тропарь Іоанну Златоустому, гласъ 8.*

Отъ устъ твоихъ, яко же свѣтолучная заря восіявши, богоданная ти благодать, вселенную просвѣти. Несребролюбно мірови сокровище положи, но высоту намъ смиреномудрiя показа, и своими словесы наказуя, отче Іоанне Златоусте, моли Слова Христа Бога, спастися душамъ нашимъ.



Господи помилуй *(40 разъ)*.

Слава, и нынѣ.

Господи помилуй *(12 разъ)*.

Слава, и нынѣ.

*Старшій.* Господи Иусе Христе Сыне Божій, помилуй насъ.

*Пѣвцы.* Аминь.

Утверди́ Боже вѣру христи́анскую, соблюди́ Господи и помилуй благовѣрнаго Царя великаго князя *(имярекъ)*, и благовѣрную царицу великую княгиню *(имярекъ)*, спаси Господи, Архіепископа нашего *(имярекъ)*. И отцевъ нашихъ духовныхъ. И вся православные христіяны, Господи спаси.

Христосъ воскресе *(3 раза съ поклономъ)*.

*Старшій:* Христосъ воскресе изъ мертвыхъ, смертію смерть поправъ.

*Пѣвцы.* И сущымъ во гробѣхъ животъ даровавъ.

*Старшій, отпустъ.* Воскресъ изъ мертвыхъ Господи Иусе Христе Сыне Божій, молитвъ ради Пречистыя Твоя Матери, силою Честнаго и Животворящаго Креста, Святыхъ славныхъ и всехвальныхъ апостолъ и всѣхъ ради святыхъ помилуй и спаси насъ яко Благъ и Человѣколюбецъ.

*Пѣвцы.* Аминь.

*Старшій.* Христосъ воскресе!

*Молящіяся.* Воистину воскресе! *И такъ повторяютъ 3 раза, ограждая себя крестнымъ знаменіемъ.*

*Пѣвцы.* И намъ дарова животъ вѣчный поклоняемъся тридневному Его воскресенію.

*Посемъ начинаемъ Пасхальныя Часы.*

## ПАСХАЛЬНЫЕ ЧАСЫ

### Первый Часъ

**Христось воскресе (3 раза).**

**Воскресеніе Христово видевше, поклонимся (поклонъ) Святому Господу Иисусу, Единому Безгрѣшному. Кресту Твоему поклоняемся Христе (поклонъ), и святое Воскресеніе Твое поемъ и славимъ. Ты бо еси Богъ нашъ, развѣ бо Тебе иного не знаемъ, имя Твое нарицаемъ. Приидите вси вѣрніи поклонимся (поклонъ) святому Христову Воскресенію. Се бо приіде Креста ради радость всему міру, всегда благословимъ Господа, поемъ воскресеніе Его, распятіе бо претерпѣ, и смертію смерть разруши (3 раза).**

**Предвариша утро, яже съ Марією, и обрѣтоша камень отвалѣнъ, слышаху отъ ангела, иже во свѣтѣ присносущемъ Суцаго, съ мертвыми не ищите яко челоуѣка. Видите гробныя пелены, тецыте и міру проповѣдите, яко воста Господь умертвивъ смерть, яко Той есть Сынъ Божій, спасаѣя родъ челоуѣческій.**

**Аще и во гробъ сніде Безсмертне, но адову разрушивъ силу, и воскресе яко Побѣдитель Христе Боже, женамъ муриносицамъ радость провѣща, и Своимъ апостоломъ миръ дарова, иже падшимъ подая воскресеніе.**

**Во гробъ съ плотію, во адѣ же съ душею яко Богъ, въ рай же съ разбойникомъ, и на Престолѣ бѣше Христе со Отцемъ и Духомъ, вся исполняя неописанный.**

**Слава.** Яко Живоносець, яко рая зѣло краснѣйши воистину, и всякаго чертога царскаго, явіся свѣт-

лѣйши Христе гробъ Твой источникъ нашему Воскресенію.

**И нынѣ.** Вышняго освященно Божіе вселеніе радуися, Тобою бо дадеся радость Богородице, вопіющимъ Ти, благословена Ты въ женахъ Пренепорочная Владычице.

Господи помилуй *(40 разъ).*

**Слава, и нынѣ.**

Честнѣйшую Херувимъ.

Господи помилуй, Господи помилуй, Господи благослови.

За молитвъ святыхъ отецъ нашихъ, Господи Исусе Христе Сыне Божій, помилуй насъ.

*Пѣвцы.* Аминь. Христосъ воскресе *(3 раза).*

*Отпустъ.* Воскресъ изъ мертвыхъ Господи Исусе Христе, Сыне Божій, молитвъ ради Пречистыя Твоея Матере, преподобныхъ и богоносныхъ отецъ нашихъ и всѣхъ ради святыхъ, помилуй и спаси насъ яко Благъ и Человѣколюбецъ.

*Пѣвцы.* Аминь. Господи помилуй *(3 раза).*

### Третій, Шестый, Девятый часъ

*Совершаются также, какъ и Первый часъ. Начало каждого часа.* За молитвъ. Аминь. Христосъ воскресе. *(3 раза).* Въ концъ каждого часа *отпустъ не бываетъ, а сразу послѣ Честнѣйшую Херувимъ и За молитвъ начинается слѣдующій часъ.*

*Послѣ Девятаго часа Пасхальная Обѣдница.*

## ПАСХАЛЬНАЯ ОБЪДНИЦА

Христось воскресе *(3 раза)*.

Воскресеніе Христово видевше, поклонимся *(поклонъ)* Святому Господу Иисусу, Единому Безгрѣшному. Кресту Твоему поклоняемся Христе *(поклонъ)*, и святое Воскресеніе Твое поемъ и славимъ. Ты бо еси Богъ нашъ, развѣ бо Тебѣ иного не знаемъ, имя Твое нарицаемъ. Приидите вси вѣрніи поклонимся *(поклонъ)* святому Христову Воскресенію. Се бо приіде Креста ради радость всему міру, всегда благословимъ Господа, поемъ воскресеніе Его, распятіе бо претерпѣ, и смертію смерть разруши *(3 раза)*.

Предвариша утро, яже съ Марією, и обрѣтоша камень отвалѣнъ, слышаху отъ ангела, иже во свѣте присносущемъ Сущаго, съ мертвыми не ищите яко чловѣка. Видите гробные пелены, тецѣте и міру проповѣдите, яко воста Господь умертвивъ смерть, яко Той есть Сынъ Божій, спасаѣя родъ чловѣческій.

**Слава.** Аще и во гробъ сніде Безсмертне, но адову разрушивъ силу, и воскресе яко Побѣдитель Христе Боже, женамъ мруносицамъ радость провѣща, и Своимъ апостоломъ миръ дарова, иже падшимъ подая воскресеніе.

**И ныне.** Единородныи Сынъ Слово Божіе безсмертенъ сѣи. Изволивъ спасенія нашего ради, воплотитися отъ святыя Богородицы и присно Дѣвы Маріи, непреложно вчловѣчився, распятся Христе Боже, смертію на смерть наступи, единъ сѣи святыя Троицы. Спрославляемъ Отцу и Святому Духу спаси насъ.

Во Царствіи Твоемъ егда придеши, помяни насъ Господи.

Блажени нищїи духомъ, яко тѣхъ есть Царство Небесное.

Блажени плачущїи, яко тїи утѣшатся.

Блаженїи кротцыи, яко тїи наслѣдятъ землю.

Блажени алчущїи и жаждущїи правды, яко тїи насытятся.

Блажени милостивїи, яко тїи помиловани будутъ.

*(Стихъры на Блаженны изъ Пасхальнаго канона, поются на тотъ же гласъ).*

Воскресенїя день, просвѣтимся людїе, Пасха Господня Пасха, отъ смерти убо къ жизни, и отъ земли на небо, Христосъ Богъ насъ превелъ есть, побѣдную поюща.

Блажени чїстїи сердцемъ, яко тїи Бога узрятъ.

Очистимъ чувства, и узримъ неприступный Свѣтъ, воскресенїя Христова блистающесе, и радуйтесе рекуще, ясно да услышимъ побѣдную поюще.

Блажени миротворцы, яко тїи сынове Божїи нарекутся.

Небеса убо достойно да веселятся, земля же да радуется, да празднуеть же мїръ; видимый же весь и невидимый Христосъ бо Богъ восталъ есть веселїе вѣчное.

Блажени изгнани правды ради, яко тѣхъ есть Царство Небесное.

Нынѣ вся исполнишася свѣта, небо же и земля и преисподняя, да празднуеть убо вся тварь, востанїе Христова, о Немъ же утверждаемся.

Блажени есте егда поносятъ вамъ, и изженутъ вы, и рекутъ всякъ золь глаголъ на вы лжуще Мене

ради.

Вчера сраспинахтиса Христе, вчера спогребохтиса, и совостаю днесь совоскресшу Ти, Самъ мя прослави Спасе во Царствіи Своемъ.

**Радуйтесь и веселитесь, яко мзда ваша многа на небесѣхъ.**

Сохранивъ цѣла знаменія Христе, воскресъ отъ гроба иже ключа Дѣвья невредивыи въ Рожествѣ Своемъ, и отверзлъ еси намъ райскія двери.

**Слава.** Спасе мой, живо, а не жертвенное заклєніе, яко Богъ, Самъ Себе волею приведѣ ко Отцу. Совоскреси же всеродна Адама, воскресъ отъ гроба.

**И нынѣ.** Спасе мой...

**Старшій.** Господи Исусе Христе Сыне Божій, помилуй насъ.

**Пѣвцы.** Аминь. Елицы во Христа креститесь, во Христа облекостесь, аллилуія (3 раза).

**Слава, и нынѣ.** Во Христа облекостесь, аллилуія. Елицы во Христа креститесь, во Христа облекостесь, аллилуія.

**Чтецъ.** Прокимень, Псаломъ Давыдовъ. Сей день иже сотвори Господь возрадуемса и возвеселимса вонь.

**Пѣвцы.** Сей день.

**Чтецъ.** Исповѣдайтеся Господеви яко Благъ яко въ вѣкъ милость Его.

**Пѣвцы.** Сей день.

**Чтецъ.** Да речеть убо домъ Израилевъ, яко Благъ, яко въ вѣкъ милость Его.

**Пѣвцы.** Сей день.

**Чтецъ.** Отъ Дѣяній святыхъ апостолъ, чтенія.

Первое убо слово сотвори хъ о всѣхъ о́ Теофи́ле, о нихъ же нача́тъ Иисусъ, творити же и учити, до Него же дне, заповѣдавъ апостоломъ Духомъ Святымъ, ихъ же избра вознесѣся. Предъ ними же и постави Себе жива по страданіи Своемъ, во мнозѣхъ истинныхъ знаменіихъ, дѣньми четы́редесятьми являяся имъ и глаголя, яже о Царствіи Божіи. Съ ними же ядыи, повелѣваше имъ отъ Іеросалима не отлуча́тися, но ждати обѣтованіе Отчее, еже слышасте отъ мене, яко Іоаннъ убо крестилъ есть водою, вы же имате креститися Духомъ Святымъ, не помно́зѣхъ сихъ днехъ. Они же убо сше́дшеся, вопрошаху Его глаголюще, Господи, аще въ лѣто се устрояеши Царствіе Израилево; Рече же къ нимъ, нѣсть ваше разумѣти временá и лѣта, яже Отець положи Своею областію. Но пріимѣте силу нашедшу Святому Духу на вы, и будете Ми свидѣтеле, во Іеросалимѣ же, и во всей Іюдеи и Самаріи, и даже до послѣднихъ земли.

*Чтець.* Псаломъ Давыдовъ, аллилуія.

*Пѣвцы.* Аллилуія, аллилуія, аллилуія.

*Чтець, стихъ.* Ты воскресъ ущѣдриши Сіона.

*Пѣвцы.* Аллилуія, аллилуія, аллилуія.

*Стихъ 2-й:* Съ небесе призрѣ Господь видѣти вся сыныи челоуѣческія.

*Пѣвцы.* Аллилуія, аллилуія, аллилуія.

*Стихъ 3-й:* Гѣло Христоуо пріимите, и Источника безсмертнаго вкусите.

*Пѣвцы.* Аллилуія, аллилуія, аллилуія.

*Старшій положитъ 3 поклона и глаголетъ:*

Отъ Іоанна, Святаго Евангеліе, чтеніе.

*Пѣвцы.* Слава Тебѣ Господи (*поклонъ*).

*Старшій читаетъ Евангеліе.*

Въ началѣ бѣ Слово, и Слово бѣ въ Бозѣ, и Богъ бѣ Слово. Се бѣ исконі въ Бозѣ. Вся тѣмъ быша, и безъ Него ничто же бысть. Въ томъ животъ бѣ, и животъ бѣ свѣтъ человѣкомъ. И свѣтъ во тмѣ свѣтитя, и тма Его не объятъ. Бысть человѣкъ посланъ отъ Бога, имя ему Іоаннъ. Сей пріиде во свидѣтельство, да свидѣтельствуетъ о свѣтѣ, да вси вѣру имутъ Ему. Не бѣ той свѣтъ, но да свидѣтельствуетъ о свѣте. Бѣ свѣтъ истинный, иже просвѣщаетъ всякаго человѣка грядущаго въ міръ. Въ мірѣ бѣ, и міръ тѣмъ бысть, и міръ Его не позна. Во своя пріиде, и свои Его не пріяша. Елицы же пріяша Его, дастъ имъ область чадомъ Божиимъ быти, вѣрующимъ во имя Его. Иже не отъ крове, ни отъ похоти плотскія, ни отъ похоти мужескія, но отъ Бога родішася. И Слово плоть бысть, и вселися въ ны. И видѣхомъ славу Его, славу яко Единороднаго отъ Отца, исполнь благодати и истинны. Іоаннъ свидѣтельствуетъ о Немъ, и возва, глаголя, сей бѣ Его же рѣхъ, иже по мнѣ гряди, предо мною бысть, яко первѣе мене бѣ. И отъ исполненія Его, мы вси пріяхомъ, и благодать возблагодатъ. Яко законъ, Моисеомъ данъ бысть, благодать же и истинна, Исусъ Христомъ бысть.

*Пѣвцы.* Слава Тебѣ Господи (*поклонъ*).

*Чтецъ.* Помяни насъ Господи, егда пріидеши во Царствіи Твоемъ (*поклонъ*).

Помяни насъ Владыко, егда пріидеши во Царствіи Твоемъ (*поклонъ*).

Помяни насъ Святыи, егда пріидеши во Царствіи Твоемъ (*поклонъ*).



**Ликъ** Небесный поетъ ты и глаголетъ: Святъ, Святъ, Святъ Господь Саваоѣъ, исполнь небо и землю славы Твоя.

**Приступите** къ Нему и просвѣтитесь, и лица ваша не постыдятся.

**Ликъ** Небесный поетъ ты и глаголетъ: Святъ, Святъ, Святъ Господь Саваоѣъ, исполнь небо и землю славы Твоя.

**Слава.** Соборъ святыхъ ангелъ и архангелъ, со всѣми небесными силами, поетъ ты и глаголетъ: Святъ, Святъ, Святъ Господь Саваоѣъ, исполнь небо и землю славы Твоя.

**И нынѣ.** Вѣрую во Единого Бога Отца Вседержителя, Творца небу и земли, видимымъ же всѣмъ и невидимымъ. И во единого Господа Исуса Христа Сына Божія, единородного, иже отъ Отца рожденнаго прежде всѣхъ вѣкъ. Свѣта отъ Свѣта, Бога истинна отъ Бога истинна, рожденна а не сотворена, единосущна Отцу, Имъ же вся быша. Насъ ради человекъ, и нашего ради спасенія сшедшаго съ небесъ, и воплотившагося отъ Духа Свята, и Маріи Дѣвы вочеловѣчшася. Распятаго за ны при Понтійстѣмъ Пилатѣ, страдавша и погребена. И воскресшаго въ третій день по писаніихъ. И возшедшаго на небеса, и сидяща одесную Отца. И паки грядущаго со славою, судити живымъ и мѣртвымъ, Его же Царствію нѣсть конца. И въ Духа Святаго Господа истиннаго и животворящаго, иже отъ Отца исходящаго, иже со Отцемъ и съ Сыномъ споклоняема и сславима, глаголавшаго пророки. И во едину святую Соборную и Апостольскую Церковь. Исповѣдую едино крещеніе, во оставленіе грѣховъ.

Чаю воскресенія мертвымъ, и жизни будущаго вѣка, аминь.

Ослаби остави, отпусти Боже согрѣшенія наша, вольная и невольная. Яже въ словѣ и въ дѣлѣ. И яже въ вѣдѣнїи, и не въ вѣдѣнїи. И яже во умѣ и въ помышленїи. Яже во дни и въ нощї. Вся ми прости яко Благъ и Человѣколюбець.

Отче нашъ.

*Старшій:* Господи Иусе Христе Сыне Божїй, помилуй насъ.

*Пѣвцы.* Аминь. *Кондакъ Пасхи.*

Аще и во гробъ снїде Безсмертне, но адову разрушивъ силу, и воскресе яко Побѣдитель Христе Боже, женамъ муриносицамъ радость провѣща, и Своимъ апостоломъ миръ дарова, иже падшимъ подаю воскресеніе.

Господи помилуй *(40 разъ)*.

Единъ Святъ, единъ Господь Иусъ Христосъ, въ славу Богу Отцу, аминь.

*Пѣвцы.* Христосъ воскресе *(трижды съ поклонами)*.

*Затѣмъ поютъ, Псаломъ 33.*

Благословлю Господа на всяко время, выну хвала Его во устѣхъ моихъ. О Господѣ похвалятся душа моя, да услышатъ крѣтцыи, и возвеселятся. Возвеличите Господа со мною, и вознесемъ имя Его вкупѣ. Взыскахъ Господа, и услыша мя, и отъ всѣхъ скорбїй моихъ избави мя. Приступите къ Нему и просвѣтитесь, и лица ваша не постыдятся. Се нищїй возва, и Господь услыша ѱ, и отъ всѣхъ скорбїй его спасе ѱ. Ополчится ангелъ Господень ѳкрестъ боящихся Его, и избавитъ ихъ. Вкусите и видите яко благъ Господь. Блаженъ мужъ иже

уповаеть нань. Бойтеся Господа вси святїи Его, яко нѣсть лишенїя боящимся Его. Богатїи обнищаша и взалкаша, взыскающїи же Господа не лишатся всякаго блага.

*Задостойникъ*

*Пѣвцы.* Свѣтїся, свѣтїся, новый Иеросалиме, слава бо Господня на Тебѣ восїя. Ликуй нынѣ и веселїся Сїоне, Ты же Чистая красуйся Богородице, о востанїи рожества Твоего.

*Христось* воскресе *(3 раза съ поклонами).*

*Старшїй.* Христось воскресе изъ мертвыхъ, смертїю смерть поправъ.

*Пѣвцы.* И сущымъ во гробѣхъ животъ даровавъ.

*Отпуст:* Воскресъ изъ мертвыхъ Господи Иисусе Христе, Сыне Божїй, молитвъ ради Пречистыя Твоея Матере, силою Честнаго и Животворящаго Креста и святыхъ славныхъ и всехвальныхъ апостолъ и всѣхъ ради святыхъ, помилуй и спаси насъ, яко Благъ и Человѣколюбець.

*Пѣвцы.* Аминь.

*Старшїй, ограждая себя крестнымъ знаменїемъ, глаголетъ.* Христось воскресе! *Молящїеся, также ограждая себя крестнымъ знаменїемъ, отвѣчаютъ.* Воистину воскресе! *3 раза.*

*Пѣвцы.* И намъ дарова животъ вѣчный, поклоняемся тридневному Его воскресенїю *(поклонъ).*

*И поютъ 3 раза.* Христось воскресе.

Господи помилуй *(3 раза).*

*Посемъ исходные поклоны.*

На службу приносятъ пасхи, и они стоятъ здѣсь всю пасхальную ночь, и тѣмъ въ какойто мѣрѣ освящаются самой пасхальной службой.

## НАЧАЛО ОБЩЕЕ ВСѢМЪ КАНОНАМЪ.

Молебень мірскимъ чиномъ.

*По обычнѣмъ началъ мірянинъ глаголетъ:*

**З**а молитвъ святыхъ отецъ нашихъ, Господи, Исусе Христе Сыне Божіи, помилуй насъ. Аминь (*поклонъ*).

*Трисвятое, по* Отче нашъ.

Господи, Исусе Христе, Сыне Божіи, помилуй насъ. Аминь.

Господи помилуй (*12 разъ*).

**Слава, и нынѣ.**

Приидите, поклонимся Цареві нашему Богу (*поклонъ*). Приидите, поклонимся Христу, Цареві и Богу нашему (*поклонъ*). Приидите, поклонимся и припадемъ къ Самому Господу Иисусу Христу, Цареві и Богу нашему (*поклонъ*).

*Псаломъ 142.* Господи, услыши молитву мою, внуши моленіе мое во истинѣ Твоей, услыши мя въ правдѣ Твоей. И не вниди въ судъ съ рабомъ Твоимъ, яко не оправдѣтся предъ Тобою всякъ живыи. Яко погна врагъ душу мою, смирилъ есть въ землі животъ мой. Посадила мя есть въ тѣмныхъ яко мѣртвыя вѣку, и уны во мнѣ духъ мой, во мнѣ смутися сердце мое. Помянухъ дни древнія, поучихся во всѣхъ дѣлѣхъ Твоихъ, и въ дѣлѣхъ руку Твоею поучахся. Воздѣхъ къ Тебѣ рѣчь мои, душа моя яко земля безводная Тебѣ. Скоро услыши мя Господи, исчезе духъ мой. Не отврати лица Твоего отъ мене, и уподоблюся низходящимъ въ ровъ. Слышану сотвори мнѣ за утра милость Твою, яко на Тя уповахъ. Скажи мнѣ Господи путь, вонъ же пойду, яко къ Тебѣ взяхъ душу мою. Изми мя отъ врагъ моихъ. Господи къ

Тебѣ прибѣгохъ. Научи мя творити волю Твою, яко Ты еси Богъ мой. Духъ Твой благиі настаѣвитъ мя на землю праву. Имене Твоего ради Господи живиши мя, правдою Твоею изведеши отъ печали душу мою. И милостию Твоею потребиши враги моя, и погубиши вся стужающія души моей, яко азъ рабъ Твой есмь.

**Слава, и нынѣ.**

Аллилуія, аллилуія, слава Тебѣ Боже *(трижды, съ поклонами)*.

Господи помилуй *(12 разъ)*.

**Слава, и нынѣ.**

Богъ Господь и явися намъ, благословенъ грядыи во имя Господне.

*Стихъ 1.* Исповѣдайтеся Господеви, яко благъ, яко въ вѣкъ милость Его.

*Стихъ 2.* Обышедше обыдоша мя, и именемъ Господнимъ противляхся имъ.

*Стихъ 3.* Не умру, но живъ буду, и повѣмъ дѣла Господня.

*Стихъ 4.* Камень, его же небрегоша зиждущи, сей бысть во главу углу. Отъ Господа бысть сей, и есть дивна во очію нашею.

*По каждомъ стихъ поемъ* Богъ Господь, *на гласъ тропоря.*

**Посемъ, тропарь** празднику, Христову или Богородицы, коему изволиши пѣти, глаголи дважды. Слава, и нынѣ: *паки той же тропарь.*

*Аще ли поеши два канона: Христову празднику и Богородицы, то глаголи прежде Христову празднику тропарь дважды. Слава, и нынѣ: празднику Богородицы.*

*Каноны поемъ: первъ Спасителю (или Кресту), посемъ*

*Богородице, Ангеломъ и святому.*

*Аще ли случится пѣти нѣколикимъ святымъ: первѣе поемъ Архангелу, Ангелу, Предтечи, таже Апостоломъ, посемъ пророкомъ, священномученикомъ и священнойсповѣдникомъ, великомученикомъ и мученикомъ, святителемъ, преподобнымъ и праведнымъ.*

*Аще ли поеши два канона: Спасу (или Кресту) и святому (или Ангелу); глаголи тропарь Спасу, дважды. Слава: святому. И нынѣ: Спасу. Тако же и Богородице со святымъ.*

*Аще ли случится пѣти празднику Христову (или Кресту), Богородицѣ и святому коему, то прежде глаголи тропарь празднику, дважды. Таже, Слава: святому. И нынѣ: Богородицѣ.*

*Аще ли Спасу, Богородицѣ, Ангеломъ и святому: глаголи тропарь Спасу, Ангеломъ, Слава: святому, И нынѣ: Богородицѣ (вси по единоци).*

*Аще ли поеши единому святому, то глаголи тропарь святому дважды. Слава, и нынѣ: богородиченъ воскресень по гласу тропаря святаго.*

*Псаломъ 50. Помилуй мя Боже.*

**Господи, Исусе Христе, Сыне Божій, помилуй насъ. Аминь.**

*Посемъ канонъ, ему же изволиши:  
празднику или святому.*

*Подобаетъ вѣдати: аци поеши два или болѣе каноновъ, то ирмосы всегда поемъ только 1-го канона, а прочіе ирмосы оставляются.*

*Къ первымъ канонамъ говорятся къ каждому тропарю свои запѣвы; Слава, и нынѣ, не говорится, а говорится у послѣдняго канона къ послѣднимъ тропарямъ; къ предпослѣднему: Слава Отцу и Сыну и Святому Духу: и къ послѣднему: И нынѣ и присно и во вѣки вѣкомъ, аминь.*

*Катавасіи вси припѣваемъ каждого канона и по поклону полагаемъ.*

**Указъ о съдальнахъ, по 3-й пѣсни.** *Егда поеши канонъ Спасу, Кресту и Богородицѣ, особъ по единому: послѣ Катавасіи и Господи помилуй (трижды, съ поклонами): Слава, и нынѣ: съдаленъ (или ипакой), единожды. Аще два съдальна имать, то съдаленъ, единожды; Слава, и нынѣ: други.*

*Егда же два канона, Спасу (или Кресту) и Богородицѣ: глаголи кондакъ и икосъ (младшаго канона) Богородицѣ. Слава: съдаленъ Спасу. И нынѣ: съдаленъ Богородицѣ. Тако же и Богородицѣ со святыми (или Ангеломъ).*

*Аще Спасу (или Кресту), Богородицѣ, Ангеломъ и святому: кондакъ и икосъ Богородицѣ; кондакъ и икосъ Ангеломъ; кондакъ и икосъ святому; съдаленъ Спасу; съдаленъ Ангеломъ; Слава: съдаленъ святому; И нынѣ: съдаленъ Богородицѣ.*

*Аще ли святому единому: съдаленъ святому, единожды; Слава, и нынѣ: богородиченъ (иже наряду).*

**По 6-й пѣсни** глаголемъ токмо кондакъ и икосъ 1-го (старшаго) канона.

*По совершеніи же канонѣвъ, задостойникъ:*

Владычице, пріими молитву рабъ Своихъ, и избави насъ отъ всякія нужды и печали. Ты еси Богородице, оружіе наше и стѣна, Ты еси Заступнице, и къ Тебѣ прибѣгаемъ, Тя и нынѣ на молитву призываемъ, да избавиши ны отъ врагъ нашихъ. Возвеличимъ Тя вси Пренепорочную Матерь Христа Бога нашего, Юже осѣни Духъ Пресвятыи (поклонъ до земли).

*Сей задостойникъ поется всегда, кромъ великихъ (дванадцатыхъ) праздниковъ Христовыхъ и Богородичныхъ, ибо тогда, вмѣсто сего задостойника, поется ирмосъ 9-й пѣсни праздничнаго канона (отъ дня Праздника и до отданія его).*

*Посемъ: Трисвятое, по Отче нашъ. Иусова молитва.*

**Указъ о тропарехъ и кондакахъ, како глаголются по**

*совершеніи каноновъ.*

*Аще канонъ единъ Спасу, глаголи: тропарь, Слава, и нынѣ: кондакъ.*

*Аще ли Кресту и Богородицѣ, по единому; глаголи, яко же и Спасу единому.*

*Аще ли Спасу и Богородице, тропарь Спасу и Богородицѣ. Слава: кондакъ Спасу. И нынѣ: кондакъ Богородицѣ. Тако же и Кресту съ Богородицею.*

*Аще ли Спасу и святому, глаголи: тропарь Спасу и святому. Слава: кондакъ святому. И нынѣ: кондакъ Спасу. Тако же и Кресту (или Богородицѣ) по единому со святымъ (или со Ангелы).*

*Аще Спасу (или Кресту), Богородицѣ, Ангеломъ и святому, глаголи: тропарь Спасу, Богородицѣ, Ангеломъ и святому. Также кондакъ Спасу, Ангеломъ, Слава: святому, И нынѣ: Богородицѣ.*

*Аще святому (или Ангеломъ) по единому, глаголи: тропарь; Слава: кондакъ; И нынѣ: богородиченъ воскресень, по гласу тропаря. (Инъ уставъ: аще ли въ храмъ Господьскомъ или Богородичномъ, то покрывай по кондакъ святаго, И нынѣ: кондакъ храму).*

*Посемъ: Господи помилуй (40 разъ, съ тремя поклонами въ началѣ).*

*Слава, и нынѣ.*

*Здѣсь читаемъ молитву кнона.*

*Честнѣйшую херувимъ.*

*Слава (поклонъ), и нынѣ (поклонъ).*

*Господи помилуй (дважды), Господи благослови (поклонъ).*

*Отпустъ празднику или сятому.*

*И исходные поклоны.*





## ПОСЛѢДОВАНИЕ ПРИЧАЩЕНІЯ СВЯТЫЯ ВОДЫ ВЕЛИКАГО ОСВЯЩЕНІЯ, НА БОГОЯВЛЕНІЕ.

Егда нѣсть лѣта кому причастится святыхъ и животоворящихъ пречистыхъ Христовыхъ тайнъ плоти и крови. Да по совѣту духовнаго настоятеля, егда время приспѣтъ, да причастится священныя воды Богоявленія. По обычномъ уготовленіи еже ко причащенію, сія изглаголетъ моленія.

**За** молитвъ святыхъ Отецъ нашихъ, Господи Исусе Христе Сыне Божій, помилуй насъ. Аминь.

Царю Небесный, *Трисвятое, по* Отче нашъ.

Господи Исусе Христе Сыне Божій, помилуй насъ, аминь.

Господи помилуй *(12 разъ)*.

**Слава, и нынѣ.**

Приидите поклонимся *(трижды, съ поклонами)*.

*Псаломъ 50.* Помилуй мя Боже.

*Посемъ.* Вѣрую во единого Бога.

*Таже тропари сія, гл. 5.*

Иже чашу имѣя нисчерпаемыхъ сокровищъ. Дажь ми почерпсти вѣду сію во оставленіе грѣховъ. Яко утѣсняемъ есмь жажду, благоутрѣбне Господи спаси мя.

**Слава и нынѣ. Богородиченъ.**

Дѣво Чистая слово полáто, душу мою покажи домъ Пречистаго Духа. Воды источника живоначальна напои мя, горѣніемъ грѣха истаема. Яко да по́долгу славлю Тя.

*Посемъ молитва ко святому причащенію*

*Іоанна Златоустаго.*

Господи Боже нашъ, иже со безначальнымъ Твоимъ Отцемъ сразумѣваемъ. И со присносущемъ и безсмертнымъ Духомъ спребывáя, иже всякаго

## Причащеніє святыя воды Великаго освященія

освященія датель. Иже и прежде Своимъ крещеніемъ воды освятилъ еси. И нынѣ присно сихъ Твоимъ святымъ призываніемъ освящая Самъ. И сею святою водою и пришествіемъ и дѣйствіемъ Святаго Духа, сотвори рабу Твоему, *имярекъ*, быти причащающуся. Въ прсвѣщеніе души, во освященію тѣлу, во умерщвѣніе страстѣмъ, во отверженіе лукавыхъ помыслъ, во отложеніе лукаваго настоянїи, во хранило на всяку пользу прилѣчну. Яко да ея благодатию покрываемъ неврежѣнъ отъ всякаго навѣта пребудеть, въ славу Твоего преблагаго и святаго имени. Молитвами Пречистыя Матере Владычица наша Богородица, и всѣхъ святыхъ, аминь.

*Таже 3 поклоны, глаголя, тропарь Богоявленію, гл. 1.*

Во Иорданѣ крещающутися Господи, троическое явися поклоняніе, родителейъ бо гласъ свидѣтельствоваше Ти, возлюбленнаго Тя Сына именуя, и Духъ въ видѣнїи голубїнѣ, извѣствоваше словеси утверженіе, явлѣйся Христе Боже и мїръ прсвѣщєи, слава Тебѣ.

*Слава и нынѣ. Кондакъ гл. 4.*

Явился еси днесь вселеннѣй. Свѣтъ Твой Господи знаменася на насъ, иже въ разумѣ поющихъ Тя. Приде бо, и явился свѣтъ неприкосновѣнныи.

*Посемъ причаститися со страхомъ святыя воды и со благобоязньствомъ.*

*Молитва Іоанна Златаустаго, по причащеніи святыя воды.*

Слава неизреченнѣй, и неизслѣдованнѣй Ти благости. Слава премногому долготерпѣнїю Твоему, слава благоутрѣбію Твоему. Яко нынѣ мя грѣшнаго и недостойнаго раба Своего, освященіемъ

Причащеніе святыя воды Великаго освященія

сподобилъ еси, освященія воды сея причащеніемъ. Укрѣпи ми ея ради животъ, и невредіма всего соблюдая. Неуловлена мя сопротивными содѣлай. непорабощена покажи мя нечистымъ помысломъ. Всего мя обнови, всего во благая вождели дѣланія, всего впері ко Твоему желанію. Яко Ты еси сладость душамъ нашимъ, и Тебѣ славу возсылаемъ, со безначальнымъ Ти Отцемъ, и со Пресвятымъ и Благимъ и Животворящимъ Духомъ, нынѣ и присно и во вѣки вѣкомъ, аминь.

*Посемъ.* Достойно есть.

*Слава и нынѣ.*

Господи помилуй, Господи помилуй, Господи благослови.

*Таже отпустъ, Крещенію.*

Иже во Иорданѣ отъ Іоанна, нашего ради спасенія крестится пріемыи, Господи Иисусе Христе Сыне Божіи, молитвъ ради Пречистыя Ти Матери, силою Честнаго и Животворящаго Креста, святыхъ славныхъ и всехвальныхъ апостолъ, *святаго, имярекъ*, егоже есть день, и всѣхъ святыхъ, помилуй и спаси насъ, яко Благъ и Человѣколюбецъ. Аминь.

*Чинъ изъ Большаго Потребника, изданнаго въ 1640 году, въ царство Государя Царя Михаила Ѳеодоровича и въ патріаршество Святѣйшаго Іоасафа I.*

*Чинъ сей творится съ благословенія духовника, если вѣрный отлученъ отъ причастія Святыхъ Тайнъ на продолжительное время, или нѣтъ возможности причаститься Св. Тайнъ, когда приспѣетъ время.*



Уставъ святыхъ Апостоль и изложеніе святыхъ богоносныхъ.  
Отцевъ седми Вселенскихъ Соборовъ.

СВЯТАГО КРЕЩЕНІЮ РОДУ ЧЕЛОВѢЧЮ,  
ВО ИМЯ ОТЦА И СЫНА И СВЯТАГО ДУХА.

Бываемый надъ оглашеннымъ, сирѣчь хотящимъ креститися,  
въ случаѣ нужномъ, и за не имѣніемъ православнаго іерея.

Аще будетъ по рожденіи боленъ младенецъ, и не сестъ  
сосца матерня, но и къ смерти будетъ, не подобаетъ ждати,  
якоже нѣціи злѣрекоша, до пяти или до шести дней не  
крестити, но въ тойже часъ, токмо вонъ же родится, омывше  
и крестити ё, да не умретъ непросвещенно.

*Прежде же принесеннъ бывши водъ отъ источника, и  
воляюу въ купль. И свѣщамъ возженнымъ четыремъ и  
поставленнымъ окрестъ купльи.*

*Предстоятель глаголетъ.* За молитвъ святыхъ Отецъ  
нашихъ, Господи Иисусе Христе Сыне Божій, помилуй  
насъ. Аминь.

Царю Небесный, *Трисвятое, по* Отче нашъ.

Господи Иисусе Христе Сыне Божій, помилуй насъ,  
аминь.

*Тропарь Богоявленію, гл. 1.*

Во Иорданѣ крещаются Господи, троическое  
явися поклоняніе, родителейъ бо гласъ сви-  
дѣтельствоваше Ти, возлюбленнаго Тя Сына име-  
нуня, и Духъ въ видѣніи голубинѣ, извѣствоваше  
словеси утверженіе, явлѣйся Христе Боже и міръ  
прсвѣщѣи, слава Тебѣ.

*Тропарь воскресенъ по гласу недѣли, или сей, гл. 6.*

Ангельскія силы на гробѣ Твоемъ, и стрегущей  
отъ страха омертвѣша. И стояше Марія у гроба,  
ищущи пречистаго тѣла Твоего. Испроверже ада,

не иску́шься отъ него. Срѣте Дѣву даруяи животъ,  
воскресъ изъ мертвыхъ, Господи слава Тебѣ.

*Тропарь Пресвятѣй Богородицѣ Одигитріи, гл. 4.*

Къ Богородицѣ прилѣжно нынѣ притецѣмъ грѣшніи со смиреніемъ припадающе и покаяніемъ, вопіюще изъ глубины душевныя. Владычице помози молосердовавше на ны. Потщіяся яко изгибаемъ отъ множества грѣховъ, не отврати рабъ Своихъ тощъ. Тебе бо едіну помощницу ймамы.

*Тропарь Успенію Пресвятыя Богородицѣ, гл. 1.*

Въ рождетсвѣ дѣвство сохранила еси, и во успѣніи міра не оста́ви Богородице, предста́вибося къ животу, Мати сѹщи Животá. И молитвами Твоими избавляеши отъ смерти душа наша.

*Таже тропарь дневныи, и тропарь святому, въ егоже крещаемый нареченъ.*

*Слава и нынѣ. Богородиченъ.*

Молитвами Господи всѣхъ святыхъ и Богородицы, Твой миръ даждь намъ, и помилуй насъ, яко единъ щедръ.

*Посемъ обратитъ крещаемаго къ западу лицемъ. И горѣ руцѣ ему воздвигшу, и вопрошается крестящіяся: имярекъ, отрицаешилися сатаны. И аще въ возрастъ, все отрицаніе самъ крестящіяся глаголетъ, аще ли же младенецъ есть крестяся, предстоятель обращаетъ восприемниковъ со младенцемъ, на западъ лицемъ и вопрошаетъ младенца.*

*Вопросъ. Имярекъ, отрицаешилися сатаны?*

*И вмѣсто младенча слова, отвѣщаютъ восприемницы.*

*Отвѣтъ. Отрицаюсь сатаны.*

*Вопросъ. И всѣхъ дѣлъ его?*

*Отвѣтъ. И всѣхъ дѣлъ его.*

*Вопросъ. И всея службы его?*

*Отвѣтъ.* И всея службы его.

*Вопросъ.* И всѣхъ ангелъ его?

*Отвѣтъ.* И всѣхъ ангелъ его.

*Вопросъ.* И всего студа его?

*Отвѣтъ.* И всего студа его.

*Сіи вопросы и отвѣты сотворяти по 3-жды.*

*И паки вопрошаетъ крещаемого се (3 раза).*

*Вопросъ.* Отречѣлися сатаны, *имярекъ?*

*Отвѣтъ.* Отрекѣхся сатаны.

*И речетъ предстоятель.* И плюни на бѣса трижды къ западу.

*Крестящійся же плюнетъ, 3-жды.*

*Посемъ предстоятель повелитъ крестящемуся, обратитися на востокъ лицемъ, руцѣ ему долу держащу. Аще ли младенецъ, и повелитъ воспріемникомъ обратитися со младенцемъ на востокъ.*

*И вопрошаетъ подобне 3-жды, и сѣ.*

*Вопросъ.* Обѣщавѣшилися Христу, *имярекъ?*

*И отвѣщаетъ крестяся, или во младенца мѣсто, воспріемницы рекутъ.* Обѣщавѣюся Христу, и вѣрую во Единого Бога Отца Вседержителя.

*И глаголютъ исповѣданіе Православной вѣры.*

Вѣрую во Единого Бога. *Весь до конца (3 раза).*

*И паки вопрошаетъ крещаемого (3 раза).*

*Вопросъ.* Обѣщались Христу, *имярекъ?*

*Отвѣтъ.* Обѣщался Христу.

*Вопросъ.* Вѣруеши ли во Христа?

*Отвѣтъ.* Вѣрую во Христа.

*Предстоятель глаголетъ.* Поклоніся Ему.

*И поклонитъ главу крестяся, или воспріемникъ преклоняется со младенцемъ, глаголя.* Поклоняюся Отцу и Сыну и Святому Духу, Троицѣ Единосущнѣй и нераздѣлимѣй.

*И приємъ предстоятель кадилъницу, и покадитъ купль ѓкругъ крестообразно.*

*Посемъ приємлетъ крестящагося руками и крещаетъ, глаголя. Крещается рабъ Божій, имярекъ, во имя Отца. И погружаетъ его къ востоку лицемъ единою, и возводитъ глаголя. Аминь.*

*Таже паки второе погружаетъ его, и глаголетъ. И Сына. Аминь.*

*И паки третіе погружаетъ его, глаголя. И Святаго Духа. Аминь.*

*На коеждо реченіе низводя того въ купли погруженіемъ въ воду, и возводя держа къ себѣ лицемъ. И абіе по крещеніи полагаетъ бываетъ крестивыися куму на руки на синдонъ. Аще ли въ возрастъ, то полагаетъ бываетъ на выю его синдонъ, сирѣчь чехоль.*

*И ставше обычно предъ святыми иконами, глаголютъ псаломъ 31.*

Блажѣни, имже отпустишася беззаконія, и имже прикрѣшася грѣси. Блаженъ мужъ, емуже не вмѣнитъ Господь грѣха, ниже есть во устѣхъ его лесть. Яко умолчѣхъ, обетшѣша кости моя, зовущу ми весь день. Яко день и ночь отяготѣ на мнѣ рука Твоя. Возвратѣхся на страсть, егда унзѣ ми тернъ. Беззаконія мое познѣхъ, и грѣха моего не покрыхъ. Рѣхъ, исповѣмъ на мя беззаконіе мое Господеви, и Ты отпустилъ еси нечестіе сѣрдца моего. За то помолится къ Тебѣ всякъ преподобный, во время благопотрѣбно. Обѣче въ потопѣ водъ многъ, къ Нему не приближатся. Ты еси прибѣжище мое, отъ скорби одержѣщія мя, радости моя, избави мя отъ обышѣдшихъ мя. Вразумлю Тя, и наставлю Тя на путь сей, вонъже пойдѣши, утвержю на Тя очи мои.

Не будѣте яко конь імьскъ, имже нѣсть разума. Браздами и уздою челюсти ихъ востягнеши, не приближающымся къ Тебѣ. Многі раны грѣшному, уповающаго же на Господа, милость обидетъ. Веселитесь о Господѣ, и радуйтесь праведніи, и хвалитесь вси правіи сердцемъ (3 раза).

*И возлагаетъ на крестившагося крестъ съ гайтаномъ, глаголетъ.* Силою и заступленіемъ Честнаго Креста Твоего сохрани его, Господи. *И приложá ко устамъ младенца, надѣваетъ на выю его.*

*И тако одѣваетъ того въ срачицу, глаголя.* Одѣвается рабъ Божіи, *имярекъ*, одѣяніемъ веселія и возрадованія, во имя Отца и Сына и Святаго Духа, аминь.

*На верхнюю же одежду, глаголетъ.* Да возрадуется душа моя о Господѣ, облечé бо мя въ ризу спасенія и одѣяніе веселія возложі на мя.

*И поютъ ѵрмось.*

Ризу ми подаждь свѣтлу, одѣяися свѣтомъ яко ризою, многомилостиве Христе Боже нашъ. *И опояшутъ поясомъ.*

*Посемъ покадитъ святыя иконы, новокрещеннаго и прочихъ.*

*Таже.* Прокимень, гласъ 3-й. Господь просвѣщеніе мое и Спаситель мой, когó ся убою.

*Стихъ.* Господь защититель животу моему, отъ когó ся устрашу.

**Къ** римлянѣмъ посланіе святаго апостола Павла.

**Братіе**, елицы во Христа, Исуса крестихомся, въ смерть его крестихомся. Спогребóхомся убо съ Нимъ крещеніемъ въ смерть. Да якоже востá Христосъ отъ мертвыхъ славою Отчею. Тако и мы во обновленіе жизни ходіти начнемъ. Аще



бо сообразны быхомъ подобію смерти Его, но и воскресенію будемъ причастницы. Сіе вѣдѣяще яко ветхій нашъ человѣкъ съ Нимъ распятыся, да упразднѣтся тѣло грѣховное, яко ктому не работати намъ грѣху, умѣрыи бо оправдися отъ грѣха. Аще ли умрѣхомъ со Христомъ, вѣруемъ яко и живи будемъ съ Нимъ. Вѣдѣяще яко Христосъ воста отъ мертвыхъ, ктому уже не умретъ, смерть ему ктому не обладаетъ. Еже бо умре, грѣху умре единою. А еже живетъ Богови живетъ? Такожѣ и вы помышляйте себѣ, мѣртвымъ убо быти грѣху, живымъ же Богови, о Христѣ Исусѣ Господѣ нашемъ.

**Аллилуія.** Гласъ Господень на водахъ, Богъ славы возгремѣ, Господь на водахъ многихъ.

Аллилуія, аллилуія, аллилуія.

**Отъ Матѣея Святаго Евангелія чтеніе.**

Слава Тебѣ Господи.

**В**о время оно, единіи надесяте ученицы, идоша въ Галилею, въ гору, а може повелѣ имъ Исусъ, и видѣвше Его, поклонишася Ему. Ови же усомнѣшася. И приступль Исусъ, рече имъ, глаголя, дастмися всяка власть, на Небеси и на земли. Шедше научите вся языки, крестяще ихъ, во имя Отца и Сына и Святаго Духа, учаще ихъ блюсти вся елика заповѣдахъ вамъ. И се азъ съ вами есмь во вся дни до скончанія вѣка, аминь.

Слава Тебѣ Господи.

*Посемъ новокрещеннаго приложитъ къ Честному и Животворящему Кресту.*

*Посемъ.* Нынѣ отпускаеши раба Своего Владыко, по глаголу Твоему съ миромъ. Яко видеста очи мои спасеніе Твое, еже еси уготовалъ предъ лицемъ

### Крещеніе мірскимъ чиномъ

всѣхъ людей. Свѣтъ во откровеніе языкомъ, и славу людей Твоихъ Израиля.

Господи помилуй (*40 разъ*).

**Слава и нынѣ.**

Господи помилуй, Господи помилуй, Господи благослови (*съ поклоны*).

*И отпустъ.*

Иже во Иорданѣ отъ Иоанна, нашего ради спасенія креститися приемыи, Господи Исусе Христе Сыне Божіи, молитвъ ради Пречистыя Ти Матере, силою Честнаго и Животворящаго Креста, святыхъ славныхъ и всехвальныхъ апостолъ, *святаго имярекъ*, въ егоже крещенъ, и всѣхъ святыхъ, помилуй и спаси насъ, яко Благъ и Человѣколюбецъ. Аминь.

Господи помилуй (*3 раза*).

Крещеніе мірскимъ чиномъ изъ древлепечатнаго Потребника, переизданнаго въ типографіи при Преображенскомъ богодѣльномъ домѣ, въ Москвѣ 1908 году.

Сей чинъ допустимо совершать: при гоненіяхъ; въ случаѣ смертной опасности младенца, если нѣтъ вблизи православнаго священника. Или же нѣтъ священника стоящаго въ истинѣ и совершающаго правильное православное крещеніе въ три погруженія, а не латинянскимъ еретическимъ обливаніемъ.



## СВЯЩЕННЫЯ СОБЫТІЯ, ПРОСЛАВЛЯЕМЫЯ ВЪ БОГОСЛУЖЕНІИ

*Вечерня* — вечерній часъ напоминаетъ вѣрующему о первомъ на землѣ вечерѣ и о моментѣ, съ котораго началось исчисленіе времени, т.е., о сотвореніи міра. Поэтому на Вечернѣ воспоминается прежде всего сотвореніе міра и человѣка. Кромѣ того, на Вечернѣ воспоминается грѣхопаденіе людей и ожидаемое спасеніе черезъ Иисуса Христа.

*Павечерница* — повечерній часъ совпадаетъ со временемъ отхода ко сну, а сонъ напоминаетъ о смерти, за которой послѣдуетъ воскресеніе. Поэтому въ Православномъ богослуженіи на Павечерницѣ напоминается молящимся о пробужденіи отъ вѣчнаго сна, т.е. о воскресеніи.

*Полунощница* — полунощный часъ издавна освящался молитвою; для христіянъ онъ памятенъ потому, что въ этотъ часъ совершилась молитва Иисуса Христа въ Геѳсиманскомъ саду, и еще потому, что “къ полунощному часу” въ притчѣ о десяти дѣвахъ Господь приурочилъ Свое второе пришествіе. Поэтому за Полунощницей воспоминается молитва Иисуса Христа въ Геѳсиманскомъ саду, Его второе пришествіе и Его страшный Судъ.

*Утренняя* — утреней часъ, приносящій съ собою свѣтъ, бодрость и жизнь, побуждаетъ благодарное чувство къ Богу, Подателю жизни. Посему этотъ часъ всегда освящался молитвою. Въ богослуженіи за Утреней прославляется пришествіе въ міръ Спасителя, принесшаго съ Собою новую жизнь людямъ.

*Первый часъ* — воспоминается судъ надъ Иисусомъ Христомъ у первосвященниковъ, состоявшійся дѣйствительно около этого времени, т.е. около 7 часовъ утра.

*Третій часъ* — воспоминается сошествіе Святаго Духа на Апостоловъ, совершившееся приблизительно въ 9-мъ часѣ утра.

*Шестой часъ* — воспоминается страданія Господа нашего Иисуса Христа на крестѣ, совпадавшія съ 12 ч. дня.

*Девятый часъ* — воспоминается Крестная смерть Иисуса Христа, происшедшей около 3хъ часовъ пополудни.

*Обѣдница* — въ ней содержится воспоминаніе о всей земной жизни Господа нашего Иисуса Христа и установленіе Имъ Таинства Св. Причащенія. Обѣдница или Литургія въ собственномъ смыслѣ христіанская служба, появившаяся раньше другихъ службъ и съ самаго начала пріобрѣтшая характеръ службы, соединявшей воедино христіанскую общину черезъ Таинство Св. Причащенія.

## ПОЯСНЕНИЕ НАЗВАНИЙ ИСПОЛЪЗУЕМЫХЪ ВЪ БОГОСЛУЖЕНІИ

**антифонъ** — (греч. *ἀντίφωνος*) противогласіе, т.е. попеременное пѣніе двухъ, другъ противъ друга стоящихъ, хоровъ. Въ церковномъ богослуженіи такъ называются пѣснопѣнія, избранныя большею частію изъ ветхозавѣтныхъ книгъ и поемыя на обоихъ клиросахъ попеременно. Они возвѣщаютъ главнымъ образомъ пришествіе Сына Божія на землю и всѣ дѣла Его, а иногда содержатъ объясненіе празднуемаго событія.

**богородичны** — пѣснопѣнія въ честь Божіей Матери.

**гласы** — особенныя напѣвы или тоны въ церковной голосовой музыкѣ, заимствованныя изъ греческой гармоніи пѣнія. Всѣхъ гласовъ 8. Каждый гласъ имѣетъ свой отгѣнокъ въ переливахъ голоса и направленъ къ выраженію и побужденію въ христіанахъ достойныхъ чувствъ къ Богу.

**запѣвъ** — краткій стихъ, который поется передъ стихѣрами на стиховнѣ, хвалитныхъ и между тропарями канона.

**зачало** — начало статья изъ Новаго Завѣта, на который онъ раздѣленъ для удобнѣйшаго чтенія въ церкви.

**ипакоіи** — (греч. *ὑπακοή* повиновеніе, послушаніе, внимательное слушаніе), этимъ именемъ называется пѣснопѣніе, полагаемое въ воскресные и праздничные дни на мѣсто сѣдальновъ. Подъ именемъ ипакои нужно разумѣть такой сѣдалень, который требуетъ болѣе внимательнаго слушанія, чѣмъ обыкновенные сѣдалны, на которыхъ можно сидѣть.

**ікосъ** — (греч. *οἶκος*) церковное пѣснопѣніе, вмещающее въ себѣ прославленіе святаго или празднуемаго событія. Въ Минее и Трїодяхъ онъ находится по бой пѣсни канона утрени. Икосы вмѣстѣ съ кондаками составляютъ акаѳисты. *см. еще кондакъ.*

**ірмосъ** — (греч. *εἶρω*; буквально связь, соединеніе). Такъ называется первый тропарь въ ряду другихъ тропарей, составляющихъ одну какую либо пѣснь канона.

**канонъ** — (греч. *κανόν* правило). Въ церковномъ употребленіи это слово имѣетъ двоякое употребленіе. Первое, канонъ есть правило, которое церковь постановляетъ въ отношеніи вѣры и нравственности или церковнаго благочестія для обязательнаго выполненія со стороны вѣрующихъ христіанъ. Второе, канонъ есть, по правилу и извѣстному размѣру сдѣланное, соединеніе многихъ священныхъ пѣсней въ одинъ стройный составъ. Канонъ обыкновенно состоитъ изъ девяти пѣсней.

**катавасія** — (греч. *καταβασία* схождение, выходъ, соглашеніе). Такъ

называется ирмосъ, для пѣнія котораго пѣвцы съ обоихъ клиросовъ сходятъ на середину церкви. Катавасія, когда положена уставомъ, поется въ концѣ каждой пѣсни канона.

**каѳизма** — (греч. *καθίζω* сижу, сидѣніе, сѣдальное). Такъ называется церковное чтеніе изъ Псалтыри, положенное уставомъ, во время чтенія котораго, присутствующіе въ церкви имѣли дозволеніе сидѣть.

**кондакъ** — (греч. *κοντάκιον*, изъ *κόντος* краткій и *οικίον* домикъ) собственно домикъ. *Икосъ* домъ. Въ церковномъ употребленіи и тѣмъ и другимъ именованіемъ называются священные пѣсни, содержащія въ себѣ похвалу святому, или выражающіе сущность праздника. Но между кондакомъ и икосомъ есть различіе, не въ содержаніи сихъ пѣснь, а въ изложеніи содержанія; *кондакъ* есть краткая пѣснь въ похвалу святого или праздника; а *икосъ* пространная пѣснь того же самаго содержанія. Посему икосъ всегда читается послѣ кондака, и никогда не читается одинъ. Въ этомъ случае кондакъ есть какъ бы приготовленіе къ икосу.

**крестовоскресень** — стихъ, имѣющій содержаніемъ распятіе Христова и воскресенія.

**Минея** — названіе богослужебной книги, которая содержитъ службы святымъ и праздника.

**прокимень** — (греч. *πρόκειμαι* буквально значитъ предлагаемый, впередъ поставляемый). Въ церковномъ языкѣ прокимномъ называется стихъ изъ псалмовъ Давидовыхъ, приуроченный къ значенію праздника или дня, и сопровождаемый другими стихами, передъ чтеніемъ зачала изъ Священнаго Писанія.

**псаломъ** — (греч. *ψαλμός* пѣснь, пѣснопѣніе). Въ Библии и церковномъ употребленіи псалмами называются только тѣ священные пѣсни ветхозавѣтной церкви, которыя собраны въ одну священную книгу, извѣстную въ составѣ священнаго кодекса подъ именованіемъ Псалтырь.

**свѣтилень** — стихъ, читаемый на утренѣ по окончаніи канона. Его приравнивали читать тогда, когда начинается свѣтать; поэтому *свѣтилень* и называется, что въ немъ говорится о свѣтѣ невещественномъ.

**стиховна** — собраніе стихѣрь, предваряемыхъ тропаремъ безъ запѣва, поемыхъ или читаемыхъ на вечернѣ послѣ сугубой ектеніи и литіи, а иногда и на утренѣ послѣ канона.

**стихѣра** — (греч. *τα στιχηρά* то, что написано стихами, или стихотвореніе). Въ церковномъ употребленіи именованіемъ стихѣрь разумѣется пѣснопѣнія, по содержанію своему приуроченныя къ воспоминанію празднуемаго событія или къ прославленію празднуемаго святого.

**сѣдалень** — стихъ, во время котораго позволяется сидѣть.

*тропарь* — (греч. *τροπάριον*) краткая пѣснь, въ которой прославляются дѣла Бога или святыхъ Его; это слово въ обширномъ смыслѣ есть общее названіе, свойственное всякому церковному пѣснопѣнію, хотя бы оно и имѣло другое, отличительное наименованіе.

*хвалитны* — стихѣры, поемья преимущественно на утренѣ по канонѣ; названы такъ потому, что припѣваются къ нимъ стихи изъ 150 псалма, начинающіеся словами: *хвалите*.



## СОДЕРЖАНИЕ

Предисловіе . . . . .	3
Воскресная служба . . . . .	4
Вечерня . . . . .	4
Павечерница . . . . .	19
Полунощница . . . . .	29
Утренняя . . . . .	36
Часъ первый . . . . .	70
Часъ третій . . . . .	75
Часъ шестый . . . . .	79
Часъ девятый . . . . .	84
Обѣдница . . . . .	89
<b>Воскресные каноны Пресвятѣй Богородицѣ на</b>	
<b>Павечерницѣ . . . . .</b>	<b>99</b>
Перваго гласа . . . . .	99
Втораго гласа, егда отъ оклеветанія въ печали . . . . .	105
Третіяго гласа . . . . .	111
Четвертаго гласа . . . . .	116
Пятаго гласа . . . . .	122
Шестаго гласа . . . . .	127
Седмаго гласа, молебенъ . . . . .	131
Осмаго гласа, молебенъ . . . . .	137
<b>Каноны Святѣй Живоначальнѣй Троицы на Воскресной</b>	
<b>Полунощницѣ . . . . .</b>	<b>142</b>
Перваго гласа . . . . .	142
Втораго гласа . . . . .	149
Третіяго гласа . . . . .	155
Четвертаго гласа . . . . .	161
Пятаго гласа . . . . .	167
Шестаго гласа . . . . .	173
Седмаго гласа . . . . .	179
Осмаго гласа . . . . .	185
<b>Воскресные каноны на Утрени . . . . .</b>	<b>193</b>

Перваго гласа . . . . .	193
Втораго гласа . . . . .	207
Третяго гласа . . . . .	218
Четвертаго гласа . . . . .	229
Пятаго гласа . . . . .	241
Шестаго гласа . . . . .	252
Седмаго гласа . . . . .	265
Осмаго гласа . . . . .	278
<b>Полунощница по всядневная . . . . .</b>	<b>291</b>
<b>Полунощница во вся субботы . . . . .</b>	<b>296</b>
<b>Воскресные тропари, кондаки, ипакои восьми гласовъ .301</b>	
<b>Дневные тропари и кондаки . . . . .</b>	<b>305</b>
<b>Пасхальное Богослуженіе . . . . .</b>	<b>309</b>
Свѣтлая Утреня . . . . .	309
Пасхальные Часы . . . . .	322
Пасхальная Обѣдница . . . . .	324
<b>Начало общее всѣмъ канонамъ (Молебень мѣрскимъ чиномъ)</b> . . . . .	<b>332</b>
<b>Послѣдованіе о причащеніи святыя воды Великаго освященія на Богоявленіе . . . . .</b>	<b>337</b>
<b>Чинъ крещенія за не имѣніемъ православнаго іерея . . .340</b>	
<b>Священныя событія, прославляемыя въ богослуженіи .347</b>	
<b>Поясненія названій, используемыхъ въ богослуженіи . .348</b>	